

BIBLIOTECA NAZ.
Vittorio Emanuele III

XXIII*

B

30

NAPOLI

58

23





P. E. IABLONSKIĬ

OPVSCVLA

TOM V S II.



THE NATIONAL

OF THE

TO HAVE



PAVLI ERNESTI IABLONSKII
OPVSCVLA,

QVIBVS

LINGVA ET ANTIQVITAS AEGYPTIORVM,
DIFFICILIA LIBRORVM SACRORVM LOCA
ET HISTORIAE ECCLESIASTICAE CAPITA
ILLVSTRANTVR;

MAGNAM PARTEM NVNC PRIMVM IN LVCEM
PROTRACTA, VEL AB IPSO AVCTORE
EMENDATA AC LOCVPLETATA.

TOMVS TERTIVS



EDIDIT ATQVE ANIMADVERSIONES ADIECIT

IONA GVILIELMVS TE WATER.



LVGDVNI BATAVORVM
APVD A. ET I. HONKOOP.

MDCCCLX.

THE UNIVERSITY OF CHICAGO

LIBRARY

1900

THE UNIVERSITY OF CHICAGO
LIBRARY
1900

THE UNIVERSITY OF CHICAGO
LIBRARY
1900



THE UNIVERSITY OF CHICAGO
LIBRARY

1900

1900

1900

1900

ERVDITIS LECTORIBVS

S. P. D.

IONA GVILIELMVS TE WATER.

Praeter spem et expectationem, immo contra fidem in fine praefationis tomi secundi datam, nunc primum pars tertia Opusculorum *Iablonskianorum* in lucem exit. Erant, qui mirarentur, erant etiam, qui aegre ferrent, non citius me meis stetisse promissis. Quod certe nemo omnium mihi vitio vertet, haud immemor horribilis illius et dirae cladis, quae die **XII** Ianuarii a. **MDCCLVII** accidit, et huic urbi tam fuit exitiosa. Haec autem calamitas, ut plurium aliorum, ita et res meas domesticas graviter afflixit, rationemque studiorum non parum conturbavit. Per tempus enim sat longum, aut mihi aetate senili defuit alacer animus ad labores interruptos revertendi, aut librorum plerorumque usus, tunc valde dispersorum, aut etiam locus commodus in aedibus, magnam partem dirutis ac vastatis. Hinc unusquisque continuo intelliget, unde factum sit, ut non diu ante in repetendis hisce Opusculis perrexerim, et adeo fidem liberauerim.

Per mihi gratum acceptumque fuit, non diffiteor, *Heynio* et *Wyttenbachio*, elegantissimae viris doctrinae, aliis item librorum novorum censoribus eruditis anonymis, sive Batavis, sive Gallicis, sive Germanicis, sigillatim quoque scriptori *Annalium Scientiarum*

et Artium in Regno Hollandiae, cura Perillustris *Meermanni* nuperrime editorum; gratissimum igitur mihi evenit, doctis hominibus operam meam qualemcumque, in *Iablonskiana* insumtam, non omnino displicuisse: nec mihi eorum displicuere animadversiones, a *Iablonskio* quamvis aliquoties dissentientium, si quidem ipse, cum in duobus tomis prioribus, tum in hoc tertio, non una in re ab illo me dissentire saepenumero testificatus sum.

Quam sit cuique difficile, mihi omnium maxime, omnibus placere et gratificari, haudquaquam ignoro. Aliis quidem visus sum nimius in scribendis notis ad Glossarium Aegyptiacum, quod tomo primo toto comprehenditur; plures vero animadversiones tomo secundo a me adiungi oportuisse, alii contra iudicaverunt. Quid igitur iam nunc faciendum? Viam tenere mediam optimum duxi. Pleraeque in hac Opusculorum parte dissertationes, ad illustrationem Sacri Codicis et Historiae Ecclesiasticae pertinentes, notis copiosioribus exiguo labore poterant ornari dicam an onerari, sed iis ex trivio arreptis et nemini non obviis. Pauciores et breviores consilio meo et lectorum desiderio satisfacturas opinor. Nihilo tamen minus illustrandae, augendae et emaculandae Disquisitioni *de Lingua Lycaonica*, quae primum in hoc fasce occupat locum, sedulam magis navavi operam, non tam ut inirem gratiam hominum eruditissimorum, qui ipsi in Graecis scriptoribus veluti habitant, et meas ad istum libellum annotationes facili negotio adaugebunt, quam ut, quoad eius possem, iis lectoribus conarer prodesse, quibus aut non vacat, aut minus lubet, eo proposito scripta veterum Graecorum et Latinorum accuratius perlegere, ut ex illis voces quaslibet peregrinas, sive barbaras, colligant et illustrent: quod

tamen quam sit utile et necessarium, ut literatura antiqua illuminetur, *Burtonus*, *Reinesius*, *Bochartus*, *Relandus*, *Lacrozius*, *Forsterus*, *Iablonskii*, pauci alii, suo dudum exemplo abunde comprobarunt.

Qui autem animadvertat, diatriben de *Lingua Lycaonica* opus iuvenile fuisse, et primum omnium *Iablonskii* profectum in literarum politiorum studiis periculum, non is demirabitur, auctorem suo exemplo, quod ad me pervenit, haec adscripsisse verba: „*Δευτέραι Φρονίδες σοφώτεραι*, *Euripides* in *Κρήσσαις*, apud *Athenaeum* L. XIV p. 640.” Ipse enim, per reliquum totius vitae decursum, alia expunxit, alia emendavit, alia complura addidit, ita quidem, ut nova haec editio, ex auctoris autographo ducta, multum castigatior sit, et altera minimum parte auctior. Superfunt tamen in eadem dissertatione, etsi pererudita et a viris summis, ex quo vulgata est, magnopere laudata, quae, meo quidem iudicio, vel omitti queant, vel, contra, eximie augeri, vel ab antiquitatis linguaeque Graecae et historiarum peritis possint emendari. Atque eo inprimis meae spectant, quas allevi, annotationes tantum non omnes, de quibus iudicent, velim, istarum rerum intelligentiores, adeoque satis idonei ad meos quoque errores corrigendos.

Ex literis *Hermanni van der Hardt*, d. xv Iulii a. MDCCXVI Helmstadio ad *Iablonskii* nostri patrem datis, haec verba emendato et locupletato Disquisitionis exemplo adscripta inveni: „De *Lingua Lycaonica* Dissertatio
 „erudita tanto mihi gratior, quanto luculentius documentum Geographiae veteris a Filio curate ex-
 „cultae; quod argumentum solidioris Philologiae
 „tantum non primum. Inprimis *Lycaoniae* sedes
 „circumscripita arrisit, quod urbem Ἰκόνιον *Iconium*
 „Fi-

„ Filius habuerit in oculis, quae in Caini familia
 „ gloriam nominis fecit. Prima illa urbs in Sacris
 „ commemorata. Obscuritas quondam urbis, anti-
 „ quitatem non tollit, sed iuvat. Nec diluvio diru-
 „ tae urbes, sed homines extincti. A diluvio cum
 „ annis priores urbes revocatae, resuscitatae, redin-
 „ tegratae, auctae. Tota Caini domus in Asia Mi-
 „ nore. **נור ארץ** stylo Moſis, Terra Homonadensium.
 „ Ibi Iconium. Sed ex itinere in viam, in Lycao-
 „ niam Tuus eruditus nos duxit Filius. Pergat etc.”
 Huic epistolae *Hardianae* parti ſequentem ſubnexus
Iablonskius animadverſionem: „ Cum hic ſuſpicetur
 „ Clariffimus *van der Hardt*, Lycaoniam fuiſſe ſedem
 „ domus Caini, et in urbe Iconion veſtigia Chano-
 „ chi filii Caini ſuperſeſſe, potuiſſet ſententiam ſuam
 „ firmare ex *Stephano Byzantio*, qui illic terrarum
 „ fuiſſe quemdam *Ἀνναδὸν* primis temporibus com-
 „ memorat. Vide eum in *Ἰκόνιον*. Sed dubium me-
 „ rito eſſe poteſt, an Iconium ante diluvium fuerit
 „ condita; an, ſi fuiſſet ante diluvium condita, poſt
 „ diluvium ſuperfuiſſet; an etiam Caini et poſteriorum
 „ eius praefertim ad Gentiles derivata fuerit memo-
 „ ria. S Scriptura teſtatur, omnes praeter Noachum
 „ eiusque familiam homines, aquis obrutos, periſſe.
 „ Et cum diluvio perierunt ſine dubio priſtinae urbes,
 „ earumque incolae, et incolarum memoria”. Quid
 in utriusque obſervatione aut veri inſit, aut falſi, opus
 non eſt, ut hic diſquiratur. Ex diverſo autem lite-
 rarum ductu coniectura aſſequor, *Iablonskium* adhuc
 iuvenem verba *Hardtii* deſcripſiſſe, ſed aetate prove-
 ctiori ſuum de iis adieciſſe iudicium.

Differtationem de cognatione Iudaeorum et Lacedae-
 moniorum, cuius mentio facta eſt a ſcriptore libri primi
 Maccabaeorum atque a *Fl. Iosepho*, cur hic recundendam
 cen-

censuerim, pag. 261 significavi. Nefas sit silentio praetermittere praeclaram *Wytenbachii* nostriani adversi-
nem, qui, perlecta meo rogatu ista dissertatione, typis
iam descripta, haec mihi perhumaniter scripsit: „Co-
micum, siquidem ἀποτέθρακεν scripsit, *Thraces* signi-
ficasse, res ipsa loquitur; et sic statuunt *Berglerus* et
Brunckius ad h. l., hanc vulgatam lectionem alteri, a
Suida oblatae et *Kustera* probatae ἀποτέθρακεν,
praeferentes. *Iablonskius* p. 270 pro ἀποθράζειν
debebat scribere ἀποθράττειν. Hoc enim *Thraces*
notat: sed decepit eum hodiernae pronuntiationis
sonus. In *Stephano Byz.* an quis alius ex Σπάρτων
tentaverit facere Σπάρτων ἐνός; nescio, nec quid
ad *Stephani* mei marginem annotatum reperio.
Caeterum parum proficitur ista mutatione: siqui-
dem Σπάρτων pro patronymico nominis Σπαρτὸς ac-
cipi potest. De *Aristophanis* lectione sentio cum
Berglera et *Brunckio*, quorum hic etiam exitum
versus meliorem praebet, pro ἀν ponens τίς; *Ia-*
blonskii sententia paucioribus paginis poterat com-
prehendi: is vero suo more verbosus est. Dispu-
tatio quamvis haud adeo exquisitae doctrinae, ta-
men scitula, et idonea confutanda veteri errori”.

Ad dissertationem primam *de rebus a Paulo Apostola*
gestis, sed a Luca in Actis Apost. non commemoratis,
p. 316 fidem dedi, de argumento illius me in hac prae-
fatione pauca dicturum. Vulgatior nempe virorum erudi-
torum sententia, de Paulo Romae altera vice in car-
cerem coniecto, item de quibusdam epistolis ab eo
scriptis, factisque itineribus ad propagandam doctri-
nam Christianam, medio tempore priora inter et po-
steriora vincula; haec igitur sententia *Iablonskio* valde
arripit, lumen ipsi praeferentibus *Scaligero*. *Vsserio*,
Petavio, *Pearsono*, *Millio*, *Alphenio*, aliis, Chro-
no-

nologiae et omnis Historiae usu quam maxime excellentibus. Quo fundamento cum tota disputatio nitatur, praecipuum illius argumentum non magni aestimandum erit, si semel tantum in Vrbe captivus habitus fuerit Paulus, nec ante mortem violentam sub Nerone vinculis solutus. Ita vero visam est *Hubero*, *Wagenario*, *Klinkenbergio*, *Heinrichsio*, paucis eruditius aliis, quibus assentitur Rev. *Hafelaar* in dissertatione de nonnullis Actuum Apostol. et Epistolarum Paulinarum ad historiam Pauli pertinentibus locis (Lugd. Bat. a. 1806) p. 163—172. Hinc illincque argumentis exquisitis subtiliter disceptatum est, nec controversia sic ad liquidum perducta videtur, quin dicere audeam, priorem sententiam hucusque mihi magis probari. Credibile sit, de repetita Pauli captivitate Romana, in dissertatione altera, si prodiisset, *Iablonskium* plenius fuisse acturum.

Monui in praefatione tom. I p. xxvi, binas de *origine Festi natalium Christi* dissertationes multis ante annis Batave versas editasque esse, sed, quis earum fuerit interpres, me nescire. Haec scribenti, non mihi in memoriam revocabam, testari Clar. *Gerdesium*, is enim latet sub literis D. G., versionem deberi *Theodoro Lubbers*, Theologo deinde Groningano, atque ductas eas esse a Diario Francofurtano, Germanice edito. Legitur interpretatio Batava in libro inscripto: *Bundel van Godgeleerde, Oudheid-Geschied- en Letterkundige Oeffeningen*, vol. XI p. 107—126. Nescius fuit *Gerdesius*, Schediasma illud, Novis Literariis Francofurtensibus primum Germanice additum, postea Latine versum esse, et a *Iablonskio*, ut ipse significat tom. III Opuscul. p. 362 (h), multis accessionibus locupletatum. Si quis interpretationem Batavam comparare velit cum dua-

duabus dissertationibus, quae nunc primum e codice autographo Latine in lucem promuntur, mox apparebit; quantum sit utriusque exempli discrimen, quantae huius editionis praestantia.

Etiamsi equidem ego valde dubitem, quod iam dictum p. 316 et 503, an reliquae *Iablonskii* dissertationes, seu *de rebus a Paulo gestis post ea tempora, in quibus Actus Apostolorum, a Luca narrati, desinunt*, seu *de Cerintho eiusque opinione de regno Christi millenario*, umquam literis consignatae et editae sint; unumquemque tamen humanissime rogatum velim, ut, si istius generis disputationes, vel typis expressas, vel ineditas, in scriniis habeat, ad me perferri curet, ut quartae horum Opusculorum parti queant adiungi.

Fuit unus item et alter, qui Latinitatem *Iablonskianam* emendatam cuperet. Quod si fortasse, aliqua saltem ratione, fieri a me quidem potuisset, non tamen id integrum editori alieni operis esse mecum ipse reputavi. Quas *Iablonskii* ad marginem complurium libellorum apposuerat istiusmodi emendationes, lubens eas in textum recepi: in ceteris, non quid scribi oportuerit, sed quid scripserit, spectandum esse existimaui, et hoc retinui. Errores autem in citandis scriptoribus antiquis, per festinationem vel aliis de causis non raro commissos, passim emaculavi; sed et, quoties necesse videbatur, ipsa veterum verba in recentioribus ac praestantioribus editionibus diligenter contuli, vel indidem sumpta, uncis tamen inclusa, in contextum recipere non dubitavi.

Denique, non unius generis huic etiam parti subnexui indices; sed in quibus, inter plura et graviora
ne-

negotia confectis, facile fieri potuit, quaedam ut negligenterentur. Ea vero Lectores huius operis, ex solis librorum indicibus, quorum tamen usus multiplex est, sapere non contenti, sine magno labore ipsi supplebunt.

Ita vos valete, et mihi, quod fecistis, in posterum favete.

Scipii Leidae Kalend. Octobr. a. MDCCCIX.

TERTIA HAC PARTE
CONTINENTVR

Disquisitio de Lingua Lycaonica, ad
locum Actor. xiv. 11. pag. 3 — 142.

Theses Theologicae circulares, quibus
genuinus sensus capituli ix Epistolae
Pauli ad Romanos modeste expendi-
tur. pag. 143 — 153.

Disquisitio de futura Iudaeorum con-
versione illustri, ex Epist. ad Rom.
c. xi. pag. 154 — 184.

Dissertatio de cognitione Christi se-
cundum carnem, 2 Cor. v. 16. pag. 185 — 201.

Dissertatio periodica, exhibens spi-
cilegium breve observationum de
epistola scripta Laodicea, ad Co-
loll. iv. 16. pag. 202 — 242.

Dissertatio de Iezabele, Thyatireno-
rum Pseudo-Prophetissa, ad
Apoc. 11. 20. pag. 225 — 260.

Cogitationes de Lacedaemoniorum
cum Iudaeis cognatione, ad locum
1 Maccab. xii. 7, 21. pag. 261 — 286.

Dissertatio 1 de ultimis Pauli Apostoli
laboribus a B. Luca praetermissis. pag. 289 — 316.

*Dissertatio prima de Origine Festi
Nativitatis Christi, in Ecclesia
Christiana quotannis stato die cele-
brari soliti.* pag. 317 — 345.

*Dissertatio secunda de eodem argu-
mento.* pag. 346 — 376.

*Dissertatio de Origine imaginum Chri-
sti Domini in Ecclesia Christiana.* pag. 377 — 406.

*Dissertatio, qua continentur de
Sanctis quibusdam incognitis,
quorum memoriae cultuique anni-
versario, in fastis Ecclesiae Roma-
nae, dicatus est dies XIX Ianuarii,
coniectanea.* pag. 407 — 440.

*Dissertatio prima de Regno Mille-
nario Cerinthi.* pag. 441 — 476.

*Dissertatio secunda de eodem argu-
mento.* pag. 471 — 503.

DISPUTATIONES,

QVIBVS SACRI CODICIS LOCI DIF-
FICILIORES ILLUSTRANTVR;

AB AVCTORE PLERAEQVE EMENDATAE
ET LOCUPLETATAE.



DISQVISITIO [*]

DE LINGVA LYCAONICA, AD LOCVM

ACTOR. XIV. II,

Ἐπῆραν τὴν Φωνὴν αὐτῶν Λυκαωνισὶ λέγοντες.

Perillustri atque Excellentissimo Baroni, Domino
MARQUARDO LVDOVICO DE PRINTZEN,

Potentissimi Regis Borussiae Consiliario Status intimo, Mareschallo supremo, arcis praefecto, rerum Ecclesiasticarum omnium ac Feudalium Directori, aedis Dominicae Magdeburgensis Canonico, Comitatus Ruppiniensis agrique Bellinensis Praefidi, Domino suo benignissimo.

Perillustris atque Excellentissime Baro,
Domine benignissime

Et si Dissertatio haec, quam Tibi offero, Perillustis Domine, cum per se levis sit, tum vero maxime arduis Tuis negotiis atque occupationibus non bene convenire videatur, veniam tamen Te pro incredibili Tua humanitate audaciae meae daturum esse confido, ubi primum intellexeris, quid me impulerit ad fronti huic Tuum perillustre nomen inscribendum. Est vero illud tam iustum tamque pium, ut, si id, quod

[*] Vide Praefationem, tom. I pag. VIII, X, XXV, et quae monui in Praefatione ante tertiam hanc Opusculorum partem.

quod nunc facio, aut intermissem, aut neglexissem, in reprehensionem bonorum merito incurrerem. Etenim cum Musarum Prussicarum praesidium Tibi propitio Numine iam dudum commissum sit, ego vero Tuis hisce auspiciis complures annos, partim in Gymnasio Regio, partim in alma Viadrina, Musis impenderim, officium meum a me id efflagitat, ut studiorum meorum rationem Tibi reddam. Quodsi vero ego, qui Sanctiori Divinoque studio totum vitae meae tempus addixi, parum aptam materiam selegisse videar, fateor equidem, me hactenus literas, quas vocant humaniores, pro ingenii modulo didicisse et excoluisse, sed ita tamen, ut ipsius Theologiae, tamquam principis studiorum meorum partis, non obliviscerer. Persuasus enim semper fui, idque hortatu etiam S. Basilii, literis humanioribus Sacras non modo mirifice exornari, verum etiam optimo more superstrui, atque illis, ceu fundamento cuidam bene recteque posito, secure inniti. Accipe igitur serena fronte hoc quicquid est, etsi leve est, mei tamen animi, perillustri Tuo nomini unice dicati, symbolum atque tesseram, et studia mea, etsi in iis nihil praeter conatum literas addiscendi deprehendes, vel tamen propter hoc ipsum Tuo favore Tuaque benevolentia excita inque maius provehe. Te vero, Perillustris Domine, summum Numen diu superstitem et incolumem conservet, ut, quod hactenus fecisti, Rempublicam pariter et Ecclesiam consilio ac re prudenter porro gubernare possis.

Perillustris atque Excellentissime Domine,
Tuae Excellentiae devotissimus cliens

Berolini die
5 Iunii MDCCLXIV.

Paulus Ernestus Jablonski.

Pro-

Prooemium, in quo ratio scribendi redditur.

Non eram nescius, cum huic rei pertractandae me accingerem; opus me suscepisse, cum propter multorum hominum opiniones inglorium et inane, tum propter difficultates paene insuperabiles arduum atque laboriosum. Neque enim dubitare poteram, fore non paucos, qui hanc materiam tamquam vilem indignamque, cui operam navarem, reprehensuri essent, cum non modo nulla linguae *Lycaonicas* nunc essent vestigia, sed nec in vetustis quidem monumentis, praeter unam forte aut alteram vocem, illius mentio inveniat. Illis equidem prolixè satis respondere possem, atque summorum virorum, qui in hac palaestra desudarunt, exemplis ostenderem; et literas elegantiores et ipsam S. Scripturam nonnihil lucis ex hac disputatione accipere. Cum autem instituti mei ratio id minus permittat, unice hoc peto, ut faciles et benigni lectores aetatis meae iuvenilis, severioribus disciplinis necdum aptae, rationem habere velint. Venit aliud ob mentem, magis mihi metuendum. Etenim cum viæ insitam, magnam partem inviae et desolatae, non potuit evenire, ut in rebus omnibus veritatem assequer, aut saltem indubitatam efficerem. Terrebant me initio magna virorum illustrium nomina, quos mihi adversari intelligebam; atque profecto opus, cum ei ferendo par non essem, plane abiecissem, nisi vidissem, viros etiam doctissimos in eadem mecum esse sententia, eosque inter, quem honoris causa nomino, praestantissimum virum *Richardum Bentleium*, quo in his rebus peritior hodie vivit nemo. Eorum suffragio confirmatus, spartam paene desertam resumsi, pensaturus olim Dei O. M. ope, si quid, vel immaturi

iudicii culpa, vel defectu lectionis, quae tantae rei sufficiat, nunc deliquero.

§ 1. *Status controversiae proponitur.*

Ansam huic disputationi, quam prae manibus habemus, praebuit locus S. Scripturae Act. xiv. 11, ubi Lucas scribit: *Cum vero multitudo videret id, quod Paulus fecerat, susstulerunt vocem suam, dicentes lingua Lycaonica, Λυκαονισὶ λέγοντες, Dii hominibus assimilati ad nos descenderunt.* Quaeritur enim hic, quatenam sit illa lingua *Lycaonica*, siue lingua quaedam peculiaris et ab aliis distincta, an vero secus? In diversa abeunt, qui hunc locum, quamvis sint pauci numero, interpretari haecenus aggressi sunt. Etenim quidam existimant, non esse hanc linguam distinctam a Graeca, nisi ratione peculiaris dialecti, propter quam vocetur *Lycaonica*, quales fuerunt, praeter celebres istas tres vel quatuor, Boeotica, Laconica, Arcadica, aliae, et quae longius abibant, Cretica, Rhodia et similes aliae. Quibus ista sententia displicet, ii affirmant, fuisse linguam *Lycaonicam* plane a Graeca alienam, quales fuerunt lingua Scythica, Persica, Aegyptiaca et aliae. His ut plurimum venerandi Patres assentiuntur; atque sic etiam, ut quidam eorum, dum scopulum vitant, in contrarium incurrant. Cuius rei exemplo esse potest facundus ille *Chrysostomus*, qui [tom. ix p. 235, 236 ed. Montfauconii] hunc locum enarrans ait: 'Αλλ' οὐκ ἦν τοῦτο οὐδέπω δῆλον, τῇ γὰρ οἰκείᾳ Φωνῇ ἐφθέγγοντο· διὰ τοῦτο οὐδὲν αὐτοῖς ἔλεγον· ἐπειδὴ δὲ εἶδον τὰ σέμματα, τότε ἐξελθόντες, διέρρηξαν τὰ ἱμάτια αὐτῶν, hoc autem neutiquam intelligebant (Apostoli), nam (Lycaones) domestica sua utebantur lingua; idcirco nihil illis respondebant. Ut vero viderunt coronas (quibus gentiles in sacris utebantur), tum egressi vestes suas (Apostoli) dilacerarunt.

Quam

Quam sententiam, ut quae indigna tanto Apostolo; quantus fuit Paulus, contineret, merito damnat doctissimus *Bentleius*, de stultitia Atheismi p. 279, qui tamen in eo consentit, fuisse a Graeca lingua hanc *Lycaonicam* haud parum diversam. Longius progreditur *Hugo Grotius*, vir incomparabilis, qui in commentario super hunc locum ait, *Lycaonicam* linguam fuisse Cappadocicam. De qua viri illustrissimi sententia in sequentibus plura dicemus.

§ 2. *Singulorum argumentis expensis, concluditur, linguam Lycaonicam non esse Graecam.*

Vidimus haftenus, quae principes virorum eruditorum de ista lingua sint opiniones. Aequum est, ut ante, quam certi aliquid in his definiamus, singulorum argumenta diligenter pensitemus.

Qui dialectum Graecam fuisse contendunt, hoc potissimum ii nituntur, quod omnes dialecti Asiae minoris, veluti Phrygia, Lydia, Carica aliaeque, fuerint Graecae. Omitto iam quaerere, fuerintne illae dialecti Graecae, an minus, de quo commodius postea disputabitur. Verum age, concedam, Phryges, Lydos, eosque populos, qui oram hanc Asiae maritimam habitarunt, usos fuisse dialecto Graeca, non tamen inde continuo sequitur, regiones mediterraneas, Graecis ante Alexandri Magni tempora fere impervias, qualis fuit *Lycaonia*, etiam linguam Graecam adscivisse. Si quis vero asseverare velit, debellationem Asiae per Alexandrum M. linguam huius gentis effecisse Graecam, is multo manifestius errare dicendus erit. Namque in textu Lucae sacro Graecus sermo, quo Apostoli usi erant, diserte τῇ τῶν Λυκαόνων φωνῇ opponitur. De illa igitur antiqua *Lycaonum* lingua disputatio instituta est, sitne haec dialectus Graeca, paulo longius fortasse abiens ac deflectens, an vero a Graeca lingua plane aliena.

Qui contrariam amplectuntur sententiam, adeoque linguam *Lycaonicam* a Graeca prorsus diversam iudicant, satis etiam instructi in hoc certamen literarium descendunt. Duo validissima argumenta nobis subministrat illustris *Bentleius*, de stulticia Atheismi p. 279; atque primo monet, *Ephorum*, et ex eo *Sirabonem* Lib. xiv [p. 977, 978], universos fere Asiae minoris populos Barbaris accensere; deinde locum adducit *Stephani Byzantii*, qui in v. Δέρβη scribit, ἄρχευθον *iuniperum* sermone *Lycaoniorum*, ἐν τῇ τῶν Λυκαόνων φωνῇ, dictam fuisse Δέλβειαν. Conferatur *Drusii* in voces N. T. Commentarius prior v. *Derbe* p. 53. Illic *Lycaonum* linguam tamquam peculiarem aliquam nobis sistit; et ipsa quoque vox, quam affert, nec Graeca est, nec Graecae originis esse videtur. Dolendum vero est, virum doctissimum hanc rem, utpote ab instituto suo alienam, fusius non potuisse eo in loco docere. A voce Δέλβεια *Lycaonica* non multum differt Aegyptiaca ΤΕΛΒΙΔΑ significans *iuniperum*, pro qua, sine nota foemini generis, Λιβίουμ apud auctorem appendicis ad *Dioscoridem* Lib. 1 cap. 103, ut in Collectione vocum Aegyptiacarum [t. 1 Opuscul. p. 126] observavi. Videntur autem Aegyptiaca herbarum nomina per totum Orientem dissipata fuisse, cum Aegyptii prae reliquis omnibus fuerint rei herbariae studiosi. Ut hoc ad dam, Δέρβη, cuius mentio facta fuit, forte etiam est nomen Aegyptiacum. Ista enim lingua ΤΕΡΒΙ dicebatur ἑπαυλις. Vid. Exod. viii. 13, Psalm. LXIX. 25. (a).

Vt

(a) Sic Carthago apud *Plautum* [*] dicitur *Chadre Anac*,
id

[*] In Poenulo A. V. Sc. 2. v. 35 Sed est varietas, cum lectio-
nis, tum interpretationis

Vt in viam revertamur; iam ante *Bentleium* in eandem sententiam de lingua *Lycaonica* concesserat alius Anglus, eruditione maxima conspicuus, *Lightfootus*, Opp. Tom. II p. 731, motus hac ratione, quod *Strabo* Lib. VIII [p. 568] Cares vocet Βαρβαροφώνους ex *Homero* II. B v. 867. Rem ipsam satis perpexit vir eruditus, quamvis illa ratio, quam addit, rem nostram non plane conficere queat. Etenim si, quod res est, dicere volumus, maximum inter Βαρβαροφώνους et Βαρβάρους discrimen positum esse invenimus. De Barbaris disserendi paulo post melior se offeret occasio. Nunc observabimus, Βαρβαροφώνους apud veteres duplicis praecipue (b) generis existisse, qui utrique fuerint velut semibarbari. Alterum eorum genus sic dicebatur a sono quodam crasso et obscuro, quo voces proferre solebant, quasi barbarum sonantes. Generatim Βαρβαρόφωνος est, qui insueto sono utitur. Nam sonus in linguis plane attendendus est; quam in rem elegans locus est apud

Quin-

id est, exponente *Bocharto* in *Geographia* [lib. II c. 6] p. m. 363, עַנְיָ - יִרְיָ, ἑπαυλις τοῦ Ἀνάκ. Vide et *Hornium* Orig. Americ. L. II p. 78. In Phrygia urbs commemoratur Μανδράπολις, apud *Stephanum Byz.* in h. v. Iconium prius dictam fuisse Ἀμανδρην, quasi dicas τέρεβς, testis est auctor *Chronici Alexandrini* p. 92. ed. Raderi. In Aegypto erant *Scenae Mandrae*, non procul a *Babylonia*, ut patet ex *Itinerario Antonini* Aug. p. 169. Scribit *Plutarchus* in *Marco Catone* p. 616 ed. Steph. ἦν δὲ πλῆσιον αὐτοῦ τῶν ἀγρῶν ἣ γενόμενῃ Μανίου Κουρίου — ἑπαυλις.

(b) De variis *Barbarismorum* generibus vide *Quintilianum* Lib. I Inst. Orat. c. 5, *Strabonem* Lib. XIV p. 455, 456. [976 — 978], *Aulum Gellium* Lib. XIII c. 6, *Suidam* in v. Θερῖω [t. II p. 187], *Scaligerum* Prolegom. in *Manilium* p. 2, 3. Conferantur, quae infra dicentur § 5.

Quintilianum Lib. i c. i (c). Putabant igitur veteres, eos, quos vocabant Barbaros, alio quoque sono, voces proferre. Notatu dignissimus locus est *Porphirii* de Abstinencia Lib. iii [§. 3] p. 244, 245 ed. Lugd. Hinc ejusmodi hominum sermonem cum sono (d) animalium comparabant. Lingua Medorum assimilatur latratui canum, apud *Plutarchum* in Cimone p. 490. Diogenes ait in *Luciani* Βίων πράσει p. 366 [τ. i p. 550], Βάρβαρος δὲ ἡ Φωνὴ ἔστι, καὶ ἀπηχῆς τὸ φθέγμα, καὶ ἀτεχνῶς ὁμοιον κυνί. Varias hominum Φωνὰς cum Φωναῖς animalium variorum componit *Aelianus* Lib. v. de Nat. Anim. c. 51. Iungatur *Hesychius*, in v. Χελιδόσι observans, τοὺς Βαρβάρους χελιδόσι ἀπεικάζουσι διὰ τὴν ἀσύνθετον λαλίαν [ubi notavit *Verweyus*]. Illud autem Barbaroφωνίας vitium *Strabo* Lib. xiv p. 662 [977] etiam appellat Βαρβαροσομίαν, quam vocem optime in-

(c) De Φωνῇ Barbarorum hoc sensu vide *Sextum Emp.* Lib. i Hypot. p. 16 edit. Genev. Pari ratione distinguuntur Φωνὴ et διάλεκτος, apud *Plutarchum*, vel quisquis auctor, de Fluminibus p. 375, Φωνὴ et λέξις apud *Diogenem Laërtium* Lib. vii [segm. 57] p. m. 471, qui scribit, διαφέρει δὲ Φωνὴ καὶ λέξις· ὅτι Φωνὴ μὲν καὶ δ' ἡχὸς ἐστὶ, λέξις δὲ τὸ ἑναρθεῖον μόνον. Pertinet huc, quod scribit *Tertullianus* de Testim. Animae cap. ult. *Omniū gentium una anima, varia vox, unus spiritus, varius sonus.*

(d) Sermonem Barbarum cum stridore aquae bullientis confert *Eubulus* apud *Athenadum* Lib. vi p. 229 [380]

προσγελῶσά τε

Λοπαὶ παφλάζει βερβάρῳ λαλήματι.

Vid. *D. Heinsius* de Sat. Lib. i p. 40, 41. — De Troglodytis legatur *Eustathius* ad *Dionysii* Perieg. [v. 184 sqq.] p. 34. — Addatur Pauli locus i Cor. xiv. 11.

interpretatur magnus *Salmasius* in Funere [Offilegio] Linguae Hellenist. p. 303. Nomine hoc Βαρβαροφώνων apud veteres insignes erant Cares. *Homerus* canit II. B. v. 867 siue Catal. v. 374

Νάξης αὖ Καρῶν ἡγήσατο βαρβαροφώνων.

ad quem locum Scholiastes monet, Βαρβαροφώνων, ἀγριοφώνων (e), καὶ τὴν Ἑλλάδα φωνὴν ἡχρηστικόντων, ὅτι τὰ μὲν ἀρρένικα θηλυκῶς ἔλεγον, τὰ δὲ θηλυκὰ ἀρρένικῶς. *Homeri* locum repetiit *Strabo* Lib. xiv p. 661 [976], sed pro Νάξης dedit Μάσθλης. De iisdem Caribus *Tullius* testatur in Oratore ad M. Brutum cap. 8: *Itaque et Caria et Phrygia et Mysia, quod minime politae minimeque elegantes sunt, adsciverunt aptum suis auribus opimum quoddam et tanquam adipatae dictionis genus, quod eorum vicini Rhodii nunquam probaverunt, Graeci multo minus, Athenienses vero funditus repudiaverunt.* Idem cap. 15: *Est autem in dicendo etiam cantus obscurior, non hic e Phrygia et Caria etc.* Fuisse hunc sonum velut ululantis, ex eodem *Cicerone* discimus cap. 8: *Cum vero inclinata ululantique voce, more Asiatico (f), canere coepisset.* Quod de his populis narrat etiam *Eustathius* in *Dionysium* Perieg. [ad v. 787 sqq.] p. 118 ed. Rob. Steph., et apud eundem *Aeschylus*. Conferatur omnino *Strabo* l. c. [Lib. xiv p. 977 et 978]. Itaque hi populi, quamvis etiam Grae-

(e) Ἀγριοφώνων nomine appellantur antiqui Lemni incolae ab *Homero* Odyss. θ. 294.

(f) *Petronius* p. 41 et 42: *In foro sic illius vox crescebat, tanquam tuba, nec sudavit unquam, nec exspuit. Puto eum nescio quid Asiatici habuisse.* Comparantur *Strabo* Lib. xiii p. 422 [930], *Suetonius* in Octav. c. 86, *Cicero* de claris Oratoribus c. 13 et 95.

Graeca lingua uterentur, erant tamen Βαρβαρόφωνοι. Quin imo ipsius Graeciae quidam populi sub hunc censum veniebant. *Hesychius* ait, Βαρβαρόφωνοι οἱ Ἠλεῖοι καὶ οἱ Κάρες, ὡς τραχύφωνοι καὶ ἀσαφῆ τὴν φωνὴν ἔχοντες, *Barbarilingues dicti sunt Elei et Cares, ut qui duro et obscuro oris sonitu laberent*. Loquitur de Eleis, non vero de Iliensibus, ut vult *Vossius* in *Etymologico* v. *Barbarus*, secutus *Scaligerum*, qui Ἠλεῖοι mutabat in Ἠλεῖς (g). Minus recte sic iudicasse viros summos, nos docet *Eustathius*, cuius verba in notis citabo.

Est et alterum Βαρβαρόφωνον genus, qui nec barbara lingua utebantur, neque obscuram istam dictio-

nem

(g) Videtur illa Eleorum Βαρβαρόφωνία in nimio usu literae ρ conslitisse. Coniecturae huic primam occasionem mihi praebuit *Strabo* Lib. x p. 308 [687, 688]; ubi de Eretrienſibus, Eleorum ἑποίκις, et a quibus didicerant frequentiore literae ρ usum. Conf. notae *Casauboni*. Meminit, praeter *Platonem* et *Athenaeum*, τοῦ Ἑρετριικοῦ ῥῶ *Phrynichus* de dictionibus Atticis p. 18 edit. 1601. Consultatur quoque *Leopardus* Lib. viii Emendationum c. 15, ubi tamen memineris *Eustathium* corrigere ex *Varino*, non contra, ut volebat. *Eustathii* locus, quem respicit *Leopardus*, exstat in Il. A p. 114. alius vero eiusdem *Eustathii* locus, qui haec omnia egregie illustrat et meam coniecturam confirmat, exstat in Il. B. p. 279, Ἐκωμφοῦντο οἱ Ἑρετριεῖς ὡς πολλῶν τῶν ρ ἐν ταῖς ὁμιλίαις χρώμενοι· διὰ καὶ αὐτοὶ, καθὰ καὶ Ἠλεῖοι, Βαρβαρόφωνοι ἐκαλοῦντο, ὡς ἐν Ῥητορικῷ εὕρηται Λεξικῶν, διὰ τὸν πλεονασμὸν τοῦ ρ, οἱ μέντοι Κάρες ἄλλως Βαρβαρόφωνοι. Ex quibus verbis etiam patet, utrumque et *Phavorini* et *Eustathii* locum apud *Leopardum* sollicitandum non esse, utpote recte se habentem. Nam Elei atque Aetoli eiusdem viiii ibi redarguuntur. Vide praeterea eundem *Eustathium* in Il. B. p. 304, Il. Δ. p. 440, 484, 492. Vitium istud veteres appellabant ῥῶζειν, monente *Sopringio* ad *Hesychium* v. Ῥίζων.

nem sive elocutionis rationem sequebantur, sed vocibus barbaris et suis promiscue utebantur. In hanc sententiam *Diodorus Siculus* Lib. 1. p. 5 [p. 11 edit. Wesselingii, in qua e textu electum ὑπαρχούσης] meminit τῆς Φωνῆς ἀσήμου καὶ συγκεχυμένης ὑπαρχούσης; et ἡχὴ τις ἄκριτος καὶ συμμιγῆς occurrit apud *Plutarchum* in *Timol.* p. 249. A. Quod *Hesychius* pariter docet his verbis, Ἀκριτόφωνοι, Βαρβαρόφωνοι· συγκεχῡται γὰρ ἡ Βαρβάρων Φωνή, Qui promiscue loquuntur, dicuntur Barbarilingues; Barbarorum enim lingua confusa est. Videtur respici ad verba *Homeri* II. Δ. v. 437, 438, ad quem locum omnino videndus *Eustathius* p. 494. Ex quibus intelligitur, quod dixi, non eosdem esse Βαρβαρόφωνους et Βαρβάρους. Quamvis ergo doctissimus *Lightfootus* rem ipsam acu tetigisset, non sane hoc argumento impetus adversariorum frangere potuit.

Grotius vero sententiae suae, quam affert, plane nullam rationem reddit, eamque nobis examinandam relinquit, quod paucis deinde tentabimus.

Quidquid sit, illae rationes, quas excellentissimus *Bentleius* protulit, rem faciunt planam et perspicuam, nihilque restat, quam ut eam ab aliorum assultibus tutam et securam praestemus.

§ 3. Ad obiectiones quasdam generaliores respondetur.

Antequam in hoc curriculo pergam, unum impedimentum, quod nonnihil negotii facessere videtur, e medio tollendum esse duco. Etenim multi scriptores Graeci, ne *Strabone* quidem excepto, plurima nomina regionum, urbium, fluviorum ac similia, in his locis ex Graeca lingua derivare nituntur. Etymologici auctor in v. Ἰχόνιον et *Eustathius* in *Dionysium Perieg.* p. 127 putant, hanc civitatem dictam suis.

fuisse a muliere facinorosa, quae cum multos viros occidisset, tandem a Perseo ope capitis Gorgonei in saxum conversa fuerit (*); additque Etymologus, τὴν εἰκόνα ἐπὶ πολλὸν χρόνον διαμεῖναι λιθίνην, effigiem (iconem) istius mulieris per longum tempus lapideam (h) permansisse. Hinc loco nomen. Quam de hac muliere narrat historiam Etymologici auctor, eam de Semiramide Assyria *Diodorus Sic. Lib. II* [c. 13] p. 101, et de Omphale Lydia *Athenaeus Lib. XII* p. 516 [416, 417] refert. Neutra tamen in Persei aetatem congruit. Aliam similem huius nominis *Iconium* reperimus originem in eodem Etymologico et apud *Stephanum Byzantium* in v. Ἰκόνιον. Quae tamen a viris eruditis tamquam absurda risu excipiuntur. Eodem loco habendum est, quod *Halyn* fluvium sic appellatum ab *errando* scribit auctor Etymologici in Ἄλως, vel a *Salibus*, ut volunt *Strabo*

(h) Non forte de nihilo haec de lapide fama nata fuit. Multa sermonis Aegyptiaci vestigia in *Lycaonia* deprehendi, mihi quidem fit verosimile, et infra plenius dicam. In Ἰκόνιον manifeste apparet αἰῶς *lapis* Aegyptiace, unde forsitan ipsa *Lycaonia* nomen traxit, ut deinde monebo. An igitur dictum *Iconium* ab ἱεὺς αἰῶς *daemone lapideo*, vel ἱεὺς αἰῶς *mago lapideo*, cuius nimirum statua et memoria illic conservata fuerit?

(*) Comparetur *Suidas* v. Μίδωρα, t. II p. 518. c. n. *Kusteri*. Dicitur illic Amandra urbs postea vocata *Iconium* διὰ τὸ ἀπεικόνισμα τῆς Γοργόνης. Rem eandem hisdem fere verbis narrat auctor *Chronici Alexandrini* sive *Paschalis*. p. 39. *Eustathius* ad *Dionysii* v. 804 tantum scribit, *Iconium* dictam esse ἀπὸ ἱκόνος, sed reliqua adiungit ad v. 854. et seqq. Conf. *Berkellus* et *Holstenius* ad *Steph. Byz.* v. Ἰκόνιον.

60 Lib. xii p. 377 [822] et Scholiastes ad *Apollonii Rhodii* Lib. ii v. 966. Sui oblitus erat *Strabo*, cum ista scriberet, nam alia eiusdem scriptoris loca, quorum et ego quaedam allaturus sum, docent, eum hanc rem melius scivisse. Notatu inprimis digna haec sunt ipsius verba Lib. xiii p. 417 [904, ad q. i. consulatur *Casaubonus*], quibus, post traditam urbis Scepseos etymologiam, prudenter utitur, εἰ δὲ τὰ παρὰ τοῖς βαρβάροις ἐν τῷ τότε, nempe ante *Alexandri Magni* tempora, ὀνόματα ταῖς Ἑλληνικαῖς ἐτυμολογεῖσθαι φωναῖς. Sic etiam *Plutarchus* iunior in libro de Fluminibus narrat, Maeandrum prius dictum fuisse ἀναβαίνοντα, retrogredientem, quod nempe sinuosus erat; unde *Ovidius* viii *Metamorph.* 162 seqq.

*Non secus ac liquidus Phrygiis Maeandros in arvis
Ludit, et ambiguo lapsu refluitque fluitque,
Occurrensque sibi venturas adspicit undas.*

et *Heroid.* Epist. ix, v. 55, 56,

*Maeandros, toties qui terris errat in isdem,
Qui lapsas in se saepe retorquet aquas.*

Quasi vero illic Graeci fuerint, qui flumini hoc nomen indere potuissent. Legerat forsitán auctor ille libri de Fluminibus apud poëtam quemdam, Maeandrum esse ἀναβαίνοντα, ob rationem nempe, quam dedimus, sed hinc ipse male colligebat, id olim fuisse flumini nomen. Cuiusmodi errores nonnumquam obtinuisse, ignotum non est. *Pindarus* Pythonem vocarat petrosam *Olymp.* vi p. 51 edit. Steph. [v. 80, 81]

Βασιλεὺς

ὃ' ἐπεὶ πετραέσσας ἐλαύνων ἵκετ' ἐν
Πυθῶνας,

Rex

Rex autem postquam petrosa equitans rediit ex Pythone.

ubi Scholiastes exponit *πετρώεσσαι τραχείας*, *petrosae* (Pythons) i. e. *asperae*. Atque alii forte etiam poëtae hoc epitheto usi fuerunt [*]. Idem tamen vetus interpretes alioquin non indoctus in Pyth. Od. i p. 187 ait fuisse hoc Pythoni prius nomen, *ἐκαλεῖτο δὲ πρότερον Νάπη, εἶτα Περηέσσα, εἶτα Κρίσσα, εἶτα Πυθώ*, vocabatur (Pytho) primum Nape, deinde Petressa (Petrosa), post Crissa, tandem Pytho [**]. Possem alia quoque exempla afferre, nisi brevitati studerem. Similia enim idem ille *Plutarchus* tradit de flumine Sagari et aliis. Certe multa hic sunt fabulosa, multa ad Graecorum sermonem detorta, quae Graeca minime sunt; quod aliquando etiam illorum temporum scriptores agnoverunt. Luculentum nobis exemplum praebet *Ammianus Marcellinus* Lib. xxiii p. 286 edit. Gronov., ita scribens: *Intra hunc circuitum Adiabena est, Assyria priscis temporibus vocitata, longaue assuetudine ad hoc translata vocabulum ea re, quod inter Onam et Tigridem sita; navigeros fluvios, adiri vado nunquam potuit. Transire enim διαβαίνειν dicimus Graeci; et veteres quidem hoc arbitrantur. Nos autem didicimus [alii, id dicimus], quod in his terris amnes sunt duo perpetui, quos et transivimus, Diabas et Adiabas, iuncti navalibus pontibus; ideoque intelligi Adiabenam cognominatam, ut a fluminibus maximis Aegyptus.*

Graeci non raro nomina locorum peregrina sic ad so-

[*] Usus est *Homerus* Il. I. 405, *Πυθὼν ἐν πετρώεσσαι*, et Il. B v. 519 five in catalogo navium v. 26 *Πυθὼν [τῆς πετρώεσσαι]*, ubi epitheton hoc explicat *Eustathius* p. 273.

[**] Legantur *Holsenii* notae ad *Stephanum Byzant.* p. 266.

sonum linguae suae detorquebant, ut vix ac ne vix quidem vera eorum ratio inveniri possit. Recte igitur *Salmasius* Praefat. Libri de Annis Climactericis p. xvi: *Falluntur itaque, qui se putant ex appellationibus, quibus Graeci gentes et provincias civitatesque appellant, posse ad veram eorum originationem pervenire, cum nihil sit illis corruptius. Omnia enim ad sonum sibi familiarem et proprias flexiones vocabulorum detorqueant: ut quos vocant Γαλάτας, non sunt, nec fuerunt unquam isto nomine a suis nuncupati. Ita de aliis.*

Tum etiam hoc minime praetereundum est, urbes et regiones saepe alio nomine appellari ab incolis, alio a Graecis, horumque imitatione a Romanis. Videntur Graeci nomina barbara repudiasse, suasque Graecas denominationes urbibus barbaris indidisse, quia nomina peregrina pronuntiatu admodum difficilia Graecis erant. *Plinius* scribit in Praefat. Lib. v: *Populorum eius oppidorumque nomina vel maxime ineffabilia, nisi ipsorum linguis. Aelianus* quoque ait Lib. xii de Nat. Animal. c. 11, τὸ ὄνομα τοῦ χώρου, ἐνθα τρέφεται ("Ονουφισ"), Αἰγύπτιοι λεγέτωσαν ἡμῖν λόγοι· τραχὺ γάρ, et significat, quam sit Graecis difficilis pronuntiatio nominis loci, in quo Onuphis nutritur, relinquenda igitur potius ipsis Aegyptiis. Cum autem nomina Graeca, inprimis post tempora *Alexandri Magni*, urbibus ac fluviis indita essent, non tamen amittebantur nomina antiqua Barbara. Conf. *Ammianus Marcellinus* Lib. xiv p. 32, et *Eustathius* ad *Dionysium Perieg.* p. 14 ac 19 (i). Exemplis paucis rem illustrabo. *Plutarchus*, doctissimus au.

(i) Idem obtinuit in nominibus animalium et herbarum. Memorabile exemplum habes in *Pausaniæ* Arcadicis p. 253 [c. 22 p. 641].

auctor, memoriae prodidit in vita Luculli p. 514, urbem eam, quam Barbari *Nisibin* (k) appellarunt, Graecos nominare *Antiochiam Mygdoniam*, quod idem etiam *Strabo* docet Lib. xvi p. 514 [1083] (l). *Ptimyrin* Aegyptii, quam Graeci communi consensu *Delta*, appellabant. Vide *Stephanum Byzant.* in v. Δέλτα. *Cotes* promontorium Mauritaniae a Barbaris, a Graecis *Ampelusia* dicebatur, ut in *Melam* Lib. i c. 5. observavit *Is. Vossius*. Sic *Hierapolis* a Barbaris *Bambyx*, et *Polas* a Colchis dicta, aliter a Graecis, ut patet e *Callimachi* epigrammate, inter eius epigrammata edito et apud *Strabonem* [*]. Vide praec.

(k) In Graeco textu male legitur Νίβιν. In Synodico apud *Labbeum* Tom. ii col. 96 Ἰτζιβίος vel Ἰτζιβίων nuncupatur. Legendum omnino Νιτζιβίων. Barbari certe, uti ex lingua Armenica perspicitur, *Nietzbi* pronuntiabant, ut linguae Armenicae vir peritissimus *M. V. la Croze* mihi indicavit. *Νάσιβις* vocatur apud *Stephanum Byzant.* v. Ἀντιόχεια, ut ex vestigiis scripturae veteris recte corrigunt viri docti, *Berkelius* et *Holstenius*, quorum notas consule. Vide et eosdem ad *Stephanum* v. Νιτσιβίς. Observat illic etiam *Berkelius*, a Syris dictam fuisse נִצְבִּין *Netzibin*, a cumulo lapidum, uti *Uranius* apud *Stephanum* nomen hoc interpretatur. Comparentur de eadem *Goli* in *Alfragan.* p. 236 sqq., et *Assemani* Dissertatio de Monophylitis, praemissa Tomo ii Bibliothecae Orientalis, pag. cii, ciii.

(l) Iungantur *Fl. Josephus* Antiq. Lib. xx [c. 4] p. 687, *Theodoretus* Lib. ii Hist. Eccl. c. 30. Hinc fluvi-
vius, ad quem sita est Nisibis, a *Juliano* Oratione i [p.

27

[*] Lib. i p. 78, 79 epigramma integrum legitur, pars autem eiusdem lib. v p. 330. Ex *Strabone* repetiit et illustravit *Bentleius* in *Fragmentis Callimachi*, t. i p. 476, 477 edit. Ernestinae.

praeterea de Graecis aliarum urbium nominibus *Fl. Iosephum* Lib. I Antiq. c. 6. Verum eiusmodi rebus, ut opinor, satis notis, non diutius immorabor.

Redeo, unde digressus eram, ad Graecorum fabulas, quo etiam pertinent, quae de Graecorum in has regiones migrationibus (*m*) aut narrant, aut fingunt. Praetereo Deucalionis in Syriam adventum, ubi diluvium passus est, et templum exstruxit, auctore *Luciano* [*], si modo is auctor fuit, iuvene admodum et adhuc religioso. Etenim tota illa descriptio quam optime cum historia diluvii Noachici conspirat. Praeterea, *Lucianus* Deucalionem, non Graecum, sed Scytham ait fuisse, contra quam alii faciunt. Neque me

27 et Orat. II p. 62] vocatur *Mygdonius*. Nec aliter legendum apud *Menandrum* in Eclogis Legationum Hoesche-
lianis p. 147, Eundem vero fluvium ab aliis dictum fuisse *Mafiris*, docet *Asserianus* l. c.

(*m*) De migrationibus veterum id in genere observandum, eas esse subobscuras, et diversimode a variis enarrari. Quod ex illis exemplis, quae huc attuli, iam abunde liquet. Deinde, istae migrationes non semper totam gentis linguam immutarunt, nisi gens ipsa sedibus expulsa aut plane subiugata fuerit. Etenim v. gr. si verum est, Medeam cum marito suo et filio in Mediam venisse, non tamen ibi linguam suam introduxit. Athenienses ipsi, si *Theopompo* apud *Proclum* Lib. I in Timaeum p. 30 credimus, Aegyptiorum fuerunt *ἑνοικοι* [**], atque certum est, Graecos maximam

[*] De Dea Syria, t. II p. 457 sqq. edit. Hemsterh.

[**] Eximiam mecum hanc animadversionem communicavit Celeb. *Wytenbachius*: „*Jablonskius* non animadvertisse videtur vim nominis *ἑνοικοι*. Illi sunt, qui aliunde veniunt habitatum apud veteres cives ac possessores alicuius regionis vel urbis, *accolae*, *incolae*, *inquillini*. Ita *Theopompus* tradidit Athenienses fuisse Saitarum *ἑνοικοι*. Vim nominis saepe ignoratam explicui in Animadvers. ad *Plutarchi* Mor. p. 244, E. Sed haec pars Commentarii nondum edita est.”

me movent, quae de Persei in Armeniam et Persidem itineribus scripserunt, cum ea omnia fabulis mirum in modum sint involuta. Neque huc Telephus Herculis filius quidquam facere potest, nam puer admodum in Mysiam devenit, atque sic moribus et linguae illius gentis facile potuit assuescere. Quae de Iasone commemorant *Strabo* Lib. XI p. 347, 362, et *Justinus* Lib. XLII c. 2, eum has regiones Orientales una cum Medea coniuge repetiisse, et ubique adventus sui monumenta reliquisse, haec inquam obscura sunt, et a paucis probantur. Solam Medeam in patriam rediisse, quod *Tzetzes* narrat in *Lycophronem* [v. 175] p. 36 edit. Opor., et *Diodorus Sicul.* confirmat Lib. IV [c. 55] p. 248, veritati magis videtur congruere. Nihil vero tam ad rem nostram facit, quam id, quod *Eustathius* in *Dionysium* [v. 857] p. 127 commemorat, Lycaonem Arcadia in *Lycaoniam* venisse, et regioni nomen dedisse. Quia nimirum Lycaonis nomen cum *Lycaonia* conspirat, hinc Graeci quidam existimarunt, fieri vix aliter posse, quin *Lycaonia* a Lycaone nomen traxerit, cum alioquin Lycaonis in Arcadia et reliqua Graecia apud verustos scriptores amplissima hinc inde memoretur proles (n). Videtur autem errori ansam dedisse, quod ipsa Arcadia a Lycaone primitus *Lycaonia* dicta fuisse perhibetur (o). Ceterum istiusmodi etymologias quotidie a Grae-

mam et antiquissimam cultus sui divini partem ab Aegyptiis accepisse. Immensum tamen lingua Atheniensium ab ea Aegyptiorum veterum abest. Si vero contra Saïs est Atheniensium colonia, ut alii apud *Proclum* l. c. monuerunt, idem illud dicendum.

(n) De alio Lycaone vid. *Homerus* II. Δ. 89 cum comm. *Eustathii* p. 448.

(o) *Dion. Hal.* L. I p. 10, L. II p. 77. *Eustath.* in II. B. p. 300.

Graecis fictas fuisse; illi maxime sciunt, qui Poëtarum Graecorum Latinorumque vetustos interpretes consuluerunt. Alii *Lycaoniam* a *Lyco* amne dictam fuisse, sibi persuadent; quod tamen etiam *Cellario* veteris Geographiae peritissimo, displicuit, Tom. II Geogr. Antiq. p. 120. Nomen *Lycaoniae* non video rectius: tutiusque, quam ex lingua Aegyptiaca, posse derivari. *Caoni* enim, lingua Aegyptiorum, *solum* et *tellus lapidosum* significat, a $\text{K}\alpha\lambda\gamma$, *solum*, *tellus*, et WNS , *lapis*. Eodem modo quo *Canobus* ab ipsis Aegyptiorum Sacerdotibus, teste *Aristide* in Aegyptiaco [t. II. p. 359], *aurea tellus* exponitur, a $\text{K}\alpha\lambda\gamma$, *terra*, *tellus*, et $\text{N}\text{D}\text{S}\text{B}$, *aurum*. Conferatur *M. V. la Croze* in eximia Dissertatione, quae est adiecta Collectioni Orat. Dominic. Chamberlaynianae [*]. Hinc etiam *Lycaoniae* urbs $\text{I}\lambda\gamma\text{v}\text{v}\text{v}$ nomen habere videtur, ut supra in nota ad §. 3 observavi. Nomen autem tel-

[*] Conf. tom. I. Opusc. Iablonsk. p. 106, 107. — Quamvis vehementer dubitem, an notatio nominis *Lycaonia* cuique placere queat, nolui tamen eam, ab auctore exemplo suo adscriptam, negligere, et id eo minus, quia sententia de vestigiis linguae Aegyptiacae in *Lycaonica Iablonskio* ita arrisit, ut ad calcem exempli sui adderet: „Non dubito, fore plerosque, qui hanc coniecturam meam ineptam et ab omni veri specie remotam esse existimaturi sint, quibusque iste conatus cum conatu *Goropii Becani*, qui omnia ad linguam Belgicam detorquere nitebatur, comparandus esse videbitur. Neque ego argumenta tanti ponderis esse iudico, ut opinionem, aut hariolationem potius, ab omnibus obiectionibus tutam sint praestitura. Volui tamen, quid ea de re aliquando mihi visum fuerit, memoriae mandare, iudicium cuique liberum permittitur perquam subenti animo“. Repetit deinde, quae supra dixerat de origine nominum propriorum *Derbe*, *Lycaonia*, et *Icenium*, quae ex lingua Aegyptia explicandis opinatur. Tandem concludit: „Itaque ulterius pergendum esse duxi, inque rem cura mea non indignam potro inquirendum, praesertim cum de coloniis Aegyptiorum in Asia constet, uti pag. 13 [§ 6 huius Disquisitionis] pluribus adstruxi“.

telluris lapidosi bene convenit naturae regionis Lycaonicae. Dubium tamen remanet de syllaba priori *Ly* in *Lycaonia*. Forſitan illud nomen fuit Ducis coloniae, aut vetuſti cuiusdam Principis; cuius nominis veſtigia etiam in *Lyco* amne fortassis cernuntur. Dubito, an huc pertineat obſervatio Scholiaſtis ad *Apollonium Rhodium* Lib. II v. 374, Ἀμερίας δὲ ἐν γλώσσαις Λισσὸν τὸ ὑψηλὸν ἀποδίδωσιν. Conf. idem Scholiaſtes ad v. 733, et *Hefychius*, vocem Λισσὸν exponens ἀναντες, ἀπότομον, ὑψηλόν. Poſteſt et Λυ vel Λα ex more Chaldaeorum eſſe adiectum; quod in quibusdam eius tractus civitatibus aliis *Bacharius* obſervavit, Geogr. P. I Lib. IV c. 23, et inter alia monuit, Λάριſſαν eandem urbem eſſe, quae in S. Scriptura *Reſen* appellatur. Similiter nomina alia locorum aut fluminum peregrina ab initio hac illave ratione augentur. Sic פְּרָת Gen. II. 14, a ſcriptori-
bus exoticis *Euphrates* vocatur, de qua additione diſputat Clar. *Millius* in Diſſert. ſelectis p. 30 [200 ed. novae] §. XXI, cuius tamen coniectura mihi non probatur.

§. 4. De linguis gentium *Aſiae minoris* generaliter probatur, eas Graeco ſermone uſas non fuiſſe, quia Barbarae vocantur.

Sed omiſſis tandem aliquando his Graecorum aliorumque nugis, quas adferre oportebat, ne quid praetermiſſe viderer, propius ad linguam, de qua ſermo eſt, *Lycaonicam* accedo. Cuius ipſius linguae cum pauciſſima reperiantur veſtigia, ut iam monui, finitimas in conſilium adhibeamus neceſſe eſt, ut ſic quodammodo iudicium ferre poſſimus. Quod ſane impeditum eſt atque arduum negotium, cum in *Aſia minori*, quot regiones, tot quoque fuerint Dialecti, quae quales fuerint, nondum inter eruditos conſtat.

Fuiſſe

Fuisse diversas, patet vel ex Sacra Scriptura, Act. Ap. II: 8, 9, *Et quomodo unusquisque nostrum audivimus eos loquentes sermone eius regionis, in qua nati sumus, Parthi, Medi, Elamitae, et inhabitantes Mesopotamiam, Judaeam, et Cappadociam, et Asiam* (scil. Proconsularem, sive *Lydiam*), et Phrygiam Pamphiliamque, Aegyptum, &c. Quam diversitatem confirmat narratio de Mithridate apud *Aulum Gellium* Lib. XVII c. 17; eandemque regnante Nerone adhuc obtinuisse, testimonio hominis barbari non illepido comprobatur *Lucianus* de Saltat. p. 940 [t. II p. 303]; quod ad rem nostram non parum facit, et magis etiam perspicuum fiet, ubi de singulis quaedam delibabimus. Solebant Graeci, quasi Autochthones, non modo diversam suam a Barbaris venditare originem (p), atque de sua sola lingua magnifice sentire (q), sed et communi nomine hos omnes Asiae minoris populos vocare *Barbaros*, exceptis Ionibus, Doribus et Aeolibus, qui Graeci origine erant, et Graecam linguam usurpabant. Hinc *Pindarus* Isthm. VI [v. 35] p. 470,

οὐδ' ἔστιν οὕτω
Βάρβαρος οὔτε παλίγλωσσος πόλις.

Confer. *Thucydidem* Lib. II p. 50 edit. Hervi: 'Qui vero *Barbari* dicebantur, illis Graeca lingua patria sive vernacula non erat. Solebant enim Graeci universum terrarum orbem ita dividere, ut ipsi alteram eius partem constituerent, reliqui vero, qui Graeci ori-

(p) Vide tamen *Porphyrum* de Abstinencia Lib. III. p. 322 [§ 25].

(q) *Diodorus Sic.* Lib. I [c. 9]. *Eusebius* Lib. I Praepar. Euang. p. 14.

origine non essent, communi Barbarorum nomine dicerentur. Quam in rem est elegans *Platonis* in Politico locus p. 118 edit. Basil. Gr., Οἷον εἴ τις τὰνθρώπινον ἐπιχειρήσας δίχα διελέσθαι γένος διαίροϊ, καθάπερ οἱ πολλοὶ τῶν ἐνθάδε διανέμουσι, τὸ μὲν Ἑλληνικὸν ὡς ἐν ἀπὸ πάντων ἀφαιροῦντες χωρὶς, σύμπασι δὲ τοῖς ἄλλοις γένεσιν, ἀπείροισι οὖσι καὶ ἀμίκτοις καὶ ἀσυμφώνοις πρὸς ἄλληλα, Βάρβαρον μίξ κλήσει προσείποντες αὐτὸ, διὰ ταύτην τὴν μίαν κλήσιν καὶ γένος ἐν αὐτὸ εἶναι προσδοκῶσιν, *Quemadmodum si quis universum genus humanum bifariam divisurus ita partiatur, ut multi facere hic solent, qui Graecos velut unam quamdam gentem ab omnibus aliis segregant, reliquas vero gentes omnes atque singulas, quamvis numero sint infinitae, et nullam aut regionis aut linguae communionem habeant, uno nomine Barbaros dicunt, et propterea quoque unam gentem esse affirmant.* Comparari possunt *Strabo* Lib. I p. 45 [66] et *Clemens Alex.* p. 338, 339 [Strom. lib. I p. 364]. Ex *Philone* idem docet *Salmasius* in offilegio Linguae Hellenisticae p. 354. Atque hoc sensu ne Romanos quidem, gentem cultissimam, Graeci excipiebant: quod vel ex *Plauto* apparet, in *Afinariae* Prologo v. 10:

Dicam; huic nomen *Graece* est Onagos fabulae,
Demophilus scripsit, Marcus vortit *Barbare*.

Barbare, id est, *Latine* [*]. *Pyrrhus* quoque Romanos appellavit Barbaros. Vide *Plutarchum* in Fla-

[*] Laudat hunc *Plauti* locum *Festus* de V. S. p. 48, ut ostendat, *Barbaros* dictos esse antiquitus omnes gentes exceptis *Graecis*. Alia cumulat *Wetstenius* ad verba *Pauli Apostoli* Rom. I. 14.

Flamin. p. 371 et in vita Pyrrhi p. 398. A. Pariter *Aristoteles* Romanos pro Barbaris habuisse videtur in libro, quem citat *Varro* Lib. vi de L. L. p. 78. Non alio sensu Romani vocantur βαρβαρόφωνοι in Oraculis Sibyllinis, Lib. i prope finem p. 191 ed. Paris. [187 ed. Gallaei]. *Heraclides* tamen Ponticus, apud *Plutarchum* in vita Camilli p. 254 edit. Steph., Romanos agnoscit pro Graecis, a quo dissentire alios vidimus. Conf. *Strabo* l. c. Atque hinc factum est, ut alias gentes Graeci vocare solerent *elingues*, sine usu linguae viventes, quia nempe Graeco sermone non utebantur. *Hesychius* ait, "Αγλωσσοί Βάρβαροι καὶ σιωπηροί, *Elingues*, sive lingua carentes. dicuntur tum Barbari, tum taciturni. Eapropter "Αγλωσσος et 'Ελλὰς opponuntur a *Sophocle* in *Trachin.* v. 1077, ubi vox prior a Scholiaste exponitur κακόγλωσσος, βάρβαρος, ἢ ἀλλόγλωσσος. Quem *Poëtae* locum citans *Cicero* Lib. ii *Quaestion. Tusculan.* c. i [8] vocem ἀγλωσσος Latine interpretatur *barbaram immanitatem*. Attamen Graecos aliquid discriminis posuisse inter Barbaros nec eodem loco habuisse, patet ex *Demosthenis* Oratione in *Philippum* tertia p. 107 [vol. i p. 119 ed. Reiskii]. Unde quosdam vocarunt nomine τῶν τελέως Βαρβάρων, ut docet *Strabo* Lib. xi p. 358 [790], et *Varro*, agens de vocabulis Punicis, Gallicis et Aegyptiacis. Idcirco *Eurydice* Illyrica apud *Plutarchum* de *Educat. Liberor.* p. 74 edit. Steph. vocatur τρίβαρβαρος. Barbaros autem dividebant Graeci in Europaeos et Asianos. Scribit *Aelianus* V. H. Lib. viii cap. 6, 'Ενόμιζον αἰσχρὸν εἶναι πάντες οἱ τὴν Ἑυρώπην οἰκοῦντες Βάρβαροι, χρῆσθαι γράμμασιν οἱ δὲ ἐν τῇ Ἀσίᾳ, ὡς λόγος, ἐχρῶντο αὐτοῖς μᾶλλον. Turpissimum et summum dedecus putarunt Barbari in Europa habitantes, literis uti, Asiani vero, ut fama est, magis iis usi sunt. Inter Europaeos Barbaros non tantum Thraeces et Scy-

thas praecipue ponebant, sed etiam Gallos five Celtas, quo nomine Germani quoque saepe veniunt. *Lucianus* in *Pseudol.* p. 591 edit. Salmur. [t. III p. 171], Νῆ Δί, οὐ γὰρ ἦν τῶν Ἑλλήνων ἴδιον, ἀλλὰ πόθεν ἐπεισκωμάσαν αὐτοῖς ἀπὸ τῆς πρὸς Κελτοὺς, ἢ Θρᾷκας, ἢ Σκύθας, ἐπιμιξίας, *Non enim, Per Iovem, Graecorum propria erat vox, sed aliunde ex Celtorum, aut Thracum, aut Scytharum commixtione insolenter se insinuavit.* Idem in *Iove Tragoedo* p. 197 [t. II p. 650], Οὐχ ἅπαντες τὴν Ἑλλήνων συνιᾶσιν· ἐγὼ δὲ οὐ πολὺ γλωσσός εἰμι, ὥστε καὶ Σκύθαις καὶ Πέρσαις καὶ Θρᾷξι καὶ Κελτοῖς συνετὰ κηρύττειν, *Non omnes Graecorum linguam intelligunt; ego vero varias linguas non calleo, ut et Scythis et Persis et Thracibus et Celtis ea, quae intelligant, possim praedicare.* Eosdem ita coniungit *Aristoteles* Lib. VII *Politici.* cap. 3, et alii. Barbaros vero Asianos nuncupabant omnes Asiae populos praeter Graecos, qui illic degebant, ut patet e *Curtio* Lib. VI c. 3 § 3, omnium vero maxime et saepissime gentes Asiae minoris et Persas, quod ex frequenti cum illis commercio cum mores tum linguam eorum optime nossent. Quod quidem demonstrare facile possem, nisi res esset tritissima et nemini ignota.

§ 5. *Idem aliis argumentis confirmatur.*

Haec tam sunt aperta, ut inter eruditos nemo inventus sit, qui ea in dubium vocaret. Aliam vero rationem invenerunt viri eruditi, qua probarent, linguas illas, quamvis ab omnibus scriptoribus Barbarae dicantur, tamen esse Graecas. Sunt enim, qui nobis persuadere velint, postremis praecipue temporibus eos quoque Barbaros dictos, qui, quamvis Graece loquerentur, non tamen puram et illibatam sermonis Graeci castitatem servarent; sed eam barbaris vocibus

bus et locutionibus conspurcarent. Nolo iam disputare de peculiari quodam huius vocis eiusdemque generis vocabulorum usu (r). Certum vero est, apud plurimos scriptores et in communi usu, praesertim cum de tota gente sermo est, hanc vocem ita accipi, quemadmodum eam § 4 explicui. Qui Barbari vocantur, illi ab usu linguae Graecae plane alieni sunt (s). Non

(r) Supra dictis paucā adiungam. Grammatici Graeci βαρβαρίζειν et βαρβαρισμούς dicunt perversum, incommodum regulisque repugnantem usum linguae Graecae. Vide *Sextum Empiricum* p. 260, 261, ibi notas *Fabricii*, *Diogenem Laërtium* Lib. vii § 59 et ad eum locum observationes *Menagii*. Non bene Graece loquentes dicuntur βαρβαρίζειν apud *Lucianum* in *Somnio* p. 6 [t. i p. 12]. Usus peregrinorum vocabulorum est βαρβαρισμός *Aristoteli* de *Poëtica* cap. 23, ubi consule *Daceryum*. Cyprios Barbaris accenset *Lucianus* in *Revivisc.* p. 398 [t. i p. 589], et tamen *Himerius* Sophista apud *Photium* ait p. 606 [*], ἡ Κύπρος πόλις μεγάλη· δῆμοι τὴν γλῶτταν ἀκριβῶς Ἑλληνεῖς, atque significat, incolae sive cives Cypri insulae, sic enim πόλις hic et passim capi debet, accurate exacteque Graece locutos esse.

(s) Hinc apud *Pausaniam* in *Eliacis* p. 176 [cap. 27 p. 449] ἐπῄδει Βάρβαροι καὶ οὐδαμῶς συνετὰ Ἑλλησιν, et apud *Sextum Empiricum*, διὰ τὸ μὴ πάντας πάντων ἀκούοντας συνέναι· οἷον Ἑλληνας. Βαρβάρων καὶ Βαρβάρους Ἑλλήνων, Lib. iii Hypotyp. c. 30. Conf. idem adversus Gram-

[*] In edit. a. 1611, p. 1131. In Graeco textu nihil mutandum. Veram loci mentem affectus est *Iablonskius*. Nec dissentit *Wernsdorffius* in nova recensione *Eclogarum* et *Declamationum Himerii* p. 260, 261. Cyprii, si Barbari, habita ratione linguae, a *Luciano* aliisque annumerantur, factum id videtur ob usum quorundam vocabulorum peregrinorum, quae ex *Hesychio*, Etymologici auctore et aliunde diligenter collegit *Meursius* in *Cypro*, lib. ii c. 25, t. iiii Opp. p. 606—668 et alibi. Conf. notae ad *Hesychium* v. Ἀβάρ.

Non enim videmus, eos, qui multum a communi Graecorum sermone discedebant, etiam si essent ἀγνωστότατοι γλῶσσαν, quod de Eurytanibus, Aetoliae populo, affirmat *Thucydides* Lib. III [c. 94] p. 83 edit. Hervag., umquam appellari Barbaros, ex. gr. Rhodiōs aut Cretas, isto nomine non dictos, quamvis vel ex solo *Hesychio* pateat, longius eos abiisse a puritate linguae Graecae, atque *Cicero* ipse eosdem a Graecis discernat loco supra § 2 citato. Alia ratio Macedonum visa multis fuit, et de illis disputatum, sintne pro Graecis, an vero pro Barbaris a prima inde ipsorum origine habendi. Quae res cum in controversiam veniret, ita iudicatum est, pertinere eos ad Graecos, qui origine Argivi fuerint. Refertur huc locus *Herodoti* Lib. V cap. 22, qui narrat, Alexandrum, Amyntae filium, adiisse ad agonem Olympicum, sed aemulos in cursu Graecos eum arcere voluisse, negantes id esse certamen Barbarorum, sed Graecorum; cum autem se probasset Argivum, Alexandrum tunc Graecum esse iudicatum. Qui tamen *Herodoti* locus quomodo sit accipiendus, didici a Viro quodam doctissimo (†). Is enim mihi ostendit, non agi hic de ipsis Macedonibus, sed de regia Macedonum stirpe, cuius auctores, Caranus et Perdicas, longa serie ex Argivorum Principibus suum genus ducebant. Non igitur de lingua hic agitur, sed de progenie Regum Macedoniae; quod sane totus ille *He-*

10-

Grammaticos cap. 7 p. 30, 32, et adversus Mathematicos p. 339. Iunge *Platonem* in Theaeteto p. 77 edit. Basilienfis.

(†) Erat is *Alphonsus des Vignoles*, cuius *Chronologia Historiae Sacrae et Historicorum aliorum*, edita Berolini anno 1738, aut omnem feret aetatem, aut liber recentior nullus.

Herodoti locus declarat, et aliunde potest illustrari (u). Male igitur Alexander ille primum annumerabatur Barbaris. Similiter Philippus rex Macedonicus habetur pro Barbaro a *Demosthene* Orat. III Olynth. p. m. 24 edit. Gr. Bas., Orat. I in Philipp. p. 32 et III in eundem p. 69, sed minus recte. *Isocrates* autem in Oratione ad Philippum et epistolis ad eum scriptis, laudat Philippum ut unum Heraclidarum, magnis maioribus prognatum et nobilitate generis praestantem, atque aperte eum appellat Argivum, sed Macedones vocat Barbaros [*]. Ip-

(u) Videatur ipse *Herodotus* Lib. VIII cap. 137 et 139. Apud *Thucydidem* Lib. II p. 59, 60 [cap. 99] dicuntur Alexander Perdiccae pater et Temenidae eius maiores τὸ ἀρχαῖον ἔντες ἐξ Ἀργεῖος, antiquitus ex urbe Argis oriundi. Macedonum reges ex ea civitate, Argos, se oriundos referunt, teste *Livio* Lib. XXVII c. 30, Lib. XXXII c. 22. Scribit *Curtius* Lib. IV c. 2, Macedonum reges credere, ab illo deo, Hercule, ipsos genus ducere. Dicitur hinc Caranus, vir generis regii, sextus decimus ab Hercule, profectus Argis, regnum Macedoniae occupavisse, apud *Velleium Paterculum* Lib. I c. 6 § 5. Quidquid existimetur de verbis *sextus decimus*, mihi iam perinde est. De nomine *Argis* controversia nulla est. Dubito autem, an recte censuerint *Lipsius* et *Gruterus*, verba *vir generis regii*, cum paulo ante de Lycurgo eadem dicta essent, hic inepte insita adeoque delenda esse; istiusmodi enim repetitiones in *Velleio* sunt frequentiores [**].

[*] Ἀργεῖος μὲν γὰρ ἐστὶ τοῖς πατέρεσσι, τῇ δὲ δίκῃ τὸ αὐτὸν σε ποιῶσθαι πρέπειν, ὅσπερ τῷ γένει τῷ αὐτοῦ, scribit *Isocrates* vol. I p. 244 edit. Batiæ. Macedones autem ab ipso dictos esse Barbaros, vix audeo affirmare, cum sigillatim commemoret Graecos, Macedones et Barbaros, in eadem oratione p. 307.

[**] De Argiva Regum Macedoniae origine legantur docti homines in notis ad *Herodoti* ac reliquorum II. cc. In *Velleio* verba *vir generis regii* tucetur *Burmamnus*; sed e praecedentibus temere hic intrusa esse censet Cl. *Ruhnkenius*.

Ipsos vero Macedones antiquissimos, quantum ad linguam, Barbaros fuisse, vel hinc mihi probabat idem vir eruditus, quod apud *Curtium* Alexander gloriatur, se effecisse, ut Macedones, cum Barbari habitu fuissent, nunc tandem pro Graecis agnoscerentur, Lib. vi [*]. Etiam post Alexandri M. aetatem Graeci habuerunt Macedones pro Barbaris; unde, *Plutarchus*, de Arato loquens, in eius vita p. 1910 edit. Stephani. καὶ μὴ Πελοπόννησον ἐκβαρβαρῶσαι Φρουραῖς Μακεδόνων. De lingua Macedonum ut aut nihil addam, aut pauca, faciunt instituti mei limites angusti, neque etiam tantopere ad rem nostram facit illa lingua, ut commode adeo haec disputatio omitti posset. Labet tamen in notis meam de lingua Macedonum sive Barbara fuerit, sive Graeca, expromere sententiam, eamque eruditis iudicandam relinquere (γ). Quidquid de lingua statuatur, Macedoniam

(γ) Diu multumque doctissimi viri disputarunt de lingua

[*] Haec ipsa verba apud *Curtium* frustra quaesivi. Narrat autem l. vi c. 9 extremo, Alexandrum dixisse Philotae: *Macedones de te iudicaturi sunt, quaero an patrio sermone sis apud eos usus*; hunc respondisse: *Praeter Macedonas plerique adsunt, quod facilius, quae dicam, percipientes arbitror, si eadem lingua fuero usus, qua tu egisti, non ob aliud, credo, quam ut oratio tua intelligi posset a pluribus*; tum regressisse Regem: *ecquid videtis, adeo etiam sermonis patrii Philotam taedere? solus quippe fastidit eum dicere*. In oratione apologetica, c. 10 §. 22, 23 ait Philotas: *Mihi quidem obicitur, quod societatem patrii sermonis asserner*. — Iam pridem natus ille sermo commercio aliarum gentium exolevit; tam visoribus, quam visis peregrina lingua discenda est. Philotam, Macedonem natum, non erubuisse, homines linguae suae per interpretem audire, sive adire, adeoque Macedones sermone patrio noluisse compellere, aiebat Belon quidam, ibid. c. 11 § 4. Quo consilio haec *Curtii* verba adscripserim, sequentes *Iablonskii* animadversiones declarabunt.

niam ipsam pro regione Barbara habitam fuisse, hinc etiam argui potest, quod *Scylax* p. 61 ed. Gron. π6-
λει8

gua aut dialecto quadam Macedonica. Alii enim, inprimis moti auctoritate *Salmasii* in libro de Lingua Hellenistica p. 110 sqq., 119, 442, 443, linguam Macedonicam et Graecam existimant unam eandemque fuisse; aliis autem sententia plane contraria placuit. Meo quidem iudicio, distingui debet antiquissimorum Macedonum lingua patria, propria, peculiaris et nativa, atque ea, qua deinceps uti coeperunt. Eo spectant sequentes observationes. Macedonia ab initio tenuerunt Thraces, atque Midas, qui cum Brigibus e Thracia in Phrygiam concessisse dicitur, Macedonia quoque in ditione habuit, eiectus postea a Carano, quem *Herodotus* appellat Gavanem Lib. viii c. 138. Vide et *Iustinum* Lib. vii c. 1. Postquam inde pulsus esset, forte in Asiam secessit, ut adeo illi Briges fuerint Macedones pariter et Thraces. Conf. *Stephanus Byz.* in v. Βρύξ, et *Thucydides* Lib. ii p. 59, 60 [cap. 99]. Antiqua Macedonum lingua non multum diversa fuit a veteri Thessalorum lingua, qui etiam Pelasgi appellantur. Conferantur *Strabo* Lib. viii p. 256, *Athenaeus* Lib. iii p. 114, Lib. xiv p. 662, 663, 664, *Eusebii* ad *Homeri* Il. p. 1399, et ad *Dionysii* Periëg. p. 97 [v. 427 sqq.], Scholiales *Theocriti* p. 159, 161, 200 edit. Oxon. 1699 [ad *Idyl.* xii ἐπιγραφήν, v. 12, 13, *Id.* xvi. 35], Scholia ad *Apollonium Rhodium* pag. 45. [ad v. 580]. Videtur quoque *Strabo* convenientiam quamdam Thessalicae linguae cum Thracica innuere, Lib. xi p. 366. Hoc tamen accuratius erit pensitandum. Utut vero id est, antiquae Macedonum linguae haud exiguam mutationem intulisse videntur Argivi, Caranus cum posteris suis. Quod cum res ipsa docet, tum multa vocabula Graeca, a Macedonibus deinde usurpata, abunde confirmant. Fortasse Macedonibus contigit, quod Anglis contigisse novimus, ut, mutato dominio, novam quoque linguam adsciscerent, pristina tamen non prorsus reiecta. Rem hanc accurate perpendenti, manifestum cuique erit. Vulgus quidem vetustam et patriam linguam conservavit, nihilo tamen minus multa vocabula ex Graecia adsumsit sermonique suo addidit; quale quid
apud

λεις Ἑλληνίδας recenseat, quo ipso eas ab aliis distinguit, quae non Ἑλληνίδες fuerint, necesse est; quem eum-

apud Aegyptios et populos alios. post imperium Graecorum, locum habuit. Alios Graece quoque et intellexisse et locutos fuisse, dubio prorsus carere debet. Erat haec lingua Aulica et hominum cultiorum. Eo sensu *Salmasius* l. c. in praefatione p. 49 linguam Macedonicam non dubitat vocare dialectum Graecam. Observatu dignus locus est *Tertulliani* in Apolog. p. 10 ed. Priorii [cap. 9 p. 104, ubi *Havercampus* dedit ἤλαυνε τὴν μητέρα]: Sed et Macedones suspecti, quia cum primum Oedipum tragoediam audiissent, ridentes incessi dolorem ἤλαυνε dicebant εἰς τὴν μητέρα. Sic *Rigaltius* legit. Forsitan legendum πλύνε σου τὴν μητέρα, vel πλύνεις τὴν μητέρα. Πλύνειν ambiguum habet sensum: aliquando significat λαιδορεῖν, vide *Artemidorum* L. II c. 4 c. n. *Rigaltii*, *Hesychium* v. Πλύνετα [ibi Alberti], et *Photium* p. 10, 35; alibi sumitur notione obscœna, apud Aristophanem in Pluto p. 85 [v. 1062, ubi Πλύνόν με ποιῶν, sed v. 166 et 514 Πλύνειν aliud significat]. Audiverant Macedones prima vice tragoediam Graecam, eaque audita responderunt Graece. Quae nisi fuissent ipsa Macedonum verba, quid opus fuerit *Tertulliano*, rem hanc Graeco, et non potius Latino suo sermone, hic narrare? Sed voluit ipsa Macedonum verba in medium afferre. Nec incredibile est, post Philippi et Alexandri Magni tempora, ipsam plebem Macedonicam sermoni Graeco tandem plane assuevisse. Idcirco postea Macedones pro Graecis habebantur. Hinc *Seneca* Consolat. ad Helviam cap. 6: *Quid sibi volunt in mediis Barbarorum regionibus Graecae urbes, quid inter Indos Persasque Macedonicus sermo?* Vide et *Plutarchum* in Flamin. p. 372. E, *Pausaniam* in Messenicis p. 139 [350], Ἐπεὶ δὲ ἐκ τῶν ὅπλων καὶ τῆς φωνῆς Μακεδόνας καὶ Δημήτριον τὸν Φιλίππου γινώριζουσιν ὄντας. Iungit *Livius*, Lib. xxxi c. 29, *Aetolos, Acarnanas, Macedonas, eiusdem linguae homines*. Attamen plura vocabula, Graecis omnibus ignota aut saltem non usurpata, apud Macedonas in usu permanserunt, quibus scriptores Graeci recentiores, etiam interpretes V. T. Alexandrini, auctores librorum Apocryphorum et scripto-

eundem morem in recensendis urbibus Graecis servat
quo:

ptores Novi Testamenti frequentius usi fuerunt, longe abeun-
tes a dictione Attica. Huiuscemodi sunt voces *δυσί* pro *δυσίν*,
τῆχιον pro *θᾶττον*, *ἀποκεφαλίζειν* pro *κροτομεῖν* vel *ἀποτέμ-
νειν τὴν κεφαλὴν*, *ἐνωτίζειν* sive *ἐνωτίζεσθαι* significatione au-
diendi, auribus accipiendi, *ἀποτάσσειν τι*, vale alicui
dicere, valere aliquem iubere, pro *ἀσπάζεσθαι* *τινα*, *αἰχ-
μολοῦν* de iis, qui captivi abducuntur, *προσφάγιον*
de pulmentario, *εὐκαιρεῖν* notione habendi otium, alicui rei
vacandi, *ἐσχάτως ἔχειν* pro esse morti proximum, in ultimis
esse. Quae et similia verba et dicendi genera, in scriptori-
bus Atticis frustra quaesita, ideoque a *Phrynico*, *Thoma*
Magistro aliisque Grammaticis Graecis improbata, recte
dixeris Macedonica [*].

[*] Excursus de lingua Macedonica, ab Auctore exemplo suo
adscriptum, nolui omiungere, etsi valde dubitans, an testimonia scri-
ptorum veterum omnia, hic laudata, sed accuratius lecta, huc per-
tineant. Nec admodum mihi arridet coniectura de verbis *Tertullia-
ni*, in quibus *ἰλαυνε* sive *ἡλαυνε* se facile tuetur, cum sit *ἰλαύνει* vox
rei uxoriat. Vid. *Aristophanes* in *Ecclef.* v. 39 c. n. *T. Fabri*,
tom. II Epist. p. 175 Non diffideor, Graecos recentiores, cum Ma-
cedones, tum alios, vocabulis loquendique generibus usos esse, quo-
rum frustra quaeras exempla in scriptis veterum Atticorum; sed recte
ea dici Macedonica, et veluti reliquias antiquissimae Macedonum lin-
guae, non audeo affirmare. *Δυσί* *ἡμῶν* est etiam in *Thucydidi*
lib. VIII. 101, cuius et *Aristidis* meminit *Thomas M.* p. 253, 254.
Reliquae voces sunt ferioris aetatis, non tamen omnes a *Xenophonte*,
Dione Cassio, *Arriano* et aliis neglectae. De *ἰνωτίζεσθαι* vide *Alber-
tium* ad *Hesychium* v. *ἰνωτίζω*, et *Valckenarium* ad *Callimachi*
Elegiarum fragmenta p. 246, 247. Ut autem de Dialecto Macedoni-
ca bene iudicetur, comparentur *E. Spanhemius* ad *Iuliani* Caesares
p. 389 et ad *Callimachi* H. in Delum v. 150, *Erneslius* in *Opusc.*
Phil. Crit. p. 212, *Plerfonus* in Praef. ad *Moridem Atticisam* p.
xxvi sqq., *Koenius* not. ad *Gregorium* de Dial. p. 156, *Valckena-
rius* l. c. p. 39, 40. Tantum adscribam *Athenadi* verba lib. III
p. 471 ed. novae; *Μακεδονίζοντάς τ' εἰς ἀλλήλους τῶν Ἀττικῶν*. Lo-
quitur sine dubio de Atticis recentioribus.

quoque in Thracia, Sicilia, Asia minori aliisque Barbaris regionibus.

Si itaque gentes illae Asiae minoris Graece locutae fuissent, quamvis ille sermo vehementer fuerit corruptus et a fonte tersae Graecitatis longius recessisset, quod eruditi viri existimant, Barbarae tamen dici non potuissent: quod ex iis, quae modo dicta sunt, consequi videtur.

Quodsi vero haec nondum unicuique satisfaciunt, etiam alia supersunt argumenta, quibus sententiam nostram adstruamus.

Auctor est *Philippus*, rerum Caricarum scriptor vetustus, apud *Strabonem* Lib. xiv p. 455 [977], *Cares multa vocabula Graeca suae linguae adiniscuisse*. Cuius rei hanc causam affert *Strabo*, quod Cares per totam Graeciam stipendia (w) meruerint, atque cum Graecis multum commercii habuerint. Quodsi itaque Carum lingua a Graecis quaedam accepit, non potest, quin plane diversa fuerit. Etiam illud notandum est, quod *Strabo* addit, reliquos Barbaros, quando ad Graecae linguae usum introducuntur, non posse perfecte vocabula exprimere, quia nihil illis cum Graecis commercii intercedit. Quaecumque enim regiones etiam a Graecis habitabantur, illae accensebantur Graeciae. Vide *Is. Vossium* in *Me-*
lam

(w) De Caribus omnium primis stipendia merentibus, et idcirco ab Atheniensibus contemtim habitis, videatur *Tzetzes* in *Lycophrone* p. 92 [*]. Etiam huc referendae Troezeniorum coloniae. Vide *Pausaniam* in *Corinth*. p. 73 [182, 183], *Vitruvium* p. 60.

[*] Ad v. 1384, ubi notavit *Meurfius*. Auctor *Etymol. M. v.* Κῆρος, Πρῶτος γὰρ Κῆρις ἐπολιμήσατο ἐπὶ μισθῷ, καὶ ἰσοῦσα εἶναι ἀτιμώταται.

tam p. 174. Hinc non una Graecia, sed plures memorantur ab *Heliodoro* Lib. vii Aeth. p. 334. Qui igitur Barbari dicebantur, a Graecis plane alieni erant (x).

Non parum etiam in hac lite diiudicanda iuvare nos potest scriptor magni pretii, *Ephorus*, Isocratis discipulus et Theopompi aequalis, quem ab ingenio et facundia *Tullius*, a peritia *Polybius*, viri uterque in suo genere laudatissimi, vehementer commendarunt. Is igitur, teste *Strabone* Lib. xiv p. 466 [996] totius Asiae minoris gentes trifariam divisit, in γένη Ἑλληνικά et Βάρβαρα χωρὶς τῶν μιγάδων. Quo loco scriptor peritissimus μιγάδας, convenas, gentes commixtas, origine partim Graecas, partim Barbaras, ab iis diserte discernit, quae in totum vel Barbarae essent, vel Graecae. Et si vero *Strabo* p. 467 μιγάδες non agnoscit, argumento tamen huic nihil decedit. *Ephorus* dixit μιγάδας Ἑλλήνων καὶ Βαρβάρων, qui ex uirisque commixti sunt, uti ἱππεῖς Ἰβήρων καὶ Νομάδων μιγάδες apud *Plutarchum* in Marcello p. 304. A Nec alio sensu meminit idem *Strabo* Lib. xii p. 368 [807] μετὰ δὲ τούτους μὲν Ἑλλήνων οἱ τε Αἰολεὲς καὶ Ἴωνες, τῶν δ'

(x) *Tertullianus* tamen *Barbarias Graeciae* commemorat. Puto eum loqui de regionibus Barbaris a Graecis quoque habitatis et excultis. Scribit ille in libro de velandis virginibus c. 2: *Per Graeciam et quasdam Barbarias eius, plures Ecclesiae virgines suas abscondunt.* Interpretatur *Priorius* nomen *Barbarias* de Graeciae quibusdam urbibus vel regionibus. *Rigaltius* [*] intelligit regiones quasdam extra Graeciam, seu appositas Graeciae, quibus cum fuit negotium vel bellum Graecorum. Intelligo Macedoniam et Thraciam.

[*] Huic assentitur *Semlerus* in Indice Latinitatis *Tertullianae*.

δ' ἄλλων Κᾶρές τε καὶ Λύκιοι, ἐν δὲ τῇ μεσογαίᾳ Λυδοί. Conf. *Plinius* Lib. vi c. 2. Vide et *Harduini* Nummos antiquos illustratos p. 213, 214. Eiusmodi homines μιξοβάρβαροι vocabantur et ἡμιβάρβαροι. Medae liberos aiebant Corinthii μιξοβαρβάρους, quia ex Iasone Graeco et Medea Barbara nati erant. Vide Scholiasten ad *Pindari* xiii Olymp. p. 117, *Plutarchum* in Crasso p. 561. C, et *Hesychium* in v. Μιξοβάρβαρος [*]. Ἡμιβάρβαροι qui sint, bene explicat *Demetrius Scephius* apud *Strabonem* Lib. xiv p. 420 [998]. Adde *Plutarchum* de virtutibus mulierum p. 247, A.

§ 6. De ortu et progressu linguarum apud gentes Asiae minoris.

Sic vidimus, non Graecum fuisse harum gentium sermonem, sed plane diversum et peculiarem. Verum qualis tandem fuit, aut unde natus est? Vere dixit *Cicero* de N. D. Lib. i c. 20: *Omnibus fere in rebus, quid non sit citius, quam quid sit, dixerim.* Id quam difficile sit in hac re, norunt ii, qui accuratius in istas res inquirere umquam in animum induxere. Etenim in tota antiquitate nihil tam obscurum tantisque tenebris involutum est, quam sunt origines linguarum imprimis Barbaricarum, quod omnes facile intel-

[*] Locum *Hesychii*, etsi diligentius quaesitum, non inveni. Ipsa voce μιξοβάρβαρος utitur *Lucianus* in Iove Tragoedo § 27, t. ii p. 073. Talis dicitur ἡμιέλλη ab eodem de Saltatione § 64, t. ii p. 303, et μιξέλλη a *Polybio* lib i c 67, ubi μιξέλλησι opponuntur Hispania, Gallis, Liguribus, Balearibus et Afris. In Eclogis *Diodori Sic.* t. ii p. 509 eadem invenias, sed μιξέλλησι δαῖται in Latina interpretatione dicuntur *servi altero parente Graeci.* Rectene an secus, non dicam.

intelligunt. Linguam Cappadocicam initio haud multum ab Assyria veteri diversam fuisse dicemus, ubi ad definiendam hanc linguam ventum fuerit. De reliquis, velut de Phrygia, Lydia et aliis linguis quid dicendum sit, multo magis haereo. Origo quippe earum plane est obscura, quamvis corruptio et mutatio apertior sit ac facilius investiganda. De Colonis Graecorum nihil attinet dicere, cum illae in ora maritima perstiterint, neque nisi sero in regiones mediterraneas penetraverint. Hinc a *Xenophonte* in *Cyrop.* p. 111 [VII. 4, 5] memorantur *οἱ Ἕλληνες οἱ ἐπὶ θαλάττῃ οἰκοῦντες*. Quodsi tamen istae Graecorum migrationes alicui harum linguarum mutationem intulerint, ea potissimum fuit propter viciniam Cariae, de qua non tantum *Philippus* apud *Strabonem* Lib. XIV p. 455 [977] testatur, ut in praecedentibus monui, huic linguae multas voces Graecas admixtas fuisse, sed alii etiam id saepius confirmant, *Hesychius*, *Eustathius*, Auctor Etymologici Magni, plures. Mansit tamen peculiaris lingua, quemadmodum Latina, quae quamvis innumeris vocibus Graecis abundet, et praeterea origine ferme Graeca sit, tamen Graeca dialectus dici nequit, sed lingua diversa et peculiaris manet. Igitur, ut taceam ipsa temporis diuturnitate et seculorum decursu multa innovari, primam forte mutationem insignem in linguis suis perpessae dici possint hae gentes ab Aegyptiis, qui, duce Sefostri, sive Sefoosi, vel etiam Sefonchofi (y), cum alias regiones, tum has quoque subiugarunt. Refert *Herodotus* Lib. II cap.

(y) Diversimode nomen scribitur. *Σέσωσις* est vulgatissimum. *Σεσώσις* habet *Diodorus Siculus* Lib. I p. 34 [c. 53, ubi conferantur notae Stephani, Rhodomanni et Cl. Wesfelingii]. *Σεσόχωνσις* invenitur in Scholiis ad *Apollonium Rhodium* [IV. 272, 276] et alibi.

cap. 106 se istius expeditionis quaedam monumenta in Palaestina et Ionia oculis usurpasse, viros nempe petris incisos cum aliqua inscriptione Aegyptiaca, cuius hic fuerit sensus: *hanc regionem ego humeris meis obtinui* (z). Similis monumenti ab hoc Sesoosi in Thraëia erecti, inscriptique literis sacris Aegyptiorum, meminit etiam *Diodorus Sic.* Lib. I p. 51 [c. 55]. Ex ista Sesostris expeditione, cuius *Strabo* saepius facit mentionem (a), superfuisse Colchos, gentem Aegyptiam, fuit traditio. Vide *Valerium Flac- cum* Lib. V Arg. v. 419 et seqq., *Agathiam* Lib. II p. 51. Si quis plura de hoc Sesostris nosse cupiat, is adeat doctissimi Angli *Marsham* Canonem *Chronicum*, ubi multa memoratu dignissima annotavit vir egregius. Est et altera Aegyptiorum in Asiam ex- peditio, auspiciis Rhamsis suscepta, de qua *Tacitus* Lib. II *Annalium* cap. 60 scribit: *Max vixit veterum Thebarum magna vestigia, et manebant structis mo- libus literae Aegyptiacae, priorem opulentiam com- ple-*

(z) Obiter monebo, ex hoc *Herodoti* loco recte a *Gro- novio* in *Diatribæ* ad *Statium* cap. 22 vindicata fuisse verba *Claudiani* de Bello Gildonico v. 114,

Ast ego, quae terras *humeris* pontumque *subegi*,
Deseror.

Non opus itaque est, ut illic pro *humeris* legatur vel *iu- venis*, vel *numerus*, vel *armis*, licet *ἄνωγει* in *Herodoto* et *humeris* apud *Claudianum* recte accipiatur de *armis*, re- spectu nempe ad morem gerendorum armorum. *Cicero* ait *Verrin.* VI c. 34, *Sagittae pendebant ab humero*, et *Vir- gilius* *Aeneid.* II v. 844, *nostras humero gessisse phare- tras*.

(a) Lib. I p. 42 [106], Lib. XVI p. 529 [1114], Lib. XVII p. 543 [1138].

plexae; iussusque e senioribus Sacerdotum patrio sermone [patrium sermonem] interpretari, referebat, habitasse quondam septuaginta [septingenta] millia aetate militari, atque eo cum exercitu Regem Rhamsen Libya, Aethiopia, Medisque et Persis et Bactriano et Scythia potitum, quasque terras Syri Armenique et contigui Cappadoces colunt, inde Bithynum, hinc Lycium ad mare imperio tenuisse. Quis ille Rhamses fuerit, a viris eruditis disceptatur. Rhampsinus, de quo *Herodotus* Lib. I cap. 121, hic locum habere vix potest, quod tamen volebat *Marshallus* in Canone Chron. p. 416. Namque *Herodotus*, qui de thesauris et avaritia ipsius tam multa nobis praedicavit, nobilissimam historiae istius regis partem, expeditionem illam insignem, omittere non potuisset. Ex silentio talis ac tanti Historici, quantus *Herodotus* fuit, non immerito colligitur, Rhamsen distingui oportere a Rhampsinio. *Lipsius* ad *Taciti* Annales p. 116 profert Rhamsen aliquem, quo regnante Troia capta sit, fide *Plinii* Lib. xxxvi c. 8. Legimus tamen apud *Ammianum Marcellinum* Lib. xvii [c. 4.] p. 126, obeliscum illum egregium, quem ex Aegypto Romam allatum transtulit Hermapion, dedicatum fuisse cuidam Ramestae, atque is ab altera obelisci parte in versu secundo appellatur δεσπότης οἰκουμένης, dominus orbis terrarum. *Valesius* in notis etiam *Taciti* meminit, et alium praeterea locum ex *Eusebio* adducit. Existimat autem vir ille eruditus, Sesostrin et Rhamsen unum eundemque fuisse; quam sententiam quondam lubens in medio relinquebam, sed nunc omni procul dubio verissimam iudico, praecunte *Perizonio* in Originibus Aegyptiacis cap. 17, qui consulatur.

Expeditionibus Aegyptiorum accenferi et illa metetur, qua Croeso adversus Cyrum Aegyptii auxilium tulerunt, praecipue cum Cyrus ipsis devictis, et se-

se tradentibus, urbes in Asia habitandas concesserit, narrante *Xenophonte* Cyropaed. p. 106 [1. 1. 4]. Mirum igitur non est, vestigia Aegyptiorum hinc inde in Asia (b) superesse. Ex Periplo Ponti Euxini p. 7 edit. Hudsoni novimus, in Ponto esse fluvium, cui nomen *Isis*, quod aperte Aegyptiacum est.

Post Aegyptios Asiam irruptionibus turbarunt Scythae. Namque illi, ut ait *Iustinus* Lib. II c. 3, *ter imperium Asiae quaesiverunt*. Tempore Sesostris Tanaus in Pontum usque excessit, quod docet *Iustinus* Lib. I. c. 1. Haec prima irruptio fuit. Secunda Asiae debellatio videtur contigisse duce Indathyrso. Is enim, debellatis multis Asiae gentibus, in Aegyptum (c) usque penetravit, uti ex *Megasthene* in Indicis perhibet *Arrianus* p. 518. Verum dubitare quis possit, an non *Megasthenes* aut Tanai, aut vero Madyae, qui ultimus Aegyptum adortus est, ut videbimus, expeditionem dicere voluerit. Meminit et huius Indathyrsi *Strabo* Lib. X p. 472 [1007] ex *Megasthene*, qui forsitan hunc cum Tanao pro uno eodemque habuit. Id enim videntur verba *Stratonis* indicare. Vide et *Hornium* in Origin. Americ. p. 146, 147. Quidquid est, illud saltem scimus, Indathyrsum istum a *Megasthene* memoratum non esse eum, quocum Darius bella gessit, quique ab *Herodoto* [IV. 75, ubi nunc *Ἰδάθυρρος*] et *Plutarcho* in Apophth. [p. 174. E [*]] In-

(b) Non plane de nihilo erit hoc observasse. Si autem in aliqua lingua Asiatica remanserunt vestigia quaedam Aegyptiorum, id omnino de lingua Lycaonica dicendum videtur, uti in superioribus monui.

(c) Fortasse etiam in Indiam, si vera scribit *Philostratus* Lib. III p. 126 [cap. 20] de Scythiis, irruptionem superata Caucasa tentantibus, sed a Gange rege Indiae repulsi.

[*] Ubi scribitur *Ἰδάθυρρος*; et plura de homine et nominis varietate notavit Clar. *Wyttenbachius*.

Indathyrſus, a *Cteſia* vero apud *Photium* p. 56 [116] *Σκυθάρης* appellatur (*d*). Hic enim nec multas Asiae gentes subegit, nec Aegyptum adiit. Tertium Scythae Asiam sibi subiecerunt ductu Madyae regis, atque Aegyptum quoque occupaturi fuerant, nisi Psammetichus muneribus eos placasset. Quo tempore octo supra viginti annos imperium tenuere, eiectione tandem et necati iussu Cyaxaris Medi, qui pater Astyagis fuit. Vide *Herodotum* Lib. I c. 105, 106, et Lib. IV c. 1. Tertiam hanc expeditionem Scythicam verbis disertis commemorat *Iustinus* Lib. II c. 5. Verum liquet ex *Herodoto* apud *Iustinum* eo in loco pro octo, ut hactenus editum semper fuit, quod sciam, legendum esse viginti et octo. Nempe Commentatores non [*] attenderunt, loqui *Iustinum* eo loco de expeditione Madyae. Huc quoque pertinent, quae de Amazonibus relata legimus, eas Pontum occupasse, atque civitates celeberrimas condidisse, Myrinam, Ephesum aliasque, postea occupatas a Graecis, sed qui, ut fidem facerent posteris, has urbes a se conditas esse, ipsam Amazonum historiam omnem dubiam fecerunt et suspectam. Hinc scribit *Strabo* Lib. XI p. 504 [770], peculiare aliquid narrationi de Amazonibus accidisse: reliquae enim fabulas a vera historia separatas habent; historia veritatem requirit, sive prisca ea, sive nova sit, monstrosa aut nulla admittit, aut raro. De Amazonibus vero eadem et nunc et antiquitus traduntur, *τερατώδη τ' ὄντα καὶ πίστεως πόρρω*,
pro-

(*d*) *Iustinus* eum vocat Iancyrum Lib. II c. 5, alii aliter, ut docent viri docti ad istum locum.

[*] Recte tamen id observarunt *Bongarsius*, *Vorslius*, alii, sed contra consensum librorum scriptorum omnium in ipso contextu nil mutandum censuerunt. Quae quidem modestia a plerisque in Arte Critica principibus viris saepe laudata est.

prodigiosa quidem et a fide procul remota. Ita *Strabo* et non pauci alii, sed dissentientibus scriptoribus compluribus, tam veteribus, quam recentioribus. Conferatur *Freinshemius* ad *Curtii* Lib. vi cap. 5, cuius mihi placet sententia, rem hanc haud-omnino ex vano hausitam fuisse, sed Graecula vanitate in miraculum corruptam. Amazones vero Scytharum et Thracum sermone usas fuisse, non origo tantum Scythica declarat, sed etiam conceptis verbis testatur eruditus *Apollonii Rhodii* Scholiastes in L. ii v. 948, Ἐπεὶ δὲ οἱ μέθυσοι (e) Σανάπαι λέγονται παρὰ Θρακῶν, ἢ διαλέκτῳ χρῶνται καὶ Ἀμάζονες, Quoniam vero bibaces sive ebriosi a Thracibus Sanapae appellantur, qua lingua vel dialecto etiam Amazones utuntur. Scythis hanc vocem tribuit *Hesychius*, cuius locum corruptissimum, in quo quondam lectum fuit Σάναπτιν τὴν οἰνώτην. Σκύθαι, ex Scholiaste *Apollonii* restituerunt illustris *Ios. Scaliger* et *Is. Vossius* ad *Iustum* Lib. ii c. 4. 17, legentes, Σανάπην τὴν οἰνοπότιν vel οἰνώδη. Σκύθαι (f), Sanapen Scythae dicunt
vino-

(e) Legendum forte αἱ μεθύσαι. Nam de foeminis sermo est, et sic *Hesychius* τὴν οἰνώδη. Accedit *Pollux* Lib. vi c. 3. p. 278 [legm. 25] scribens, ἡ γυνὴ δὲ μεθύση καὶ μεθύστρια, ὃ γὰρ μέθυσος ἐπὶ ἀνδρῶν [*].

(f) Non miutum Σανάπαι, ablata nempe terminatione Graeca, abludivit a sermone Aegyptiorum, quibus πάρανος di-

[*] Coniectura haec minus probabilis videtur. In ea Scholiorum parte tantum fit mentio dialecti Amazonum, sed additur deinde ἢ δὲ μέθυσος Ἀμαζόνες κ. λ. Necque hic necesse, ut scribatur ἢ μεθύση. Sed consulantur *Graevius* ad *Lucianum* t. iii p. 562, 563, *Bos* et *Oudendorpius* ad *Thomam M.* p. 602, *Pierseus* in *Asocridem* p. 260, 261.

vinosam mulierem. Adversatur quidem his *Herodotus*, atque ait, Scythas linguam Amazonum addidisse, cum hae illorum sermonem discere non potuissent, Lib. II cap. 114; verum tamen ex ipsa *Heracloti* historia convenientiam linguae Amazoniae cum Thracica adstruere possem, nisi prolixum id foret. Tandem etiam huc faciunt Scytharum coloniae, quae non paucae in Ponto exstiterunt, ut ex Scholiaste *Apollonii* in Lib. II passim perspicitur. Hinc factum esse, ut multae voces Scythicae in linguas Asianas derivarentur, nemo est, qui non videat, cum quotidie similia contingere discamus. Hispanorum lingua, quia iugum Maurorum diu passi sunt, quartam ferme partem voces Arabicas admixtas habet, ut in Itinerario Hispaniae observat *Zeilerus*. Idem in Anglia et alibi quoque usu venisse, omnes norunt.

Scythis Asia pulsas, imperium ad se rapuerunt Persae, qui cum ubique locorum homines Persas constituerent Satrapas aliosque Praefectos, non potuit fieri, quin multa ex Persarum lingua adsciscerentur, et si mandata regis Persarum cuiuscumque populi lingua patria conscribebantur, ut novimus e libro *Estherae* c. I comm. 22. Et quomodo aliae gentes hoc vitare potuerint, cum ne Graeci quidem ita linguae suae puritatem conservarint, quin a Persis nonnulla acceperint, quod *Athenaeus* queritur Lib. III p. 122 [471], uti a Thracibus aliisque gentibus Barbaris. Vid. *Philostratus* in vitis Sophistarum p. 553, inprimis *Plato* in *Crarylo* p. 57. Neque ipsa Romanorum lingua permansit immunis vocum peregrinarum.

dicitur CE vel CONHPH, Psalm LXIX. 21. A Thracibus autem vinum appellatum fuit Ζηλας, docente *Hesychio* in voce, vel Ζελα, quod est in *Photii* Lex. MS., cuius usum mihi perhumaniter concessit Cl. la Croze.

rum. Etenim ex Persarum lingua sunt, *Gaza*, *Parasangae*, *Copis* et alia multa, quae viri docti dudum animadverterunt, inprimis *Relandus* in Dissertationibus Miscellaneis n°. VIII. Devictis Persis et summam rerum tenentibus Graecis, non modo multa Graeca Barbaris linguis sese immiscuerunt, sed etiam in Oriente sermo Graecus invalescere coepit, sic tamen ut patria lingua conservaretur, unde apud plurimas gentes non una, sed plures Dialecti obtinuerunt. De Cibyris *Strabo* memoriae prodidit Lib. XIII in fine [p. 936], eos quatuor linguis usos fuisse, Pisdarum, Solymorum, Graecorum et Lydorum, quae postrema lingua patria illis fuit, nam Lydos genere fuisse *Strabo* ibidem docet. Sic Galatae etiam duas linguas usurpabant; quod testatur *Hieronymus* in Prooemio Lib. II Comment. in Epistolam ad Galatas, ubi ait: Galatas excepto sermone Graeco, quo omnis Oriens loquitur, propriam linguam eandem paene habere, quam Treviros, nec referre, si aliqua exinde mutaverint, cum et Afri Phoenicum linguam nonnulla ex parte mutaverint, et ipsa Latinitas regionibus quotidie mutetur et tempore. De quo loco plura disserit *Elias Schedius* de Diis German. p. 12. Idem quoque in Lycaonica lingua usu venit. Etenim Lycaones audiebant Apostolos euangelium praedicantes lingua Graeca, eamque intelligebant; sed tamen etiam data occasione sua propria lingua, *Λυκαονική*, loquebantur. Ex his manifestum est, quales illae fuerint linguae, ut non abs re dixerit *Hesychius*, *συγκέχυται ἡ Βαρβάρων φωνή*, permixta & confusa est Barbarorum lingua. Inprimis id verum est in his gentibus, quae tot mutationibus obnoxiae fuere. Atque idem omnibus gentibus, quae rudes sunt et minime politae, frequenter accidit. Etenim cum illae multis rebus destituantur, quae aliis sunt cognitae et perspectae, tandem cum res eas ipsas discunt, earum

rum etiam nomina retinent, a quibus acceperunt. Unde non mirum videri debet, quod in his gentibus multa sint Graeca, cum a Graecis multa acceperint didicerintque.

§ 7. *De lingua Phrygia. Eam non fuisse Graecam Dialectum, contra Th. Ryckium ostenditur.*

Restat, ut de unaquaque harum linguarum sigillatim quaedam delibemus, quo intelligamus, qua ratione a se invicem distulerint, atque tum consideratis quibusdam vocibus, hinc inde in vetustis monumentis adhuc residuis, aliquod iudicium de re tam obscura feramus.

Prima se nobis offert *Phrygia* lingua, tum quod in illa ora haec regio prima sit, tum quod etiam nuper admodum vir doctissimus *Theodorus Ryckius* eam Graecam esse probare voluerit [*]. Ait itaque vir acutissimus in erudita *Diatribae* de primis Italiae Colonis et Aeneae adventu Cap. xii n. 44 et 50 [p. 465, 466]: *Cum tamen certo certius sit, linguam Phrygiam linguae Graecae fuisse propaginem sive dialectum; linguam Phrygiam non fuisse diversam a Graeca nisi dialecto, non uno loco ex Dionysio potest colligi.* In quo illud miror, virum eruditissimum pro una re habere, quae tamen inter se differunt. Aliud propago est linguae, aliud Dialectus. Potest namque lingua ab alia, cuius est propago, tam procul abire,
ut

[*] Dissertatio haec edita est Lugd. Batav. a 1684, subnexa *Holstensi* notis et castigationibus in *Stephanum Byzant.* p. 399—467.

ut pro eius dialecto amplius haberi non possit (g).
 Exemplo sit lingua Latina, quae, ut dixerat ipse
Ryckius n. 43, magnam partem fuit Graecae origi-
 nis. Quin si credimus *Iubae* apud *Plutarchum* in
 Rom. p. 26, primum lingua Graeca pura Romae (h)
 obtinuit, οὕτω τότε τοῖς Ἑλληνικοῖς ὀνόμασι τῶν Ἰτα-
 λικῶν ἐπεκεχυμένων, nondum id temporis Graecis ver-
 bis cum Italicis confusis. Adde eundem in *Numa* p.
 64, τῶν Ἑλληνικῶν ὀνομάτων τότε μᾶλλον ἢ νῦν τοῖς
 Λατίνοις ἀνακεκραμένων, et in *Marcello* p. 312, B.
Iubae iudicium confirmatur etiam auctoritate Hera-
 clidis Pontici, qui apud *Plutarchum* in vita *Camilli*
 p. 254 Romanos esse Graecos agnoscit (i). Sen-
 tentiam tamen *Iubae* in universum defendere non au-
 sim. [*] *Festus* certe e contrario affirmat in v *Alu-*
mento, veteres Romanos Graecae linguae non aduetos
 fuisse. Quidquid autem est, linguam tamen Roma-
 nam, cum esset in flore, quamvis propago Graeca
 existeret, quis merito Dialectum Graecam dixerit?
Dionysius Halicarnassensis, qui omni opera annisus
 est, ut Romanos efficeret Graecos, in fine Libri I
 p. 76 testatur, Romanos sermone nec prorsus Barba-
 ro nec absolute Graeco uti, sed mixto ex utroque,
 accedente in plerisque ad proprietatem linguae Aeol-

li-

(g) Conf. *Dionysius Halicarnassensis* Lib. I p. 23. Lega-
 tur etiam observatio *Salmasii* de Lingua Hellen. p. 19, 20.

(h) Vide exemplum apud *Macrobius* Lib. I *Saturnal.*
 c. 15 p. 181.

(i) *Tertullianus* de Testim. Animae cap. ult. scribit;
Graecam linguam et Latinam propinquas inter se haberi.
 Linguam etiam Italicorum antiquissimam plerique tum vete-
 res tum recentiores Graecam esse opinantur. Vide *Wachteri*
 concordiam Naturae et Scripturae, num. 298, et ibi not. 9.

[*] Temeraria videtur argumentatio nec ad causam pertinet : cuius-
 modi item illa p. 31 et 47 ab Europaeis linguis ducta.

licae. Illud certe constat, Romanos non nisi magno labore Graecam linguam didicisse, unde factum est, ut multi fuerint, qui omnino Graecas non amarent literas, quod *Cicero* queritur Lib. II *Academ. Quaest.* cap. 2 (k). Atque ita se res habet cum multis Europaeis linguis, quod omnes norunt. Possemus iam iis contenti, quae supra disseruimus, pro certo affirmare, linguam Phrygiam non esse vel propaginem vel Dialectum linguae Graecae; verum tamen quia alii in contrarium disputant, et novis argumentis nostram sententiam impugnat vir eruditus, supra a me laudatus, qualia ea sint, paulo accuratius dispiciendum.

Non desunt, qui Phrygas velint fuisse Graecos. Inter antiquos *Iustinus*, scriptor haudquaquam semper accuratissimus, Phrygas Lydosque dixit Graecos, Lib. XX c. I [*]. Videtur quoque pro sententia horum eruditorum adduci posse, quod *Servius* ait in II *Georg.* 394, *Hymni Matris Deum ubique propriam i. e. Graecam linguam requirunt.* Erat autem Mater Deum origine Phrygia; quod vel iocus ille *Antisthenis* declarat apud *Diogenem Laërtium* Lib. VI init., καὶ ἡ μήτηρ τῶν Θεῶν Φρυγία ἐστίν, et apud *Plutarchum* de Exilio p. 1077, τὸ δὲ τοῦ Ἀντισθένης — πρὸς τὸν εἰπόντα, ὅτι Φρυγία σου ἐστίν ἡ μήτηρ· καὶ γὰρ ἡ τῶν Θεῶν (l). Is igitur *Servii* locus forte

(k) Hinc etiam vocabula Graeca a Romanis habebantur pro peregrinis. Vid. *Salmasius* de L. Hellenist. p. 92.

(l) Pensitandus etiam locus *Iuvenalis* Sat. III v. 62
191.

[*] Nulla illic mentio Phrygum, in edit. Gronoviana a. 1760, neque eos, quod sciam, alibi *Iustinus* dixit Graecos.

forte non sine aliqua veri specie obici nobis possit, praesertim si meminimus, in Mysteriis propriam et patriam linguam requiri. Vid. *Nicephorum Gregoram* in *Synesium* de Insomniis p. 96 fin. edit. Turnebi. Quod etiam ex Philosophis Theurgicis quidam memoriae prodiderunt. Ad haec vero respondeo, *primum*, *Servium* loqui de ritibus colendis Matris Deum, Graecis indeque Romanis quondam usitatis, ut patet ex tota serie rerum; quae quidem responsio tanto maioris erit ponderis, ubi addidero *secundo*, ritus Graecorum et Barbarorum Phrygum, quibus illa Deum Mater colebatur, plane fuisse inter se diversos, quod prolixè *Strabo* exponit in *παρεμβάσει* sua de Curetibus, ubi ex *Demosthene* [*] etiam observat, vitio versum fuisse patri *Aeschini*s, quod, in sacris *Cybeles*, *Phrygiis* et barbaris acclamationibus usus fuisset, p. 325 [l. x p. 723]. Denique et hoc notandum est, Matrem Deum Graecorum et *Cybelen* *Phrygum* initio quaedam habuisse inter se similia, quare unam cum altera compararint, ut *Isidem* *Aegyptiorum* cum *Cerere* *Graecorum*, fuisse vero etiam, in quibus a se differrent. Alias certe de *Cybele* sua *Phryges* narrarunt fabulas, alias *Graeci* de *Rhea* sua et *Matre Deorum*, quamquam postremis temporibus duo haec numina in unum conflata fuisse noverimus. *Apuleius* certe, quo nescio an alius quisquam scriptorum, qui exstant, mysteria religionum et sacra gentilium

sqq., sed praecipue locus insignis de ludis *Megalensibus*, *Matri Deum* dicatis, apud *Ciceronem* de *Harusp.* responsis c. xii.

[*] Quam mecum *Celeb. Wyttenbachius* communicavit, lubens et gratus adscribo observationem: „*Demosthenes* in oratione Pro Corona p. 313. edit. Reisk. *Aeschini* obicit, eum matri suae initiationes iactitanti operam ministrasse, βούλομαι σάβει, καὶ ὑπερχεῖρας ὕψι ἀντιπαραστήσειν ὕψι. Haec *Phrygia Sacra* vocat *Strabo* l. c.”

tilium perspecta magis et explorata habuerit, discrimen inter duo ista numina facit, ut colligere licet ex his verbis, Lib. ix p. 221 edit. Elmenh., *propter unicum cantharum* [caliculum, in edit. Oudendorpii p. 612], *quem Deum Mater Sorori suae, Deae Syriae, hospitale munus obtulit*: Illa vero Syria Dea fuit ipsa antiquissima Mater Deum Phrygia, ut inprimis ex *Apuleio* et *Luciano*, aut quocumque demum auctore libri de Dea Syria, plane constat.

Sed nunc videamus argumenta a *Ryckio* in medium allata. Primum id quidem ille concedit, Phryges, sive Briges (m), ex Thracia in Asiam traiecit, et patrium sermonem secum advexisse, quod verissimum (n) est, sed *Thracicam linguam initio non levem cum Graeca convenientiam habuisse* affirmat. Atque id exinde colligi posse existimat, quod magna pars Graeciae a Thracibus fuerit occupata. Verum hoc argumento id, quod vult, vir doctus minime consequitur. Id quidem inde sequi potest, unam gentem ab altera accepisse nonnulla, quod etiam re ipsa contigit. Audiamus *Salmasium*, qui in istis rebus erat

(m) *Phryges* ab initio vocabantur *Briges*. Est vero in Thracia vestigium illius regionis, e qua Briges in Asiam transierunt. *Suidas*, Θάμυρις, ἢ Θαμύρας, Θρᾷξ, ἐξ Ἠδωνῶν, τῆς ἐν Βρύγοις πόλεως. *Hesychius* scribit, Βρύγες. δι μὲν Φρύγες δι δὲ Βάρβαροι. Et id confirmant *Strabo* Lib. xli p. 550 [827], *Stephanus Byzant.* v. Βρύγες, et ad istum locum *Holstenius*, sed et ante eos omnes *Herodotus* Lib. vii c. 73. Ex eodem *Hesychii* loco intelligimus, Phryges habitos fuisse pro Barbaris, quemadmodum Phrygia appellatur Barbaria. Vide *Turnebi* Lib. ix Adversariorum cap. 18.

(n) Sententiam *Ryckii* de Phrygibus origine Thracibus non potui non maxime probare. Id vero aegre tulerunt collectores *Diarii Trivulini*, qui in Mense suo Martio anni

erat exercitatissimus, in libro de Lingua Hellenist. pag. 403. *Lingua, ait, Graecorum ita fuit propria ipsis et peculiaris, ut tamen multa vocabula a Phoenicibus mutuata sit, plura a Getis et Thracibus. Ex quorum numero illa quoque videntur fuisse, quae a Phrygibus Graecos accepisse Plato testatur in Cratyllo p. 57, 61, velut πῦρ, ὕδωρ, κύνες et alia [*]. Eadem*

1715 sic iudicant p. 540, *Selon luy les Phrygiens étoient Thraces, c'est ce qu'on aura de la peine à luy accorder. Atqui in hac Dissertatione laudavi Ryckium, id ipsum etiam fatentem. Quem si evolvisset, sine dubio vidisset, virum eruditum suae sententiae auctoritatem conciliasse ex Hierodoto Lib. vii c. 73 et Strabone Lib. xiii p. 590 ed. Basil., p. m. 460 [877]. Quibus testimoniis adde eundem Strabonem Lib. x p. 324 [722], Lib. xii p. 379 [857], Plinium Lib. v cap. ultimo, Stephanum Byz. in v. Λόκατος, Anonymum apud Suidam in v. Ἰλιον, Eustathium in Dionysium Perieg. [v. 521] p. 54, Epiphanium de Haeresibus p. 8 § vii. Pertinet huc quoque locus Antisthenis apud Diogenem Laërtium l. c., ubi verbis καὶ ἡ μήτηρ τῶν θεῶν Φρυγία ἐστὶν haec adiunguntur, ἔδκει γὰρ Θράκης μητρὸς, et haud obscure ad communem Phrygum Thracumque originem respicitur. Hinc quoque Aesopus Phryx a quibusdam dicebatur Thrax. Verbo, nihil in hac Dissertatione dictum fuit, quod et certius sit, et maiori nitatur veterum auctoritate, et communi virorum doctorum consensu, a quibus tamen Salmasius in notis ad Stephanum Byz. v. Σάβοι dissentit, abunde confirmatur; et quod adeo innumeris testimoniis, si rem hanc tanti ac multa probatione egentem existimaverim, facillime potuissem comprobare. Si quid in meo libello voluissent carpere, carpenda certe erant alia, quae ipse deinde observavi, et curis secundis nunc emendavi.*

[*] Valckenario V. Cl. πῦρ videbatur vox peregrina, non item ὕδωρ. Vocibus his omnibus origo Graeca attribuitur a Lennepio et Scheldio.

dem Graeca lingua posteris temporibus ex Latinorum sermone innumera depromsit, ut testantur Glossaria Graecobarbara, propterea tamen diversissima lingua a Latina semper permansit. Quantum vero alloquū inter Thracicam linguam et Graecam intersuerit, ex *Ovidii* Tristibus et *Luciano* discere possumus. Vid. §. 4. Addatur *Porphyrus* de Abstin. p. 196 [lib. III § 3], et *Dio Cassius* Lib. LI p. 462, 463 [p. 658], ubi lingua Thracum opponitur Graecae, atque *Ammianus Marcell.* Lib. XXVII p. 363 [cap. 4], qui Thraciam scribit priscis temporibus tenuisse Barbaros, morum sermonumque varietate dissimiles. Equidem non est, quod dubitem, linguam Thracicam fuisse eandem cum Scythica, aut saltem parum diversam, quod aliquando fusius, Deo O. M. fortunante, in Scythicis Originibus ostendere [*] conabor. Quod vero ad Phryges sive Briges attinet, ipsum eorum nomen Thracicum est, et *homines liberos* significat (o). Quae vox etiamnum in lingua Germanica exstat, *frey*; unde etiam celebris Germanorum Dea *Fria* sive *Freja* nomen habet. Si qua fabulis veterum fides habenda

es.

(o) Video etiam alios in ista sententiā fuisse. Apud *Susfridum Petri* de Orig. Frisiorum Lib. I c. 20 haec ex *Lazit* Migrat. Gentium citata invenio: *Quare nec mihi displicet coniectura illa I. Aventini, et Phrygas Asiaticos Teutonas fuisse lingua, a libertate sic nominatos, die Phryen, qui postea ab eadem libertate, depravata pronuntiatione, die Frianc appellati sunt.* Incidi etiam posthaec in alios; imprimis in *Abelii* cuiusdam Historiam Monarchiarum, qui observatione mea usi sunt, quod in *Abelii* illo libro, qui tamen, dum haec scribo, ad manus non est, series rerum factis declarat.

[*] Originēs hae Scythicae ad me non pervenerunt. An superant, et ubi lateant, me fugit.

esset, videri cuiusdam posset; apud Phryges huius Deae memoriam non evanuisse. *Servius* enim in I Aen. 182 *Frigiae* filiae *Aerepi*, ita legendum est, meminit; quae nomen dederit Phrygiae. Φρυγίας νόμῳς etiam in *Stephano Byzantio* reperitur mentio, in voce Ἀτρήνη. Quod paulo ante dixi, confirmat *Iuba* vetustus auctor (p) apud *Hesychium* in v. Βρίγες, Ἰόβαρ δὲ ὑπὸ Λυδῶν φαίνεται, i. e. ut in notis exponitur, ἀποφαίνεται, Βρίγας λέγεσθαι τὸν ἐλεύθερον, *Iuba* autem affirmat, *Lydos Briga*, sive *Brigem*, hominem liberum appellare. Confundit *Iuba* linguam *Lydorum* cum *Phrygia*, nisi forte utraque lingua hoc, uti multa alia habuerit communia (q). Pergit vir acutus atque contendit, *Phryges post Dardanum adventum penitus Graecisasse*. Quod ne frustra dictum putare quis possit, duabus rationibus confirmare nititur. Primo ex *Graecis et Varrone* (r) docet, *Dardanum fuisse*

(p) De *Iuba*, Mauritaniae Rege doctissimo eiusque libris historicis sit mentio ab *Athenaeo*, *Plutarcho*, *Dione Cassio*, *Plinio* et aliis. Vid. *Mauffacus* ad *Harpocratio-nem* v. Παρθάσιος, et *Celeb. Fabricius* in *Biblioth. Graeca* vol. II p. 601, vol. XIII p. 304 [*Saxii* *Onom. Lit. Part. I.* p. 178, 179].

(q) Cum his tamen conferantur, quae infra disputabo.

(r) *Graeci illi sunt Arctinus*, vetustissimus Poëta, de quo vide *Fabricii* *Biblioth. Graec.* vol. I p. 8, 9, *Satyrus* et *Callistratus*, quorum sententiam *Ryckius* verbis *Dionysii Halic.* exhibet p. 464. Confer et ea, quae praecedunt apud ipsum *Dionysium*. De *Varrone* res est magis dubia: ablegat nos *Ryckius* ad *Servium* in III Aen. 170. Verum *Varronis* sententiam *Servius* refert ad v. 167, quod obiter monendum, et ita scribit: *Graeci et Varro Humanarum rerum, Dardanum non ex Italia, sed de Arcadia (leg. Arcadiae vel Arcadica) urbe Pheneo oriundum dicunt.* *Graecos* designat, quorum *Dionysius* meminit. An vero *Var-*

Arcadem gente, eumque cum colonis Arcadibus in Asiam transisse. Haec vero nondum certa sunt. et indubia. Graeci quippe omnia sibi tribuebant, se vero ipsos *Ἀντόχθονας* vendicabant, nisi forte pauci viri sapientes non minus quam candidi nonnumquam profiterentur, quod plerique negare sustinebant. Hanc ipsam quoque Dardani historiam dubiam fuisse, fidem facit *Servius* in Lib. III Aen. v. 104, ubi *Dardanus*, inquit, *Iovis filius et Electrae profectus de Corytho civitate Thusciae primus venit ad Troiam, et illic parva aedificia collocavit.* Eadem habet ad eiusdem libri v. 167 et 170, ubi eum ex Hetruria venisse, constanter perhibet. Alii autem eum ex Molossia seu Epiro venisse tradiderunt, ut vir Clar. *M. V. la Croze* mihi in-

Varronis mentem illic loci bene ceperit *Servius*, nihil affirmare ausim. Ex Samothracia profectum fuisse Dardanum, *Varro* haud dubie voluit. Vide *Macrobius* Lib. III Saturnal. cap. 4. An vero ex Arcadia eo venisse, indicare voluerit, de eo quaeritur. Forsitam tamen aliorum opinionem adduxit tantum. Eundem *Varronis* locum respicit *Servius* in I Aen. 381. Ceterum vero, venisse Dardanum ex Italia, *Servius*, praeter locos iam citatos, testatur etiam in I Aen. 239, 384, VIII Aen. 134, 135, IX Aen. 10, similiter *Macrobius* in Somn. Scip. Lib. I c. 7, et his multum antiquior *Hellanicus* apud Scholiasten ad *Apollonis Rhodii* Lib. I v. 916 verba, *Νῆσον ἐς Ἡλέκτρης Ἀτλαντίδος.* Hinc *Valerius Flaccus* Samothracen vocat Electriam, Lib. II v. 431,

*Tunc tenuis Lemnos transit et Electria tellus
Thraciis arcana Sacris.*

Ita ex vestigiis Codicum MSS., quos inspexit *Nic. Heinsius*, et in quibus legitur *transita Electria tellus*, legendum conicio. Iunge *Arriani* testimonium apud *Eustathium* in II. B pag. 351, *Plutarchum* in Camillo p. 252 edit. Steph.

indicavit. Erant autem Barbari in Epiro, et montanarum quidem Amphilochii. Vid. Thucydides Lib. I. p. 56 [c. 68] et Chaones, ibid. p. 64 edit. Hervag. [c. 80]. Sed concedam, Dardanios fuisse ex Arcadia, illa tamen lingua verèis illis temporibus proprior erat Thracicae, ut docet *Salmastius* de Ling. Hellenistica. Tandem Dardani et Troiani, a Phrygiis diversi (1), non Phrygiam (2) tenuerunt, sed partem illam, quae sita est inter Troiam et Maeoniam. (3) Troianos a Phrygiis origine diversos fuisse, certis argumentis potest comprobari. Nam (1) diversas habuerunt migrationes, et diversis ex regionibus in Asiam appulerunt. (2) Durante imperio Dardanidarum, leguntur Troiani cum Phrygiis similes habuisse et saepe bella gessisse. Ex gr. Tros rex Troiae contra Tantalum Phrygiae regem dicitur arma sumsisse. Vid. *Eusebii* Graeca p. 31, ubi tamen paulo ante dohirat, sive Tantalus Phrygiae rex appellandus, an vero Maeoniae. Sed dubium illud nullius est momenti. Bellum regi Troianorum cum Phrygum rege intercessisse affirmant omnes. Confl. *Frecculi* Chronicon Tom. I Lib. II cap. 13. Eandem rem commemorat *Amianus Marcell.* Lib. XXII pag. 236, et *Herodianus* Lib. I [c. 11, sed ad istum locum consulantur interpretes] p. 17. qui uterque tamen, Levi discordia, non Troem nominat, sed illum. (3) Etiam scriptores veteres distinguunt Troianos et Phrygas, *Strabo* Lib. X p. 326, Lib. XII p. 388, 389, 395, Lib. XIV p. 457, *Dionysius Halic.* loco infra citando, Scholiastes ad *Apollonii Rhodii* Lib. I v. 937, ἡ Φρυγία παράκειται τῇ Τροίᾳ.

(1) De Priamo quidem ait *Polyxena* apud *Euripidem* in *Hecuba* v. 349, 350,

ὃ πατὴρ μὲν ἦν ἄναξ

Φρυγῶν ἀπύκταν.

Sed ne dicam, Troianorum ditionem sub Priamo late se extendisse, quod *Strabo* docet Lib. XIII. p. 402, 403, ipse Priamus apud *Homerum* II. Γ. 184 seqq. Phrygiam a Troia di-

di.

tem Phrygiae minoris (u). Hinc *Servius* in III Aeneid. v. 3, *Phrygia in Asia est, Ilium in Phrygia minori*. Vid. et *Strabo* Lib. XIII [p. 591] et *Eustathius* ad *Dionysium Per.* p. 121, 122 [v. 815] Quod tandem Troianorum imperium funditus deletum est, adeo, ut non defuerint, qui totam rem in dubium vocarent, uti *Dion Chrysostomus* peculiari libro [*] ostendit. Ut ut id est, insignem ἀναχρονισμόν *Ryckius* committit, cum Brigum in Asiam adventum faciat priorem Troiae ἀλώσει. Diu enim post captum Ilium illa migratio contigit, quod ex aetate Midiae, ducis in hac expeditione principis, vulgo colligitur. Ex quo possit videri etiam consequi, linguam Phrygiam antiquissimam non fuisse Thracicam, sed forte Lydiam vel Caricam, aut ex utraque illa commixtam, postea aptem Brigum adventu a lingua Thracica absorptam, aut cum illa confusam fuisse. Multis annis ante Midam, teste *Diogene Laërtio* Lib. I cap. 90, vixit Homerus, et hic tamen Phrygum meminit. Vide etiam de emigrationis tempore *Eusebii* Chronicon Graecum p. 36. His accurate pensatis, dubitare quis

distinguit, ubi Phrygiam maiorem, ad fluvium Sangarium sitam, intelligit *Eustathius* p. 402, quem et vide p. 429. In Scholiis ad Il. B v. 369 hanc leguntur, Ὁ ποιητὴς διασέλλει Φρύγας καὶ Τρῶας οἱ νεώτεροι δὲ συγχέουσι τὴν Φρυγίαν καὶ τὴν Τρωάδα.

(u) Φρύγας ἀμφοτέρους habes apud *Xenophontem* Lib. I *Cyrop.* p. 13 [c. 1]. Idem Lib. II sub init. Φρυγίαν μεγάλην commemorat, et Φρυγίαν τὴν παρ' Ἑλλήσποντον Lib. IV [c. 2] p. 93. *Eustathius* in Il. B pag. 364, Τῆς μικρᾶς δὲ Φασὶ Φρυγίας ἦσαν αὐτοί, οὐ μὴ τῆς μεγάλης, τῆς παρὰ Σαγγαρίῳ κειμένης. Idem ad Il. T p. 402 ait Troiam fuisse περὶ μικρὰν Φρυγίαν.

[*] Orat. XI, tom. I p. 307 seqq. edit. Reiskii.

quis possit, fuerintne forte duae Phrygum sive Brigum in Asiam migrationes, fuerintne etiam plures Midæ, quod nomen in Phrygia commune fuerit. Sed id nunc non ago. Revertamur ad argumenta *Ryckti*. Maioris momenti videtur illa, quam deinceps affert, ratio: nomina filiorum Priami, quæ apud *Apollodorum* existant Lib. iii p. 210, 211, esse Græca, velut, Ἐκτωρ, Ἀλέξανδρος, Διήφοβος, Ἐλσνος, Πάμμων, Πολίτης etc. Video hic nomina Græca complura, nec tamen ad unum omnia, neque eadem plane significatione, qua Phryges usi fuerunt. Ἐκτωρ ex. gr. est vocabulum Græcum, et significat *clavum*. Vid. *Hesychius* in v. Ἐκτορες· πάσσαλοι ἐν ῥυμῶ. Forasse sic dicuntur a *retinendo*, et inde etiam anchoræ Ἐκτορες πλημμυρίδος a *Lycophrone* v. 100, eum eiusdem originis videantur voces Græcæ Ἐκτωρ, ἔζωρ et ἱζωρ, nisi quis malit, Ἐκτωρ scribi pro ἐχέτωρ, cum Scholiaste ad Il. Ω. 272. Apud Phrygas vero Ἐκτωρ idem significavit, quod apud Perlas Δαρειός, *virum prudentem*. Scribit *Hesychius*. Δαρειός· ὑπὸ Περσῶν, ὁ Φρόνιμος· ὑπὸ δὲ Φρυγῶν, Ἐκτωρ, ubi opus non est, ut cum *Thoma Gale* ad *Herodoti* Lib. vi c. 98 pro Ἐκτωρ legendum existimetur ἑκρτωρ. Si in mediam Græciam concesseris, multorum nominum non tam reddideris rationem, quam horum. Et tamen hæc dialectus, si Græca fuit, ut volunt, immensum a communi Græco sermone abiit, ut ex iis vocibus intelligimus, quos vetusti scriptores nobis reliquas fecerunt. Quis Græcorum ovem appellavit Μᾶ, ut Phryges, quis panem βέκκον, quis vulpem Οὐανοῦν, quis regem Βαλλήνα, et similia, de quibus deinde dicam. Illa vero nomina Phrygum, quæ *Homerus* et *Apollodorus* habent, maximam certe partem pura putaque Græca sunt. Præterea, sunt quaedam in his nominibus, quæ scimus a Phrygibus aliter appellata esse. Apud *Apollodorum* v. gr. p. 211 recensetur quidem Λυκάων, quod

quod descendit a Λύκος *lupus*, unde etiam apud *Plinium* Lib. viii c. 34 et *Pompon. Melam* Lib. iii c. 9 *Lycaon* est nomen ferae apud Aethiopas ad genus luporum pertinentis. *Lupum* vero Phryges Δάων appellarunt, ut observat *Bochartus* Tom. i Opp. col. 1164, in dissertatione epistolari de Aeneae adventu in Italiam (v). Itaque hoc nomen non est ex dialecto Phrygia, etiamsi Graeca sit, sed ex communi Graecorum lingua deductum. Et ita se res habet cum aliis. Aut igitur oportet haec sint mere fabulosa, aut Dardanus eiusque posterii regiae stirpis tantum lingua Graeca usi sint, quemadmodum apud Syros et Aegyptios contigisse videmus. Nam qui Syriae post Alexandrum M. imperabant, Graece loquebantur, ut ex eorum nominibus et aliis argumentis (w) constat. Et tamen lingua Syriaca peculiaris lingua permanfit, quod ex monumentis Palmyrenis et ex versione N. T. Syriaca manifestum evadit. Idem etiam in Aegypto contigit, quod prolixius explicare, nec necessarium puto, nec tempus permittit. Unum adiungam

(v) Nescio tamen, unde pateat, *lupum* a Phrygibus dici Δάων. *Bocharto* credidi, multis de voce illa agenti. Nunc vero credo, eum memoria lapsum fuisse, et respexisse ad vocem Γάως, de qua infra monebo. *Plutarchus* ceteroquin auctor est in libro, Quomodo iuvenes poemata audire debeant p. 38 edit. Steph., Macedones Δάων dixisse mortem [*].

(w) *Eusebius* Lib. i Hist. Eccl. cap. ult., Lib. iv cap. ult., *Photius* p. 402. Conf. *Bentleius* de Epistolis Phalaridis p. 404.

[*] Dubium non est, quin scripserit *Bochartus* l. c. Δάος. modo comparetur eiusdem Hierozoicon tom. i lib. iii c. 10, ubi non neglexit hoc *Hesychii*, Δάος — ἐκὸ Φρυγῶν, λύκος, ad q. λ. legendus *Albertinus*.

gam. Lagidas Graece locutos fuisse, cum fuerint Linguae Aegyptiacae imperiti, docet *Plutarchus* in *Antonio* p. 927. Superest aliud, quod dicamus, illos *Priami* filios sic a Graecis, aliter vero a Phrygibus appellatos esse, quod in multis contigisse docuit ipse vir eruditus (x). Sic *Paris* a Phrygibus, a Graecis vero *Alexander* dicebatur. *Varro* de L. L. Lib. vi p. 78. *Alexandrum* ab eo appellatum in Graecia, qui *Paris* fuisset. Qui Graecis erat *Astyanax*, a Phrygibus *Scamander* appellabatur. Quod discrimen ipsi Troiani observarunt. Vid. *Homerus* II. 2. v. 402, 403. Monet *Eustathius* p. 626, *Heleno* nomen *Scamandri* primitus fuisse, sed *Helenum* se vocasse de praeceptore *Heleno* *Edono* Thracae, a quo varicinandi artem didicerat. Quod vero ad Phrygia nomina attinet, videmus tam vetusta quam recentia longe aliter se habere, atque Graecis prorsus dissimilia esse, velut *Hyagnis*, *Marsyas*, quorum alter *Musicius* ille celeberrimus, alter *Rex*, cuius *Servius* meminit in VIII *Eclogam* [*], *Gordius*, *Midas*, *Laryrses*, qui sunt antiquiores. Etiam recentiora nomina nihil cum Graecis habebant commune. Athenienses servos suos *Manes* et *Midas* appellabant, ut *Strabo* et alii observant (y). Hinc de nomine *Maniae*, quod Phrygiarum

(x) Quo tempore haec mea Disquisitio edebatur, reticendum erat *M. V. la Croze* nomen, ex ipsius voluntate.

(y) Phrygiacum et servile nomen est *Manes*, cuius socium *Mania* iure videatur, observante *Casaubono* ad *Athenaci* l. c. *Mania* Dardanensis memoratur apud *Xenophontem* Lib. III [c. 1. 8] p. m. 328. Plura de hoc nomine

[*] Nihil illic de *Marsya* rege Phrygum, sed ad *Aeneid.* III. 359. In hac disputationis parte nec doctrina videtur accurata, nec diligens et acuta dispendii ratio. Pleraque nomina non abhorrent ab origine Graeca.

rum ancillarum erat, et tamen apud Graecos *insaniam* significat, lepide iocatur *Machaon* poeta apud *Athenaeum* Lib. xiii p. 578 [91 sqq.]. Verum ut haec maiorem fidem inueniant, et pro certis habeantur, Phrygia nomina, quae vere Phrygia essent, non fuisse Graeca, locum *Athenaei* afferam, qui rem planam faciet. Is est Lib. xiv p. 624 [261], Δὶδ καὶ τοὺς παρὰ τοῖς Ἑλλήσιν αὐλητάς Φρυγίους καὶ δουλοπρεπεῖς τὰς προσηγορίας ἔχειν διὸς ἐσιν ὁ παρὰ Ἀλκιμᾶνι Σάμβας (z), καὶ Ἀδων, καὶ Τήλος παρὰ δὲ Ἱππώνακτι Κίων [Κίων], καὶ Κόδωλος, καὶ Βάβυς, Quamobrem apud Graecos sibilantium appellationes Phrygiae sunt et serviles, ut apud Alcmanem Sambas, Adon, Telus, apud Hipponactem vero Ceon [Cion], Codalus, Babys. Quam haec nomina sunt Graeca, illi viderint, qui in eo tantopere laborant, ut Phryges Graecos efficiant (a). Recte idcirco ausus non est *Strabo* Lib. xii p. 417 [904] nomina illarum regionum e lingua Graeca interpretari.

Affer deinceps Clariss. *Ryckius* ex *Dionysii Halic.* Lib.

legas apud *Fabricium* ad *Sextum Empir.* in fine Libri ii Pyrrhon. Hypotyp., et *Menagium* ad *Diogenis Laërtii* Lib. v p. 516. *Midias* gener Maniae occurrit apud *Xenophontem* l. c. p. 329, et *Midia* mulier Phrygia in *Pindari* Olymp. vii [v. 55] p. 63, ibi Scholia p. 62, 63, 158.

(z) Σάγγας Phryx commemoratur in Etymologico M. v. Σάγγας [*].

(a) Vide et *Cassiodorum* de Orthogr. cap. ix, inprimis p. 2311 ed. Putsch.

[*] Sua Etymologus duxit e Scholitis ad *Apollonii Rhodii* lib. ii v. 724. — Ad nomen Phrygium Βάβυς proxime accedit Βάβας, nomen mincipii, in epigrammate *Pisandri Rhodii*, lib. iii Antholog. Graec. epigr. 46.

Lib. 1 quaedam loca, in quibus Troianos Graecos appellat. Nempe, quia *Dionysius* Romanorum originem volebat Graecam facere, atque Dardanum ex Arcadia venisse affirmaverat, non poterat, quin Troianos fuisse Graecos diceret. Nihil proficit hoc argumento *Ryckius*, etiamsi linguam Troianorum fuisse Graecam, disertis verbis docuisset. *Ryckius* pugnat pro lingua Phrygia. At vero Phrygas a Troianis diversos fuisse iam supra monui, et imprimis *Dionysius* ipse a Troianis maxime distinguit. Non poterat eos efficere Graecos, cum novisset eos fuisse Barbaros, talesque a Graecis omnibus haberi. Si igitur Troianos volebat esse Graecos, urgere ante omnia debuit differentiam inter Phrygas Troianosque, quod etiam fecit. Cum enim Lib. 1 p. 22 dixisset, Tyrrenos et Pelagos haud raro secum invicem fuisse confusos ab auctoribus, addit p. 23, καὶ ἅλλα δὴ τινα ἔθνη, τὰ μὲν Ἑλλήνων, τὰ δὲ βαρβάρων, ταὐτὸ ἔπαθεν, ὥσπερ τὸ Τρωϊκὸν καὶ τὸ Φρυγικὸν, ἀγχοῦ οἰκοῦντα ἀλλήλων, κ. λ. Nihil validius pro mea sententia contra *Ryckium* hoc *Dionysii* loco asserri poterit, ubi Troiani quidem Graeci, Phryges contra Barbari verbis apertis nominantur (b). De lingua nihil probat vir eru-

di-

(b) Novi, *Solinum* cap. vii p. 59. b. ed. Aldi, Troianos Graecis accensere, sed et sententiam contrariam placuisse plerisque aliis. Hinc Troia dicitur πόλις βάρβαρος. Vid. *Plutarchus* in Pericle p. 167. E., *Pausanias* in Meseniaceis p. 138, *Horatius* Lib. 1 Epist. 11. 7. Sic etiam *Herodotus* Troianos pro Barbaris reputat Lib. 1 c. 3, quem imitatur *Maximus Tyrius* Dissert. 11. Similiter Troianos vocat Barbaros, et inter gentes Barbaras numerat *Pausanias* in Eliacis p. 171, 174. Eadem ratione *Scylax* p. 9 edit. Gronovii, qui quidem alibi in Phrygia inter urbes Graecas recenset Ilium, sed intelligit Ilium recentius, cuius incolae

di-

ditus; sed sic tandem concludit: *veritati maxime consentaneum videri, Phrygiam linguam esse Graecam, sed singulari Dialecto ab aliis huius linguae distinctam, qua Daretis Phrygii Ilias conscripta quondam, si Aeliano credamus V. H. Lib. xi c. 2.* Cautē vir eruditus addit, *si Aeliano credamus*, nam *Aeliani* fides hic magnopere laborat. Certe si ille *Daretis* liber exstiteret, viri docti et ante et post *Aeliani* tempora hoc tam pretiosum antiquitatis monumentum eruere et ex tenebris in lucem proferre pro virili laborassent. Neque *Aelianus* ipse illum viderat, pro-

dicuntur Ἰλιεῖς, teste *Strabone* Lib. xiii p. 484 [*] et *Stephano Byzantio* v. Ἰλιον. Similiter Barbaris Troianos annumerarunt *Isocrates* in *Helena* laudatione p. 510, 512, 518, 520, *Apulcius* Lib. x *Metamorph.* p. 253 [**], *Eustathius* ad *Homeri* Il. B p. 335, 347, *Servius* ad *Virgilium* II *Aen.* 501, 504, *Scholias* *Horatii* Lib. IV *Carm. ult.* et *Epod. Carm. ix.*

[*] Locus est Lib. xiii p. 886, αἱ δὲ οὗτοι Ἰλιεῖς φιλοδοξῶντες, καὶ θελοῦντες εἶναι ταύτην τὴν παλαιάν, παρεχόμενοι λόγοι τοῖς ἐν τῇς (τοῦ in Cod. Med.) Ὀμήρου ποιήσεως τεκμαιρομένοις· αὐτὰ γὰρ ἰσχυρὰ αὐτῇ εἶναι, ἢ καὶ Ὀμήρου· καὶ ἄλλοι δὲ ἰσχυροῦσι πλείους μεταβεβλημένοις εἴπερ τὴν πόλιν ὕστατα δ' ἐν ταύτῃ συμβῆναι κατὰ χρησμούς· μάλιστα. Verba eo praecipue consilio adscripsi, ut notabilem varietatem lectionis, quam in exemplo meo *Gronovius* ex Codice Mediceo duxit, hic commemorarem. Pro κατὰ χρησμούς, oraculi iussu, ut vertitur, illic κατὰ μικράν legitur. Fortasse rectius, et ad mentem *Strabonis* accommodatus. Conf. p. 889 et seqq. Κατὰ μικρὴν διάστημα significat non longo locorum intervallo. Qua ellipsi vulgatus nihil est in hac et similibus loquendi formis. — Ad *Stephani* l. c. legantur viri eruditi, imprimis *Holsentius*.

[**] Non tanti res mihi visa est, ut testimonia haec ad unum omnia quaererem et perpenderem. *Appuleii* verba p. 736 ed. Oudendorp. huc minus pertinere existimo. Magis certe huc spectarent *Aeschylus* in *Agamemnon*, v. 1060, 1209, 1210, *Euripides* in *Hecuba* v. 328, 734.

profitetur tantum se scire eundem alicubi asservari. Qualis igitur fuerit, si fuit, dicere non possumus. Quod vero ad *Phrygiam Iliada* attinet, potuit liber ille lingua Phrygia ab ipso *Darete* esse consignatus: nam Barbaros Asianos habuisse literas. *Aelianus* noster affirmat Lib. viii c. 6. Graecum *Daresis* librum citat, *Antipater Acanthius* apud *Phostum* in Codice Hebraeae p. 244 ed. Hoelch. [474], et monet, ipsum ante Homerum *Iliada* conscripsisse. Ipsam vero *Phrygiam Iliada* alicubi asservari significat *Aelianus*, quod diverso sensu accipi potest. Aut enim dicitur, *Ilias* Phrygia, quia eam vir Phrygius suo sermone composuit, ab alio deinde Graece versam. Ita *Aelianus* Lib. x Var. Hist. c. 5, Φρύγιος οὗτος ὁ λόγος ἐστὶ γὰρ Ἀισώπου τοῦ Φρυγῆς. Φρυγίων λόγων meminit idem Lib. ii Hist. Anim. c. 21, et Scholiastes *Apollonii Rhodii* [lib. i v. 558] p. 26. Φρύγια γράμματα habes apud *Plutarchum* de Is. et Osir. p. 337, et *Eusebium* Praepar. Evang. Lib. iii c. i p. 51 (c). Aut vero si *Dares* librum suum Graeco sermone condidit, ut *Xanthus Lydius* alique fecerunt, forsitan quis alius in linguam Phrygiam transulit. Utrumque istum sensum *Aeliani* phrasis perimit. Novimus autem ex *Aeliani* Lib. xii Var. Hist. c. 48, Homeri poemata in Persarum Indorumque linguas versa fuisse, quod etiam testantur *Dio Chrys.*

(c) Scribit *Cicero* Lib. iii de N. D. cap. 16, Herculem Aegyptium *Phrygias literas conscripsisse*. Quondam ex h. l. colligebam, Phryges habuisse literas et linguam sibi peculiarem, sed nunc muto sententiam, dubius tamen incertusque, intellexeritne *Cicero* Φρύγια γράμματα, an λόγους Φρυγίους. Conf. *Gale* ad *Phurnutium* [Cornutum] de Nat. Deor. cap. xvii p. 171. Non dissimili ratione de *Hipparcho Athenaeus* Lib. iii p. 101, ὁ τὴν Ἀγυπτιακὴν Ἰλιάδα συνθεῖς.

Chrysostomus et *Athenaeus*, ut ad illum locum *Kuhnii* et *Perizonius* monent. Addatur hoc *Plutarchi* de *Fortuna Alexandri* Lib. I p. 585 ed. Steph., Ἀλεξάνδρου τὴν Ἀσίαν ἐξημεροῦντας, Ὅμηρος ἦν ἀνὰ γνῶσμα καὶ Περσῶν καὶ Σουσιανῶν. Significat vero *Persas* et *Susianos* Graecam *Homeri Iliadem* legisse; sed id ipsum versioni huius poetae occasionem dare potuit. Ex his liquere arbitror, *Phrygas* lingua Graeca ab antiquissimis inde temporibus usos non fuisse. Unum tamen habeo, quod dictis adiungere velim. Linguam *Phrygiam* non esse dialectum aut propagationem linguae Graecae, satis declarat historia *Psammethici* apud *Herodotum* Lib. II cap. 2. Nam quae ibi de antiquitate linguae *Phrygiae* venditata leguntur ab *Aegyptiorum* sacerdotibus, ea facile *Herodotus* confutare potuisset, si lingua *Phrygia* aut *Graeca* fuisset, aut ab ea aliquo modo descendisse existimata. Cum autem concedat, aut certe non adversetur iis, qui *Phrygiam* linguam pro antiquissima omnium habebant, eo ipso significat, eam e *Graeca* ductam non esse, nam quae est antiquissima, descendere ab alia non potest, sed poterant *Graeci* ex antiquiori *Phrygum* lingua quaedam vocabula desumere, uti factum fuisse e *Platone* supra observavi.

§. 8. *Pauculae voces Phrygiae, post Bochartum, afferuntur et explicantur.*

Postulat iam ratio institui, ut *Phrygias* nonnullas voces ex antiquis monumentis exhibeam. Sed labore hoc me levavit magnus ille *Bochartus* in dissertatione de *Aeneae* in *Italiam* adventu, in qua Tom. I Operum col. 1161 sqq. multas *Phrygias* affert, et erudite, ut solet, plerasque istas voces explicat. Inde quasdam easque praecipuas huc transferam et paucis, ubi opus fuerit, illustrare conabor, atque illis exempla nonnulla adiungam.

"ΑΓ-

"ΑΓΔΕΣΤΙΣ vel "ΑΓΔΙΣΤΙΣ nomen Phrygium Matris Deorum. De Berecynthiis, Phrygia gente, et de Phrygibus in univēsum scribit *Strabo* Lib. x p. 469 [717, 718], 'Ρέαν μὲν καὶ αὐτοὶ τιμᾶσι καὶ ὀργιάζουσι ταύτῃ, μητέρα καλοῦντες, καὶ Ἀγδέσιν, καὶ Φρυγίαν, θεὸν μεγάλην. Sic enim legendum, non Ἀγεσιν, vel Ἐσίαν, vel etiam Αἴεσιν, monuit *Casaubonus*. Ab *Hesychio* vocatur Ἀγδισις [*].

'ΑΖΗ'Ν apud Phrygas *barba* dicebatur iuxta *Hesychium* et auctorem Etymologici. Ἀζήν σημαίνει τὸν πώγωνα κατὰ Φρύγας, teste Etymologo. Alter dedit Ἀζενον, πώγωνα· Φρύγες. Legendum videtur Ἀζένα, πώγωνα [**].

'ΑΔΑΓΟΟΥ'Σ· θεός τις παρὰ Φρυγῶν, ἑρμαφρόδιτος, ut monet *Hesychius*. Apud *Bochartum* dicitur Ἀδαγυούς, quod parum differt, uti quoque Ἀδαγός, quemadmodum legi vult *Alexander Morus* in notis ad quaedam loca N. F. p. 96 ed. Fabricii. Sed audacior est, quam ut possit probari, *Salmasii* coniectura, in *Exercitatione*. Plinianis p. 248 nomina Ἀδαγυούς in Ἀδαδούς et Φρυξί in Σύροις mutata cupientis.

'ΑΔΑΜΝΑ, *amicus*, et ἈΔΑΜΝΕΐ'Ν, *diligere*. *Hesychius*, Ἀδαμνεῖν· τὸ φιλεῖν. καὶ Φρύγες τὸν φίλον Ἀδάμνα λέγουσιν. Sunt sine dubio voces Barbarae et Graecis scriptoribus inusitatae.

'ΑΚΡΙΣΤΙΣ, *fur* foemina, monente *Bocharto*. Sed et aliam insuper adiectam invenio huius vocis expositionem apud *Hesychium*, Ἀκρισιν· κλέπτριαν, ὀλετρίδα· Φρύγες. In lingua Phrygia etiam hoc nomine di-

[*] Vid. viri eruditi ad *Arnobium* lib. v p. 158 seqq., et *Alibertus* ad *Hesychium* v. Ἀγδισις.

[**] Ita *Kusterus*, An rectius, Ἀζένα, τὸν πώγωνα.

dicebatur *molitrix*, μυλωθρός. *Sorpingius* in margine codicis sui correxerat Ἀλέτριαν. Quid hoc vocis sit, idem *Hesychius* docet. Ἀλετρίαι, inquit, γίνονται τινες παρθένοι, αἱ τινὲς [αἵτινες] τὰ εἰς τὰς θυσίας πόπανα ἀλοῦσι, καὶ ἔστι τοῦτο ἐπιτίμον, Ἀλετρίαι sunt virgines, quae placentas in sacrificiis adhiberi solitas pinfunt, atque id honorificum habetur. Sed fortasse in utroque, at certe in priori loco Ἀλετρίε potest servari. Non tantum hoc vocabulum invenitur apud *Homerum* *Odyss.* τ. 105 et *Aristophanem* *Lystr.* v. 644, sed et respexisse videtur *Hesychius* ad *Scholia-Aristophanis* l. c., qui scribit, γίνονται δὲ τινες τῶν αἰγενῶν ἀλετρίδες τῇ θεῷ πάρθενοι, αἵτινες τὰ εἰς τὴν θυσίαν πόπανα ἀλοῦσι, καὶ ἔστιν ἐντίμον τοῦτο.

ἌΡΓΗΤΑΣ τὴν Λάμψαν. Φρύγες, apud *Hesychium*. *Bochartius* praeberet Ἀργήτας [*].

ἈΡΜΑΤΕΙΟΝ est appellatio Phrygia cuiusdam cantilenae. *Hesychius* tantum scribit Ἀρμάτειον μέλος, nulla mentione Phrygum facta. Sed possunt eius verba aut suppleri aut aliunde illustrari. Respicitur enim ad *Euripidis* *Oresten* v. 1387 sqq.

Ἴλιον, Ἴλιον ὦ μοι μοι,
Φρύγιον ἄστυ καλλίβωλον,
Ἰδας ἕρος ἱερὸν,
Ὡς σ' ὀλόμενον σένω,
Ἀρμάτειον ἀρμάτειον μέλος
Βαρβάρῳ βοᾷ.

ad quae Phrygis verba in Scholiis multa notantur [in primis in editione *Musgravii* vol. iv p. 393, 394], quibuscum comparentur *Eustathius* ad *Iliad.* X pag. 1276

[*] Hoc non laveni apud *Hesychium*. Vid. not. ad Ἀργύται, p. 522.

1276 et Etymologicon M. p. 145. Existimarunt tamen illi esse vocem Graecae originis.

"ARTEMIS nomen Dianae videtur Phrygiacum, ut coniectio ex verbis *Clementis Alex. Lib. 1 Strom. p. 323* [384, ubi tamen legatur *Potterus*], Φρυγίαν τε οὖσαν κεκλήσθαι "Αρτεμιν. Convenit nomen *Artamae*, regis Phrygum apud *Xenophontem* in *Cyropædia*. [lib. II c. 1].

ἸΑΤΤΑΪΔΗ lingua Phrygum est *guttur*. Apud *Hesychium* legitur, Ἰαττάλη· φάρυγξ, ὑπὸ Φρυγῶν. *Salmastius* legit φάρυγξ. Alii aliter.

ΒΑΓΑΙΟΣ cognomen *Iovis Phrygium*, *Hesychius*, Βαγαῖος· ὁ μάταιος, ἢ Ζεὺς Φρύγιος, μέγας, πολὺς, ταχύς.

ΒΑΛΛΗ'Ν five ΒΑΛΗ'Ν, utuntur soli Phryges, ut supra monui, significatione *regis*. Scribit *Hesychius*, Βαλλήν· βασιλεύς. Φρυγική. Sumtum hoc est e *Sexto Empirico Lib. 1 adv. Mathematic. c. 13*, ubi οἱ παῖρα τῷ Σοφοκλεῖ ποιμένες, ἢ τὸ Βαλλήν λέγοντες, τὸ βασιλεῦ λέγουσι Φρυγικῇ. Conferantur *Eustathius ad Il. Γ. p. 381*, *Seldenus de Dis. Syr. p. 216* et *E. Spanhemius ad Callimachum p. 28* [*].

ΒΑΜΒΑΛΟΝ apud Phrygas in usu, non item apud Graecos. *Hesychius*, Βάμβαλον· ἱμάτιον καὶ τὸ αἰδοῖον. Φρύγες. Si forte vocabulum significatione priori de pallio five veste contra frigora, non certe notione posteriori de pudendis, extra Phrygiam notum fuisse videtur.

ΒΑΤΑΒΑ'ΚΗΣ, Sacerdos *Pessinuntius* apud *Plutarchum* in *Mario p. 415*. Βατάκης est apud *Suidam*

in

[*] *Aeschylus* in *Perſis v. 659*, Βαλλή ἀρχαῖος Βαλλή. Moneſ Scholiaſtes, vocem de *rege* uſurpari, *Euphorionem* vero affirmare, eſſe eandem e dialecto *Thuriorum*. Conſulantur viri eruditi ad *Hesychium v. Βαλλή*,

in v. Γναῖος, quae suo loco mota quaeri debet in Γα, non in Γν. Sic etiam in Cod. MS. *Plutarchi* inventum fuit. Vide Gallicam huius scriptoris versionem A. Dacerii Tom. iv p. 124, et confer Epigrammata MSS. et *Hephæst.* in *Vossii* notis ad *Catullum* p. 163. In excerptis *Diodori Sic.* apud *Photium* p. 637 [1184] scribitur Βαττάκης five Βαττάκις. Inde fere conicias, hoc fuisse nomen dignitatis, et sic Phrygi- bus dictum fuisse *Archigallum*, quamvis tantum vocetur ἱερεὺς, et a *Livio* Lib. LXVIII *sacerdos* [*].

BEAT' five BE'ΔT sermone Phrygum denotat *aquam*, vel *aërem*, secundum alios. Facit huc praesertim locus *Clementis Alexandrini* Lib. v *Strom.* p. 568 [673], Βέδν μὲν γὰρ τοὺς Φρύγας τὸ ὕδωρ φησὶ καλεῖν· καθὼ καὶ Ὅρφεύς [p. 383, 314 ed. Gesneri],

Καὶ Βέδν Νυμφάων καταλείβεται ἀγλαὰν ὕδωρ.

ἀλλὰ καὶ ὁ Θύτης Δίων ὁμοίως φαίνεται γράφων· Καὶ Βέδν λαβὼν, κατὰ χειρῶν καταχέου, καὶ ἐπὶ τὴν ἱεροσκοπὴν τρέπου. Ἐμπάλιν δὲ ὁ Κωμικὸς Φιλύδεος (d),
"ΕΛ-

(d) *Bochartus* malit legi Φιλίσκος. Eius nominis fuere
va-

[*] Non unus hic error est. Verba *Suidae* loco suo nequaquam mota sunt. Pertinent enim ad v. Γάλλος, ἀπέκοπος, tom. i p. 466, ubi Βαττάκος. Ductum id e *Polybio*, monente, post *Valesium*, etiam *Kussler*; cum incertum videntur *Drakenborchio* ad *Livium* lib. xxxviii c. 18. Levi mutatione repetit *Schweighaeuserus* t. iv p. 22. In *Eclogis Diodori* t. ii p. 537 appellatur Βαττάκης. Nomen non additur a *Livio* l. c. Quae autem leguntur lib. lxxviii c. 9, non sunt *Livii* verba, sed ex aliis collecta a *Freinhemio*, cui dicitur *Batabates*. Nec opinor esse nomen dignitatis, sed proprium, quia *Polybius* non eius tantum meminit, verum Ἀττιδὲς καὶ Βαττάκος τῶν ἐν Πισσηνίῳ ἱερέων τῆς μητρὸς τῶν θεῶν.

tem Phrygiae minoris (u). Hinc *Servius* in III Aeneid. v. 3, *Phrygia in Asia est, Ilium in Phrygia minori*. Vid. et *Strabo* Lib. XIII [p. 591] et *Eustathius* ad *Dionysium Per.* p. 121, 122 [v. 815] Quod tandem Troianorum imperium funditus deletum est, adeo, ut non defuerint, qui totam rem in dubium vocarent, uti *Dion Chrysostomus* peculiari libro [*] ostendit. Ut ut id est, insignem ἀναχρονισμόν *Ryckius* committit, cum Brigum in Asiam adventum faciat priorem Troiae ἀλώσει. Diu enim post captum Ilium illa migratio contigit, quod ex aetate Midae, ducis in hac expeditione principis, vulgo colligitur. Ex quo possit videri etiam consequi, linguam Phrygiam antiquissimam non fuisse Thracicam, sed forte Lydiam vel Caricam, aut ex utraque illa commixtam, postea autem Brigum adventu a lingua Thracica absorptam, aut cum illa confusam fuisse. Multis annis ante Midam, teste *Diogene Laërtio* Lib. I cap. 90, vixit Homerus, et hic tamen Phrygum meminit. Vide etiam de emigrationis tempore *Eusebii* Chronicon Graecum p. 36. His accurate pensatis, dubitare quis

distinguit, ubi Phrygiam maiorem, ad fluvium Sangarium sitam, intelligit *Eustathius* p. 402, quem et vide p. 429. In Scholiis ad II. B v. 369 hanc leguntur, Ὁ ποιητὴς διατέλλει Φρύγας καὶ Τρῶας ὁ νεώτεροι δὲ συγχέουσι τὴν Φρυγίαν καὶ τὴν Τρωάδα.

(u) Φρύγας ἀμφοτέρους habes apud *Xenophontem* Lib. I *Cyrop.* p. 13 [c. 1]. Idem Lib. II sub init. Φρυγίαν μεγάλην commemorat, et Φρυγίαν τὴν παρ' Ἑλλήσποντον Lib. IV [c. 2] p. 93. *Eustathius* in II. B pag. 364, τῆς μικρᾶς δὲ φασὶ Φρυγίας ἦσαν αὐτοὶ, οὐ μὴ τῆς μεγάλης. τῆς παρὰ Σαγγαρίῳ κειμένης. Idem ad II. T p. 402 ait Troiam fuisse περὶ μικρὰν Φρυγίαν.

[*] Orat. XI, tom. I p. 307 seqq. edit. Reiskii.

quis possit, fuerintne forte duae Phrygum sive Brigum in Asiam migrationes, fuerintne etiam plures Midæ, quod nomen in Phrygia commune fuerit. Sed id nunc non ago. Revertamur ad argumenta *Ryckii*. Maioris momenti videtur illa, quam deinceps affert, ratio: nomina filiorum Priami, quae apud *Apollodorum* exstant Lib. III p. 210, 211, esse Graeca, velut, Ἐκτωρ, Ἀλέξανδρος, Διήφοβος, Ἐλενος, Πάμμων, Πολίτης etc. Video hic nomina Graeca complura, nec tamen ad unum omnia, neque eadem plane significatione, qua Phryges usi fuerunt. Ἐκτωρ ex. gr. est vocabulum Graecum, ei significat *clavum*. Vid. *Hesychius* in v. Ἐκτορες· πάσσαλοι ἐν ῥυμῶ. Forasse sic dicuntur a *retinendo*, et inde etiam anchorae Ἐκτορες πλημμερίδος a *Lycophrone* v. 100, eum eiusdem originis videantur voces Graecae Ἐκτωρ, ἔζωρ et ἱζωρ, nisi quis malit, Ἐκτωρ scribi pro ἐχέτωρ, cum Scholiaste ad Il. Ω. 272. Apud Phrygas vero Ἐκτωρ idem significavit, quod apud Perlas Δαρείος, *virum prudentem*. Scribit *Hesychius*, Δαρείος· ὑπὸ Περσῶν, ὁ Φρόνιμος· ὑπὸ δὲ Φρυγῶν, Ἐκτωρ, ubi opus non est, ut cum *Thoma Gale* ad *Herodoti* Lib. VI c. 28 pro Ἐκτωρ legendum existimetur ἔρκτωρ. Si in mediam Graeciam concesseris, multorum nominum non tam reddideris rationem, quam horum. Et tamen haec dialectus, si Graeca fuit, ut volunt, immensum a communi Graeco sermone abiit, ut ex iis vocibus intelligimus, quis vetusti scriptores nobis reliquas fecerunt. Quis Graecorum ovem appellavit Μᾶ, ut Phryges, quis panem Βέκκον, quis vulpem Οὔανου, quis regem Βαλλήνα, et similia, de quibus deinde dicam. Illa vero nomina Phrygum, quae *Homerus* et *Apollodorus* habent, maximam certe partem pura putaue Graeca sunt. Praeterea, sunt quaedam in his nominibus, quae scimus a Phrygibus aliter appellata esse. Apud *Apollodorum* v. gr. p. 211 recensetur quidem Λυκάων, quod

quod descendit a *Λύκος lupus*, unde etiam apud *Plinium* Lib. viii c. 34 et *Pompon. Melam* Lib. iii c. 9 *Lycaon* est nomen ferae apud Aethiopas ad genus luporum pertinentia. *Lupum* vero Phryges *Δάvon* appellarunt, ut observat *Bochartus* Tom. i Opp. col. 1164, in dissertatione epistolari de Aeneae adventu in Italiam (v). Itaque hoc nomen non est ex dialecto Phrygia, etiamsi Graeca sit, sed ex communi Graecorum lingua deductum. Et ita se res habet cum aliis. Aut igitur oportet haec sint mere fabulosa, aut Dardanus eiusque posterius regiae stirpis tantum lingua Graeca usi sint, quemadmodum apud Syros et Aegyptios contigisse videmus. Nam qui Syriae post Alexandrum M. imperabant, Graece loquebantur, ut ex eorum nominibus et aliis argumentis (w) constat. Et tamen lingua Syriaca peculiaris lingua permansit, quod ex monumentis Palmyrenis et ex versione N. T. Syriaca manifestum evadit. Idem etiam in Aegypto contigit, quod prolixius explicare, nec necessarium puto, nec tempus permittit. Unum adiungam

(v) Nescio tamen, unde pateat, *lupum* a Phrygibus dici *Δάvon*. *Bocharto* credidi, multis de voce illa agenti. Nunc vero credo, eum memoria lapsum fuisse, et respexisse ad vocem *Γάvos*, de qua infra monebo. *Plutarchus* ceteroquin auctor est in libro, Quomodo iuvenes poemata audire debeant p. 38 edit. Steph., Macedones *Δάvon* dixisse mortem [*].

(w) *Eusebius* Lib. i Hist. Eccl. cap. ult., Lib. iv cap. ult., *Photius* p. 402. Conf. *Bentleius* de Epistolis Phalaridis p. 404.

[*] Dubium non est, quin scripserit *Bochartus* l. c. *Δάος*. modo comparatur eiusdem Hierozoicon tom. i lib. iii c. 10, ubi non neglexit hoc *Hesychii*, *Δάος* — ἐπὶ Φρυγῶν, *λύκος*, ad q. h. legendus *Alpertinus*.

gam. Lagidas Graece locutos fuisse, cum fuerint Linguae Aegyptiacae imperiti, docet *Plutarchus* in Antonio p. 927. Superest aliud, quod dicamus, illos Priami filios sic a Graecis, aliter vero a Phrygibus appellatos esse, quod in multis contigisse docuit me vir eruditus (x). Sic *Paris* a Phrygibus, a Graecis vero *Alexander* dicebatur. *Varro* de L. L. Lib. vi p. 78. *Alexandrum ab eo appellatum in Graecia, qui Paris fuisset.* Qui Graecis erat *Asyanax*; a Phrygibus *Scamander* appellabatur. Quod discrimen ipsi Troiani observarunt. Vid. *Homerus* Il. 2. v. 402, 403. Monet *Eusebius* p. 666, *Heleno* nomen *Scamandri* primitus fuisse, sed *Helenum* se vocasse de praeceptore *Heleno* Edono Thracæ, a quo varicinandi artem didicerat. Quod vero ad Phrygia nomina attinet, videmus tam vetusta quam recentia longe aliter se habere, atque Graecis prorsus dissimilia esse, velut *Hyagnis*, *Marfyas*, quorum alter *Mulcius* ille celeberrimus, alter Rex, cuius *Servius* meminit in VIII *Eclogam* [*], *Gordius*, *Midas*, *Lityerses*, qui sunt antiquiores. Etiam recentiora nomina nihil cum Graecis habebant commune. Athenienses servos suos *Manes* et *Midas* appellabant, ut *Strabo* et alii observant (y). Hinc de nomine *Maniae*, quod Phrygiarum

(x) Quo tempore haec mea Disquisitio edebatur, reticendum erat *M. V. la Croze* nomen, ex ipsius voluntate,

(y) Phrygiacum et servile nomen est *Manes*, cuius socium *Mania* iure videatur, observante *Casaubono* ad *Athenaci* l. c. *Mania* Dardanensis memoratur apud *Xenophontem* Lib. III [c. 1. 8] p. m. 328. Plura de hoc nomine le-

[*] Nihil illic de *Marfya* rege Phrygum, sed ad *Aeneid.* III. 359. In hac disputationis parte nec doctrina videtur accurata, nec diligens et acuta differendi ratio. Pleraque nomina non abhorrent ab origine Graeca,

rum ancillarum erat, et tamen apud Graecos *infamia* significat, lepide iocatur *Machaon* poeta apud *Athenaeum* Lib. xiii p. 578 [91 sqq.]. Verum ut haec maiorem fidem invenient, et pro certis habeantur, Phrygia nomina, quae vere Phrygia essent, non fuisse Graeca, locum *Athenaei* afferam, qui rem planam faciet. Is est Lib. xiv p. 624 [261], Δὶδ καὶ τοὺς παρὰ τοῖς Ἑλλήσιν αὐλητὰς Φρυγίους καὶ δουλοπρεπεῖς τὰς προσηγορίας ἔχειν· οἷός ἐστιν ὁ παρὰ Ἀλκμᾶνι Σάμβας (z), καὶ Ἀδων, καὶ Τήλος· παρὰ δὲ Ἰππώνακτι Κήων [Κίων], καὶ Κόδαλος, καὶ Βάβυς, Quamobrem apud Graecos tibicinum appellationes Phrygiae sunt et serviles, ut apud Alcmanem *Sambas*, *Adon*, *Telus*, apud Hipponactem vero *Ceon* [Cion], *Codalus*, *Babys*. Quam haec nomina sunt Graeca, illi viderint, qui in eo tantopere laborant, ut Phryges Graecos efficiant (a). Recte idcirco ausus non est *Strabo* Lib. xiii p. 417 [904] nomina illarum regionum e lingua Graeca interpretari.

Affert deinceps Clariss. *Ryckius* ex *Dionysii Halic.* Lib.

legas apud *Fabricium* ad *Sextum Empir.* in fine Libri ii Pyrrhon. Hypotyp., et *Menagium* ad *Diogenis Laërtii* Lib. v p. 516., *Midias* gener *Maniae* occurrit apud *Xenophontem* l. c. p. 329, et *Midia* mulier Phrygia in *Pindari Olymp.* vii [v. 55] p. 63, ibi Scholia p. 62, 63, 158.

(z) Σάγγας Phryx commemoratur in *Etymologico M.* v. Σάγας [*].

(a) Vide et *Cassiodorum* de Orthogr. cap. ix, inprimis p. 2311 ed. Putsch,

[*] Sua *Etymologus* duxit e Scholâs ad *Apollonii Rhodii* lib. i v. 724. — Ad nomen Phrygium Βάβυς proxime accedit Βάβας, nomen mancipii, in epigrammate *Pisandri Rhodii*, lib. iii *Antholog. Graec.* epigr. 45.

Lib. 1 quaedam loca, in quibus Troianos Graecos appellat. Nempe, quia *Dionysius* Romanorum originem volebat Graecam facere, atque Dardanum ex Arcadia venisse affirmaverat, non poterat, quin Troianos fuisse Graecos diceret. Nihil proficit hoc argumento *Ryckius*, etiamsi linguam Troianorum fuisse Graecam, differtis verbis docuisset. *Ryckius* pugnat pro lingua Phrygia. At vero Phrygas a Troianis diversos fuisse iam supra monui, et imprimis *Dionysius* ipse a Troianis maxime distinguit. Non poterat eos efficere Graecos, cum novisset eos fuisse Barbaros, talesque a Graecis omnibus haberi. Si igitur Troianos volebat esse Graecos, urgere ante omnia debuit differentiam inter Phrygas Troianosque, quod etiam fecit. Cum enim Lib. 1 p. 22 dixisset, Tyrrhenos et Pelasgos haud raro secum invicem fuisse confusos ab auctoribus, addit p. 23, καὶ ἄλλα δὲ τινα ἔθνη, τὰ μὲν Ἑλλήνων, τὰ δὲ Βαρβάρων, ταῦτ' ἔπαθεν, ὥσπερ τὸ Τρωϊκὸν καὶ τὸ Φρυγικὸν, ἀγχοῦ οἰκοῦντα ἀλλήλων, &c. Nihil validius pro mea sententia contra *Ryckium* hoc *Dionysii* loco afferri poterit, ubi Troiani quidem Graeci, Phryges contra Barbari verbis apertis nominantur (b). De lingua nihil probat vir erudi-

(b) Novi, *Solinum* cap. VII p. 59. b. ed. Aldi, Troianos Graecis accensere, sed et sententiam contrariam placuisse plerisque aliis. Hinc Troia dicitur πόλις βάρβαρος. Vid. *Plutarchus* in Pericle p. 167. E., *Pausanias* in Meseniis p. 138, *Horatius* Lib. 1 Epist. 11. 7. Sic etiam *Herodotus* Troianos pro Barbaris reputat Lib. 1 c. 3, quem imitatur *Maximus Tyrius* Dissert. 11. Similiter Troianos vocat Barbaros, et inter gentes Barbaras numerat *Pausanias* in Eliacis p. 171, 174. Eadem ratione *Scylax* p. 9 edit. Gronovii, qui quidem alibi in Phrygia inter urbes Graecas recenset Ilium, sed intelligit Ilium recentius, cuius incolae

ditus; sed sic tandem concludit: *veritati maxime consentaneum videri, Phrygiam linguam esse Graecam, sed singulari Dialecto ab aliis huius linguae distinctam, qua Daretis Phrygii Ilias conscripta quondam, si Aeliano credamus V. H. Lib. xi c. 2.* Caute vir eruditus addit, *si Aeliano credamus, nam Aeliani fides hic magnopere laborat.* Certe si ille *Daretis* liber existisset, viri docti et ante et post *Aeliani* tempora hoc tam pretiosum antiquitatis monumentum eruere et ex tenebris in lucem proferre pro virili laborassent. Neque *Aelianus* ipse illum viderat, pro-

dicuntur Ἰλίστς, teste *Strabone* Lib. xiii p. 484 [*] et *Stephano Byzantio* v. Ἰλιον. Similiter Barbaris Troianos annumerarunt *Isocrates* in Helenae laudatione p. 510, 512, 518, 520, *Apulcius* Lib. x *Metamorph.* p. 253 [**], *Eustathius* ad *Homers* ll. B p. 335, 347, *Servius* ad *Virgilium* ii Aen. 501, 504, Scholiastes *Horatii* Lib. iv *Carm. ult.* et *Epod. Carm. ix.*

[*] Locus est Lib. xiii p. 886, αὶ δὲ τῶν Ἰλίστς φιλοδοξῶντες, καὶ θιλοῦσι εἶναι ταῦτα τὴν παλαιάν, παρεσχεκασί λόγοι τοῖς ἐκ τῆς (τοῦ in Cod. Med.) Ὀμήρου ποιήσεως τεκμαιρομένοις· εὐ γὰρ ἴσκειν αὐτῇ εἶναι, ἢ καθ' Ὀμήρου· καὶ ἄλλοι δὲ ἰσορροῦσι πλείους μεταβληθὲς καὶ τῆς πόλιν· ὅσατα δ' ἐπαύθα συνβῆναι κατὰ χρῆσιν μάλιστα. Verba eo praecipue consilio adscripti, ut notabilem varietatem lectionis, quam in exemplo meo *Gronovius* ex Codice Mediceo duxit, hic commemorarem. Pro κατὰ χρῆσιν, *oraculi iussu*, ut videtur, illic κατὰ μικρόν legitur. Fortasse rectius, et ad mentem *Strabonis* accommodatus. Conf. p. 889 et seqq. Κατὰ μικρόν διάστημα significat non longo locorum intervallo. Qua ellipsi vulgatus nihil est in hac et similibus loquendi formis. — Ad *Stephani* l. c. legantur viri eruditi, imprimis *Holstenius*.

[**] Non tanti res mihi visa est, ut testimonia haec ad unum omnia quaererem et perpenderem. *Appuleii* verba p. 736 ed. Oudendorp. huc minus pertinere existimo. Magis certe huc spectarent *Aeschylus* in *Agamemnon*, v. 1060, 1209, 1210, *Euripides* in *Hecuba* v. 328, 734.

profitetur tantum se scire eundem alicubi asservari. Qualis igitur fuerit, si fuit, dicere non possumus. Quod vero ad *Phrygiam Iliada* attinet, potuit liber ille lingua Phrygia ab ipso *Darete* esse consignatus: nam Barbaros Asianos habuisse literas. *Aelianus* noster affirmat Lib. viii c. 6. Graecum *Daresis* librum citat. *Antipater Acanthius* apud *Photium* in Codice Hebraestionis p. 244 ed. Hoelsch. [474], et monet, ipsum ante Homerum *Iliada* conscripisse. Ipsam vero *Phrygiam Iliada* alicubi asservari significat *Aelianus*, quod diverso sensu accipi potest. Aut enim dicitur Ilias Phrygia, quia eam vir Phrygius suo sermone composuit, ab alio deinde Graece versam. Ita *Aelianus* Lib. x Var. Hist. c. 5, Φρύγιος οὗτος ὁ λόγος ἐστὶ γὰρ Ἀισώπου τοῦ Φρυγός. Φρυγίων λόγων meminit idem Lib. ii Hist. Anim. c. 21, et Scholiastes *Apollonii Rhodii* [lib. i v. 558] p. 26. Φρύγια γράμματα habes apud *Plutarchum* de Is. et Osir. p. 337, et *Eusebium* Praepar. Evang. Lib. iii c. i p. 51 (c). Aut vero si *Dares* librum suum Graeco sermone condidit, ut *Xanthus Lydius* alii que fecerunt, forsitan quis alius in linguam Phrygiam transtulit. Utrumque istum sensum *Aeliani* phrasis permittit. Novimus autem ex *Aeliani* Lib. xii Var. Hist. c. 48, Homeri poemata in Persarum Indorumque linguas versa fuisse, quod etiam testantur *Dio Chry.*

(c) Scribit *Cicero* Lib. iii de N. D. cap. 16, Herculem Aegyptium *Phrygias literas conscripisse*. Quondam ex h. l. colligebam, Phryges habuisse literas et linguam sibi peculiarem, sed nunc muto sententiam, dubius tamen incertusque, intellexerintne *Cicero* Φρύγια γράμματα, an λόγους Φρυγίους. Conf. *Gale* ad *Phurnutum* [Cornutum] de Nat. Deor. cap. xvii p. 171. Non dissimili ratione de *Hipparcho Athenaeus* Lib. iii p. 101, ὁ τὴν Ἀιγυπτιακὴν Ἰλιάδα συνθεῖς.

Chrysostomus et *Athenaeus*, ut ad illum locum *Kuhnius* et *Perizonius* monent. Addatur hoc *Plutarchi* de *Fortuna Alexandri* Lib. I p. 585 ed. Steph., Ἀλεξάνδρου τὴν Ἀσίαν ἐξημεροῦντας, Ὁμήρος ἦν ἀνὰ-γνωσμά καὶ Περσῶν καὶ Σουσιανῶν. Significat vero *Persas* et *Sufianos* Graecam *Homeri Iliadem* legisse; sed id ipsum versioni huius poëtae occasionem dare potuit. Ex his liquere arbitror, *Phrygas* lingua *Graeca* ab antiquissimis inde temporibus usos non fuisse. Unum tamen habeo, quod dictis adiungere velim. Linguam *Phrygiam* non esse dialectum aut propaginem linguae *Graecae*, satis declarat historia *Psammeticchi* apud *Herodotum* Lib. II cap. 2. Nam quae ibi de antiquitate linguae *Phrygiae* venditata leguntur ab *Aegyptiorum* sacerdotibus, ea facile *Herodotus* confutare potuisset, si lingua *Phrygia* aut *Graeca* fuisset, aut ab ea aliquo modo descendisse existimata. Cum autem concedat, aut certe non adversetur iis, qui *Phrygiam* linguam pro antiquissima omnium habebant, eo ipso significat, eam e *Graeca* ductam non esse, nam quae est antiquissima, descendere ab alia non potest, sed poterant *Graeci* ex antiquiori *Phrygum* lingua quaedam vocabula desumere, uti factum fuisse e *Platone* supra observavi.

§. 8. *Pauculae voces Phrygiae, post Bochartum, afferuntur et explicantur.*

Postulat iam ratio instituti, ut *Phrygias* nonnullas voces ex antiquis monumentis exhibeam. Sed labore hoc me levavit magnus ille *Bochartus* in dissertatione de *Aeneae* in *Italiam* adventu, in qua Tom. I Operum col. 1161 sqq. multas *Phrygias* affert, et erudite, ut solet, plerasque istas voces explicat. Inde quasdam easque praecipuas huc transferam et paucis, ubi opus fuerit, illustrare conabor, atque illis exempla nonnulla adiiungam.

AF-

"ΑΓΔΕΣΤΙΣ vel "ΑΓΔΙΣΤΙΣ nomen Phrygium Matris Deorum. De Berecynthiis, Phrygia gente, et de Phrygibus in universum scribit *Strabo* Lib. x p. 469 [717, 718], 'Ρέαν μὲν καὶ αὐτοὶ τιμᾶσι καὶ ὀργιάζουσι ταύτῃ, μητέρα καλοῦντες, καὶ Ἀγδέσιν, καὶ Φρυγίαν, θεὸν μεγάλην. Sic enim legendum, non Ἀγεσιν, vel Ἐσίαν, vel etiam Ἀἴεσιν, monuit *Cassaubonus*. Ab *Hesychio* vocatur Ἀγδισις [*].

ἈΖΗ'Ν apud Phrygas *barba* dicebatur iuxta *Hesychium* et auctorem *Etymologici*. Ἀζήν σημαίνει τὸν πώγωνα κατὰ Φρύγας, teste *Etymologo*. Alter dedit Ἀζενον, πώγωνα· Φρύγες. Legendum videtur Ἀζένα, πώγωνα [**].

ἈΔΑΓΟΟ΄Σ· θεὸς τις παρὰ Φρυγῶν, ἑρμαφρόδιτος, ut monet *Hesychius*. Apud *Bochartum* dicitur Ἀδαγούος, quod parum differt, uti quoque Ἀδαγοός, quemadmodum legi vult *Alexander Morus* in notis ad quaedam loca N. F. p. 96 ed. *Fabricii*. Sed audacior est, quam ut possit probari, *Salmasii* coniectura, in *Exercitation*. *Plinianis* p. 248 novina Ἀδαγούος in Ἀδαδούς et Φρυξί in Σύροις mutata cupientis.

ἈΔΑ΄ΜΝΑ, amicus, et ἈΔΑΜΝΕ΄Ν, diligere, *Hesychius*, Ἀδαμνεῖν· τὸ φιλεῖν. καὶ Φρύγες τὸν φίλον Ἀδάμνα λέγουσιν. Sunt sine dubio voces Barbarae et Graecis scriptoribus inusitatae.

ἈΚΡΙΣΤΙΣ, fur foemina, monente *Bocharto*. Sed et aliam insuper adiectam invenio huius vocis expositionem apud *Hesychium*, Ἀκρισιν· κλέπτριαν, ἁλετρίδα· Φρύγες. In lingua Phrygia etiam hoc nomine di-

[*] Vid. viri eruditi ad *Arnobium* lib. v p. 158 seqq., et *Albertius* ad *Hesychium* v. Ἀγδισις.

[**] Ita *Kusterus*, An rectius, Ἀζένα, τὸν πώγωνα.

dicēbatur *molitrix*, μυλωθρός. *Soringius* in margine codicis sui correxerat Ἀλέτριαν. Quid hoc vocis sit, idem *Hesychius* docet. Ἀλετρίαι, inquit, γίγνονται τινες παρθένοι, αἱ τινὲς [αἵτινες] τὰ εἰς τὰς θυσίας πόπανα ἀλοῦσι, καὶ ἔστι τοῦτο ἐπίτιμον, Ἀλετρίαι sunt *virgines, quae placentias in sacrificiis adhiberi solitas pinsumt, atque id honorificum habetur*. Sed fortasse in utroque, ac certe in priori loco Ἀλετρίε potest servari. Non tantum hoc vocabulum invenitur apud *Homerum* *Odyss.* τ. 105 et *Aristophanem* *Lystr.* v. 644, sed et respexisse videtur *Hesychius* ad Schollam *Aristophanis* *lystr.* qui scribit, γίνονται δὲ τινες τῶν πωγενῶν ἀλετρίδες τῇ θεῷ πάρθενοι, αἵτινες τὰ εἰς τὴν θυσίαν πόπανα ἀλοῦσι, καὶ ἔστιν ἐντιμον τοῦτο.

ἈΡΓΥΪΤΑΣ τὴν Λάμιαν. Φρύγες. apud *Hesychium*. *Bochartius* praebet Ἀργήτας [*].

ἈΡΜΑΤΕΙΟΝ est appellatio Phrygia cuiusdam cantilenae. *Hesychius* tantum scribit Ἀρμάτειον μέλος, nulla mentione Phrygum facta. Sed possunt eius verba aut suppleri aut aliunde illustrari. Respicitur enim ad *Euripidis* *Oresten* v. 1387 sqq.

Ἰλιον, Ἰλιον ὦ μοι μοι,
Φρύγιον ἄστυ καλλίβωλον,
Ἰδὰς ὄρος ἱερὸν,
Ὡς σ' ὀλόμενον ζένω,
Ἀρμάτειον ἀρμάτειον μέλος
Βαρβάρῳ βοᾷ.

ad quae Phrygis verba in Scholiis multa notantur [in primis in editione *Musgravii* vol. iv p. 393, 394], quibuscum comparentur *Eustathius* ad *Iliad.* X pag. 1276

[*] Hoc non invenit apud *Hesychium*. Vid. not. ad Ἀργυῖτας p. 522.

1276 et Etymologicon M. p. 145. Existimarunt tamen illi esse vocem Graecae originis.

"ARTEMIS nomen Dianae videtur Phrygiacum, ut coniectio ex verbis *Clementis Alex. Lib. 1 Strom. p. 323* [384, ubi tamen legatur *Potterus*], Φρυγίαν τε ούσαν κεκλήσθαι "Αρτεμιν. Convenit nomen *Artemae*, regis Phrygum apud *Xenophontem* in *Cyropædia* [lib. II c. 1].

"ΑΤΤΑΛΗ lingua Phrygum est guttur. Apud *Hesychium* legitur, "Αττάλη· φάρυγξ, ὑπὸ Φρυγῶν. *Salmastius* legit φάρυγξ. Alii aliter.

ΒΑΓΑΙΟΣ cognomen Iovis Phrygum, *Hesychius*, Βαγαῖος· ὁ μάταιος, ἢ Ζεὺς Φρύγιος, μέγας, πολὺς, ταχύς.

ΒΑΛΛΗ'Ν five ΒΑΛΗ'Ν, utuntur soli Phryges, ut supra monui, significatione regis. Scribit *Hesychius*, Βαλλήν· βασιλεύς· Φρυγία. Sumtum hoc est e *Sexto Empirico Lib. 1 adv. Mathematic. c. 13*, ubi οἱ παρὰ τῷ Σοφοκλεῖ ποιμένες, τῷ Βαλλὴν λέγοντες, τῷ βασιλεῖ λέγουσι Φρυγίαι. Conferantur *Eustathius ad Il. Γ. p. 381*, *Seldenus de Dis. Syr. p. 216* et *E. Spanhemius ad Callimachum p. 28* [*].

ΒΑ'ΜΒΑΛΟΝ apud Phrygas in usu, non item apud Graecos. *Hesychius*, Βάμβαλον· ἱμάτιον καὶ τὸ αἰδοῖον. Φρύγες. Si forte vocabulum significatione priori de pallio five veste contra frigora, non certe notione posteriori de pudendis, extra Phrygiam notum fuisse videtur.

ΒΑΤΑΒΑ'ΚΗΣ, Sacerdos Pessinuntius apud *Plutarchum* in *Mario p. 415*. Βατάκης est apud *Suidam* in

[*] *Aeschylus* in *Perſis v. 659*, Βαλλὴν ἀρχαῖος Βαλλήν. Monet Scholiastes, vocem de rege usurpari, *Euphorionem* vero affirmare, esse eandem e dialecto Thuriorum. Consulantur viri eruditi ad *Hesychium v. Βαλλήν*.

in v. Γναῖος, quae suo loco mota quaeri debet in Γα, non in Γν. Sic etiam in Cod. MS. *Plutarchi* inventum fuit. Vide Gallicam huius scriptoris versionem A. Dacerii Tom. iv p. 124, et confer Epigrammata MSS. et *Hephaest.* in *Vossii* notis ad *Catullum* p. 163. In excerptis *Diodori Sic.* apud *Photium* p. 637 [1184] scribitur Βαττάκης sive Βαττάκις. Inde fere coniicias, hoc fuisse nomen dignitatis, et sic Phrygibus dictum fuisse *Archigallum*, quamvis tantum vocetur *ιερεύς*, et a *Livio* Lib. LXVIII *sacerdos* [*].

ΒΕΔΥ' sive ΒΕ'ΔΥ sermone Phrygum denotat *aquam*, vel *aërem*, secundum alios. Facit huc praesertim locus *Clementis Alexandrini* Lib. v Strom. p. 568 [673], Βέδυ μὲν γὰρ τοὺς Φρύγας τὸ ὕδωρ φησὶ καλεῖν· καθὼ καὶ Ὀρφεὺς [p. 383, 314 ed. Gesneri],

Καὶ Βέδυ Νυμφάων καταλείβεται ἀγλαὰν ὕδωρ.

ἀλλὰ καὶ ὁ Θύτης Δίων ὁμοίως φαίνεται γράφων· Καὶ Βέδυ λαβῶν, κατὰ χειρῶν καταχέου, καὶ ἐπὶ τὴν ἑσπεροσκοπὴν τρέπου. Ἐμπαλιν δὲ ὁ Κωμικός. Φιλύθεος (d),
“ΕΛ-

(d) *Bochartus* malit legi Φιλίσκος. Eius nominis fuere
va-

[*] Non nunc hic error est. Verba *Suidae* loco suo nequaquam inrita sunt. Pertinent enim ad v. Γάλλος, ἡπάκοπος, tom. i p. 466, ubi Βαττάκος. Notandum id e *Polybio*, monente, post *Valesium*, etiam *Kaßer*; cum incertum videatur *Drakenborchio* ad *Livium* lib. xxxviii. c. 18. Levi mutatione repetiit *Schweighaeuserus* t. iv p. 222. In *Eclogis Diodori* t. ii p. 537 appellatur Βαττάκης. Nomen non additur a *Livio* l. c. Quae autem leguntur lib. lxxviii c. 9, non sunt *Livii* verba, sed ex aliis collecta a *Freimhemio*, cui dicitur *Batabates*. Nec opinor esse nomen dignitatis, sed proprium, quia *Polybius* non eius tantum meminit, verum *Ἀττίδος καὶ Βαττάκου τῶν ἐν Πισσηνῶντος ἱερέων τῆς μητρὸς τῶν θεῶν*.

Βέδν τὸν ἀέρα, βιόδιωρον ὄντα, διὰ τούτων γινώσκει·

“Ἐλκειν τὸ Βέδν σωτήριον προσεύχομαι·

“Ὅπερ μέγιστόν ἐστιν ὑγιείας μέρος·

Τὸ τὸν ἀέρ’ ἔλκειν καθαρὸν, οὐ τεθολωμένον.

συνομλόγος τῆς τοιαύτης δόξης καὶ ὁ Κυζικηνὸς Νεάνθης, γράφων τοὺς Μακεδόνων ἱερεῖς ἐν ταῖς κατευχαῖς, Βέδν κατακαλεῖν ἴλεω αὐτοῖς τε καὶ τοῖς τέκνοις· ὅπερ ἐρμηνεύουσιν ἀέρα. Locum hunc, cum sit notatu admodum dignus, dedi integrum, sed sine versione Latina, ne sim iusto longior.

BEKO'Σ vel BEKKO'Σ, *panis*. Videntur Phryges, sine terminatione Graeca, dixisse Βέκ, quem in modum haec vox exstat in Scholiis ad *Apollonium Rhodium* Lib. iv v. 262 et *Aristophanis* *Nubes* v. 397. Esse eam originis Phrygiae dubio caret. Non modo testantur *Suidas* in v. Βεκκεσέληνε, ubi scribitur Βέκxος et Βέκxε, et *Hesychius*, apud quem Βεκός· ἄρτος. Φρυγες, sed imprimis *Herodotus* Lib. ii c. 2, ubi antiquitas linguae Phrygiae prae Aegyptiaca ostenditur. Usurpatam hanc vocem reperio ab Hipponacte apud *Strabonem* Lib. viii p. 235 [524], e quo loco forsitan confici queat, etiam Cypriis in usu fuisse, nisi simpliciter et generatim pro pane usurpaverit, atque hunc significatum desumerit ex historia, quam *Herodotus* refert. Consule etiam, si tanti vide-

varii Poëtae, sed Tragici. ~ Vid. *Fabricius* in *Biblioth. Gr.* vol. i p. 686. *Neanthen* Cyzicenum, Rhetorem, discipulum *Philisci* Milesii, memorat *Suidas* Νεάνθης. Rectius fortasse in *Clemente* restituitur nomen *Philyllii*, cuius Comici saepe *Athenaeus* meminit. Conf. *Reinesius* Lib. iii Var. Lect. p. 382 et *Casaubonus* ad *Athenaei* Lib. iii p. 89 [Cl. *Ruhnkenius* ad *Timaei* Lex. Plat. p. 167].

debitur res, *Tzetzen Chiliad. iv Hist. 2, Th. Gale et Gronovium ad Herodoti l.*

ΒΡΙΚΙΣΜΑΤΑ · ὄρχησις Φρυγιακή. *Hesychius*. Sic igitur vocabantur saltationes Phrygiae. Sed forte vox ista efficta fuit de nomine Phrygum, qui ipsi dicebantur Βρίγες et Βρίκες.

ΓΑΛΛΑΡΟΣ · Φρυγιακὸν ὄνομα. παρὰ Λάκωσι. *Hesychius*. Non intelligo, cur Laconum mentio fiat. Quid autem Phrygibus significaverit, non additur. An cum *Bocharto* Γάλλαρος interpretandum de nomine proprio Phrygio, sed in usu quoque apud Lacedaemonios? Non est coniectura improbabilis.

ΓΑΝΟΣ est sine controversia vox Graeca, et non una notione a scriptoribus antiquis frequentata, tam Poëtis, quam Oratoribus. *Aeschinem* appellat testem *Harpocration* v. Γάνος. Utuntur voce *Aristophanes* et *Euripides* aliique [*]. Attamen scribit *Hesychius*, Γάνος · παράδεισος. χάρμα. Φῶς. αὐγή. λευκότης. λαμπηδών. ἡδονή καὶ ἡ ὕαινα, ὑπὲρ Φρυγῶν καὶ Βιθυνῶν.

ΓΛΟΥΤΡΟΣ, sic legendum, non γληρὸς, Phrygibus dictum fuit *aurum*. Testatur *Hesychius*, Γλούρεα · χρύσεια. Φρύγες. Γλουρὸς, χρυσοῦς.

ΔΙΤΙΖΗΛΗ. *Tzetzes Chil. iii Hist. 115*. Eam *Consilgin* appellat *Plinius* Lib. viii cap. 40.

ΕΚΤΩΡ lingua Phrygum est *vir prudens*, ut supra monui [p. 56]. ZEΛ-

[*] *Aristophanes* in *Ranis* v. 1355, ubi *Ex. Spanhemius* p. 316 citat loca *Euripidis* et *Aeschylli*, quibus adiungas *Aeschylum* *Perf.* v. 483, *Agamem.* v. 518, *Euripidem* *Suppl.* v. 1156, *Bacch.* v. 261. Sed quid plura? Ad verba *Hesychii* quod attinet, si de re dubia coniecturam facere liceat, existimem, Phrygas et Bithynios voce γάνος usos esse significatione Graecis ignota. Exemplum sumas de Cypriis, eodem vocabulo significantibus Paradisum, teste Auctore *Etymologici* M. v. Γεανωμίνος. Sed adi *Cl. Wyttenbachium* ad *Plutarchi Moral.* p. 428, 48. C.

ΖΕ'ΑΚΙΑ, *herbae iusculis servientes sive olera. Hesychius, Ζέλκια· λάχανα. Φρύγες.*

ΚΙΚΛΗ nomen *urfae*, sideris coelestis. *Hesychius, Κίκλην· τὴν ἄρκτον, τὸ ἄστρον. Φρύγες.*

ΚΙΜΕΡΟΣ, *mens, animus. Hesychius, Κίμερος· νοῦς. Φρύγες.* Quis credat, aut esse vocem origine Graecam, aut hinc appellatos fuisse Cimmerios?

ΚΥΒΗ'ΚΗ. Voce hac Phrygas usos fuisse de quodam genere *femoralium*, monet *Bochartus*. Respicit ad verba *Hesychii*. Κυβήκη· ἡ μήτηρ τῶν θεῶν. καὶ ἡ Ἀφροδίτη. καὶ ὑποδήματα, παρὰ Ἀρκάσιν. ἢ καὶ Φρυγῶν, παρ' ὃ καὶ Ἰππώναξ Φησὶ, καὶ Διόσκουρος. Locus mihi videtur suspectus, et ordo verborum valde turbatus. Διόσκουρος, si est nomen scriptoris vetusti, quis fuerit, ignoro. Ἰππώναξ memoratur a *Strabone* et aliis. Nomen ipsius pertinere ad prima huius loci verba colligo e Scholiis in *Lycophronem* v. 1170. Verba ὑποδήματα παρὰ Ἀρκάσιν, ἢ καὶ Φρυγῶν ne vix quidem possunt connecti. Sed mentio Phrygum spectat voces Κυβήκη· ἡ μήτηρ τῶν θεῶν. Quoniam igitur indicatur *Cybele* seu *Rhea*, pro Κυβήκη legendum autumo Κυβήλη [*], ita nominata de *Cybelo*, monte *Phrygio*.

ΜΑ', *oves. Hesychius, Μᾶ· πρόβατα. Φρύγες.*

ΜΑΖΕΥΣ· ὁ Ζεὺς, παρὰ Φρυγί, *Hesychius*. Similiter a *Thracibus* et aliis *Ma* praefixum est nominibus *Rhea* et *Mars*. Vide *Tzetzen* in *Lycophronem* v. 938 [**].

ΜΑ'.

[*] Si quid mutandum, malim Κυβήβη. Comparantur praeter eruditos, ab *Alberti* laudatos, *Gudius* et *Burmannus* ad *Phaedrum* III. 20, *Burmannus* ad *Virgilii* III Aen. 111, imprimis *Drakenborchius* ad *Silium Italicum* p. 841. Ita apud *Suidam*, Κυβήβη· ἡ μήτηρ.

[**] Plura dedit *Corius* in praefatione libri *Diseza dell' Alfabeto* de

ΜΑ'ΝΙΚΑ, *res splendidae et admirabiles*. Verba *Plutarchi* [*] de *Ilide* et *Osir.* p. 360 B. haec sunt, Φρύγες μέχρι νῦν τὰ λαμπρὰ καὶ θαυμάσια τῶν ἔργων Μάνικα καλοῦσιν, διὰ τὸ Μάνιν, vel Μάνην, τῷ τῶν πάλαι βασιλέων, ἀγαθὸν ἄνδρα καὶ δύναντον γενέσθαι, ὃν ἔνιοι Μάσδην καλοῦσιν. Alius originis est vox Graeca *μανικός* in *Aristophanis* *Pluto* [v. 424], apud *Aristidem* [t. 1 p. 2] aliosque.

ΜΥΓΔΩΝ nomen proprium regis *Phrygii*. Ὅτρευς καὶ Μύγδων βασιλεῖς Φρυγίας, *Hesychius*. Eorum meminit *Homerus* II. Γ. 186, ubi vide *Scholia* [**].

ΝΗΝΙΑΤΟΝ, *canilenae* genus. *Pollux* Lib. IV cap. 10 [segm. 79], Τὸ δὲ νηνίατον, ἔστι μὲν Φρύγιον, Ἰππώναξ δ' αὐτοῦ μνημονεύει. Non multum differt

ΝΙΝΗ'ΑΤΟΣ, de quo *Hesychius*, Νινήατος· νόμος παιδαριώδης, καὶ Φρύγιον μέλος. Fortasse ea vox loco alieno posita fuit et mutanda in *Νηνίατος*, ut legit *Scaliger* Coniect. in *Varronem* p. 142, sed mirum accidit, qui potuerit vir maximus νόμος παιδ. vertere *lex puerilis*, cum minime ignoraret, νόμον saepius significare *canilenam*. Vide *H. Stephani* Thes. L. Gr. Tom. II p. 1022 et 1023. Nunc ipse improbo meam coniecturam de voce νόμος mutanda in λόγος.

ΝΩΡΙΚΟΣ, *uter*. Testatur *Eustathius* in *Dionysium*

degli antichi Toscani p. XCII—XCIV. Originem nominis *Maza* sive *Mazaca*, quae est urbs sub monte *Argaeo*, de qua *Strabo* lib. XII p. 811 et *Plinius* lib. VI c. 3, ex hac Iovis appellatione ductam vulgè *Passerius* in Thes. gemmarum asseferat tom. II p. 58. In Cod. Med. *Strabonis* pro *Μάζακα* scriptum *Μάζακα*.

[*] Ad hunc locum Cl. *Wyttenbächius* plura notavit.

[**] De *Mygdonis* monumento in finibus *Phrygiae*, et de *Phrygiis* a poetis dictis *Mygdonibus*, *Pausanias* in *Phocicis* cap. 27. Apud poetas Latinos nihil frequentius.

sum pag. 53 [ad v. 321], ὅτι Νώρικον οἱ Φρύγες τὸν ἀσκὸν καλοῦσι τῇ σφετέρᾳ διαλέκτῳ.

ΕΕΝΩΝΕΣ a Phrygibus vocabantur οἱ ἀνδράνες, docente *Hesychio*. Erant autem ἀνδράνες loca domus satis ampla, numerosis virorum convivii apta. Vid. *Suidas* in v. Ἀνδράνα, ubi citantur verba ex *Aristophanis Eccleiaz* p. 744 [v. 672], et in v. Ἀνδρωνίτις, *Pollux* Lib. I cap. 8 [segm. 79]: utraque voce usos fuisse *Xenophontem*, *Athenaeum* et *Plutarchum*, docet *H. Stephanus* Tom. I Thes. Gr. p. 440, 441.

ΟΤΑΝΟΤῚΝ, vulpes. *Stephanus Byz.* in v. Ἀζάνοί vocabulum Phrygibus attribuit, testaturque, Euphorbum daemonibus sacrificasse τὸν Οὐανοῦν, ὃ ἐστὶν ἀλώπηξ, καὶ Ἐξιν, ὃ ἐστὶν ἐχῖνος. Convenit cum Aegyptiaco ΔΩΛΛΩ [*] *Matth.* vii. 15, *Ioh.* X. 12.

ΟΤῚΡΙΟΣ cognomen *Iovis*. Diserte ait *Cicero* significare *Imperatorem*, sed vocem refert ad Graecos. Scribit Lib. IV in *Verrem* c. 57: *Quid? ex aede Iovis religiosissimum simulacrum Iovis Imperatoris, quem Graeci Urion nominant, pulcherrime factum, nonne abstulisti?* Non certe ex Graecorum lingua de-

[*] Sed ΔΩΛΛΩ significat *lupum*, at vero vulpes dicitur

ΒΑΩΩΡ *Matth.* xiii. 20, *Luc.* ix. 58 et xiii. 32, etiam in versione *Sabidica*. Aut memoria hic sefellit eximium *Iablonskium*, aut flagrans cupiditas promovendi rudii literarum Aegyptiacarum, de qua saepius dictum ad *Glossarium* vocum Aegyptiarum, et quam in eo minus laudarunt *Michaëlis* aliique, ac nuper admodum *Clar.* *Steph.* *Quatremère* in accurata *Disputatione Critica et Historica de Lingua et Literatura Aegyptiaca*, Parisiis a. 1808 edita, p. 88, quo munere me ab eruditissimo viro donatum, dum haec scribo, et gratus agnosco et laetor, imprimis ob honorificam *Iablonskii* mentionem.

deductum est, sed ex Barbarica, five Thracica, five Phrygiaca. Firmare hoc potuisset *Ostrocofsii* sententiam, quum proponit Tom. I Orig. Hungaric. p. 294 et 413. Hinc forte Γαζιοῦρα five Γαζίουρα παλαιὸν βασιλεῖον Amazonum, apud *Sirabonem* Lib. XII p. 378 [823, 824]. Quidquid de his iudicetur, probare nequeo etymologiam nominis Οὔριος, quod alii ducunt a Graeca voce οὔρος, alii ab ὄρος, ut indicetur numen, quod navigantibus ventum secundum largitur, vel quod praeest terminis regionum et urbium. Quoniam vero *Cicero* l. c. et cap. seq. religiosissimum hoc et pulcherrime factum simulacrum Iovis eiusque aedem ad introitum Ponti tantopere celebrat, mirum valde est, utriusque mentionem apud veteres rarissime fieri, nisi forte nominis origo Barbarica five Phrygia in causa fuerit [*].

ΠΑΪΠΑΣ, nomen *Iovis* Phrygiacum. Auctor eius rei nobis est *Diodorus Sic.* Lib. III p. 192 edit. *Welch.* *Arrianus* in Bithynicis tribuit Bithyniis, teste *Eustathio* in *Homeri Iliadem* p. 565, ὅτι ἀνίοντες εἰς τὰ ἄκρα τῶν ὁρῶν Βιθυνοὶ ἐκάλουν Παῖπαν τὸν Δία — ὁμοίως καὶ Ἡροδότου τὸ, καλεῖται Ζεὺς ὑπὸ Σκυθῶν ὀρθότατα Παπαῖος* ἐξ ὧν συνάγεται θεῖον εἶναι τινὰ
λέ-

[*] Ne quid dicam de reliquis *Iablonskii* observationibus, tantum animadverti velim, templum hoc saepius celebrari, et κατ' ἐξέχην dici τὸ ἱερὸν a *Demosthene*, *Polybio*, etiam ab *Herodoto* IV. 85, ad q. l. *Wessel.* et *Valcken.* notarunt. Διὸς Οὐρίου memoriam servarunt *Marcianus* et *Arrianus* in *Periplo*, sed et marmor antiquissimum, editum a *Reinolfo*, *Sponio*, *Whalero*, *Chishullo* in *Antiquit. Asiae*, p. 59, *Donio*, *Bonada* in *Antholog.* I script. Poëtic. vol. I p. 73, 74, *Danato* in *Supplem.* ad *Thef. Murator.* p. 4, sed accuratius a *Io. Taylor.* in praefat. ante *Commentarium* ad *L. Decemvira-* lem de inope debitore in partes dissectando p. V, ubi etiam de templo *Iovis Uriti*, et p. 23 — 28, quo postremo in loco, nisi me mea fallat opinio, sagacitas *Bentleii* Critica splendescit.

λέξιν τὸ Πάπας καὶ Πάππος καὶ τὰ τοιαῦτα [*].

ΠΙΚΕΡΙΟΝ τὸ βούτυρον. Thoas Ithacesius apud *Erolianum* in Πικερίῳ.

RISCUS. Videntur hoc vocabulum Latini accepisse a Graecis, hi autem a Phrygibus. Ad verba *Terentii* in *Eunucho* Act. iv Sc. vi v. 16, ubi sita est. In *risco*, *Donatus* commentatur: In *risco*. Cista pelle contexta: nomen Phrygium. Vide et *Thesaurum Cellarii* hac voce. Videtur habere affinitatem cum Νώρικος, de quo in antecedentibus [**].

ΣΑΒΑΪΖΙΟΣ, *Bacchus*, apud Phryges. *Hesychius*, Σαβάζιος· ἐπώνυμον Διονύσου· οἱ δὲ υἱὸν Διονύσου· καὶ Σαβδὸν ἐνίοτε καλοῦσιν αὐτόν. Φρύξ δὲ ὁ Σαβάζιος. Confer *Stephanum Byzant.* v. Σάβοι, ibi *Salmasium* [et *Holslenium*], *Scholia Ulpiani* in *Demosthenem* p. 183 ed. Paris. Plura dixi in *Disertatione de Remphah* p. 84 [t. II *Opusc.* p. 67, 68], et in notis MSS. ad eandem.

ΣΑ-

[*] Legendus *Wesselingius* ad *Diodorum* t. I p. 227, idemque et *Valckenarius* ad *Herodotum* iv: 59. Hoc pertinet lapis literatus in *Sc. Maffei* Museo Veron. p. CCXXXVII, I. O. M. PATERNO. Repetit *Muratorius* t. II *Novi Thes. Inscr.* p. DCCXCIII. 2, sed pro PATERNO aut scriptum, aut scribendum fuisse AETERNO, infeliciter coniecit. Exemplo meo *Muratoriano* eruditus I. A. *Hultman*, antiquitatis *Epigraphicae* admodum intelligens, hanc animadvertionem MS. allevit: Car? rogo: nonne Iupiter, qui communi *Grammaticorum consensu* quasi Iuvans Pater dicitur, Paternus potuit dici ob curam, quam gerere creditur humani generis? Et apud Graecos est Ζεὺς πατῆρ. Vid. *Albertius* ad *Hesychium* t. II p. 894.

[**] In *Glossario veteri*: *Riscus*, Κισσῶς μεγάλη, p. 187 ed. H. Steph., item *Vulcanii*, apud quem in alio *Glossario* p. 526, Δάρμαξ, *Arca*, *Riscus*. Comparetur inprimis *Hemsterhusius* ad *Pollicem* x. 137, cuius haec verba adscribam: a Graecis ad Romanos, non a Phrygibus devenisse satis constat: Graeci unde acceperint, non facile dixerō; nollem tamen a Phrygibus accepisse negare. Notavit autem *Scheidius*, originem vocis *πικρος* repetens a *πίω*, *πίζω*.

ΣΑΓΑΪΡΙΟΣ vocatur ποταμὸς Λυδίας καὶ Φρυγίας ab *Hesychio*; dictus ab aliis Σαγγάριος, Σάγγαρος, Σάγαρις, Σαγγάρις. Nomen occurrit per frequenter apud veteres Geographos, Historicos, Poëtas, etiam Latinos.

SMINTHOS mures vocari a Phrygibus annotavit *Servius* ad *Virgilium* Lib. III Aeneid. v. 108, Cretenſes vero murem dicere *Sminthicem*, ubi quoque de origine Apollinis *Sminthei*. Conf. *Eustathius* in Il. A. p. 34 ed. Rom. [*].

ΣΥΓΧΟΙ sunt ὑποδήματα Φρύγια, teste *Hesychio*. Non certe vocabulum est origine Graecum, neque quod praecedat ibidem Συκχάδες [**]. A Σύκχος non multum differt Latinorum *soccus* et *soculus*. Conf. *Salmasius* ad *Tertullianum* de Pallio p. 383.

TIARA. Ad *Virgilii* verba Lib. VII Aen. v. 247 *Servius* scribit: (Tiam) *Pileum Phrygium* dicit, laudatque *Iuvenalis* verba VI. 516, Et Phrygia vestitur bucca tiara, ubi Scholiastes: *Tiara pileus est, quo Phryges utuntur, cum celebrant sacra*. Vocem Τιάρα Graecos accepisse a Phrygibus, et a Graecis Romanos autumo, quamvis non nesciam, viros summos eius originem quaerere in lingua Persica. Vid. *Vossius* in Etymol. L. L. v. *Tiaras*, *Brissonus* de Regno Pers. Lib. I §. 46 ac seqq., *Relandus* Parr. II Disert. Misc. p. 252, 253. Tantum adiungatur, Cy-

[*] Haec scribens, non sibi in memoriam revocasse videtur *Iablonskius*, nec etiam *Bochartus*, quae habet *Hesychius*, Σμίνθα· ὁ πατοικίδιος μῦς, et, Σμίνθος· μῦς. καὶ ὁ Ἀπόλλων διὰ Σμινθέος, διὰ τὸ ἐπὶ μυωπίας φασὶ βιβάζεσθαι. Legantur ibi *Albertius* et alii, *Vilsoisonus* ad *Apollonii* Lex. Hom. p. 607. A *Strabone* lib. XIII p. 912 mures dicti leguntur Σμίνθιοι, sed Σμίνθιοι est in *Lycophrone* v. 1306.

[**] Aliter visum est *Polluci* I. VII segm. 86, quem vide et notas eruditorum.

Cyrillo in Lexico MS., monente Celeberr. *la Croze*, Τιάραν dici Φρύγιον πελίον βαρβαρικόν [*].

Satis de lingua Phrygia dictum. Antequam vero pedem promoveam, unum est, quod annotare operae

[*] Quae mihi inter legendum pauca alia occurrerunt vocabula, aut vere aut falso Phrygiaca dicta, ea hic addam.

AGDUS. In Phrygiae finibus, ait Arnobius lib. v p. 158, inauditas per omnia vastitatis petra est quaedam, cui nomen est Agdus, regionis eius ab indigentis sic vocatae.

ΑΚΡΙΣΙΪΑΣ. Κροισι, παρὰ Φρυγίη, Hesychius.

ΑΡΜΑΝ σημαίνει τὴν πόλιν τῆ τῶν Φρύγων διάλεκτο, ὡς φησὶ Παλαμῆδης ἱστορικός ὁ τῇ κυριακῇ λέξει συναγαγὼν Μελέδιος. ἢ τὸν ἰσχυρότερον, ὃν αἰδοῦσι Φρύγες ἰσχυροῦμενοι ἑκπαι. Ita auctor Etymol. M. v Ἀρμάτιον. Quid significet ἰσχυρότερος, dicant Hesychius et interpretes h. v.

ATTAGUS, hircus. Scribit Arnobius lib. v p. 159: Hircos Phryges suis Attagos elocutionibus nuncupant.

ΓΕΛΑΦΟΣ ἀλάφῳ γυνή, Φρυγίη. Hesychius, ibi notae.

ΔΡΟΥΓΓΟΣ, nasus, rostrum. Videtur Epiphanius t. i Op. p. 416 originem vocis quærere in Phrygia; sed Timotheus Presbyter, in Cotelerii Monumentis Eccles. Gr. t. iii p. 378, in Galatia.

ΖΕΜΕΑΝ βαρβαροὶ ἀνδράποδοι. Φρύγες. Hesychius.

ZEYMANTH'N πύγν. Φρύγες. Hesychius c. n. Alberti. Conf. Heringa in Obs. Crit. p. 217.

ΛΙΤΥΕΤΕΑΣ, castellae genus Phrygiacum. Pollux lib. iv segm. 54. Λιτυίσις (ἄσμος) Φρυγῶν. Consulantur ad istum locum Seberus et lungermannus, Albertius ad Hesychium t. i p. 489.

ΟΡΟΥ, supra. Achilles Tatius in Arati Phaenomena p. 129 (ed. Petavii in Uranologio), τὰ δὲ ὄρου τὰ ἄνω δηλοῦν Φρυγῶν ἰδιον, ὡς Νισπείλιμοι ἐν ταῖς Φρυγίαις φωναῖς. Glossae Neoptolemi, quarum etiam Athaenaeus meminit lib. xi p. 265 ed. novae, si adhuc superessent, plura nobis et certiora de lingua Phrygia innotescerent, cum a Strabone lib. xui p. 822 dicatur ὁ γλωσσολόγος, τάλις nempe κατ' ἑκαστὴν, monente Casaubono, et μνημονεῖς ἄλλοις.

ΣΟΥΣΑ. In Lexico Regio, quod citat Albertius ad Hesychium t. ii p. 1238, Σούσα τὰ λυρία, παρὰ Φοινίῃ, καὶ τὰ κρήνη, κατὰ Φρύγας.

ΤΑΛΚΟΣ, πάσσαλος, paxillus. Vide Epiphanium ac Timotheum, supra laudatos v. Δρεῦγγος.

rae pretium existimavi, linguam Phrygiam in his oris fuisse veluti praecipuam, ex qua in alias multa defluerint. Nam lingua Lydia et Carica multa cum Phrygia habuit communia, quod etiam *Bochartus* observavit. Ipsi quoque *Armenii* multa ex Phrygum lingua habuerunt, quod ab *Eudoxo* didici, cuius verba *Eustathius* conservavit in *Dionysium Per.* pag. 106 [ad v. 694], Ἀρμένιοι τὸ γένος ἐκ Φρυγίας, καὶ τῇ φωνῇ πολλὰ Φρυγίζουσι, *Armenii a Phrygibus genus ducunt; et lingua sua etiam vehementer ad Phrygiam linguam accedunt.* Eadem habet *Stephanus Byz.* v. Ἀρμενία. Nempe si *Herodoto* credimus, Lib. vii c. 73, Armenii fuere Phrygum ἀποικιοί, quod intelligi potest de colonia Phrygum in Armeniam misa. Quae ideo potissimum adduxi, ut tanto magis constaret, linguam Phrygiam a Graeca esse maxime alienam. Nam Armeniorum lingua, uti ex nominibus regionum, urbium et virorum perspicitur, tantum a Graeca distulit, quantum hodie forsitan a Sarmatarum dialecto differt Germanica.

§ 9. De lingua Lydorum.

Lingua Lydia, etsi in multis rebus cum Phrygia conspiraverit, ab ea tamen fuit diversa. Atque hoc vel exinde recte colligi potest, quod linguae Lydiae tamquam peculiaris saepe mentio fiat: sed et *Strabo* Lib. xii p. 393 [857] diserte eam a Phrygia discernit, ubi scribit, linguam Mysorum ex Phrygia et Lydia esse commixtam. Graecam non fuisse, ut alii volunt, satis declarant nomina Lydia, quorum mentionem fieri videmus; cuius generis sunt Meon, Manes, Cotys, Atyes, Adyes, Alyattes, Lydus, Cambletes, Jardanus, Adramytis, Meles, Myrsus, Candaules, Dascylus, Gyges, Celmis, Bace-
las (a),

las (e), Croesus et alia, quibus tamen recensendis facile superfedere possum, cum haecenus nemo, quod sciam, singularibus argumentis originem eorum Lydiam impugnaverit. Accedit, Lydos accenseri Barbaris. Virio verum est Messeniis, Croesi donis acceptis, primos e Graecis amicitiam cum Barbaris iniisse, ut testatur *Pausanias* in Messenicis p. 115 [290]. Hinc *Tzetzes* in *Lycophronem* scribit p. 29, Βάρβαροι δὲ οἱ τε Λυδοὶ καὶ οἱ Παφλάγονες. Adde *Plutarchum* in Consolat. ad Apollon. p. 196 [†]. Diff-

(e) Dascylus pater Gygis est notissimus, distinguendus ab altero Dascylo, Tantalii filio, cuius meminerunt *Apolodorus* Lib. II p. 111, et Scholiastes *Apollonii Rhodii* Lib. II v. 726 [item v. 754]. Ille etiam et filius memorantur in Epigrammate *Alcmanis*, quod exstat in Anthologia MS., et a *Xylandro*, *Salmasio*, *Holsenio* aliisque iam vulgatum [*] est,

Καὶ Μούσας ἔδαν' Ἑλληνίδας, αἳ με τυράννων
Θῆκαν Δασκύλειω κρείσσονα καὶ Γύγῃ.

In eodem epigrammate commemorantur Κέλμεις, de quo in Exercitationibus meis MSS. in *Eratosihenis* catalogum Regum Thebaeorum in Aegypto [**], et Βακέλας, quae tanquam nomina Lydia proferuntur. Βάκχλος exstat apud *Lu-*

[*] Pars epigrammatis servata est a *Plutarcho* de Exilio. vol. III p. 287 ed. Oxon.

[**] Editae sunt a *Vignolio* tom. II Chronologiae, sed nihil ibi de Κέλμεις.

[†] Quo in loco non tantum Lydi, ut Aegyptii, Syri alique horum similes, opponuntur Graecis, verum etiam Barbaris aliis, Celtis, Gallis, ceteris, qui sunt generoso pleni spiritu, vol. I p. 312 ed. Oxon. in 4. Gyges dicitur πρῶτος βαρβάρων, qui Delphis dona dedicavit, in *Herodoti* lib. I c. 14.

ferentia Pelasgorum, qui pro Graecis habentur, et Lydorum, ratione cultus divini, morum et studiorum, ἐπιτηδεύματων, adstrui possit e *Dionysio Halic.* p. 23, qui brevi ante ex Xantho Lydio refert duos fuisse Lydiae populos, a totidem Principibus denominatos, Lydos nimirum et Torebos, quorum dialectus etiam in nonnullis distulerit, quemadmodum apud Graecos Ionica dialectus a Dorica.

Nunc iam voces quasdam Lydias videamus, hinc inde ex vetustis scriptoribus conquisitas.

ἈΒΑΚΑΗΨ et ΚΑΒΑΨΝΟΣ videntur fuisse nomina sacerdotum Lydorum in Antimachi poemate, quod Lyden nuncupavit, Καβάρνους θῆκεν Ἀβακλέας ὁργεῶνας, apud *Skidam*, quem vide in v. Ὀργεῶνες, et *Stanleium* ad *Fragmenta Aeschyli* p. 858, sed qui, praeunte *H. Stephano*, legi malebat Ἀγακλέας. Tutum sanequam non est, omnia sine fide codicum, quae non intelligimus, in scriptoribus antiquis velle mutare. Apud *Hesychium* Καβάρνοι dicuntur sacerdotes Cereris. Conf. *Valesius* ad *Harpocracionem* p. 126 et *van Dale* de Marmor. p. 629, et 736.

ἈΓΝΕΩΝΑ Lydi appellabant fornicem (f), teste *Athenaeo* Lib. xii p. 515, ubi *Cassaubonus* in notis lectionem hanc contra alios tuetur. Vocem esse Grae-

Lucianum Pseudol. p. 450 ed. Basil. Vide quoque *Hesychium* v. Βάκχος et Paroemidgraphos [*].

(f) Fornix significat hic cellam cameratam, in qua meretrices prostabant, quo sensu vox adhibetur a Poëtis non tantum, sed etiam a *Suetonio* in *Caesare* cap. 49.

[*] Nihil hoc faciunt aut locos *Hesychii*, aut verba *Luciani* t. ii p. 356, t. iii. 175. Comparantur docti homines ad *Thomam* M. p. 138, 139.

cae originis opinatur *Eustathius* in *Homeri* Il. II. p. 2108.

ἈΔΡΑΜΩΝ· ὁ Ἑρμῶν, παρὰ Λυδοῖς. Sic *Hesychius*; sed *Stephanus Byz.* v. Ἀδραμύττειον, τὸν Ἑρμῶνα Λυδοὶ Ἀδραμὺν καλοῦσι Φρυγίσι. Hermon fuit rex Lydiae, quem lingua Phrygia ipsi Lydi appellarunt *Adramyn*. Etiam *Adramytin* Lydiae regem commemorat *Athenaeus* Lib. XII [p. 415 ed. nov. ubi Ἀδραμύτην. Conf. ad h. l. not. et ad *Hesychium* ac *Stephanum*].

Αἱμῶνια. *Athenaeus* Lib. III p. 76 [298. 299] scribit, Τῶν δ' ἐν Πάρῳ τῇ νήτῳ, διάφορα γὰρ κᾶνταῦθα γίνεται σῦκα, τὰ καλούμενά παρὰ τοῖς Παρίοις αἱμῶνια, ταῦτα ὄντα τοῖς Λυδοῖς καλουμένοις. Similia habet *Eustathius* ad *Odyss.* Ω. p. 838 in fine [*].

ἈΚΥΛΟΝ· τὸ αἰδοῖον, Λυδοί. *Hesychius*. Minus recte illic scribi Ἀκυλλον, docent Auctor Etymologici M., *Suidas* et ipse *Hesychius* in voce proxime sequenti, Ἀκυλον· ὁ τῆς πρίνου καρπὸς, βάλανος, ubi respicitur ad *Homeri* *Odyss.* K. 242. Est quidem ipsum vocabulum Graecum, sed ista significatione Lydis proprium.

ἈΜΑΣΛΗΣ. *Hephæstion* de Metris p. 5, ὡς ἐν τῷ Ἀμασλῆς — ὡς ἐν τῷ Πάσνης καὶ Ἀσνης· ἃ δὲ ὀνόματα παρὰ Ξάνθῳ ἐσὶν ἐν τοῖς Λυδιακοῖς. Utinam *Xanthi*, historici Lydi, superessent Lydiaca, quorum etiam *Athenaeus* Lib. XII p. 515, *Stephanus Byz.* v. Λυδία, et alii meminerunt. Conf. *Vossius* de

[*] Loquitur *Athenaeus* de ficorum genere in Paro insula, hoc nomine αἱμῶνια dictarum a rubro sanguinis colore, nec diversarum a ficis Lydiis. Quis autem dubitet de Graeca vocis origine? Quod pariter dictum velim de nonnullis aliis, quae ad linguam Lydiam, Caricam atque ceteras referri infra videbis.

de Historicis Graecis Lib. I c. 2, L. IV c. 5.

ΑΡΑΚΟΣ, *accipiter*. Apud *Hesychium* legitur, "Αρακος ἱεραξ, Τυρρηνοί. Graecis haec avis, paucis immutatis, dicitur ἱεραξ. Quo autem modo vox Tyrrenorum huc pertineat, infra dicturus sum.

ΑΡΙΜΑ, *montes*. Scholiastes verus in *Hesiodi* Theogoniam p. cxxv. b. edit. Venet. Trincavelli, ἐφυλάττετο ἐν τοῖς ὄρεσιν. ἄριμα μὲν ὄρη ἐν Κιλικίᾳ, ita legendum, κατὰ δ' ἄλλους ἐν Λυδίᾳ. Vide et *Didymi* Scholia in *Homeri* II. B. vers. 783; sed adi quoque *Graevii* Lectiones Hesiodicas cap. xxxiv p. 120. Hebraice מִן מִן dicuntur *montes* et loca montana; et מִן מִן etiam significat *aliud*, observante *Ioh. Christ. Clodio* in *Lexico selecto* p. 41.

ΑΡΦΥΤΑΙΝΟΝ. *Discum*, si fides *Hesychio*, Lydi dixerunt. Sic enim ille, Ἀρφύταινον ὁ δίσκος, ὑπὸ Λυδῶν.

ΑΣΚΡΑΪΟΣ, cognomen *Iovis* apud *Lydos*. *Plutarchus* de *Passionibus animi* et corporis p. 891 ed. Steph., οὐκ Ἀσκραίῳ Διὶ Λυδίων καρπῶν ἀπαρχὰς φέροντες [*]. Vide quae notantur a me ad *Exercit. de Deo Remphah* ad p. 91 [t. II *Opuscul.* p. 70].

ΑΣΤΡΑΛΙΑΝ. Τὸν Θράκα, Λυδοί. *Hesychius*. Thracem hoc nomine a *Lydis* nuncupatum narrat ille, causam vero tacet, quae probabili ratione potest intelligi e Scholiis ad *Aristophanis* *Ranas* v. 690, ubi, τοῦτον κωμῶδει ὡς ξένον, καὶ Φλύαρον, καὶ δυσγενή. Θράκα γὰρ αὐτὸν ἔλεγεν.

BA.

[*] Si quid iudico, in loco *Plutarchi* t. III p. 15. ed. Oxon. vox Λυδῶν non connectenda cum Ἀσκραίῳ Διὶ, sed cum voce sequenti καρπῶν. Colebatur *Iupiter Ascræus* in *Boeotia*, sic dictus de *Ascræ*, vico ad dexteram *Heliconis* montis partem. *Hesiodum* *Ascræum* ignorat nemo, nisi barbarus.

ΒΑΘΥΜΗΔΑΓ· γένος ἐπὶ Λυδίᾳ. *Hesychius*, sed apud quem vox quaedam intercidisse videtur; nisi sit nomen alicuius gentis sive familiae in Lydia quondam florentis.

ΒΑ'ΚΚΑΡΙΣ, *unguentum* Lydium, quod a multis celebratur *Hesychius* ait, Βάκκαρις· μύρον ποιδν. —, ἄλλοι δὲ, μύρον Λύδιον. Meminit eiusdem *Pollux* Lib. vi c. 19 [segm. 104], Scholiastes *Aeschyli* vii c. Thebas p. 127 ed. *Stephani*. Dicitur alibi Βακκάριος, Βακκάριον, Βάκχαρις. Postremum debet restitui *Luciano* in *Lexiphane* c. 8, ubi male Κακχαρίδι [*].

ΒΑΣΙΛΕ'Α. Verba auctoris antiqui, apud *Dacrychamprum* in *Plinii* Lib. ii cap. 95, 'Εν Λυδίᾳ δὲ ἐστὶ λίμνη Καλαμίνη καλουμένη. ἱερὰ δὲ οὔσα Νυμφῶν, ἣ φέρει καλάμων πλῆθος, καὶ μέσον αὐτῶν ἓνα, ὃν Βασιλέα προσαγορεύουσιν οἱ ἐπιχώριοι, an huc pertineant, non aulim affirmare.

ΒΑΣΣΑΡΙΣ, genus vestimenti apud Lydos. Scholiastes *Horatii* in Lib. i Carm. xviii: *Bassaris est genus vestis, ad pedes usque (f) demissae, dictae a Bas-*

(f) Tunicas ad pedes usque demissas opus esse Lydorum existimant nonnulli. *Lucilius Satyr.* Lib. i apud *Nonium* in v. *Tunica* p. 536,

Praetextae ac Tunicae Lydorum opus sordidum omne, ubi *Scaliger* in notis MSS. propter versum legit *sordidulum*, ut est *toga sordidula* apud *Iuvenalem* Sat. iii. 149. *Tertullianus* de *Pallio* c. i, *Prohl quantum circummeavit (tunica) a Pelasgis ad Lydos, a Lydis ad Romanos*. Ad quem locum illustrandum apposite *Servius* in ii *Aeneid.* 781, *Apud Tuscos etiam togae usus est, nam hoc habitu in Lydia Iovis simulacrum fuisse dicitur*.

[*] Vti factum in ed. optima t. ii p. 333. V. not. ad *Hesychium*, ubi plura.

Bassara loco Lydiae, ubi sit. Et sic etiam Pollux p. 339 [lib. vii segm. 59, ibi not.], Λυδῶν δὲ Βασσάρα χιτῶν τις, Διονυσιακὴς, ποδῆρης. Quam ob causam Clar. *Salmasius* pro Λυδῶν maluerit Λῆδον, prorsus se ignorare, monuit *La Crozius* in literis ad me datis, cum ostendi nequeat, esse Λῆδον vestimentum Bacchantium. Alii Thracibus tribuunt et Bacchis Thracicis. Hinc *Hesychius*, Βασσάραι χιτῶνες, οὓς ἐφόρουσι αἱ Θράκαι Βάκχαι [*]. Potuit Lydis et Thracibus commune hoc fuisse vestimentum, atque ex pellibus vulpinis confectum fuisse. Graeci ἀλωπεκέας istas vestes dicerent. Eiusmodi galeas habuisse Thraces, *Herodotus* narrat Lib. vii cap. 75, Θρήκες ἐπὶ μὲν τῇσι κεφαλῇσι ἀλωπεκέας ἔχοντες, Thraces vero, qui e pelle vulpina cassides gestabant. *Bassares* autem sunt vulpes. *Tzetzes* in *Lycophronem* p. 109 [ad v. 771] ait, Βασσάραν esse εἶδος ἀλωπεκος, genus quoddam vulpis. Apud *Hesychium*, Βασσαρίς, ἀλώπηξ. *Suidas* vero scribit, Βάσσαρος, ἀλώπηξ κατὰ Ἡρόδοτον. Forte eundem *Herodoti* locum supra laudatum intelligit, ubi nomen Βασσάρων potuit iniuria temporis excidere. Non autem haec vox est Graeca, sed Thracica, et fortasse etiam Lydia. Prius docet *Scholias* *Persii* in Sat. i v. 101, qui mire totam nostram rem illustrat. *Quidam*, ait, a vulpibus, qua-

[*] In Lexico Rhetorico MS. his ipsis verbis adduntur, καλοῦνται οὕτως ἀπὸ τοῦ Βασσαρίως Διονύσου· ἦσαν δὲ περικλαιο καὶ ποδῆρης. Citavit *Ruhnkenius* V. Cl. in *Austatio* Emendat. ad tom. i *Hesychii* p. 702. — Loco *Herodoto* simillimus est *Xenophontis* K. A. l. vii c. 4, οἱ Θράκες τὰς ἀλωπεκίδας ἐπὶ ταῖς κεφαλαῖς φοροῦσι καὶ τοῖς ἀσπί. Ἀλωπεκία, ἢ περικεφαλία, *Suidas* v. Ἀλωπεκῆσι. Vocem Βάσσαρος ex *Herodoto* etiam *Etymologus* M. attulit v. Βασσάρα. Conf. *H. Stephanus* Ind. Thef. p. 617, 618, et *Vossius* in *Etymol* v. *Bassarides*. Coniectura autem de ista voce *Herodoto* l. c. reddenda, inuitis Codd. omnibus, mihi minus probatur.

quarum pellibus Bachae succingebantur. Vulpes Thracæ Bassares dicunt. Istiusmodi autem vestimenta Hunnis, Scythis, Parthis, Thracibus aliisque gentibus fuisse usitata, viri docti iam pridem observant (g).

BATT'PΦHΓA'AH *Milyus* lingua Lydorum dicebatur, auctore *Hesychio*, apud quem Βατυρρηγάλη. [Βαθυρρηγάλη] ἰκτίνος, ὑπὸ Λυδῶν.

HELVACEA, genus ornamenti Lydii, dictuma colore boum, qui est inter rufum et album, appellaturque Helvius. Ita *Festi* Abbreviator, *Paulus Diaconus*.

"IBPI fuit etiam vox Lydia, sed dubiae significationis. Sunt enim, qui velint, idem hanc vocem apud Lydos significasse, quod apud Latinos *clamare*. Alii *multum* interpretantur. Ita monuit *Hesychius* v. "Ιβρι. Similiter Aegyptiacum ωϣ duplici eadem gaudet notatione, quod pro *multum* ponitur Ps. xvii 16 et alibi, pro *clamare* Ps. iii. 4 aliisque in locis. An vero lectio "Ιβρι recte se habeat, dubitare nos iubent, quae apud *Hesychium* sequuntur in vocibus Ἰβύει, Ἰβουκινῆσαι et Ἰβουκινῆσαντες. Quod autem is supra in v. Βρί scripserat, non admodum huc facit.

'IMBPOY'Σ Βούς. Λυδοί. *Hesychius* [*].

KAN.

(g) Vide *Salmasii* Epistolam ad *Is. Vossium*, quam hic exhibet in notis ad *Iustini* Lib. ii c. 2. De Arcadibus montanis testatur *Pausanias* Messien. p. 121 [306], et de daemone quodam idem in *Eliac.* ii. p. 184 [460], λύκου δὲ ἀμπίσχετο δέρμα ἐσθῆτα. De Amazonibus *Strabo* Lib. xi p. 347 [769]. Iunge *Apollonium Rhodium* Lib. ii v. 120.

[*] In editionibus Schreveliana antiquioribus, item in Albertina, Ἰμβρος legitur.

KANΔΑΤ'ΛΗΣ nomen proprium regis Lydorum, cuius historiam narrat *Herodotus* Lib. 1 c. 7 et sequentibus. Tantum de origine nominis iam differendum. Τὸ δὲ Κανδαύλης τὸν σκυλοπνίκτην λέγει, ut scribit *Tzetzes* Chil. vi Hist. 54. Interpres vertit *pelle praefocatum*, quasi esset σκυλοπνίκτον, quam quidem veram esse explicationem non puto. Quid enim regi Candauli istiusmodi nomen indere potuerat? At forsitan dicas, a Gygē ille suffocatus est cingulo laqueo. Quod si vel verum esset, et non repugnaret *Herodoto*, probandum tamen foret, hoc ei nomen post mortem demum fuisse impositum. Erat *Candaules* nomen Divinitatis, quod rex ille sibi ipse assumerat. Cuiusmodi exempla apud Aegyptios, Graecos aliosque populos veteres non deficiunt, ut in Glossario Aegyptiaco et in Annotationibus ad *Eratosthenis* Catalogum saepius a me observatum fuit. Scribit autem *Hesychius*, Κανδαύλας· Ἑρμῆς ἢ Ἡρακλῆς, quod de Lydis esse accipiendum, vix est, qui dubitare possit. Suspitor apud *Tzetzen* legendum esse σκυλοκλέπτης, *spolia auferens*, quod utrique, et Herculi et Mercurio, satis convenit, alter enim virtute, dolo alter spolia aufert. Aut fortasse rectius legetur σκυλοπύκτης, id est, *pugnans pelle leonina indutus*. Est enim σκύλον *pellis* quidem in genere, cum vero etiam singulatim *pellis ferarum*, veluti *ursi*, unde apud *Hesychium*, Σκύλον, δέρμα ἄρκτου, et leonis, monente Scholiaste *Sophoclis* in *Aiac.* p. 2. a. edit. Cantabr. Καλλίμαχος ἐπὶ τῆς λεοντείας δορᾶς· Τὸ δὲ σκύλον ἀνδρὶ κακῶπτη [*].

KAN-

[*] Est in *Callimachi* fragmentis p. 498, ubi notantur triumviri summi, *Bentleius*, *Hemsterhusius* et *Ernestius*.

ΚΑ'ΝΔΑΥΛΟΣ, condimenti sive edulii genus Lydicum. Eius autem meminit *Athenaeus* Lib. xii p. 5*6 [418 (qq.)] his verbis, καὶ κἀνδαυλον δὲ τινα ἔλεγον οἱ Λυδοί, οὐχ ἓνα, ἀλλὰ τρεῖς. οὕτως ἐξήσκητο πρὸς τὰς ἡδυσπαθείας. Plura ibidem adiunguntur e Tarentino *Hepetippo*, *Alexide*, *Philemone*, *Nicostrato* et *Menandro*. Coquus apud *Alexidem* ait, se candaulum nec comedisſe umquam, neque id nomen audiisſe. Erat nempe peregrinum et barbarum. *Plutarchus* Lib. iv *Sympos* p. 664 coniungit Ἀβυρτάκας καὶ Κανδύλους καὶ Καρύκας. Dicitur etiam Κἀνδαυλος ab *Eusebio* ad *Homeri* *Iliad.* p. 1144, sed ab *Hesychio* Κἀνδυλος, omisso autem nomine *Lydorum*. Conf. *Pollux* Lib. vi c. 10 [segm. 69] et ipse *Athenaeus* Lib. xiv p. 664 [419, et ad h. l. *Schweighaeufserus* p. 701, 702]. Nisi fortasse κἀνδαυλος et κἀνδυλος condimentum fuerit diversum. Vtrum Κἀνδαυλος a Candaulo rege sic appellatum fuerit, an vero nomen utrumque ex communi fonte defluxerit, aliis disquirendum relinquo.

ΚΑ'ΠΥΝ puto *Lydos* appellasse *falconem*. *Tyrrhenis* tribuit *Servius*, sed quo tempore recens in *Italiam* advenerant, atque linguam suam (*h*) patriam, e *Lydia* adveſtam, nondum aliorum commercio confuderant. Ita ille in Lib. x *Aen.* 145: *Sed constat, eam* (*Capuam*) *a Tuscis*, qui sunt *Tyrrheni*, *conditam*, viſo *falconis* *augurio*, qui *Tusca lingua* *Capys* dicitur. Paulo post:
Alii

(*h*) Videndus de ea lingua illustris *Scipio Maffei* in *Dissert.* de origine primorum *Italiae* incolarum, qui eam linguam etiam pro *Pelasgica* habet. Adde *Gelehrte Zeitungen* 1733. n^o. 88. f. 783, 784 [*].

[**] Plura alia, huc pertinentia, dedit *Th. Dempſerus* de *Etruria* *Regali* tom. 1 p. 8—19. De *Graeca* vero vocis Κάπυς notatione legantur *Scaliger* et *Dacertius* ad *Festum* de V. S. p. 67, 68.

Alii a Tuscis quidem retentam, et prius Aliturnum, vel Alternum, vocatam: Tuscos a Samnitibus exactos Capuam vocasse, ob hoc, quod hanc quidam Falco condidisset, cui pollices pedum curvi fuerunt, quem admodum falcones aves habent, quos viros Tusci Capuas vocarunt.

KAPT'KH genus cibi Lydii, de quo *Athenaeus* Lib. iv p. 160 [122] et Lib. xii p. 516 [418]. Scribitur etiam Καρύκη. Meminerunt eiusdem *Plutarchus* l. supra l. in voce Κάνδαυλος, *Pollux* Lib. vi c. 9 [segm. 56], et antiqui Medici, ut copiose docet *Foësius* in *Oeconomia* Hippocratis v. Καρυκοειδέα [*].

KOAAΔΔΕΙ'N Λυδοί, τὸν Βασιλέα. *Hesychius*. Hanc similemve vocem ignorat omnis Graecia. *Bochartus* in dissert. de Aeneae adventu in Italiam p. 1164 dedit Κοάλσειν. An idem est Κέλσας in Epigrammate in Alcmanem apud *Plutarchum* de Exilio p. 1064? [**]

ΛΑ'ΒΡΤΣ a Lydis appellabatur *Securis*. Testis est *Plutarchus* in Quaestionibus Graecis p. 302, Λυδοί γὰρ Λάβρυν τὸν πέλεκυν ὀνομάζουσι. *Xylander* vertit: *Labram* enim *Lydi* vocant, quod *Latini* *Securim*. Cur *Xylander* verterit *Labram*, non *Labryn*, ut in Graeco est, in promptu causâ est. Ipse quippe *Plutarchus* hinc nomen derivat Iovis *Labradensis*, sive *Labrandensis* qui cum eiusmodi securi apud Cares fingeatur. Hunc Iovem cum securi in nummo quodam exhiberi *Begerus* vir praestantissimus autumat in *Thesauro Brandenburgico* [t. 1 p. 226]. *Aelianus* ve-

[*] Miror neglectum *Hesychii* locum, Καρύκη περίγρος, ζωμός, Βράμα Λυδοί, — ἀφ' οὗ τὸ συνταράττειν, καὶ ἀπαθύνειν, Καρυκκίαν φασί. Confer ibi notas, et *Pierfonum* ad *Moerin* Att. p. 220.

[**] Quidquid de germana epigrammatis obscurioris lectione et interpretatione indicetur, t. iii p. 287 ed Oxon., nihil profecto Κέλσας sicut ad vocem hanc *Lydiam* illustrandam.

vero huic Iovi Labradensi non, uti *Plutarchus*, πέλεκυν securim, sed ξίφος tribuit. Etenim *Lib. xii* de *Nat. Anim.* cap. 30, ubi de hoc Iove quaedam commemoraverat, addit, εἰς τόδε ἄγαλμα ξίφος παρήρτηται καὶ τιμᾶται, καλούμενος Κάριος τε καὶ Στράτιος, et brevi post dicitur Iupiter appellatus Λαβρανδεύς propter imbrem λάβρον, id est, impetuosum [*].

ΛΑΪΛΑΣ, ὁ τύραννος, ὑπὸ Λυδῶν. Ita *Hesychius*. Sed *Suidas*, Λαίλας ὁ μὴ ἐκ γένους τύραννος. Nisi legatur, ὁ μὲν ἐκ γ. τ., contraria dicunt Grammatici.

ΜΑΤΑΔΙΝ, quod erat instrumentum Musicum, *Lydis* in acceptis fert *Ion Chius* apud *Athenaeum*, admodum copiose de *Magadi* differentem, *Lib. xiv* pag. 634 et duabus sequentibus. Disputatur illic de vero sensu verborum *Ionis Chii* in *Omphale*,

Λυδός τε μάγαδις αὐλὸς ἡγείσθω βοῆς.

afferuntur plura veterum dicta de *Magadi*, atque haec verba adduntur, ἡ γὰρ Μάγαδις ὄργανόν ἐστι ψαλτικόν, ὡς Ἀνακρέων Φησι, Λυδῶν τε εὐρημα, διὸ καὶ τὰς Λυδὰς ψαλτρίας Φησὶν εἶναι ὁ Ἴων. *Thracibus* vero tribuit *Cantharus* quidam apud *Pollucem* *Lib. vi* cap. 9 p.

[*] Varie hoc Iovis epitheton scribitur. Apud *Plutarchum* l. c. semel iterumque Λαβραδεύς. Vitiosè Λαυραιδεύς in *Strabonis* lib. xiv p. 973, rectius Λαβραιδεύς in *Cod. Mediceo*, ut exemplo meo adscripsit *Gronovius*. Frequentius Λαβραιδεύς Nec aliter *Laßantius* lib. i Instit. c. 22 § 23, etsi magna illic lectionis varietas, monente *Bühnemannio*. Nolim aut cum veteribus, *Plutarcho*, *Aeliano* et *Laßantio*, aut cum recentioribus, *Bocharto* in *Geogr. S.* p. 87, *Buonarroti*, in *Osservazioni storiche sopra alcuni Medaglioni antichi* p. 213, 214, aliisque disputare de origine nominis. Mihi ramen huc usque videtur Iupiter dictus Λαβραιδεύς de *Labranda*, urbe sive vico *Cariae* cuius meminit *Strabo* l. c. et ipse *Herodotus* lib. v c. 119, ubi legendi *Wesselingius* et *Vaiskenarius*.

p. 187 edit. Seberi [segm. 61]. Videatur quoque *Hesychius* v. *Μαγάδεις* [*]. Illud certum, ipsam Μυρίαν et instrumenta Musica plurima, saltationes etiam, a Barbaris ad Graecos pervenisse; quod praeter alios observavit *Strabo* Lib. x p. 324 [722].

ΜΕΡΜΝΑ΄ΔΕΣ. Eos, qui a Candaule ad Croesum usque regno potiti sunt, hoc nomine appellarunt Lydi, teste *Herodoto* Lib. i c. 7. *Μερμνάδαι* ibidem vocantur c. 14. An a viro quodam generis auctore, an alia de causa, mihi nondum constat.

ΜΗΔΙΝΕΥ΄Σ. *Μηδεὺς*, παρὰ μὲν Δωριεῦσι· *Μηδοτιοῦν*. *μηδαπλῶς*. παρὰ δὲ Λυδοῖς, ὁ Ζεὺς, *ζεῦσις*. Haec *Hesychii* verba, forte corrupta et interpolata, certe valde obscura, equidem non intelligo. Voces autem in medio positae, *Μηδοτιοῦν* et *μηδαπλῶς*, hac aliunde videntur transpositae.

ΜΥΣΗ΄Ν Lydi nuncuparunt *fagum* arborem, unde *Mysos* nomen traxisse volunt. Vid. *Strabo* Lib. xii p. 393 [857], scribens, Xanthum Lydum et Menecratem Elaitam hanc rationem nominis Mysorum reddidisse, ὅτι τὴν ὀξύην οὕτως, *Μυσήν* sive *Μυσόν*, ὀνομάζουσιν οἱ Λυδοί. Ex *Strabone* sua haurit *Stephanus Byzantius* v. *Μυσία*. Λυδοὶ δὲ τὴν ὀξύνην *Μυσήν* Φασι. Docet etiam *Eustathius* ad *Dionysium* Per. p. 46. [ad v. 322], *Μυσήν* vel *Μυσόν*, utrumque enim dicitur, τὴν ὀξύην significare, κατὰ τὴν γλῶτταν τῶν Λυδῶν. Inde emendari potest *Hesychius*, apud quem legimus, *Μύσον*. τὴν ἄξινην. *Μυσοί*. Pro *Μύσον* reponendum *Μυσόν* sive *Μυσήν*, et, pro ἄξινην, vel ὀξύην vel, quod idem est, ὀξύνην [ut est in edit. Albertina].
Ne-

[*] Plura qui velit, adeat *Cassaubonum* et *Schweighaeuserum* t. vii Animadv. in *Athenaeum* p. 459—464, atque eruditos *Hesychii* interpretes.

Neque dubitandum est, quin *Μυσοί* mutari debeat in *Λυδοί*. Error librarii in permutando nomine *Lydorum* et *Mysorum* hinc natus videtur, quoniam praecesserat *Μυσοί*. ἔθνος βαρβαρικόν.

ΜΥΣΤΗΣ *Artemidorus* Lib. II *Oneir.* in fine scribit, Οὐδὲν οὐ θαυμάζον ἐν Δαλδίᾳ [τὸν Δαλδιαῖον, in editione Reiffiana p. 259] Ἀπόλλωνα, δὲ Μύσῃν καλοῦμεν ἡμεῖς πατρώῳ ὀνόματι, ταῦτά με προτρέψασθαι. Erat *Artemidorus* *Daldianus*, *Daldia* autem urbs *Lydiae*. Sed quo tempore is scripsit, *Daldia* fuit urbs *Graeca*. Videtur vixisse sub *Hadriano* et *Pio* imperatoribus. Novimus autem, antiquam *Lydorum* linguam aetate *Strabonis*, qui sub *Tiberio* floruit, iam fere ubique extinctam fuisse, ut ipse testatur in fine *Libri XIII*.

ΜΩΛΑΞ *Lydorum* lingua significavit *vinum*. Sic enim *Hesychius*, Μώλαξ· εἶδος οἴνου. οἱ δὲ, τὸ ἐν ταῖς ἐρκίοις σπενδόμενον. ἀπὸ τοῦ Μώλου, ὡς τινες. *Λυδοί*, τὸν οἶνον. Suspicio pro ἀπὸ τοῦ Μώλου legendum esse ἀπὸ Τμώλου. Videtur *Hesychius* postremis his verbis indicare, Μώλακα *Lydis* dici *vinum* a *Tmolō* nobili monte *Phrygiae Magnae* in confiniis *Lydiae*. *Vitruvius* Lib. VIII c. 3 inter vina generosa memorat quoque *Lydiam Meliton*, vel *Moliton*, uti in quibusdam Codicibus reperitur. *Plinius* Lib. XIV c. 7, Nec *Tmoliti per se gratia, uti vino*. Vnde *Philander* in *Vitruvium* p. 327 coniecit, *Meliton* sive *Moliton* forte a *Tmolō* monte fuisse petitum; quod etiam ex loco *Hesychii*, ex mea emendatione, adstrui potest. Forsitan vero ipse *Tmolus*, qui et antiquis *Timolus* dicebatur, *Lydis* montem *vini* significavit. Erat enim vitibus confitus, et *vinum Tmoliticum* a veteribus valde celebrabatur (i). Ti summitatem in quibusdam lin-

(i) *Vincta Timoli* et *Tmoli* commemorat *Ovidius* Lib. VI *Me-*

linguis antiquis videtur denotasse. Hinc Persarum *Tiara*, quod *Hesychius* v. Τίρη exponit τὸ ὀξύ. Τς vel Τε etiam apud Aegyptios *montem* significavit, eiusque vocis numerus pluralis Ταιδς adhuc frequenter occurrit, quamquam significatione numeri singularis adhibetur. Apud Turcas et Mexicanos *Tepe* et *Tepea*. Vide *Hornii* Origin. Americ. p. 185 [*].

ΜΩΤς, *terra*. *Hesychius* ait, Μώς· ἡ γῆ. Λύδιοι. Contra Aegyptii non dissimili nomine dicebant aquam; quod huius loci non est.

ΠΑΛΜΥς. Sic *Regem* in sua lingua Lydi dixerunt, quod et *Bochartus* observat tom. 1 Operum p. 1164, sed ubi male Πάλμης. Apud *Hesychium*, Πάλμυς· βασιλεύς. πατήρ· οἱ δὲ, Πάλμυς. Memoratur Πάλμυς quidam, qui ex Ascania venerat, apud *Homerum* li. iv v. 792 [**]. Ionibus tribuit *Tzetzes* in *Lycophronem* p.

Metam. v. 15, xi. 86, *Fast.* Lib. ii v. 313. *Seneca* in *Phoenissis* v. 602, *Hinc nota Baccho Tmolus attollit iuga*. Iungantur haec *Plinii* Lib. v c. 29, *Lydia celebratur maxime Sardibus in latere Tmoli, qui antea Timolus appellabatur, vitibus confitus*. [Comparentur *Strabon.* xiv p. 945, *Dioscorides* l. v c. 10].

[*] Conatum emendandi illustrandique hunc *Hesychii* locum, ab interpretibus omnino omnibus intactum relictum, neque ii vituperabunt, quibus coniectura *Iablonskii* haudquaquam probetur. Suspicioni autem suae commendandae, de voce Μώλξ ducenda ἀπὸ τοῦ Τμώλιν, patrocinium qualecumque quaerere ex eo potuisset, quod in multis veterum libris pro *Tmolus* scribatur *Molus*, eodem modo, ut *Marus* pro *Tmarus*, observante *Burmanno* ad *Virgilium* lib. 1 *Georg.* v. 56.

[**] Hunc Poetae versum laudavit *Strabo* lib. xii p. 847. Sed in Codice Geographi Mediceo, ut ad istum locum notavit *Gronovius*, verba haec et non pauca sequentia deficiunt.

p. 101 [ad v. 691] ἡ δὲ λέξις, τὸ Πάλμυς, ἐστὶν Ἰώνων, καὶ χρῆται ταύτῃ Ἰππώναξ, λέγων·

Ω Ζεῦ πάτερ, θεῶν Ὀλυμπίων Πάλμυ,
Τί μ' οὐκ ἔδωκας χρυσὸν ἀργύρου, Πάλμυ.

Videtur tamen ἡ λέξις potius βαρβαρικὴ, et idcirco a Poëtarum principe Dynastae Barbaro tribuitur, nisi illic sit nomen proprium. Graecos hanc vocem a Lydis antiquissimis accepisse, confirmat Tzetzes Chil. v Hist. 10,

Τοῖς δὲ Λύδοις καὶ Ἰωσι τοῖς ἐν Ἐφέσου τόποις
Πρὶν Πάλμυς βασιλεὺς ὁ σύμπας ἐκαλεῖτο.

PISA est portus lingua Lydia. Servius in Lib. x Aen. v 179. alii incolae eius oppidi Teutanas [Teutas] fuisse, et ipsum oppidum Teutam nominatum, quod postea Pisas Lydi, propter sensum suppl. vocarunt, atque id lingua sua singularem [Lunarem in ed. Burm.] portum significare dixerunt, quare huic urbi a portu lunae nomen impositum.

ΤΑΡΓΑΝΟΝ. Apud Hesychium legitur, Τάργανον ὄξος. Λυδοί. ἢ τὸ ταραττον. ἢ τὸ ἀπὸ σεμφύλων πόμα καὶ πόα, ἢ καὶ σκορπίουρος. Pro ὄξος videtur cum Salmasio legendum ὄξος, et pro ταραττον malim ταρακτόν [*].

ΦΙΛΕΤΑΙΡΙΣ. Scholiastes ad Nicandri Theriaca p. 42 ed. Colon. vel p. 30 ed. Morelli, Σημειώτεον δὲ, ὅτι τὸ ἀκανθῶδες φυτὸν ἢ ῥάμνος παρὰ Λυδοῖς καὶ Μυσοῖς Φιλέταιρις ὀνομάζεται.

Non

[*] Ex iambis Phoenicis Colophonii affert Athenaeus lib. xi p. 338,

Ἐκ πελλίδος (δὲ) τάργανον, κ. τ. λ.

ad q. 1. notarunt Casaubonus et Schweighauserus tom. vi p. 257, 258. Conf. Gatakerus de Stylo N. T. p. 30, 31.

Non hae quidem sunt omnes voces ex Lydorum lingua in libris scriptorum veterum superstites. Quondam aliquas prudens omiseram propter defectum testimoniorum idoneorum. Plures me tunc fugerunt; quod tamen ut refarcirem, in secundis hisce curis omni ope annisus fui [*]. Quod praecipuum erat nostrum institutum, his consecuti sumus, ut nempe qualis fuerit Lydia lingua, et quantum hanc inter atque Graecam interfuerit, aliqua ratione perspicere-mus. Tempore *Strabonis*, ut supra dixi, haec lingua in ipsa Lydia paene extincta fuit, quamquam alibi adhuc vigeret, velut apud Cibyrtas. Potuissent his alia ex lingua Tyrrhenorum addi, quam *Servius* ad Lib. x Aen. v. 179 appellat Lydiam linguam; nam quos ibi *Lydos* nominat, sunt Tyrrheni, ut quivis facile

vi-

vi-

vi-

[*] Quas voces Lydiae consulto omiserit *lablonskius*, equidem ignoro. Plures eum addidisse, easque et ordine elementario dispositas, et diligentius illustratas, collectio huius et primae editionis manifestum faciet. Paucas adiungam, quae iam succurrunt.

ΒΑΣΚΕ ΠΙΚΡΟΛΕΑ· κλησίοι ἐξοδάρι. *Audaci. Hesychius.*

ΒΑΣΤΙΖΑΚΦΟΛΕΑ· βάσσειον ἔρχου. *Audaci. Hesychius.* Ad utrumque

l. legendi *Albertius* et ceteri interpretes.

ΖΑΚΥΝΘΙΔΑΣ· (l. Ζακύνθιδες) κολοκύνται, ἢ γογγυλίδες, κερὰ Λυδῶν. E Lexico Rhetorico MS. laudat Cl. *Ruhnkenius* in Auctario Emendat. ad *Hesychii* t. 1, p. 1574. Mentio Lydorum non fit ab *Hesychio*, qui tantum scribit, Ζακύνθιδες κολοκύνται.

ἸΩΠΙ· δῆρο. οἱ Λυδοί. *Hesychius.*

ΜΑΥΑΙΣΤΗΡΙΟΝ· παρ' Ἰππώνακτι, Λυδῶν λίμισμα, λιπτό τι. *Hesychius.* Malisne λίμισμα, vel λίπισμα, cum aliis, an μόλισμα, cum *Albertio*, iam mihi perinde est. Sumptum videtur ex *Hipponaëis* synonymis, quae laudantur ab *Athenaeo* lib. xi p. 281 ed. novae.

ΠΑΡΑΜΗΝΗ· ἡ τῶν θεῶν μοῖρα. *Audaci. Hesychius.* De peregrina vocis origine dubito, etsi non reminiscor, eam in libris Graecorum a me quidem lectam esse.

ΤΕΓΟΥΝ· Λυδοί τὸν λαόν. *Hesychius.* Si *Is. Vossius* audias, τεγών est a τίγος, domus, et significat τοιχωρυγῶν. Interpretes reliqui de τεγών nihil monuere.

videt. Verum tota haec res a multis in dubium vocatur, et ipse *Dionysius Halicarnassensis* Lib. I pag. 23 existimat, Tyrrhenos non fuisse genere Lydos. Si vero etiam fuerint Lydi, Linguam tamen propriam tractu temporis corruerunt, ut adeo Tyrrhenicas voces omnes pro Lydiis venditare non auesim.

§ 10. De lingua Carum.

Sequitur *Carica* lingua, de qua in superioribus iam verba me fecisse memini, quae si repetere velim, actum agam. Ex iis, ut opinor, abunde constitit, hanc linguam, quamquam a Graecis quaedam acceperit, tamen vel propter hanc ipsam rationem a Graeca dialecto esse discernendam. Loquor autem de Caribus antiquioribus, patria sua a Neleo expulsis, ut narrant *Pausanias* in Achaicis p. 207 [525] et *Aelianus* Lib. VIII Var. Hist. cap. 5 (a). Cares non tantum ab *Homero* dicuntur βαρβαρόφωνοι, ut vidimus § 2 [p. 11], et qua de causa [*], sed etiam linguae Caricae meminit *Plutarchus* in Aristide p. 330. C. vel p. 605. edit. Steph., καὶ τοῦτον μὲν ὁ προφήτης Καρικῇ γλώσση προσεῖπεν. *Aelianus* l. c. iungit Κάραις, καὶ Μυγδόναις, καὶ Λέλεγαις, καὶ ἄλλους βαρ-

(a) Locus *Vitruvii* Lib. II c. 8 p. 60 est notatu dignissimus, sed hinc corrigendus. Vide eundem Lib. IV c. 1.

[*] Pro βαρβαρόφωνοι L. B. 867 legendum ἀκριτοφώνοι coniecit *Tollius*, Vir Clar. idemque amicissimus, in Excursu ad *Apollonium* p. 738—741. Alia hac facientis monuit *A. A. Georgius* in praef. ante Fragmentum *Evang. Iohannis Graeco-Copto-Thebaicum* p. XLIII, XLIV in notis, defenditque lectionem vulgarem in *Sirabonis* lib. XIV p. 976, ubi pro βραχυτάτη ἡ γλῶττα τῶν Καρῶν *Xylander* malebat βραδυντάτη, *Casaubonus* τραχυτάτη.

βαρβάρους. Testimonium *Herodoti*, qui ipse e Cariae urbe Halicarnassensis, hac in re multum valere potest. Veram illius mentem non recte me percepisse in prima huius Disquisitionis editione, deinde intellexi. e *Stra-bone* Lib. xiv p. 448 [976], cuius verba comparanti cum Herodoteis non erit difficile veritatem assequi. Testatur autem Historicus Lib. i cap. 171 et 172, Harpagum, Ionia subacta, exercitum traduxisse in Caras et Caunios et Lycios; Caras ex insulis transiisse in continentem, ibique tunc sedes posuisse; ipsos vero Caras se appellare αὐτόχθονας continentis; My-fos et Lydos esse Caribus germanos fratres; eosdem lingua Carum uti, ὁμόγλωσσοι τοῖσι Καρσὶ ἐγένοντο; Caunios aut. linguam suam accommodasse ad populum Caricum, πρὸς τὸ Καρικὸν ἔθνος, forsitan rectius πρὸς τὸ Κ. ἔθος, ad morem loquendi et consuetudinem Caricam, aut Caras ad Caunicum, id quod liquide se non posse decernere ait *Herodotus*. His quaedam addere, vix operae pretium est. Ne quid tamen praetermisisse argui possim, quaedam ex illa Carum lingua adhuc residua addere visum est, quae maximam partem *Stephanus Byzantius*, nobilis Ἑθνικῶν scriptor, nobis subministrat. Et plura forte inventuri eramus, si loco Epitomes ipsum *Stephani* opus ad nos pervenisset.

"ΑΑΑΝ Caras appellasse equum, *Stephanus* in v. Ἀλάβανδα memoriae prodidit, repetitque in v. Τάλοῦαλα. Eapropter in numismate Claudii Britannici, apud *Tristanum* Tom. i. pag. 200, conspicitur [*] equus, cum inscriptione, Ἀλαβανδέων.

"ΑΘΤΜΒΡΟΣ dicitur quidam ex posteris Rhadaman-

[*] Dissentit *Sevignus* in *Selectis Numismatibus antiquis* p. 130, 131. Sed consulatur *Berkolius* ad *Stephanum* v. Ἀλάβανδα.

manthi, a Caribus cultis divinis honoribus. Ita Auctor Etymologici in v. Ἀκαρά.

ΒΑ'ΝΔΑ *victoriam* dixerunt Cares, auctore *Stephano* v. Ἀλάβανδα, sed qui male addit, ἐνθεν καὶ παρὰ Ῥωμαίοις Βάνδον τὴν νικὴν φασίν. Audacior videtur, quam felicior *Salmasii* coniectura, pro τὴν νικὴν cupientis τὸ σιγγόν [*].

ΒΟΗΔΡΟΜΕΙ'Ν Κάρες ἀντὶ τοῦ βοηθεῖν. *Suidas*. Verum enim vero exemplum, quod affert, rem non probat. Vsurpatur quidem ibi fortasse de Caribus, sed non tamquam vox Carica, haud magis quam Βοηδρόμια, quae sequitur. Conf. *Harpocraton* [ibi *Blancardus* p. 100, 101].

ΓΕ'ΑΛΑΝ Cares vocarunt *regem*, testante *Stephano* v. Σουάγέλλα, sive Σουάγέλα, quae Cariae urbs, et quod nomen reddendum *Straboni* Lib. XIII p. 611 [909], ubi male Συναγέλα, quod *Casaubonus* et *Holstenius* etiam monuerunt [**].

ΓΙ'ΤΡΑΝ, significatione instrumenti cuiusdam Musici, Caribus nonnulli tribuerunt; sed factum id inde ab iis videtur, qui Phoenicem cum Caria confunderent. Latissimos enim fines olim habuit Phoenicia. Vide *Cononem* in historia Andromedes et Persei. *Locus Athenaei* p. 174 [lib. IV p. 177], ad quem respicitur, hic est, Γγγραῖνοισι γὰρ οἱ Φοίνικες, ὥς φησιν

[*] *Jac. Gronovio* pro νικὴν placuisse ἰδαν, tom. II Thef. Antiq. Graec. in *Alabandus*, monet *P. Burmannus* in notis MSS. ad *Stephani* locum. Plura ibidem *Berkellus* de usu vocabuli βαίνδης notionem signi militaris sive vexilli, sed praecunte *Meursio* in Glossario Gr. Barb. v. Βαίνδης et Βαίνδηςφορες, tom. IV Oper. p. 227, 228.

[**] Probabili coniectura *Jac. Gronovius*, sed suo more, nec satis digno literarum politiorum professore, vehementius in *Is. Vossium* in-
vectus, in *Pomp. Mela* lib. I c. 16 pro portus duo, Celo, et cui scribendum existimavit portus Suageles, et cui. Loquitur enim *Mela* de Caria.

ὁ Ξενοφῶν, ἐχρῶντο αἰλοῖς, σπιθαμιαίοις τὸ μέγεθος. — τούτοις δὲ καὶ οἱ Κάρες χρῶνται ἐν τοῖς θρήνοις εἰ μὴ ἄρα καὶ ἡ Καρία Φοινίκη ἐκαλεῖτο, ὥς παρὰ Κορίνῃ καὶ Βάκχυλίδῃ ἐστὶν εὐρεῖν [*]. Atque his etiam non dissimilia legere est apud *Eustathium* ad Il. Σ pag. 1157. Frustra tamen ea verba in omnibus *Xenophontis* Atheniensis libris quaeruntur. Itaque aut memoria fefellit *Athenaeum*, cui sua debet *Eustathius*, aut verba sumta sunt e libro *Xenophonteo* iam deperdito, aut denique intelligendus est quis alius, *Xenophontis* nomine appellatus, quales plures fuisse docet *Cl. Fabricius* in *Bibliotheca Graeca*; quamvis ignorem, *Athenaeum* uspiam alium laudare *Xenophontem* praeter *Grylli* filium, historicum illum notissimum. *Pollux* Lib. iv cap. 10 [segm. 76] tantum ait, Γίγγραν esse Phoeniceam iuxta inventionem, sed valde similem Μουσῇ τῇ Καρικῇ, Phoenicum vero lingua Adonim vocari *Gingram*, et ab hoc tibi iam lugubrem desumisse nomen. Ad istum locum consulatur *Kuhnus*.

ἘΚΑΤΟΜΒΑΙΟΣ Ζεὺς, ἐν Γορτύνῃ, καὶ παρὰ Καρσί, καὶ Κρησί. *Hesychius* [**].

ΚΟΛΑΒΡΙΣΜΟΝ genus salationis Carum pariter ac Thracum fuisse, *Pollux* memoriae prodidit Lib. iv cap. 14 [segm. 100, ibi *Iungermannus* et *Kuhnus*]. Ab *Athenaeo* vocatur καλαβρισμός Lib. xiv p. 629. Vtrum-

[*] Multis de hoc *Athenaei* loco disputarunt *Cassubonus* et *Schweighaeuserus* tom. II *Animadversionum* p. 629, 640.

[**] Exemplum istud huc minus facit. Vox enim Ἐκατόμβαιος haud magis Caribus propria est, quam ceteris gentibus, Hecatombas Iovi offerentibus, de quibus interpretes *Homeri* Il. B. 36, et scriptores *Antiquitatis Graecae*. Adde *Capitolinum* in *Maximo* et *Balbino* cap. xii.

Utrumque recte se habet. Dicitur enim *καλαβρίζειν* et *κολαβρίζειν* eadem significatione. Conf. *Hesychius* in vv. *Καλαβρισθείσαν* et *Κολαβρίζειν* [ibi not. itemque ad v. *Κωλαβρισθείσαν*] atque *Suidas* v. *Κολαβρισθείη* [c. n. *Kusteri*]. Non autem patet, ut ipse antehac monueram, *Colabrisium* Macedonibus ab *Athenaeo* adscribi. Iungenda sunt vocabula *ἑρῆκιος καλαβρισμός*. De hoc ipso saltationis genere agit *Meursius* libro singulari de Saltationibus veterum [*].

ΚΑΡΙΤΑΙ dicebantur a Caribus equites et praedones, unde forsitan regioni et genti nomen. *Hesychius*, *Καρίται ἱππεῖς, πειραταί. Κάρες*. Alii una serie legunt *ἱππεῖς πειραταί* [**].

ΚΩΣ est *ovis* apud Cares, teste *Tzetze* in *Lycophronem* p. 94 fin. Quam vocem tan. en usurpare veritus non est *Apollonius Rhodius* Lib. iii v. 375; atque ibidem Scholiaſtes vocem hanc tamquam receptam repetit.

ΛΑΓΙΝΙΨΗ. Memorat *Stephanus Byzantius* in v. *Ἐκατήσια* Deam a Caribus cultam, cui hoc nomen da-
tum

[*] Tom. v Operum p. 214, 217, 218, 223. Non ille dubitat, in scriptura vocis aut mendum esse in *Athenaeo*, aut apud *Pollucem*. Comparentur vero, praeter interpretes *Suidas* et *Hesychii*, supra a me laudatos, *Casaubonus* et *Schweighaeuserus* Animadv. in *Athenaeum* tom. vii p. 429, 430, viii p. 301, 302.

[**] *Πειρατής* et *Pirata* semper, quod sciam, de praedonibus maritimis in libris vetustiorum scriptorum. Optime *Hesychius*, *Πειραταί κακοῦργοι, ἡγεαί, θηρευταί ἐν ὕδασι*, et *Ammonius* de diff. vocum p. 112, *Πειρατής ἐστὶ, ὁ θαλάσσιος ἡγέτης*. Alia dabit *Valckenaerius* in Animadv. ad *Ammonium* p. 194. Videntur equites ex rapto viventes et praedones maritimi dicti *Καρίται*, exemplum nempe Carum imitantes, agros non tantum incurſantium, sed et exuvias nauticis clasſiumque spoliis pro virili parte feneſt ipſos ornantium. Ut enim *Cares* a *Critia* apud *Athenaeum* lib. i p. 106 celebrantur *ἡγέτες ναυτικοί*, ita eorum genus *ἡγέτικος* e mari ſultuſſe dicitur *Minos*, in *Thucydidis* lib. i c. 4.

rum fuerit ē quodam casu. Cum enim templo aedificando incumberent Cares, leporem illinc fugientem animadverterunt; atque hinc scilicet Deae nomen. Apud *Stēphanum* est generale *animalis* ζώου nomen. Novimus autem Graecis leporem dici, λαγώς et λαγώς. Sed haec derivatio admodum est detorta et plane illis similis, de quibus § 3 nonnihil dixi. *Strabo* Lib. xiv p. 454 [975] eam Λαγινῶ nuncupat, Ἐστὶ δ' ἐν τῇ χώρᾳ τῶν Στρατονικέων δύο ἱερὰ, ἐν μὲν Λαγίνοισι, τὸ τῆς Ἑκάτης ἐπιφανέστατον; quod ita vertit interpres: *In agro Stratoniceo sunt duo templa, unum Laginis Hecatae sacrum illustrissimum.* Locus ille est corruptus [*], et ab interprete ita acceptus, tamquam Lagini populi Hecatae sacra fecerint; atque id indicare videtur vox, quae est in Graeco, Λαγίνοισι. Sed legendum est Λαγινῶς, correctione prona et obvia, a Λαγινῶ, quae est terminatio Carica, ut in Ὀσσυῶν, de quo paulo post. Ita autem locum vertemus: *unum quidem Laginus, quod templum omnium, quot habet Hecate, clarissimum est.* Ex quo igitur et hoc discimus, fuisse hanc *Lagino* Hecaten, seu Triviam, quod etiam ex *Stephano* confirmatur.

ΜΑΣΑΡΙΣ. *Bacchum* hoc nomine Cares appellarunt, auctore *Stephano* in v. Μάσαυρα, ubi haec leguntur, παρὰ Καρσὶν ὁ Διόνυσος Μάσαρις ἐνθεν ἐκλήθη. Ad-

[*] Non ea est medicina, ut cum *Cicerone* loquar, cum sanse parti corporis scilpellum adhibetur. Certe autem locus *Strabonis* est incorruptus, nullo egens remedio. Λαγινῶς, sive Λαγινίτις, quod alii malint, nomen habet de oppidulo Cariae, cuius *Strabo* iterum meminit lib. xiv p. 978, μέχρι Λαγινῶν. A *Stephano* vocatur Λαγινῶς. Cum ne coniectura quidem assequar, quo consilio in margine exempli lablonskiani citeatur *Athenaeus* lib. xiii p. 584. F., hunc locum non recepi in textum. Quid enim attinet mentio Ἀθηναίων τοῦ παρὰ Καρσὶν Λαγινῶν, ad hanc Deam?

Additur ibidem, ἐκαλεῖτο δὲ καὶ ἡ Πέα Μᾶ, sed quod magis ad Lydos, quam ad Cares videtur spectare. Fr. *Guietus* Μάσαρις exponit μέγας.

ΜΕΓΙΣΣΑ lapis est Carum lingua, ut testatur *Stephanus* in v. Μόνογισσα. Sed pro Μεγίσσα fide Codd. MSS. legendum esse Γίσσα censent *Salmasius* et *Gronovius*.

ΜΥΚΑΛΕΥΣ fuit cognomen *Iovis* in Caria. Vide *Eustathium* in *Iliad.* B. pag. 266 [*].

ΣΟΥΑΝ Cares tumulum sive sepulcrum appellarunt, teste *Stephano* in v. Σουάγγελλα.

ΤΟΤΣΕΥΛΟΙ a Caribus vocabantur *Pygmaei*. Ita *Stephanus* v. Κάττουζα [**].

ΤΥΜΝΙΣΕΟ΄Σ est virga. Scribit *Stephanus*, τυμνισσὸς, πόλις Καρίας, ἀπὸ τυμνισσοῦ ράβδου. Ἐάνθιοι γὰρ τὴν ράβδον τυμνίαν λέγουσιν.

ἸΩΣΟΓΩ΄ *Iovem* Cares appellarunt, teste *Strabone* Lib. xiv p. 453 [973]. *Ioves* alios ibidem *Strabo* commemorat. In iis est *Iupiter Labradensis*, qui et *militaris* dictus, cuius signum dicitur fuisse labra, de simulacro eius appensa. Vide supra § 9 [p. 37, 88]. Post *Labradensem*, quem *Labradium* vocat *Plinius* Lib. xxxii cap. 2, recenset *Strabo* etiam *Iovem Carium*, ad quem non modo Cares conveniunt, verum quoque finitimi *Lydi Mysique*. Nescio tamen, an satis accurate hos *Strabo* distinxerit. Ali-
ter

[*] Ratio cognominis Μυκαλεὺς satis apparet e *Stephano* v. Μυκάλη. Est enim *Mysale* mons et urbs Cariae, inter *Macandrum* et *Caystrum* fluvios. Verba Ethnographi illustrant *Holsenius* et *Berkellius*.

[**] Quae ad istum locum a *Berkellio*, ab aliis quoque observata sunt, veluti *Pulcario* ad *Glossarium Lat. Gr.* p. 68, *Dacerto* ad *Fabum* v. *Trofilli*.

ter *Aelianus* Lib. XII de Animal. cap. 30, qui, cum de simulacro Iovis Labrandei verba fecisset, hæc subi-
didit, καὶ τιμᾶται καλούμενος Κάριός τε καὶ Στρά-
τιος, et colitur ille Deus Carii et Militaris cognomi-
ne. Etiam *Herodotus* Lib. I cap. 171 unum memo-
rat antiquissimum Iovem *Carium*, quem eundem Lib.
V cap. 119. appellat Iovem *Militarem*, eumque La-
brandae coli affirmat [*]. Quartum adhuc Iovem
addit *Strabo* p. 454 [975] his verbis. ἐγγὺς δὲ τῆς
πόλεως, loquitur de Laginis, τὸ τοῦ Χρυσαιορέως Διὸς,
κοινὸν ἀπάντων Καρίων, εἰς δὲ συνίασι θύσαντες τε καὶ
βουλευσάμενοι περὶ τῶν κοινῶν καλεῖται δὲ τὸ σύστημα
αὐτῶν Χρυσαιορέον [**]. Sed ut revertar ad Ὀσώα;
scribit *Casaubonus* ad Geographi locum: Quis is sit,
adhuc quaero [†]. Unicum praeterea scriptorem re-
peri, qui numinis istius meminerit, *Pausaniam* nem-
pe, sed qui in Arcadicis p. 244 [VII 10 p. 619]
Ὀγῶα appellat, Καρίων οἱ Μύλασσα ἔχοντες, ἐς τοῦ
θεοῦ τὸ ἱερὸν, ὃν Φωνῇ τῇ ἐπιχωρίᾳ καλοῦσιν Ὀγῶα.
Sive nomen fuerit Ὀγῶα, sive Ὀσώα, barbarum
fuisse non dubito, explicare nequeo.

Plura vocabula, origine Carica, si extiterint apud
scri-

[*] Bene distinguere *Strabonem* ipsumque *Herodotum* inter Iovem
Carium et *Stratium*, errare vero *Aelianum*, monent Cl. *Wessell-*
gius et *Valckenarius* ad utrumque *Herodoti* locum.

[**] *Casaubonus* legendum censuit θύσαντες et βουλευσάμενοι. Nec
aliter in Codice Mediceo, ubi et Χρυσαιορίων pro Χρυσαιορίων invenitur,
teste *Gronovio*.

[†] Leguntur forte ea *Casauboni* verba in priori *Strabonis* edi-
tione, quae iam nunc praesto mihi non est; desunt autem in Almelo-
veniana, ubi tamen locus *Pausaniae*, ab *Iablonskio* citatus, sed un-
cinis inclusus.

scriptores veteres, ad meam notitiam non pervenerunt [*].

§ 11. De lingua Lycica.

Sunt hae praecipue linguae, quas in his oris vixisse didicimus, et ex quibus etiam aliae ortum traxerunt, aut certe plurima depromere; atque videmus saepe numero a vetustis auctoribus has ita coniungi. Vid. Cicero pro L. Flacco c. 27, qui locus etiam ea, quae supra dicta sunt, illustrat. Supersunt tamen etiam, quae ab his, aliae plus, aliae minus recesserunt; nonnullae plane sunt singulares, et cum illis ni-

[*] Neque ad meam, praeter haec pauca.

ἸΔΑΪΝΑΣ· ὁ ἱστορίαι· οἱ δὲ βάρβαροι· οἱ δὲ, μαθητὴς ὄνομα· οἱ δὲ, πόλις τῆς Καρίας ἀπὸ Ἰδάρης, καὶ ἀπὸ ταύτης τοῦς μάγους λέγεσθαι. *Hesychius c. n. Alberti.*

ἸΜΒΡΑΜΟΣ, *Mercurius.* Fuit Imbrus insula Thraciae, sacra Cabiris et Mercurio, quem ἱμβραμοὶ λέγουσιν οἱ Κῆρες, teste *Stephano Byz. v. Ἰμβρ.* Repetit *Eustathius ad Dionysium v. 524.* Comp. parentur *Holstenius* et *Berkelius* ad *Stephani* locum, atque *Guthbertus* de Cabiris p. 88.

ΚΥΒΔΑ nomen *mensurae* Caricae, cuius meminit *Machon*, poeta comicus, apud *Athenaeum* lib. xiii p. 97,

Κύβδ', ἴφθι, τριβέλου.

Τίς δ' ἐπιτρέψω ἐστὶ σοί, φίλιν, τάλα,

Ὅττα γ' ἐν Ἀθήναις Κυρκαῖς χρῆσθαι σάβραϊς.

Legantur ibi *Casaubonus* et *Schweighauserus*, tom. v *Animadv.* p. 136, 137. Significata multum diverso eadem voce usus est *Arrianus* in *Equit.* v. 364.

ΑΗΚΥΘΙΟΝ· πυρὸς τὴς κατὰ Καρδίαν κάλλιστος. *Hesychius* ex coniectura *Palmerii*. Legitur vulgo, π. τ. περιέχοντι κ.

Vere monuit *Berkelius* notis ad *Stephanum* v. Ἀλάβανδα, per pauca apud scriptores antiquos superesse veteris linguae Caricae λυψαῖα, eo digniora igitur, quae undique studiose conquirantur.

nihil commune habent: quas omnes atque singulas enumerare operae pretium non est.

Inter finitimas dialectos praecipuae sunt *Lycica* et *Pamphylia*, quarum non infrequens mentio occurrit. Harum gentium sermo longe plura ex Graecorum lingua depromsit, quam aliorum populorum, de quibus diximus. Et non desunt, qui has gentes origine Graecas fuisse contendant, velut *Herodotus* Lib. VII cap. 91, *Theopompus* apud *Photium* p. 203 [391] et alii. Verum hoc merito in dubium vocari, et contrarium etiam ostendi posse, facile mihi persuaden. Quod vero sermo harum gentium in multis Graecis sit, tribuendum est Graecorum coloniis, quae multae hic locorum fuerunt.

Lycii fuerunt oriundi e Creta, unde cum *Sarpedone* profugerunt, et hanc regionem adierunt, Testes sunt *Pausanias* in *Achaicis* p. 208 [529] et *Herodotus* Lib. I c. 173, qui addit, Cretam totam ab initio habitatam fuisse a Barbaris. Linguae *Lycicae* meminit *Plutarchus* in *Alexandro* pag. 1259 ed. H. Steph., διγλωσσος ἄνθρωπος ἐκ πατρὸς Λυκίου, μητρὸς δὲ Περσίδος γεγονώς. Conf. idem de *Def. Oraculor.* pag. 238 ed. Bas. Postmodum vero, ut aliae gentes illius orae, sic et *Lycii* linguam Graecam adsciverunt. Hinc Graeca sunt, quae e *Lyciorum* lingua, sed sero admodum et sua nempe aetate usitata, profert *Eustathius* in *Iliad.* E. p. 545 in fine. Paucas voces *Lycicas* ex *Stephano Byzantio* et aliunde conquisitas nunc addam.

ἘΛΕΥΘΕΡΑ, *Diana*. *Artemidorus* Lib. II c. 35, ἡ λεγομένη παρὰ Λυκίοις Ἐλευθέρα. Sed videtur vox pure Graeca.

ἘΡΕΘΥΜΙΟΣ, *Apollo*. Hunc apud *Lycios* Ἐρεθύμιον dictum fuisse, et illius festum Ἐρεθύμια, *Hesychius* docet. In prima huius libelli editione monui,

Rhodos etiam coluisse Apollinem *Erethybii* cognomine, quod rubiginem averteret, velut apud Romanos *Robigus*; quod *Strabo* Lib. XIII p. 422 [912], et ex illo *Eustathius* in Il. A. 39 docet. Sed iam nunc valde dubito, an Apollinem *Erethymium* cum *Erethybio* recte contulerim. Multum enim diversa videtur ratio utriusque istius cognominis; sed id nunc non ago.

ΚΑΔΡΕΨΑ. Ita Lycios appellare *ficcitatem frumenti* affirmat *Stephanus Byz.* in h. v. Vid. ibi *Pinedo* et *Hofsenius*.

CVRNIM. *Plinius* Lib. XXXII c. 2, In Lyciæ Myris in fonte Apollinis, quem Curnim appellant, ad q. l. consule *Dalechampium*.

ΠΑΪΤΑΡΑ, *cista*. Huic nomen est inditum urbi Lyciæ. Scribit *Stephanus* v. Πάταρα, ὀνομάσθαι, δὲ τὴν χώραν ἀπὸ τοῦ ἀγγους τοῦ Πατάρως, Πατάρως Μεθερμηνεύεσθαι δὲ τὴν Πατάραν ἑλληνιστὶ κίσην, sic enim cum *Salmasio* legendum, non κίσιν. Ita quoque habet *Eustathius* in *Dionysium* v. 129, ut *Pinedo* observavit.

ΠΕΤΗΛΙΑ. Οἱ γοῦν περὶ Λυκίαν Πετήλια μέχρι καὶ ἐς ἄρτι καιροῦ τὰ τοιαῦτα φύλλα, φασίν, *Eustathius* in Il. B. p. 219.

ΠΪΝΑΡΑ, *rotunda*. Scribit *Stephanus Ryz.* v. Ἀρτύμνησος, partem Xanthiorum in Cragum venisse et in monte incoluisse collem rotundum, λόφον σρογγύλον, atque urbem appellasse *Pinaram*, eamque vocem interpretatos esse *σρογγύλην*; addit vero *Ethnicographus*, τὰ γὰρ σρογγύλα πάντα Λύκιοι Πίναρα καλοῦσιν.

ΣΙΣΟ΄Η. Ea vox restituenda videtur *Hesychio* in loco valde corrupto, qui nunc sic legitur, Σισοχοῦρα· ροιά· Φασηλίται. Sequor emendationem *Casauboni* a *Suetonii* Octav. Aug. c. 45, *Salmasii* de Caes.
et

et Coma p. 69, 247, atque aliorum, sed de reliquis verbis in diversa abeuntium. Vocem esse Phoeniciam opinatur *Bochartus* in *Geographia Sacra* Part. II p. 362. Alexandrinis non ignotam fuisse patet e Graeca V. T. versione, *Levit.* XIX 27. Ab *Hesychio* attribuitur Phaselitis, quos *Sopringius* habet pro Ciliicibus, *Salmasius* pro Lyciis. Conf. *Isaacus Vossius* ad *Melam* Lib. I c. 14. *Eustathius* eos in Pamphylia collocat, praeeunte ipso *Dionysio* v. 854, 855. Nec aliter *Stephanus Byz.* v. Φασηλίδς. *Ptolemaeus* autem p. m. 308 ait, Μετὰ τὴν Φασηλίδαν πόλιν Λυκίας, Παμφυλίας παράλια κ. λ. Nimirum in conspectu Lyciae et Pamphylicae sita erat Phaselis, unde a quibusdam Lyciae, ab aliis Pamphylicae accensetur. Non meminisse verborum *Suidae* v. Φασηλίδς. scribentis, Φασηλίτας γὰρ τάριχον τῷ Καλαβρῷ θύειν, Φησὶ Καλλίμαχος ἐν Βαρβαρικοῖς νομίμοις, nisi observandum esset, eo in loco legi oportere τῷ Κυλάβρῳ, quod apparet ex *Athenaeo* Lib. VII p. 297, 298, διὰ τοῦτο οἱ Φασηλίται ἀνὰ πᾶν ἔτος τῷ Κυλάβρῳ ἔτι καὶ νῦν τάριχον θύουσιν [*].

ΤΥΜΗΝΝΑ *hircus* est Lycica lingua. Ita enim capio locum *Stephani*, Τύμηννα κώμη Λυκίας. Ἐκλήθη δὲ ἀπὸ τινος τράγου οὕτως ὀνομαζομένου, *Tymennaeus* Lyciae. Sic vero vocata fuit de quodam hircu huius nominis. Narrat deinde *Stephanus*, hircum aliquem; cum a grege discederet, madida barba rediis-

[*] Comparantur *Alberti* ad *Hesychium* v. Σισκανόρα, et *Toupius* P. III Emend. in *Suidam* p. 275, 277, cui assentitur *Schweighaeuserus* ad *Athenaei* locum p. 205. De Phaselide *Strabo* lib. XIV p. 983, Ἐπὶ μὲν οὖν τῇ αὐτῇ ἢ πόλει Λυκικῇ, ἐπὶ τῷ ἄρῳ ἰδρυμένη τῶν πρὸς Παμφυλίαν.

diisse; quem secuti invenerunt fontem in quodam fruteto, atque hinc et fontem et regionem Tymennam vocarunt. Ambigua sunt *Stephani* verba. Nam et id significare possunt, hisce hoc peculiare nomen fuisse, quemadmodum interpretes *Thomas Pinedo* rem cepit; aut vero sic etiam intelligi possunt verba, ut *Stephanus* dicat, Lycios sic omnem hircum appellare, quod magis verisimile mihi fit. Ita etiam olim simili plane casu a capra, quam αἶγρᾱ Graeci dicunt, Aegessa seu Aedessa dicta fuit, ut ex *Iustino* notum est omnibus. Vide et *Stephanum* in Γάγγρᾱ, et *Pestum* in *Irpini*.

§ 12. De lingua Pamphylia.

Lingua *Pamphylia*, propter clarissimas urbes Graecas, Aspendum, Siden, Pergam aliasque a Graecis vel conditas vel inhabitatas, etiam propius ad sermonem Graecum accessit (a). At vero primum Linguam hanc plane barbaram fuisse, et adeo a Graeca diversam, ex *Arriano* colligere possumus, de *Expeditione Alexandri* Lib. 1 p. 73 et 74, ubi narrat, Sidenas, qui origine Graeci erant, cum in Pamphyliam venissent et urbem condidissent, repente Graecae linguae oblitos fuisse, atque barbarum sonum adscivisse. Non defunt voces ex Pamphylia lingua residuae, quarum plurimas conservavit *Hesychius*, qui ipse Pergaeae dialecti, tamquam peculiaris cuiusdam, aliquoties me-

(a) Pamphylia olim *Mopsopia* appellata fuit, teste *Plinio* Lib. 1 v c. 27. De origine Pamphyliorum Graeca legendus *Pausanias* in *Achaicis* p. 218 [529]. Apud *Eusebium* in *Chronico* p. 12 Pamphylii inter Chami posteros sic commemorantur, οἱ δὲ ἐπιστάμενοι αὐτῶν γράμματα, Φοίνικες, Αἰγύπτιοι, Παμφύλιοι, Φρύγες.

meminit. Verum quae ille affert vocabula Pergaeorum, ut plurimum sunt Graeca, dialecto tantum diversa. Cuiusmodi recte censentur ἄρκυμα pro ἀκρίς, *locusta*, αἰβετος, quemadmodum viri eruditi legunt, pro αἰετὸς, *aquila*, ἰκτὸς pro ἰκτίνος, *milvus*, λάφνη pro δάφνη, *laurus*. Sed non mihi suam coniecturam persuasit Cl. *Relandus*, in dissertatione de Vet. Lingua Persarum, inserta Part. II Diss. Miscell., p. 187, apud *Hesychium* pro Λάψα· γογγυλῖς. Περγαῖοι, legi debere Λάφα, et hanc esse vocem Persicam, adeoque reponendum Πέρσαι, ut sermo fiat de Persis, non de Pergaeis. Horum non minus quam Persarum frequentes *Hesychius* meminit. Πέρσαι nimium abijt a Περγαῖοι. Praeterea coniecturae obstat series literarum χ et ψ in vocibus antecedentibus et sequentibus. Potius ergo Λάψα est vox Pergaeorum propria, quemadmodum nonnulla alia ex antiqua Pamphyliorum lingua aut ex vicinis gentibus barbaris allata vocabula habuerunt Pergaei et Sidetae. Ἀβελίην interpretatur *Hesychius* ἡλιακὸν, aitque eam esse vocem Pamphyliorum. Potest tamen ea e Graeco deduci, ut *Guyetus* observat ad vocem sequentem Ἀβέλιον. Ζεργάρη a Sidetis vocabatur ὁ τέττιξ, teste *Hesychio*. Nomine Ἀβωβάς colebatur Adonis a Pergaeis, ut auctor est idem *Hesychius*, apud quem, Ἀβωβάς· ὁ Ἀδωνίς, ὑπὸ Περγαίων. Sic recte legit *Gronovius* pro eo, quod antea legebatur Περσαίων. Hanc enim correctionem non *Phavorinus* tantum, sed et Etymologici auctor confirmat. Vox ipsa, quae plane barbara est, ex Assyriorum sacris defluxisse videtur. Non vero est dissimile, Pamphylios quaedam habuisse ex Assyriorum sacris, cum unus ex Magorum et Chaldaeorum magistris, Erus nempe, qui et Zoroaster dicitur, fuerit Pamphylius genere. Vide *Stanleii* Hist. Philos. Orient. Lib. I Sect. I c. 2 p. 7. Forte *Abobas*

bas dictus fuit ab אבובא *Abuba*, quod Syris *sibiam* denotat. Nam conitat, sacra Adonidis planctu constitisse. De *Abuba* conf. *Salmasius* de Lingua Hellenist. p. 419. Nisi forte magis placuerit sententia *Triglandii* in Coniectaneis de Dodon. p. 3, et *Relandi* l. c. p. 100 sq., nomen Ἀβωβάς referentium ad vocem Chaldaicam אבובא, *cuius, arista*, cum etiam Scholiastes *Theocriti* Id. 111 v. 48 moueat Adonidem dici σῖτον σπειρόμενον. Coniecturis istis unam adiungo, sed eam incertam. Forsitan apud *Hesychium* pro Περσαίων vel Περγαίων legendum Περγασαίων, quae scriptura nominis rarioris errori ansam praebuerit. Περσαγή erat δῆμος τῆς Ἐρεχθίδος-Φυλῆς, monente *Stephano Byz.*, ad q. l. vid. notae. In voce sequente commemoratur Diana *Pergasaea*, de qua *Is. Vossius* ad *Melam* Lib. 1 c. 14. 11. Τὸν Περγασίην in *Actiani* Var. Hist. Lib. 14 c. 23, non verti oportuerat *Perga oriundum*, sed *Pergasensem*. *Homerus* Il. E. v. 535 dixit Περγασίην. Malim tamen cum *Gronovio* apud *Hesychium* retinere Περγαίων.

§ 13. De lingua Pisidarum.

Lyciis et Pamphyliis finitimi sunt *Pisidae*, qui ignobiles et barbari semper habiti sunt. *Arrianus* de Exped. Alex. Lib. 1 p. 76, οἱ δὲ εἰσι καὶ αὐτοὶ Πισίδαι Βάρβαροι, sunt autem et hi *Pisidae Barbari*, loquitur de *Telmisensibus*. *Plinius* Lib. 14 c. 27 scribit: *Insident verticem Pisidae, quondam Solymi appellati*, sed hi sine dubio barbari [*]. De lingua *Pisidarum*

Sira-

[*] *Apollonius* in Lexico Homérico p. 608, Σόλυμοι, Ἰθίος βαρβαρικοί. Ἰσὶ δὲ καὶ κατὰ Πισιδίαν ὄρη, Σόλυμα καλεούμενα, *Hesychius*, Σολύμοισιν, ἴσθιν Σκυθῶν. Legatur ibi *Albertius*, et *Wesselingius* ad *He-*

Strabo Lib. XIII extremo observat, eam apud Cibyratas obtinuisse; quo loco eam distinguit a lingua Graecorum, Lydorum et Solymorum. Exempla vero reliquiarum veteris Pisidarum linguae me apud scriptores antiquos reperisse non recordor.

§ 14. De lingua Bithynorum.

In prima huius Disquisitionis editione *Bithynos* omit- tendos monebam, quoniam Phryges sunt, et Bithynia deinde dicta est, quae primum (b) Phrygia Maior appellabatur. Quae etsi vera adhuc censeo, nunc ta- men nonnulla de Bithynis eorumque lingua et vocabu- lis propriis adiungam. Bithynos fuisse Thracum ἀπο- γένους, testantur scriptores antiqui, *Strabo* Lib. XII p. 373 [816], *Plinius* Lib. v. cap. ult. p. m. 240, Auctor Etymologici, Ἀλιζῶνες οἱ Βιθυνοὶ, — οἱ δὲ ἔθνικόν Θρακῶν, *Syncellus* p. 181, Θραῖκες ἀπὸ Στρώ- μωνος διαβάντες κατέσχον τὴν νῦν Βιθυνίαν, τότε Βε- βρυ-

(b) Βιθυνίαν τὴν ἀρχαίαν Φρύγιαν, scribit *Eusebius* in Chronico p. 12. Deinde vero ait p. 30, Βιθύνια ἐκτίσθη ὑπὸ Φοίνικος ἢ πρὶν Μαρνανδυνὴ καλουμένη, atque in Chroni- co Latino Lib. I p. 15, Bithynia condita a Phoenice, quae primum Maryandyna vocabatur. Conf. *Servius* ad Lib. V Aeneid. v. 373.

Herodotum I. 173, atque viri eruditi ad *Stephanum* v. Πισιδία, ubi οἱ Πισιδῆ, πρότερον Σόλυμοι· ἔτι δὲ ἴδιος βάρβαρον, κατοικοῦν παρὰ τὰς Ἀσπιδῶν καὶ τὴν Κιλικίαν. Alla ad h. l. *Hollenius*. Respexisse *Hesychium* ad *Homeri* II. Z, 204 monet *Albertius*, sed Σολύμοις ibidem legitur v. 184, quem citavit *Strabo* lib. XIV p. 983, ubi in Codice Mediceo legitur,

— — Σολύμοις μαχίστατο κυδάλυμοις.

Βρυχίαν καλουμένην, quae verba ab interpretibus Latine non recte versa sunt. Sed imprimis consulatur *Herodotus* Lib. VII c. 75. Quod adeo verum (c) est, ut non obscure colligi possit, Bithynos etiam tractu temporis linguae Phrygiae et Thracicae semper conservasse vestigia. *Pausanias* itaque in *Eliacis* I p. 159 [406, ubi *Ζυπόιτης*] Zipoetem Bithyniae Dynastam Thracem fuisse, ex nomine coniecit. *Ζειπίτης* Rex Bithynorum memoratur quoque a *Plutarcho* in *Quaestionibus Graecis* p. 302. Iuvat istam *Pausaniae* coniecturam *Hesychius*, qui sic scribit, *Ζιβυθίδες, αἱ Θράσσαι, ἡ Θράκες γνήσιοι*, quod forsitan a Zibyna, hastae vel gladii genere, descendit, vel a vestimento quodam peculiari, quo in memoriam pristinae originis usi fuerunt. Apud *Hesychium* *Ζειπίτης* [*] mutari debet in *Ζειπίτης* vel *Ζειπότης*, si idem

(c) Arcades tamen iactarunt, Bithynos sanguine suo cretos esse. Vide *Ex. Spanhemium* in *Iuliani Caesares* p. 80, 81.

[*] *Hesychianum* *Ζειπίτης* huc non facit. Legatur tamen *Alberti* in notis, unde etiam apparet, illustrem *Blumardum* duos Zipoetas in Regum Bithyniorum serie deprehendisse. Confirmat id *Memnon* Historicus apud *Photium* Cod. CCXXIV p. 720, 721. In scriptura nominis peregrini magna est lectionis varietas in codicibus MSS. et editis. In editione *Livii* Drakenborchiana lib. XXXVIII. c. 16, legitur, *devlūs Zyboeta est, Bithyniaque omnis in ditionem Nicomedis concessit*. Vide ibi interpretes. Estne *Zielas*, cuius mentio in *Trogii* Prologo lib. XXVII Hist. Phil. p. 759, idem qui *Zipostas*? Ita visum quibusdam. Meminit *Athenaeus* lib. II p. 223 ed. nov. *Ζηλῶ τοῦ Βιθυνῶν βασιλῆως*, sed non patet intelligi Zipoeten. Idem dicendum videtur de *Polybio* XXXVII. 2, ubi notarunt *Valesius* et *Schweighauserus*.

idem rex innuitur, sed quod dubium facit adlecta vocis explicatio ὁ περιχύτης, quae huc minus pertinet. *Suidae* Ζειχύτης dicitur ὄνομα κύριον. Hoc autem nomen proprium non scio extra Bithyniam in usu fuisse. Haud dubie respicitur ad Zipoetem, quo nomine apud Historicos ille Bithyniae princeps vulgo vocatur. Apud *Stephanum Byzantium* v. Ζιπόειον dicitur haec urbs Bithyniae nomen habere ἀπὸ Ζιπόειτου βασιλέως. Cum autem *Pausanias* ex hoc nomine conficit, eum fuisse origine Thracem, non id ita intelligendum est, quasi Zipoetes ex Thracia in Bithyniam traiecerit primus, sed hoc linguae Bithynicae tribuendum est, quae Phrygiaca et Thracica fuit. Nam ex historia novimus, patrem iam huius Zipoetis, quin avum et proavum, Bithyniae imperasse. Video *Cellarium* hoc neglexisse, cum tamen profiteatur, in introductione ad historiam veterem, se historiam harum regionum in Asia minori accuratius multo tradere, quam ante ipsum ab aliis factum erat. Ea vero, quae de maioribus et antecessoribus Zipoetis cognita habemus, ut plurimum ex *Memnonis* historia Heracleensi apud *Photium* [Cod. ccxxiv] petita sunt. A tempore Zipoetis regnum istud clarius evasit; et a multis multa peti possunt, quae ad historiam illam faciant. Quandoquidem Bithyni a Phrygibus descendebant, et adeo originem Thracicam habebant, ut iam dictum fuit, mirum nequaquam est, vocabula quaedam Bithynis et Thracibus fuisse communia, atque vestigia convenientiae inter utramque hanc gentem etiam aetate adhuc seriori conspicua fuisse, ut statim patebit. Videamus igitur de paucis vocibus Bithynicis.

ΑΛΙΖΟΝΕΕ nomen Bithynorum. Vid. *Eustathius* in *Illiadem* p. 363, 364, et Etymologici Auctor in v.

BEN.

BENΔΙΑΪΟΣ nomen mensis. Nomina omnium mensium Bithynicorum ex MS. Graeco exhibet *Ios. Scaliger* Lib. 1 de Emend. Temp. p. 5, et cum quadam discrepantia *Vsferius* de Anno Macedonum p. 41, etiam *Fabricius* in Menologio p. 61. Sunt ea nomina omnia Graeca, praeter unum *Βενδιαΐος*, qui mensis a Graecis dicebatur *Ἀρτεμίσιος*.

BRIAZVS nomen Dei et Templi in Bithynia, teste *Plinio* Lib. xxxi c. 2.

BYZIS antiquissimus Bithynorum rex perhibetur Troiae ἀλώσει antiquior. In Thracia *Byzia* est arx regum Thraciae. *Byzas*, fundator Byzantii, conspicitur in numismate apud *Goltzium*. Vid. *Tournefort* Voyag. Tom. II p. 2.

ΓΑ'ΝΟΣ, ἡ ὕαινα ὑπὸ Φρυγῶν καὶ Βιθυνῶν, ut scribit *Hesychius*. Conf. supra § 8 [p. 69, ibi not.] Τὴν Γάνον locum esse Thraciae, ex *Artemidoro* monet *Harpocratio* h. v. itemque *Suidas*.

ΖΗ'ΛΑΣ sive **ΖΗΨ'ΛΑΣ**, nomen regis Bithyniae celeberrimi. In Thracia *Zelam* oppidum invenio. Vide *Plinium* Lib. IV c. 11. Apud *Stephanum* Byz. v. *Ζήλα* legitur, ἔστι καὶ Ζήλα — πόλις Καππαδοκίας, ἣν ἔκτισεν ὁ Νικομήδους υἱὸς Ζήλας [confer. supra p. 110].

ΛΕΒΗΤΩΝΑΨΙΟΝ, genus vestis Monachorum, cuius nomen ex Prusaënsium Bithynorum dialecto derivatur a *Suida*, Λεβητωνάριον· χιτὼν μοναχικὴ ἐκ τριχῶν συντεθειμένος, κατὰ τὴν ἐγγύωριον γλῶσσαν τῶν Προυσαέων.

ΣΤΡΥΜΟΨΙΟΙ· οἱ Βιθυνοὶ τὸ πρότερον. *Hesychius* ex *Herodoti* Lib. VII c. 75. [Iunge *Stephanum* v. *Στρυμῶν*, ibi not.].

ΤΑΨΑΝΤΟΣ. *Stephanus Byzantius* in v. Τάρανς ait, ἔστι δὲ καὶ Τάραντος ἀρσενικῶς λεγομένη πόλις Βιθ.

Βιθυνίας, ἐνθα τιμᾶται Ταρανταῖος Ζεὺς [*].

§ 15. De lingua Mariandynorum.

Excipiunt Bithynos *Mariandyni*, qui a multis coloni Scytharum existimantur. Vid. Schottastes ad *Apollonii Rhodii* Lib. II [v. 140] et *Eustathius* in *Dionysii* Perieg. [v. 788 et seqq.]. *Strabo* vero Thracēs fuisse affirmat, Lib. VII p. 204 [453], ubi et de Bithynis. Idem Lib. VIII p. 238 [531] ait Mariandynos ortu esse Paphlagonas. Non mirum est, ab aliis annumerari Scythis, sed ab aliis Thracibus, cum Thracēs et Scythae apud veteres fere semper confundantur. Ex Mariandynorum [**] lingua aut pauciora vocabula supersunt, aut saltem ad meam cognitionem pervenerunt.

ἈΔΩΝΙΜΑΟΙΔΟΣ nomen est *cantilenae* Mariandynorum, cuius meminit *Pollux* Lib. IV cap. 7 [†].

ἈΚΟΝΙΤΟΝ *veneni* genus celebratissimum apud eos, ut in *Dionysium* tradit *Eustathius* pag. 117 [ad v. 788]. Hinc fortasse emendari potest *Hesychius*,
in

[*] Exempla ea omnia recte huc referri, equidem ego non dicam. His vero adungi potuerant:

ΓΑΛΛΟΣ. Scribit *Thomas Mag.* v. βάκλος, σημαίνει δὲ τὸν ἀπὸ τετραμήριον τὰ αἰδοῖα· δι' Βιθυνίαι τε καὶ Ἀσισιοὶ Γάλλοι καλοῦσι.

ΟΚΝΟΣ χαλκοῦς· βούλεται τούτο τοῖς Βιθυνοῖς ἐπιχωρίως διφθόρῃ τινὲς γυναικείου εἶδος εἶναι. Ita *Suidas*.

ΣΑΡΠΟΥΣ·κιβωτοῦς. Βιθυνοὶ δὲ, ἐξυλίους (ἰ. ἐξυλίαι) εἰπὼσι. *Hesychius*. Male quondam editum erat Βιθυναί.

[**] *Pherecrates* apud *Athenaeum* lib. XIV p. 375 loquitur de τοῖς Μαριανδυνοῖς ἐκείνῃ βαρβάρῳ.

[†] Est ea vox suspecta, nec pertinet ad Mariandynos, de quibus *Segm.* 54. Nunc legitur ἄδων ἰμπεδός. Vid. notas.

in quo legitur, Ἀκοντικόν· Φάρμακον οὕτω καλούμενον. De *Aconito* vide *Ovidium* Lib. vii *Metam.* Fab. xxi, *Servium* in Lib. xi *Georg.* v. 152. Graecam vel potius localem vocis etymologiam tradit *Theopompus* apud *Athenaeum* Lib. iii p. 85. Conferantur *Plinius* Lib. x xvi cap. 2, Auctor *Etymologici* M. v. Ἀκόντιον, Scholia ad *Nicandri* *Alexipharm.* p. 64, 66, et ad *Apollonium Rhodium* Lib. ii v. 354 [*].

ΒΩΡΙΜΟΣ quoddam *cantilenae* genus. Scribit *Pollux* Lib. iv cap. 7 [segm. 54], Βώριμος δὲ Μαριανδύνων γεωργῶν ἄσμα, ὡς Αἰγυπτίων, Μανέρως, καὶ Λιτυέρσας, Φρυγῶν. Et brevi post, ὁ δὲ Βώριμος ἦν Ἰόλλα καὶ Μαριανδύνου ἀδελφὸς, Οὐπίου βασιλέως παῖς. Haec corruptissima sunt. Lege, Ὁ δὲ Βώριμος ἦν Πριολᾶ, vel Πριολάου, καὶ Μαριανδυνοῦ ἀδελφὸς, Τιτύου, vel Τιτίου, βασιλέως παῖς. Vide quae de his omnibus collegi in *Excerptis MSS. Historicis* [**] de Regno Mariandynorum. Ceterum in universum de Orientalibus observatur, quod propter segnitiam quamdam, sibi a natura insitam, se mutuo ad laborem excitare soleant cantando. Vide locum memorabilem in *Chardinii Peregrinationibus* Tom. i p. 127.

ΔΩΡΟΦΟΡΟΥΣ· τοὺς οἰκέτας, Μαριανδῆνοί. *Hesychius*. Conf. *Athenaeus* Lib. vi pag. 263 et *Pollux* Lib.

[*] Comparetur imprimis *Stephanus Byz.* v. Ἀκόντι, ibi *Berkelius* et *Holsenius*. Neque Ἀκόντιος, neque etiam, quod sequitur Δωροφόρους, voces peregrinae sunt et solis Mariandynis vindicandae.

[**] *Excerpta* ista non sunt inter mea Iablonskiana. — *Pollux* iungatur *Hesychius*, scribens, Βώριμος θῆσις· ἐπὶ Βώριμου συμφολήπτου Μαριανδυνοῦ. Plura ibi interpretes, item *Casaubonus* et *Schweighaeuserus* ad *Athenaei* lib. xiv p. 245, ubi quondam Βώριον, nunc Βώριμος editum.

Lib. III cap. 8 [segm. 83]. Pro *Μαριανδηνοί* legendum est *Μαριανδυνοί*. In scriptura huius nominis frequenter peccatum est a librariis. Vide interpretes *Stephani Byzantii* in v. *Μαριανδυνία*.

ΣΑΤΑΡΙΣ *teli* genus, quod quidam Scytharum et Amazonum, alii Persarum fuisse volunt, sed *Mariandynis* tribuit *Athenaeus* Lib. XII p. 530. Persis attribuitur a *Brissonio* de Regno Persar. p. 271 et *Relando* Part. II Diss. Miscell. p. 227. *Hesychius* vocem exposuit, sed nullius gentis mentionem fecit, Σάγαρις· πελέκιον μονόσομον· Φαρέτρα. ἄροτρον. Vox postrema suspecta videbatur *Soringio*, coniicienti legendum ῥόπτρον. Respexit vero Glossographus ad *Herodoti* locum, bene aut male intellectum, Lib. IV cap. 5, ubi similiter iunguntur ἄροτρον et σάγαρις.

ΧΥΤΡΑΣ appellarunt *Mariandyni* *nigras Caricas*. Vid. *Athenaeus* Lib. XIV p. 653.

§ 16. De lingua Paphlagonica.

Sequitur *Paphlagonia*, cuius regionis populus semper maxime barbarus habitus est. Lingua eius nonnullam cum Cappadocica habuit convenientiam, namque *Strabo* ait Lib. XII p. 381 [830] Cappadociam vocabulis Paphlagonicis scatere, qualia sunt *Bagas*, *Biasas*, *Aeniates*, *Ratotes*, *Zar*, *Doces*, vel cum *Casaubono* legendum una voce *Zardoces*, *Tiberus*, vel *Tibius* ex eiusdem emendatione, *Gafys*, *Ologafus* et *Manes*, quae barbariem huius linguae satis declarant. Hinc Paphlagones pro hominibus rudibus et stultis habiti sunt, teste *Luciano* in *Pseudom.* p. 856[*]. Scri-

[*] Tom. II p. 217. Notabilior autem est *Luciani* locus in *Pseudol.* § 14, tom. III p. 173, ubi non tantum linguae Paphlagoni-

Scribit *Eusebii* in *Iliad.* B. p. 330, Φυλάττεται δὲ ἡ λέξις εἰσέτι καὶ νῦν, εἰ καὶ μὴ ἀκραιφνῆς, ἀλλ' ὑποβάρβαρος περὶ πού τοὺς Παφλαγῶνας, οἱ κρωμαχωτοὺς τόπους τοὺς πετρώδεις καὶ οὐ ῥᾶν ἀναβαينوμένους φασί, sed loquitur ibi sine dubio de recentiori, Graeca nempe, Paphlagonum lingua. Vocem Βέκ, sive adiecta terminatione Graeca Βεκός, Phrygibus significasse *panem*, pag. 19 [68] annotatum est, Paphlagonibus tamen quoque tribuit Scholiastes in *Aristophanis* *Nubes* p. 149 [ad v. 397]. *Xenophon*, qui cum exercitu ipse hanc regionem peragravit, Ἀνάβ. Lib. vi haud ita procul ob initio ait, saltationem apud ipsos in usu esse, quam *Sidalcen* appellant. Aliam vocem Paphlagonicam *Hesychius* profert in Ἀπολοκαύτωσις, quem locum, ut qui turpiter est deformatus, studio praetermitto [**].

§ 17

cae meminisset, sed et eandem coniungit cum lingua Cappadocum et Bactrianorum.

[**] *Xenophontis* mentem minus recte percipisse videtur *Iablonzkius*. Non saltationem, sed cantum sic appellari, ait Historicus, neque Paphlagonibus istam vocem attribuit, sed Thracibus; et quae hic narrantur, gesta quidem sunt in Paphlagonia, sed a Thracibus, qui erant in Graecorum exercitu Asiam minorem tunc transeunte. Legendum Σινάλλων, nomen regis Thracum, cuius laudes canebantur, et de quo *Thucydides* lib. 11 c. 29, 95, *Diodorus Sic.* lib. xii c. 50. — Qua in editione *Hesychii* inveniatur Ἀπολοκαύτωσις, equidem ignoro, sed in Hagenoënsi, Schreveliana et Albertina legitur, Ἀπολοκαύτωσις παρ' Ἰσθμῶν ἢ συνουσία ἢ δὲ πρὸς Παφλαγῶσι τὰ νῦν χριόμενοι τὰ αἰδῶα δὴν παρέχον. Locum difficiliorem varii varie aut illustrare conantur aut emendare. Unus omnium eiusdem interpretis optimus videtur *Kusterus*. Est autem sermo de quodam Paphlagonum ritu, sed nemquam de ipsorum lingua. ad quam certe non potest referri Ἀπολοκαύτωσις. — Maiori iure vocibus Paphlagonicis enumerabuntur: Γάγγρα capra, apud *Stephanum Byz.* h. v., et Ἰσθμῶν, quo nomine Paphlagonas appellasse τὰ νῦν τοιμάχην, testatur Etymologus v. Σαπίδακ.

§ 17. De lingua Galatarum.

Tandem succedunt *Galatae*, quos *Hieronymus* praeter Graecam linguam ea usos fuisse docet, qua *Treviri*, ut supra iam diximus pag. 15 [44]. Atque id historia eorum confirmat, quam narrant scriptores antiqui Graeci et Romani, *Pausanias*, *Strabo*, *Memnon* in *Photii* Bibliotheca, *Dio Cassius*, *Livius*, *Valerius Maximus*, plures alii, e quibus eam *Wernsdorfus* in libro de Republica Galatarum a. 1743 docte illustravit [*]. Ex eorum lingua supersunt pauciora vocabula, non certe Graecae originis, sed barbara. Scribit *Pausanias* in Phocicis p. 354 [890], τὴν δὲ θάμνον ταύτην Ἴωνες μὲν καὶ τὸ ἄλλο Ἑλληνικὸν κόκκον, Γαλάται δὲ οἱ ὑπὲρ Φρυγίας Φωνῇ τῇ ἐπιχωρίῳ σφίσιν ὀνομάζουσιν ὤς, quem *Iones quidem et reliqui Graeci coccum*, *Galatae vero, qui supra Phrygiam sunt*, patrio sermone hys appellant. Praeunte *Turnebo* Lib. xix *Adversar.* cap. 25, *Sylburgius*, pro ὤς legendum censet ὕσγη. Sed consulendae hic sunt notae interpretis Gallici Abbatis *Gedoyni* Tom. iv. p. 246 sq., qui pristinam lectionem tuetur, atque etiam observat, vocem hanc ex prisco Celtarum sermone hodieque apud Gallos superesse [**]. Idem *Pausanias* in libro citato p. 335 [845] vocem affert Μάρπαν, atque significare *equum*, atque hinc derivat τριμαρκισίαν. *Sylburgius* in notis monet, *Camerarium* maiuisse Μάρρπαν, additque, *merras* sane vulgus etiam-

num

[*] Comparetur erudita *E. A. Borgeri* interpretatio epistolae Pauli ad Galatas (L. B. 1807) p. 4 sqq.

[**] Auctorem ille habuit *Kuhnium*, praeclarum imprimis scriptorum Graecorum interpretem, qui item consulatur de voce Μάρκω p. 845.

num equas appellare. Apud Gallos Europaeos aliam vocem in usu fuisse, arguit *Plinius*, qui Lib. III c. 17 ait: *Eporedicas Galli bonos equorum domitores appellant*; quod a Germanico idiomate non multum abudit. Alii malunt *Eporedias*. Legendum puto *Eporeditas*. Homo linguae huius ignarus non recte vocem protulit. Ad *Μάρπαι* ut redeamus, nescio, an huc referendum sit, quod apud *Ammianum Marcellinum* Lib. XIX p. 174 relatum legimus, Sarmatas Limigantes pro signo bellico sive classico usos fuisse hac voce, *Marha, Marha*. Omnis certe harum gentium vis bellica in equis sita erat. *Tacitus* Histor. Lib. I cap. 79: *Namque mirum dictu, ut sit omnis Sarmatarum vis, velut extra ipsos, in equis, nihil ad pedestrem pugnam tam ignavum*. *Ovidius* Trist. Lib. V Eleg. 7 v. 19,

*Sarmaticae maior Geticaeque frequentia gentis
Per medias in equis itque reditque vias.*

Et de Ponto Lib. III Eleg. I,

*Pontica tellus
Finitimus rapido quam terit hostis equo.*

Idem affirmant *Thucydides* Lib. II [c. 96] p. 59 edit. Herw., *Valerius Flaccus* Lib. VI Argon. v. 161, *Iustinus* Lib. XLI c. 3. De Thracibus id colligas ex *Xenophonte* Lib. I 'Αναβάς. p. 152 edit. Gr. Steph. Apud Ausones quoque, sive Oskos, haec vox locum videtur obtinuisse. Commemorat *Aelianus* Lib. IX Var. Hist. c. 16, antiquissimo Ausonum tempore fuisse virum quemdam *Μάρπυ*, sic dictum, quod ex dimidio vir, ex dimidio equus fuerit. Vox haec altera sui parte videtur esse truncata. Etenim sive *Mar* equum

no-

notat, five, quod fere malim, virum notaverit, vox non est integra. *Mar* autem *Oscorum* vetusta lingua virum seu hominem dictum fuisse, ex nonnullis *Oscis* vocabulis colligo. Sic *Momar* stultus homo, *Casnar* seu *Casmar* est senex homo (a). Quae *Hesychius* et alii e *Galatarum* lingua afferunt, incertum est, sintne ea ad *Celtas* *Asianos*, an vero ad *Europaeos* referenda. Praeterea ex *Hieronymi* testimonio tantum scimus, quantum ad nostram rem erat necessarium.

§ 18. De lingua *Lycaonica*. *Lycaones* eadem cum *Cappadocibus* habuisse linguam, adstruitur.

Quae haecenus disputavimus, sunt nobis cuidam velut munimento, quod adversariorum impetus frangat, nobis vero praesidium et securitatem praestet, ut tutius in hac arena versari possimus. Etenim, ut *Phryges*, *Lydos* et *Cares* taceam, si *Mariandyni*, si *Paphlagonες* et istius orae gentes semper barbarae persisterunt, et si istae linguae non e *Graecia* profectae sunt, quanto magis id de sermone *Lycaonum* dicendum est, qui non modo *Graeci* commercii expertes fuerunt, sed ne Regi quidem *Perfarum*, cum is totam *Asiam* in sua fide habuit, obtemperare voluerunt. Quod

(a) Parum abest, quin haec retractem, et observationem meam, quae inter scribendum mihi sese quondam obtulit, nunc ipse reliciam. *Momar* enim videtur ex *Sicilia* et a *Graecis* *Doribus* et *Aeolibus* in *Italiam* pervenisse. *Hesychius* ait, Μῶμαρ, μέμψις, ὀνειδος, αἶσχος. Notavit hoc iam *Scaliger* ad *Festum*, cuius verba sunt: *Momar*, *Siculi* stultum vocant. Scholiastes *Lycophronis* p. 91 [ad v. 1124] et *Eustathius* ad *Iliad.* A p. 154 Μῶμαρ explicant Μῶμος.

Quod scriptor optimus, quique haec suis oculis subiecit, *Xenophon* testatur, Lib. 111 'Αναβ. [c. 2 § 14.] p. 208, sive p. 179 ed. Graecae Steph. Λυκάονες δὲ, inquit, καὶ αὐτοὶ εἶδομεν, ὅτι ἐν τοῖς πεδίοις τὰ ἐρυμνὰ καταλαμβάνοντες τὴν τούτου χώραν καρποῦνται, *Lycaones autem scimus, occupatis camporum monumentis, impune ex eiusdem, regis, agro victum sibi quaerere.* Quod mirum non est, siquidem montibus collibusque circumsepta clausaque tota est *Lycaonia*, nisi qua *Cappadocibus* patet. Conf. *Strabo* p. 370. [811]. De montibus *Isaurorum*, qui *Ciliciam* inter et *Lycaoniam* habitabant, in *Anthologia* MS. Epigr. CCXCVII v. 10, πετράων τ' ἐφ' ὑπέρβην ἀλίσκάζοντας Ἰσαύρους. Vnde fit, ut ante *Alexandri M.* tempora rarissimam gentis *Lycaonicae*, linguae vero nullam mentionem fieri videas. *Plinius* propterea gentem hanc ignobilem vocat Lib. v c. 29: *Conveniunt (b) Lycaones, Appiani, Euterpeni, Dorylaei, Midaei, Iulicenses, et reliqui ignobiles populi* xv, Ad ultimum *Lycaones*, quamvis essent ἰδριες ἐν πολέμοις, bellicosi, ut observat *Dionysius* *Perieg.* v. 857, *Alexandro* tamen M. non restiterunt, sed potentiae cedentes se dederunt, ut *Curtius* memoriae prodidit Lib. iv cap. 5. Postquam *Alexander* diem suum obiit, varios experti sunt dominos, quorum nonnullos *Arrianus* commemorat, de rebus post *Alexandrum M.* gestis apud *Photium* Codice xc. Sequentibus vero temporibus *Lycaoniam* nunc *Cappado-*

(b) Quid per *Conventus* et *Convenire* significet *Plinius*, vide apud eundem l. c. in antec. et seqq. Idem Lib. iii c. 4 *Conventus Hispanensis* p. 135 et paulo post, atque c. 3 *Universa Provincia dividitur in Conventus septem, et, Carthaginem conveniunt populi LXI.*

dociae^(c) reges, tunc peculiare tyranni tenuerunt sibi subiectam, donec a Romanis sub Augusto in Provinciam redigeretur. Quibus ultimis temporibus, ut plurimi Orientis populi, linguam Graecam^(d) didicerunt, sic tamen, ut patrium sermonem retinerent et διγλωττοι^(e) essent; quod etiam ille Actorum Apo-

(c) Filiis Ariarathis, regis Cappadociae Lycaonia et Cilicia datae sunt, teste *Iussino* Lib. xxxviii c. 1. De Amynta Principe Lycaoniae videndus *Dio Cassius* Lib. xlix p. 411 [592]. Seculo secundo post C. N. Lycaonia cum aliis Asiae minoris Provinciis paruit uni Proconsuli. Vide Inscriptionem memoratam a *Constantino Porphyrogenneta*, et ex eo a *Reinesio* relatum in Syntagma suum p. 435, ubi notas quoque consule.

(d) Vsum linguae Latinae, postquam Lycaonia Romanis paruit, ut narrat *Dio Cassius* Lib. liii p. 514 [721], apud Lycaones obtinuisse non dubitamus. *Plinius* Lib. iii c. 5 de Italia loquens ait: quae tot populorum discordes ferasque linguas sermonis commercio contraheret ad eolloquentium &c.

(e) Dicas eos iam bilingues, paullatim a domestico externoque sermone degeneres, cum *Curtio* Lib. vii c. 5. § 29, vel etiam trilingues, uti Siculos appellat *Apuleius* Lib. ii Metam. in principio. Postremis autem Graecorum et Romanorum temporibus, sermo Graecus apud populos alioquin barbaros invaluit, ut omnes ferme, praesertim vero Optimates, sin minus loqui Graece, at intelligere tamen aut omnia aut plurima possent. Hinc dicti sunt μιξοβάρβαροι et ἡμιβάρβαροι, ut supra dixi § 5 [p. 36, ibi not]. Duplici modo sic dici possunt, aut ratione linguae, qua usi sunt, aut propter nativitatem e parentibus Graecis et Barbaris. Sic *Cyrus* dicitur Semi-Perfa. Vide *Apuleii* Apologiam p. 289 edit. Elmenhorstii. Iunge *Virgilium* viii Aen. v. 510, qui Evandrum ait mistum matre Sabella. Sed apud *Agathiam* Lib. iii p. 69 Ἑλληνογαλάτης τὸ γένος idem est, quem Latini appellant Gallo-Graecum.

Apostol. locus, de quo sermo est, ostendit planumque facit. Magis etiam Lycaones Graeco sermoni assuevisse, quando sancta Euangelii doctrina apud eos incrementa sumsit, prorsus verisimile est; quod non diu post Apostolorum tempora contigit. Atque discimus ex Historia Ecclesiastica, Episcopum Iconiensem Lycaoniae Metropolitanum in magna auctoritate ab antiquis inde temporibus fuisse. Seculo tertio legimus omnes illius orae Episcopos Iconium confluxisse, ut Concilium haberent, de quo *Baronius* ad annum 258 n. 14 et 15 [*]. Seculo autem quarto in Synodo habita Sidae, quae est civitas Pamphyliae, *Amphilochius* Iconii Episcopus ἐξῆρχε τῆς Συνόδου, συνεδρευόντων αὐτῷ καὶ ἐτέρων Ἐπισκόπων κέ, praesuit Synodo, assidentibus aliis etiam Episcopis numero xxv, ut est in Excerptis huius Synodi apud *Phorium* Cod. LII p. 17 ed. Hoeschel. [38]. Accenset quidem *Firmilianus*, in Epistola ad *Cyprianum* de Synodo Iconiensi p. 221 ed. Felli Oxon., hanc civitatem Phrygiae, non secus ac *Xenophon* Lib. I Ἀναβαρ. [c. 2 § 19] p. 147. ed. Steph. Graecae [**]. Sed diversa ratio est. *Firmilianus* enim hoc fecit propter ignobile Lycaoniae nomen, et quod sensim obliteratum est, adscribentibus aliis Lycaoniam Phrygiae, aliis Cappadociae. *Xenophon* vero eam civitatem

[*] De tempore habitae Synodi Iconiensis a *Baronio*, *Binio* aliisque dissentit *Valesius* ad *Eusebii* H. E. VII. 7. Dissentiunt pariter *Pagius* et *Harduinus*. Conf. *Manfius* not. ad novam et amplissimam Conciliorum Collectionem tom. I p. 909 sqq

[**] Item scriptor Actorum Iustini Martyris, in *Ruinarti* Actis Martyrum sinceris p. 59 § 3, cuius coniectura, ex qua pro *Iconio Phrygiae* legendum *Iconio Lycaoniae*, non probabilis videtur, ut e *Xenophontis* verbis intelligi potest.

tem facit terminum Phrygiae ad Lycaoniam. Verum omnes Geographi et scriptores alii, *Strabo*, *Ptolemaeus*, *Stephanus*, *Cicero*, Iconium dixerunt esse urbem aut ipsam Metropolim Lycaoniae (f); et res ipsa loquitur; Iconium non ad Phrygiam, sed ad Lycaoniam pertinere, si has regiones a se invicem distinguas, quemadmodum *Cellarius* et alii Geographi recentiores recte fecerunt.

Sed quis tandem ille Lycaonum patrius et avitus sermo fuit, si non e Graecia promanavit, an peculiaris quidam, an vero ex vicinorum dialectis commixtus? Veritatem, ut opinor, affecutus est illustris *H. Grotius*, quem supra [p. 7] diximus, linguam hanc habere pro Cappadocica. Nihil est, quod iure obicere possimus; sed et e contrario, quantum vires permittent, pluribus istam sententiam ex *Strabone* stabilire conabimur. Id vero non ita accipi velim, ut Lycaones linguam Cappadocicam, antiquam illam, puram conservasse contendam; immo id facile largitus fuerim, ipsos, ut post Alexandri M. tempora e sermone Graeco, ita ex vicinis etiam linguis quaedam accepisse. Iconium sane, ut modo retuli, tamquam extremam Phrygiae urbem intranti Lycaoniam, de-

(f) Adscribam unius *Ptolemaei* locum, Lib. iv cap. 6. Sub Cappadocia complures eius Praefecturas, et inter illas Lycaoniam quoque comprehendit. Commemoratis aliis Cappadociae Praefecturis, tandem ad Lycaoniam venit; huiusque urbes numerantur Ἀδόπισσος, Κάννα, Ἰκόνιον, Περχλαῖς, Κόρνα, Κάσβια, Βάραττα. Observatu dignum est, quamvis huc minus pertineat, *Coniam*, cuius saepius fit mentio ab *Abulpharajo*, non differre ab Iconio, et secundo xiii ac xiv fuisse Metropolim totius Asiae minoris. Vid. *Herbeloti* Bibliotheca Orientalis, voce *Abaka-Khan*. [t. i p. 5].

describit *Xenophon* Lib. 1 *'Αναβάσις* p. 170. Ex quo intelligimus, iis multum cum Phrygibus commercii intercessisse. In eo assentior Viro summo, patriam eorum et avitam linguam fuisse Cappadocicam. *Strabo* Lib. xii sub initium commemorat, Cappadoces peculiari lingua uti, eosque, qui illa lingua utuntur, versus meridiem terminari Cilicio Tauro, versus orientem Armenia et Colchide, versus Septemtrionem Euxino mari usque ad Halys fluminis ostia, versus occasum Paphlagonica natione et Galatis, Lycaoniam usque et Ciliciam asperam. Videntur hic Lycaones excludi, sed si rem accuratius perpendamus, contrarium nullo negotio ex *Strabone* eliciemus. Etenim si e Galatia proficiscaris, in Lycaoniam venis, et tandem in Ciliciam asperam. Iam vero si Lycaonia est terminus, non potest esse Cilicia aspera, quae Lycaoniam sequitur, et ab ea Tauro monte dividitur. Itaque Lycaoniam includas, plane necessarium est, id quod etiam tota illa descriptio aliaque insuper argumenta evincunt. Ita idem *Strabo* ait p. 371 [813], longitudinem Cappadociae ὁμογλώσσου a Lycaonia et Phrygia ad Euphratem usque patere (g). At Phrygia pone Lycaoniam sita est. Quod si itaque ex mente *Strabonis* accurate terminos ponere velis, a Phrygia incipiendum inclusa Lycaonia, et usque ad Armeniam pergendum est. Quam late extenditur Taurus et Antitaurus, soli Cappadoces et Lycaones habitarunt. Finis Tauri ab altero latere Cappadociam, ab altero Lycaoniam terminabat,

(g) Verba *Strabonis* sunt, μήκος δὲ ἀπὸ τῆς Λυκαονίας καὶ Φρυγίας κ. λ. Conf. *Herodotus* Lib. iv c. 49, 52. Potest ad hunc loquendi modum trahi illa phrasis, quam Poëtis familiarem esse observat *Strabo* Lib. viii p. 235 et ex illo *Eustathius* in *Iliad.* B. p. 305.

bat, ut adeo hae gentes fere pro una habendae sint. Et sic *Strabo* dicto iam Libro xii p. 392 [853], Πλησιάζει δ' ἤδη τοῦτοις τοῖς τόποις ὁ Ταύρος, ὁ τὴν Καππαδοκίαν ὀρίζων καὶ τὴν Λυκαονίαν, πρὸς τοὺς ὑπερκειμένους Κίλικας τοὺς τραχιώτας, *ad haec loca iam Taurus accedit, Cappadociam et Lycaoniam distinguens a Cilicibus supraiacentibus, qui Trachiotae ab asperitate regionis dicuntur.* Tempore Artaxerxis Mnemonis Lycaones etiam cum Cappadocibus uni subiecti erant Satrapae, teste *Xenophonte* Lib. vii Ἀναβάς. in fine. Legimus autem apud *Strabonem* p. 370 [811], Sifynum, qui Cappadocum regnum affectavit, in montibus Lycaoniae regiam suam habuisse. Praeterea, saepenumero Cappadocum nomine inclusos fuisse Lycaones, in praeis scriptoribus facile, qui volet, deprehendet. Ut e multis uno utar exemplo, scribit *Plinius* Lib. viii c. 58, Onagros non transire montem, qui Cappadociam a Cilicia dividit, ubi nomine Cappadociae Lycaoniam quoque intelligendam recte monent interpretes, inprimis quia Onagri sigillatim Lycaoniae attribuuntur. Conf *Varro* de Re Rustica Lib. ii cap. 6, et ipse *Plinius* L. viii c. 44, [*Strabo* lib. xii p. 852.]

Quae quidem omnia si secum invicem comparentur, et cum aliis scriptoribus contenduntur, perspicuum fore spero, veram esse *Grotii* sententiam, adeoque linguam Lycaonicam non fuisse diversam a Cappadocica. Quod tamen cum dicò, inficias ire nolo, complura in usu apud Lycaones fuisse vocabula, quae Cappadocibus ignota fuerint. Ex eo genere fortasse fuit vox Ζάρβα, quam *Relandus* Parte ii Diff. Miscell. p. 262 ad veterem Persarum linguam refert. Mihi videtur Lycaonica sive Isaurica. Scribit *Suidas* in v. Μουσουργοί, Ψάλτριοι· Αἱ δὲ μουσουργοὶ βάρβαροι ἦσαν γυναῖκες· ὄνομα αὐταῖς ἐπιχώριον Ζάρβα. — ὁ δὲ

δε Ἀβαρζάκιος, lege Ἀρβαζάκιος, μουσουργοῖς συνέ-
 ζη τοσαύταις, ὅσα οὐτ' ἐκείνοις ἀριθμεῖν εἶχεν κ. λ.
 Hic vero Arbazacius erat Isaurus, ut idem *Suidas* ha-
 bet in Ἀρβαζάκιος; ubi tamen et dicitur, quod ex
 Armenia fuerit.

§ 19. De lingua Cappadocum, quam fuisse ve-
 rustam Assyriacam existimamus.

Sic fere tandem ad finem pervenimus. Restat
 unum, ut, quae fuerit *Cappadocum* lingua, breviter
 disquiramus. Atque id nunc non examinabo, sitne
 peculiaris lingua; nam ea, quae modo ex *Strabone*
 pro lingua Lycaonica afferebam, de hac re nos dubi-
 tare non sinunt [*]. Ceterum, cum pauca admo-
 dum de lingua vetusta Cappadocum comperta nobis
 sint, certi aliquid definire vix licet. Quoties vero
 hac de re cogitavi, suspicatus diu sum, fuisse hanc
 linguam eandem cum vetusta Assyria. *Bochartus*,
 vir insignis, ita de Cappadocibus sentit: *non abhor-
 ruisse eorum sermonem a Syrio, sed fuisse impurissi-
 mum*, in *Phaleg.* col. 535. Cuius sententiae hanc
 etiam

[*] Non tantum *Lucianus* iungit linguam Cappadocum, Paphla-
 gonum et Baetrianorum, in *Pseudol.* § 14, sed dicitur etiam *Apollonius*
Tyanensis, et adeo Cappadox, librum de Sacrificiis scripsisse τῇ ἰαν.
 τοῦ φωνῇ, sermone vernaculo, id est, lingua Cappadocum, ut monet
Olearius ad *Philostratum* de V. A. lib. IV c. 19. Dialectum vero
 Atticam intelligendam existimat *Fabricius* vol. IV *Bibl. Gr.* p. 61.
 Ad recte, dubito ob ea, quae de eodem *Apollonii* libro scribit *Phi-
 lostratus* lib. III c. 41. Huius autem verba de *Vit. Sophist.* lib.
 II c. 13, non pertinere videntur ad linguam Cappadocum, sed ad
 horum pronunciationem linguae Graecae crassam et duram: a quo vi-
 tio *Apollonius* fuit immunis, si vera narrat *Philostratus* lib. I c. 7,
 14, 17.

etiam reddit rationem, quod *Leucosyri* dicantur apud *Stephanum Byzantium*. Si memoria veterem historiam repetimus, Cappadociam primum Assyriae accensitam fuisse cognoscimus. Docet id vetus isque eruditus *Apollonii Rhodii* Scholiastes in Lib. 11 v. 948, Ἀσσυρίαν εἶπε τὴν Συρίαν τὴν Καππαδοκίαν· ἐκαλεῖτο δὲ πάλαι Συρία, ubi ipse Poëta loquitur de Sinope urbe Assyriaca, quae erat in Paphlagonia (h). Idem Scholiastes ad v. 966 Assyriam, illic memoratam, interpretatur Leucosyriam. Conf. *Strabo* Lib. XVI init. Cum Assyriorum nomen ferme obsoletum esset, eique Syriae appellatio succederet, etiam Cappadoces Syri vocati sunt, et quo a ceteris Syris distinguerentur, Leucosyri dicti sunt. De Leucosyris nihil addam, cum res ex *Strabone*, *Stephano*, Scholiaste *Apollonii*, *Eustathio* aliisque nota sit, praeter hoc *Hesychii*, Λευκόσυρος· Βαβυλωνίος λευκόχροος, et *Phoebii* in Lexico MS. Λευκόσυροι· οἱ Καππαδόκες, καὶ οὗς οἱ Ἴωνες Σύρους, nempe καλοῦσι. Sunt ergo iidem Cappadoces, Syri, Leucosyri et Babylonii. Notabilis admodum est *Herodoti* locus Lib. 1 c. 72 scribentis, Οἱ δὲ Καππαδοκαὶ ὑπ' Ἑλλήνων Σύριοι ὀνομάζονται· ἔσαν δὲ οἱ Σύριοι οὗτοι, τὸ μὲν πρότερον ἢ Πέρσας ἄρξαι, Μήδων κατήκοοι, τότε δὲ Κύρου, Cappadoces autem a Graecis Syri nominantur, et erant hi Syri, antequam Persae imperitarent, ditionis Medorum, tunc vero Cyro parebant. Ipsum Cappadociae nomen Persicum est, si *Herodoto* assentimur, ut equidem facile assentior, cuius hic est locus Lib. VII cap.

(h) Hinc Syri dicuntur tempore Herculis tenuisse Sinopen, quibus eam urbem Autolycus Graecus eripuerit. Vid. *Plutarchus* in *Lucullo* pag. 925, 926 edit. Steph.

cap. 72, οἱ δὲ Σύροι οὗτοι ὑπὸ Περσέων Καππαδοκίαι καλέονται (i). Certe reges Cappadociae ad Cylum Persam retulisse genus suum, testatur *Diodorus Siculus* Lib. xxxi, apud *Photium* Cod. ccxliiv [p. 1157, t. II p. 517 edit *Wesselingii*]. Sacra Cappadocum fuerunt etiam Persica, teste *Strabone* Lib. xv p. 504 [1065]. Nomina mensium Cappadocicorum perhibentur Persica esse, ut infra dicetur (k). De lingua Assyria-

(i) Verius id iudico, quam quod *Plinius* affirmat Lib. vi c. 3, a Cappadoce amne fuisse cognominatos Cappadoces, vel etiam a conditore gentis Cappadoco, ut legitur apud *Stephanum Byz.* v. Καππαδοκία, qui provocat ad *Herodotum*, sed apud quem id frustra quaeritur. Aut lectio corrupta est substituendumque nomen *Herodiani* vel simile, aut ipsa *Herodoti* verba, ex gr. Lib. i c. 72, v. 49, vii. 72, exciderunt culpa librariorum.

(k) In *Brenneri* Excerptis ex *Mose Chorenensi Armeno* p. 7 haec leguntur: *Ipsē, Aram rex Armeniae, Nino antiquior, in Cappadociam progrediens pugnaturus obviam habuit Paiapen Kakam, virum de stirpe Chami, qui tyrannidem suam exercebat à Mari Pontico usque ad Oceanum, quem profugatum coëgit Aram fugere in insulam quandam maris Asiatici. Reliquit deinde ad custodiam regionis quemdam Armenum Ducem nomine Misak, cum pluribus hominum millibus, ipse vero rediit in Armeniam, mandans prius subiectae regionis incolis, ut Armenice discerent. Dux ergo, cum illic civitatem aedificasset, eam a suo nomine vocavit, quam tamen imperfecta pronuntiatione dicebant Masak, quae multa post tempora a Caesare dicta est Caesarea. Cum hac narratione conferri possent verba *Strabonis* Lib. i p. 28 et 29 [70, 71] de cognatione Armeniorum, Syrorum et Arabum κατὰ τὴν διάλεκτον, etiam Assyriorum, Arianorum et Armeniorum, et Lib. ii p. 58 [138, 139], ubi de Semiramide et Nino, Syris dictis, ὡς τῆς μὲν ἡ Βαβυλῶν κτίσμις καὶ βασιλείον, τοῦ δὲ, Νίνος, ὡς ἂν μητρόπολις τῆς Συρίας· καὶ τῆς διαλέκτου δὲ μέχρι νῦν διαμενούσης τῆς αὐτῆς, τοῖς τε ἐκτὸς τοῦ Ἐυφράτου καὶ τοῖς ἐντὸς.*

riaca sunt, qui dicant, eam fuisse Chaldaicam ipsam, alii argumentis non contemnendis commoti aliter statuunt. Conferatur imprimis *Seldenus* de Diis Syris in *Prolegom.* cap. 2. Non nostrum nunc erit, inter summos viros tantam litem componere, quae etiam ad rem, de qua agitur, minus pertinet (1). Illud

ta-

(1) Chaldaeorum et Babyloniorum nomen promiscue usurpatur in Sacris Literis, *Ierem.* xxxvii et xxxviii, *Ezech.* xxxii, 15, 16, 17, Assyrii vero a Chaldaeis et Babyloniis distinguuntur, *Ierem.* l. 17, 18, *Ezech.* xxxiii. 23. Recte igitur Babylonii dicuntur ab *Horatio* aliisque, ut in contextu monebo, quamvis *Aelianus* Lib. iv Var. Hist. cap. 20 videatur Chaldaeos habuisse diversos a Babyloniis, scribens, πρὸς τοὺς Χαλδαίους, καὶ εἰς Βαβυλῶνα, καὶ πρὸς τοὺς Μάγους [ad q. l. omnino legendus *Perizonius*]. Male autem alii Assyrios, proprie sic dictos, cum Babyloniis et Chaldaeis confundunt, *Suidas* v. Ἀσσυριοί, Auctor Etymologici M., *Hesychius*, apud quem Ἀσσυρία ἢ Χαλδαϊκή Ἀσσυρία τῇ Χαλδαϊκῇ, [et loco alieno post vocem Ἀσσυρία, Ἀσσυρίων Χαλδαίων]. Iungatur *Origenes* contra *Celsum* Lib. vi p. 285 [693], coll. *Daniele* i. 4. Lubens fateor, nomine Assyriae antiquissimis temporibus non solum Assyriam fuisse significatam, verum et complura alia regna, quorum potiti erant Assyrii, non raro comprehensa fuisse. Hinc fit, ut omnis illa Asiae ora veteribus cognita a Iudaea et Syria ad Indiam usque fere a quibusdam communi Assyriae nomine indicetur. Sic *Diodorus* pater, qui fuit rex Tyrius, dicitur rex Assyriorum a *Servio* ad Lib. i *Aeneid.* v. 646, quem etiam vide ad v. 733. Carrae vocantur Assyriae a *Lucano* Lib. i v. 105. Considerandus etiam locus *Xenophontis* Lib. viii *Cyrop.* p. 128 ed. Steph. Gr. Neque hoc nego, Babylonios sive Chaldaeos, debellatos ab Assyriis, horum nomine aliquando appellatos esse. Inde lux affulget verbis *Michae* v. 5. Pariter largior, sub lingua Assyria nonnumquam intelligi linguam Chaldaeam et Hebraeam, unde *Themistius* Orat. vii p. 89 et xi p. 147. Proverbia Salomo-

Tom. III.

I

nis

tamen certum esse existimo, Assyrios literis Chaldaicis usos fuisse. Refert *Athenaeus* Lib. xii p. 529, prope Sardanapali tumulum duas columnas lapideas fuisse, in quibus Χαλδαϊκοῖς γράμμασιν, Chaldaicis (m) literis, eloquium exaratum fuerit, a Choerilo postmodum metrorum lege ac numeris versum [*]. *Arrianus* de Expedit. Alex. Lib. ii p. 91 [66, 67] eiusdem Sardanapali monumentum commemorat, τὸ αὐτὸ, ἐπίγραμμα ἐπιγέγραπτο αὐτῷ, Ἀσσύρια γράμματα· οἱ μὲν Ἀσσύριοι καὶ μέτρον ἔφασκον ἐπεῖναι τῷ ἐπιγράμματι, inscriptio addita erat Assyrii literis, cui metrum subesse Assyrii dicebant. Conf. de ea in-

nis vocat Ἀσσύρια γράμματα [comparentur *Gale* ad *Iamblichum* de Myst. p. 291, et *Perizonius* in Orig. Babyl. p. 10, 60 sqq.]. Ut autem in Sacro Codice, quemadmodum vidimus, Assyrii distinguuntur a Babyloniiis sive Chaldaeis, ita etiam a *Xenophonte* Lib. ii Cyrop. [c. 2 § 1] p. 23, ὁ δὲ Ἀσσύριος, inquit, ὁ βαβυλωνῶν τε ἔχων καὶ τὴν ἑλλην Ἀσσυρίαν. *Eusebius* in Chronico p. 11 diversam Assyriorum et Chaldaeorum originem refert; Arphaxadum enim Chaldaeos, Assurem Assyrios condidisse, auctor est; et hinc Babyloniam ab Assyria discernit, uti quoque fecit *Origenes* c. Celsum p. 252 [332]. Existimo igitur, veterem Assyriorum linguam fuisse diversam a sermone Babylico sive Chaldaico.

(m) Persae etiam Chaldaicis literis usi videntur, ut colligi potest ex *Herodoto* Lib. iv c. 87, quem locum non neglexit Vir doctissimus *La Croze* in dissertatione, inserta Collectioni Precum Dominicarum Chamberleynianae p. 127, 130. Persicae tamen literae vocantur a *Strabone* Lib. xv p. 502, ἐπίγραμμα δ' εἶναι Ἑλληνικὸν Περσικοῖς κεχαραγμένον γράμμασιν.

[*] Eadem literae Chaldaicae appellantur ab *Aristobulo* Ἀσσύριος γράμματα. Vid. *Athenaeus* lib. xi i p. 468, 469. ed. novae.

inscriptione *Strabonem* Lib. xiv p. 464 [672], *Athenaeum* p. 529 et 530, *Hesychium* in v. Σαρδανά-
παλος [ibi *Alberti*], et alios. Literae Assyriacae ab aliis
dicuntur Syriae. *Xenophon* Lib. vii Cyrop. [c. 3]
p. 127, vel p. 110 ed. Gr. Steph., super tumulum
Abradatae Sufiorum Principis atque uxoris eius Pan-
theae excitatam fuisse columnam refert, καὶ ἐπιγεγρά-
φθαι φασὶ τὰ ὀνόματα, Σύρια γράμματα, atque eo-
rum nomina inscripta esse dicunt Syriis literis. A
Iudaeis vero illa scriptura etiam hodie appellatur
כְּתוּבֵי אַשּׁוּר Assyriaca (n). Et quid mirum est, Chal-
daicas literas Assyriis usitatas fuisse, cum Chaldaei
fuerint ipsorum sapientes, non aliter ac Persarum
Magi, et Aegyptiorum Προφῆται, ita enim *Heliodo-
rus* et alii appellant, quos *Herodotus* Ιερείας. Chal-
daeī saepenumero propterea Babylonii nominantur.
Vid. *Diodorus Sic.* Lib. ii [c. 29] p. 115. *Hora-
tius* Lib. i Carm. Od. viii,

*Nec Babylonios
Tentaris numeros.*

Ita quoque *Macrobius* Lib. i Saturnal. c. 3 Chal-
daeos appellat Babylonios. Hinc Magi Babylonii
memorantur a *Luciano* in *Necyom.* [t. i p. 463].
Dicit

(n) Vid. *Is. Vossius* de Lxx interpretibus p. 13, 14,
Lightfootus in Matth. v. 18, *Kircherus* in *Oedipo* Tom.
ii Parte i p. 81 sqq., *Rhenferdus* in *Operibus Philolog.*
p. 243. Adderem verba *Plinii* Lib. vii c. 56, *Literas
semper arbitror Assyrias fuisse*, nisi forte cum *Perizonii*
in *Originibus* *Babylonicis* [p. 10, cui assentitur *Alb.
Schultens* *Instit. Ling. Hebraeae* p. 14] legendum esset
Assyriis.

Dicit eos *Aelianus* Lib. I Hist. Anim. c. 32 Βαβυλωνίους τε καὶ Χαλδαίους σοφούς. Iunguntur Chaldaei et Babyloniorum vates a *Curtio* Lib. V c. I § 22. Atque verisimile est, illam linguam Chaldaicam fuisse eruditorum in Assyria et aulicorum. De communi vero Assyria dialecto res dubia manet.

Aut forte lingua Cappadocum antiqua fuit lingua vetusta Medica. Ita certe suspicabatur Vir eruditissimus *La Croze*, ex ipso Cappadocum nomine, et quibusdam nominibus propriis aliis. Inter populos a Iapheto oriundos non intelligere literas Cappadoces, sed Medos, scribit *Eusebius* in Chronico p. 12. Videntur igitur Medi suam linguam in Cappadocia propagasse. Diversitas autem linguae Medorum ab aliis, aut earundem similitudo aperte docetur a *Strabone* Lib. XV p. 498 et 500 [1054 et 1057]. De Arianis, Persis, Medis, Bactrianis septemtrionalibus et Sogdianis ait, εἰς δὲ γὰρ πως καὶ ὁμόγλωττοι παρὰ μικρόν, esse eos quasi eiusdem linguae. Carmanitarum mores et sermonem, τὴν διάλεκτον, maxima ex parte cum Persarum ac Medorum moribus et sermone convenire, auctore *Nearcho* Geographus affirmat [*].

Sed tempus est, ut ad linguam Cappadocicam redeam. Pauca nobis ex illa sunt reliqua, plura tamen procul dubio, quam a me afferri possunt, qui olim ob aetatis imbecillitatem, postea propter temporis angustiam et negotia alia, rem hanc ea industria et solertia, qua oportebat, idoneus non sum accurate prosequi.

De

[*] Damis Ninios apud *Philostratum* de Vita Apoll. lib. I c. 19, τὰς φωνὰς τῶν βαρβάρων, ὁπόσω εἰσιν, εἰς δὲ, ἄλλη μὲν Ἀρμένιον, ἄλλη δὲ Μήδων τε καὶ Περσῶν, ἄλλη δὲ Καδουσίων, μεταλαμβάσκει δὲ πάσας.

De origine linguae Cappadocicae haecenus diximus. Mutationem posthac variam perpessam esse, quis negaverit? Nam, ut Aegyptiorum, Scytharum Persarumque imperium taceam, ex sola Paphlagonum lingua in Cappadocicam linguam multa defluxisse, *Strabo* docet Lib. xii p. 380, 381 [830].

AMBROSIA, quatenus est nomen alicuius *herbae*, de qua *Plinius* Libr. xxvii c. 4 et 8, videtur vocabulum Cappadocum.

ARGAEVS mons est Cappadociae, quem pro Deo coluerunt Cappadoces, de quo multa viri eruditi iam annotarunt.

ARMALA. Hoc nomine Cappadoces *ratam hortensem* appellarunt. Vid. *Apuleius* de Herbis cap. 89. Confer *Bochartum* in Geographia S. p. 754. Syris *Harmala* tribuit Auctor Appendicis *Dioscoridis* Lib. iii cap. 53.

ΑΠΟΜΕΝΑΜΑ nomen *mensis* Cappadocicum. Nomina mensium omnium Cappadocibus [*] usitata ex antiquo scriptore *H. Stephanus* in Thesaurum Graecum retulit. Ea vero esse plane Persica existimat *Reilandus* Part. ii Diff. Miscell. p. 129.

ΑΡΑΙΟΤΑΤΑ est nomen *mensis* apud Cappadoces. Non audeo affirmare, eundem mensem dictam fuisse aut Αραρτά, aut Αραταρτά. Sextum Ianuarii Romanorum dierum respondere decimo tertio Αραρτά Cappadocum, observat *Epiphanius* Haeresi lxi § 24, ibidem.

[*] Conferatur *Fabricii* Menologium p. 71, 72. Si omnia mensium nomina Cappadocica, quorum facta mentio est, sedulo animadvertimus, necesse est, existimemus, aut plures menses, quam vulgo, numerasse Cappadoces, aut potius unum eundemque mensem pluribus nominibus appellatum esse. Cuiusmodi exempla apud plerasque gentes in Oriente et Occidente existant complura.

demque notat, vi Id. Novemb. Romanorum respondere decimo quinto 'Απαταρά Cappadocum.

'ΑΡΘΡΑ
'ΑΡΤΑΕΣΙΝ
'ΑΡΤΑΝΙΑ

} nomina mensium in Cappadocia erant.

ASBAMAEVS *Iupiter* apud eos appellatus fuit, quod nomen ex Syrorum lingua explicare aggreditur magnus *Bochartus* l. c. p. 535. Rem commemorat *Ammianus Marcellinus* Lib. xxiii [cap. 6 vel 19] p. 269: *Apud Asbamaei quoque Iovis templum in Cappadocia, ubi amplissimus ille Philosophus Apollonius traditur natus prope oppidum Tyana, stagno effluens fons cernitur &c* [*].

DATHVSA nomen mensis lingua Cappadocum. In excerptis e *Cyrilli* libris contra *Theodorum Mopsuestenum*, in Actis Concilii Quinti, apud *Labbeum* Tom. v p. 476 haec prostant: *Adhortatur enim magis Tyannensem Episcopum ad Martyrum festivitatem pervenire, quae in Arianzis, praedio eiusdem Sancti Gregorii celebratur in mense, quem ipse Cappadocum lingua Dathusa vocat; item pag. 478: mensis autem apud Cappadocas provinciali vocabulo Dathusa adiicitur. Forte idem mensis indicatur, quem appellari Τετουσίαυ infra videbimus.*

ΔΑΚΙ'Η apud Cappadoces Pontificatus Iovis dicebatur, teste *Strabone* Lib. xii p. 569 fin. [810]. Posset

[*] Ipse ille fons, Iovi sacer, vocatur 'Ασβαμαίος a *Philostrato* de V. Apoll. lib. i c. 6. Neque in *Ammiano*, neque in *Philostrato* nomen barbarum mutandum. Comparentur notae *Valesii* et *Olearii*, item *Kusteri* ad haec *Suidae* verba, 'Ασβαμαίος ὁ ποταμὸς καλούμενος.

fer quis suspicari, legendum *Διαργίη*. Pergaei enim *ἄργον* sive *ἄργόν* vocabant foeminam Sacerdotem Dianae, ut duobus locis *Hesychius* annotavit. Sed tum haec vox esset Graeca. Manum itaque melius ab istis abstinemus, quae propter obscuritatem non capimus [*].

DESANAUS, *Hercules*. Scribit *Freculphus* in Chronico Tom. 1 Lib. 11 c. 11: *Hercules autem Desanaus cognomine in Phoenice clarus habetur, inde ad nostram usque memoriam a Cappadocibus et Eliensibus, lege Iliensibus, adhuc dicitur*. Et sic prorsus eodem modo *Eusebius* in Latino Chronico p. 14: *Hercules cognomento Desanaus in Phoenice clarus habetur. Vnde et ad nostram memoriam a Cappadocibus et Eliensibus Desanaus adhuc dicitur*. Vide notas *Schurtzfleischii* in Notitia Bibliothecae Vinarientis p. 102. In Graecis vero *Eusebii* p. 29 locus ita concipitur, Ἡρακλέα τινὲς Φασιν ἐν Φοινίκη γνωρίζεσθαι Διῶδαν ἐπιλεγόμενον, ὡς καὶ μέχρι νῦν ὑπὸ Καππαδόκων καὶ Ἰλίων, lego Ἰλιέων, κεκλήσθαι, forte κέκληται. De hoc Desanao etiam quaedam notant *Vossius* de idololatria Lib. 1 c. 22, et *Seldenus* de Diis Syris p. 187, 188. Videndum, an *Hercules Thasius*, cuius *Herodotus* meminit Lib. 11 c. 44, huc facere possit. Sed locum bene perpende [**]. Quid si Desana-

[*] Ex ipso *Strabone* satis apparet, *Δακίη* esse nomen cuiusdam regionis in Cappadocia. In Codice autem Mediceo legi *Διὸς Δακίου*, exemplo meo *Gronovius* adscripsit.

[**] De cultu *Herculis* apud *Thasios* testantur numi antiqui. Vid. *Holsenii* notae in *Stephanum* p. 133. Sed qui verba *Herodoti* bene perpendat, protinus videbit, *Herculem Thasium*, de *Thaso* insula dictum, huc non pertinere. Originatio autem *Aegyptiaca* magis ingeniosa mihi videtur, quam probabilis.

sanaus sit † ἔχει, *Tiasan*, vel *Deasan*, sic saltem pronunciant hodie Aegyptii, id est ὑπερασπίσης?

ΚΑΡΔΑ, *virile, bellicosum*. *Strabo* loquens de Cardacibus, hominibus ad rapinam affuetis, qui Cappadociam inhabitant, ait, κάρδα τὸ ἀνδρώδες καὶ πολέμικόν λέγεται, p. 504 [1067, sed illic de Persis.] Mihi tamen vox haec videtur originis Scythicae. Vide Scythica mea MSS. [mihi non visa. Conf. vero notae ad *Hesychium* v *Κάρδακες*].

KOMANA, nomen *Deae* alicuius. Praeter Iovem Cappadoces coluerunt Deam, quam plurimi Bellonam fuisse volunt. *Strabo* a loco *Comanam* appellat, Lib. xii p. 369, 385 et 395 [809, 835]. *Plutarchus* in Sylla p. 457 dubitat, tirne Bellona, an Luna, an vero Minerva nuncupanda [*].

KONAT poculum Cappadocicum memoratur a *Menandro* apud *Athenaenm* Lib. x p. 434 et xi p. 477. Hic Κόνδύ vocat ποτήριον Ἀσιατικόν. Ab *Hipparcho* ibidem attribui videtur Persis, et a *Nicomacho* p. 478 aperte dicitur Κόνδου Περσικόν. *Hesychius* ait, Κόνδου esse ποτήριον Βαρβαρικόν, poculum Barbaricum [**], quod

[*] Dea *Comana* fuit numen Topicum in Cappadocia, sive Diana, sive alia quaecumque. Pertinent huc verba *Pausaniae* in Laconicis p. 249, ἀμφισβητοῦσι μὲν Καππάδοκες τὸ ἄγαλμα (τῆς Ταυρικῆς θεοῦ, Tauricae Dianae) εἶναι παρὰ σφίσιν, et *Dionis Cassii* lib. xxxv § 11, τὰ δὲ δὴ Κόμανα τῆς τε τοῦ Καππαδοκίας ἐστὶ, καὶ ἰδοὺ καὶ τὸ τε τῆς Ἀρτέμιδος τὸ Ταυρικὸν βρέτας διῆρο αἰεὶ ἔχει, ad q. l. *Reimarus* notavit. *Origenes* lib. vi c. Cellsum c. 22 p. 647 memorat mysteria Καππαδοκῶν περὶ τῆς ἐν Κομάνοις Ἀρτέμιδος.

[**] *Pollux* lib. vi segm. 96 scribit, Κόνδου esse poculum Καππαδοκικόν. Vox videtur origine Persica. Conf. *Casaubonus* et *Schweig-haeuserus* t. vi Animadv. in *Athenaenm* p. 146, 147, atque viri eruditi ad *Hesychium*. v. Κόνδου. Est animaverfione dignum, nec ab aliis praetermissum, peregrinam hanc vocem usurpasse Interpretes Alexandrinos V. T. Gen. xlii. a sqq. et Ies. li. 17.

quod de Cappadocibus aequè, atque de Persis capi potest.

ΛΥΤΑΝΟΝ. In fragmento *Savilii* apud *Vsserium* de Anno Macedonum p. 40 et 41 annotatur, hoc nomine *Ianuarium* dici Cappadocibus. Quod an factis certum sit, dubito, cum ille Romanorum mensis nomine Cappadocico alio appelletur in catalogo mensium, de quo supra dictum. Sed illic

ΜΑΤΑ ut nomen *mensis* occurrit.

ΜΑΖΑΧΑ sive ΜΑΖΑΚΑ, nomen urbis proprium, sub Argaeo sitae, quam *Solinus* cap. 45 ait ab incolis *matrem urbium* appellari. An hinc nomen factum sit urbi, an vero Metropolim esse indicare voluerit *Solinus*, dicere non sustineo [*]. *Bochartus* ab equis dictam vult, quibus Cappadoces celebrantur. *Constantinus* de Them. Lib. 1 n. 2, ut observant *Holstenius* p. 154 et *Pinedo* in *Stephanum Byz.*, memoriae prodidit, appellatam fuisse ἀπο Μουσῶχ τοῦ τῶν Καππαδοκῶν ἀρχηγόνου, a *Mosoch Cappadocum primo auctore*. Mosoch ille (ο) est filius Iapheti,
ab

(ο) Similiter quidem מֹשֶׁךְ Genes. x. 23 vocatur Μουσῶχ, non vero ille, ut in prima huius libelli editione scripsi, sed hic intelligendus est. Conf. *Hieronymus* in Quaest. Hebr. ad Genes. x. 2.

[*] Posterius unice verum est. *Strabo* lib. xii p. 811, *Εν δὲ τῇ Κιλικίᾳ καλουμένη Μάζακα (in Cod. Med. Μάζακα) ἡ μητρόπολις τοῦ ἴθους, et lib. xiv p. 979, Εἰς Μάζακα (iterum in eodem Codice Μάζακα) τὴν μητρόπολιν τῶν Καππαδοκῶν. *Procopius* lib. v de Aedific. c. 4, Εἰς μητροπόλιν ἀξίωμα ἦλθεν, οὕτω γὰρ πόλιν τὴν πρώτην τοῦ ἴθους καλεῖσι Ρωμαῖοι. Loquitur autem de Mazaca, deinceps dicta Caesarea. In Numis quoque dicitur Μητρόπολις. Vid. *Holstenius* ad *Steph. Byz.* p. 154. Non tantum erat civitas Cappadociae maxima, ut appellatur a *Sexto Ruffo* c. 11, aliisque, sed et sedes Regum, momente *Strabone* Lib. xii p. 813. Quemadmodum vero Mazaca, ita Nicaea dicitur μητρόπολις a *Strabone* lib. xii p. 848, *mater urbium* ab *Amimiano Marc.* lib. xxvi c. 1.

ab Hebraeis מלכא Genes. x. 2 dictus, ubi Septuaginta interpretes habent Μολόχ, qua ratione forsitan et apud *Constantinum Porphyrogennetam* legendum est. Longe foedius mendum intedit *Isidorus*, apud quem Lib. ix Etymol. cap. 2 p. 1037 haec nullo sensu leguntur: *Moloch, ex quo Cappadoces sunt, unde et urbs apud eos usque hodie Maleca dicitur*. Corrigenda haec ita sunt: *Mosoch, ex quo Cappadoces sunt, unde et urbs apud eos usque hodie Mazeca (p) dicitur*. Nisi forte origo ex Parthorum lingua sit repetenda, qui Μαζάκιν hastam dicebant, auctore *He-sychio*. Sic etiam Romani Quirites dicti sunt a Curi, quod Sabinorum lingua hasta erat. Postea haec urbs *Eusebia* et *Caesarea* nuncupata est (q).

MELITA est alia Cappadociae urbs, quam *Semiramis* condidisse a *Plinio* perhibetur Lib. vi cap. 3. Origo vocis videtur esse Assyriaca. Assyrii enim *Venerem Mylistam* appellabant, ut ex *Herodoto* Lib. i c. 131 et 199 constat. De ea *Scaliger* et *Seldenus*

(p) Olim coniciebam *Mazaca*, sed *Mazeca* propius accedit ad vitiosum *Maleca*. Sic etiam apud *Hieronymum* in Quaest. Hebr. ad Genes. x, 2: *Mosoch Cappadoces, unde et urbs usque hodie Mazeca dicitur*. *Hieronymum* autem inprimis compilavit *Isidorus*. Mazaceni Cappadoces dicuntur Μοσοχνοὶ ὑπὸ Μοσόχου πισθέντες, apud *Fl. Iosephum* Lib. i Antiq. c. 6. Conf. *Hieronymus* Lib. xviii in *Esaïam* col. 507, Lib. viii in *Ezech.* col. 884. Adeundus quoque *Schroederus* Dissert. Praelim. in Grammaticam Armenicam p. 64, et huc referendus locus e *Mose Chorenensi* supra [p. 128] iam citatus. Pro Μολόχ apud *Euslathium* in *Hexaëmeron* p. 51 vitiose legitur Ὀσόχ.

(q) *Stephanus Byzantius*, Καισάρεια, μητρόπολις τῆς Καππαδοκίας, ἣ πρὶν Εὐσέβεια, καὶ Μάζακα, ὡς Στράβων [ibi *Berkelius*]. Conf. *Salmasius* Exercit. Plinian. T. ii p. 626, et *Celiarius* Lib. iii Geogr. Antiq. c. 8 p. 210.

mus [*] quaedam notarunt. Forſitan ipſa *Semiramis Myliſta* dicta eſt, nam divinis honoribus poſt mortem eam ab Aſſyriis cultam eſſe, *Diodorus Sic.* ſcriptum reliquit Lib. 11 [c. 20] p. 107. Aut vero in honorem Veneris et in memoriam ſuae originis hanc urbem a ſe conditam Melitam nuncupavit.

MOLY appellantur Cappadoces *rutam hortenſem*, teſte *Apuleio* de Herbis c. 89.

ΝΑΒΑΑ dicitur *inſtrumentum Muſicum* Cappadocum, a *Clemente Alex.* Lib. 1 Strom. p. 307 [363]. Alii tamen aliis gentibus, ex. gr. Phoenicibus ſive Hebraeis, Syris, Aſſyriis, tam inſtrumenti inventionem, quam nomen adſcribunt. Vide *Strabonem* Lib. x p. 387 [722], *Athenaeum* Lib. 1v cap. 23 [p. 179, 180 ed. nov.], *Bochartum* in Geogr. S. p. 807, 808 [**].

ΝΗΞΙΣ *animal* eſt Cappadocicum. *Hefſychius*, Νηξίς ἐν Καππαδοκίᾳ γενόμενος μῦς, ὃν σκίουρον τινὲς λέγουσιν, *Neëxis mus eſt, qui in Cappadocia reperitur, quem ſciurum, ſeu nitelam, quidam dicunt.* Videtur eſſe animal illud, quod hodie in regionibus illis vocatur *Zits-jan*. Effigiem illius et deſcriptionem vide apud *Corn. de Bruyn* Tom. v Itinerarii p. 203 editionis Gallicae. Confer etiam, quae de nitelis volantibus referuntur in Transactionibus Societatis Anglicae atque ex illis in Diario eruditorum Gallico, Jour-

[*] Multi alii, laudati a Cl. *Weſſelingio* ad *Herodot.* 1. 131. Quae autem dicuntur de origine nominis *Melita*, valde dubia ſunt. Si Veneris habenda ratio eſſet, haud negligendum foret, apud *Hefſychium* inveniri Μελίτης Ἀφροδίτης, ſi ſana ea lectio eſt, et hoc nomen *Theophr.* Id. xv. 94 recte a *Salmaſſo* redditum.

[**] Comparantur docti homines ad *Hefſychium* v. Νάβλα et Νάβλας, *Valckenarius* in *Callimachi* Elcgiar. Fragmenta p. 16, 17.

Journal des Sçavans, Avril 1740 Art. III p. 511, 512. Legantur item *Gmelini Itinerarium Sibericum* Tom. II p. 233, 234, *Stalenbergius* in Asia et Europa Septemtrionali et Orientali p. 350, 395, de muribus vel nitelis in regionibus circa Caucasum *Olearius* in Itinerario p. 740 edit. Germanicae, et de iisdem circa Pontum Euxinum *Chardin Voyages* Tom. I p. 119. Eiusmodi sunt mures, de quibus *Aelianus* de Animal. Lib. XVII c. 17, ex quibus vestes confectae dicebantur καύνακες sive καυνάκαι. Vide *Pollucem* p. 339 [lib. X segm. 123, ibi pereximiam *Hemsterhusii* annotationem], *Hesychium* v. Καυνάκαι [c. n. *Alberti* et aliorum], *Scaligeri* Coniectanea in *Varronem* de L. L. p. 67. Hinc forte vestes Armeniorum appellantur μυωτοί, ex murium nempe pellibus confectae, apud *Pollucem* Lib. VII c. 13 [segm. 60, et *Hesychium* v. Μυωτός]. Vide omnino les *Voyages de Tournefort* Tom. II p. 113, 197. *Plinius* Lib. VIII cap. 37 mentionem facit murium Ponticorum, qui forte iidem sunt, et de quibus eorumque similibus, ex quorum pellibus vestimenta contextuntur, quaedam habet *Eustathius* in Hexaëm. p. 96, 97, et *Jf. Vossius* Comment. in Catullum p. 190. Iungantur Anonymus in Expositione totius mundi, in *Hudsoni* Geographis Minor. Tom. II p. 10, et Relation de la Tartarie par *Martini* p. 147, ubi haec verba: des souris de Moscovie, que nous appellons communement martes Zibellines.

ΞΑΝΑΝΘΗΡΑ nomen mensis Cappadocici.

ΠΕΡΑΣΙΑ cognomen *Dianae* Cappadocicum. Vid. *Strabo* Lib. XII p. 370 [811].

PHENGITES lapis in Cappadocia. *Isidorus* Lib. XVI c. 4. Sed rectius forsitan nomen Graecum videbitur, conveniens proprietati lapidis, qui illic describitur.

ΣΟ'Ν-

ΣΟ'ΝΔΑΡΑ *mensis* Cappadocicus.

ΤΕΤΟΥΣΙΑ itidem nomen *mensis*, forte non diversus a *Dathusa*, de quo brevi ante diximus.

ΤΙΠΙΕ
ΩΣΜΟΝΙΑ } sunt quoque nomina duorum *mon-*
sium in Cappadocia.

§ 19 *Conclusio huius Disquisitionis.*

Cum iam prima huius Dissertatiunculae folia Typographo commissem, amicus quidam meus, Lipsia rediens, mecum communicavit Viri Rever. et Magnifici C. F. Boernerii eruditam Diatriben, qua Acta Lycaonica insigniter illustravit [*]. Summopere vero mihi gra-

[*] Boernerii Disputatio recusa est in Thesauro Novo Dissertationum ex Museo Hafaei et Ikenii, tom. II p. 615—637. Paucis tantum verbis p. 633 significat, displicere sibi sententiam eorum, qui linguam Lycaonicam putant fuisse linguae Graecae dialectum, sed contra probare se Bentleii aliorumque opinione, Lycaonas peculiarem et a Graeca distinctam linguam habuisse existimantium. Boernerianam excipit illic p. 638—648 Disquisitio Iablonskiana. Huic subnectitur p. 648—657 Dissertatio Pfizeri de Apotheosi Pauli et Barnabae a Lytrensibus frustra tentata. Non negat is, quod Grotius affirmarat, linguam Lycaonicam fuisse Cappadocicam, sed adiungit: *Cumque in minori Asia Graecae Linguae usus obtineret, sine dubio peculiaris eius dialectus fuit, ut in aliis regionibus Dorica, Ionica etc.* Nihil illic amplius de lingua Lycaonum. Maius habet momentum maiorique eruditionis copia est scripta Diatriba Guhlingii, in eodem Thesauro Haefaeo-Ikeniano repetita, p. 657—661, de lingua Lycaonica a Pelasgis Graecia orta. Negat, sermonem Lycaonicum eundem fuisse, qui Cappadocum, aut vulgarem quamdam linguam Graecae dialectum. Dissentit a Iablonskio, cuius tamen Dissertationem, quamquam multa quaesitam cura, et e Wolfii tantum Curis Philologicis notam, non viderat, ut scribit § v. Quod profecto mirum videatur, cum Guhlingius biennio post Iablonskium scripserit, fuerique isto tempore Theologus et Philologus Chemnicensis, iam antea disputati-

oni.

gratulator, Virum doctissimum et ita mecum sentire, linguam Lycaonicam non esse Graecam, et *Richardi* quoque *Bentleii* argumentis tantum auctoritatis tribuere. Quantum enim abhinc ponderis meae sententiae accedat, facile intelliget, quisquis *Boernerii* summam eruditionem, cum incredibile quadam animi vi et perspicacia coniunctam, perpenderit [*].

Aque haec sunt, quae de lingua Lycaonica, pariterque de finitimis, haecenus comperta habeo. Nihil festat, quam ut rogitem aequos benignosque lectores, aequi bonique haec qualiacumque consulant, et tenues meos conatus favore suo promoveant.

onibus non vulgaris argumenti nominis famam consecutus, monente Cl. Saxio P. VI Onom. p. 366. Quidquid id est, ipse existimat § V I, *Lycaonicam linguam ab origine omnino Graeca dimanasse, migratione tamen, coalitione cum aliis gentibus communitateque, imo ipsa longinquitate temporis, natura regionis, arte vel negligentia incolarum, varia mutasse ratione, atque ab prima stirpe, more linguarum communi, defecisse*. Quam ille suam sententiam docte illustrare et confirmare conatus est. Rectene, an secus, poterunt iudicare, qui libellos *Iablonskii* et *Guhlingii* diligenter comparent.

[*] Honorificum hoc de *Boenero* testimonium confirmant, cum multi alii, tum praeclari illi verae eruditionis existimatores, *Ernestius* in Opusc. Theolog p 7, et *Saxius*, qui sibi etiam, Lipsiae olim in literas incumbenti, satis constituisse scribit, P. VII Onom. Lit. p. 63, 64, *Boernerum* formularium duntaxat Theologum handquaquam fuisse.



THESES THEOLOGICAE CIRCULARES [*],
 QVIBVS GENVINVS SENSVS CAPITIS
 IX EPISTOLAE PAULI AD ROMA-
 NOS MODESTE EXPENDITVR.

Thesis 1.

Inter omnes Epistolas *Pauli* Apostoli Canonicas non est, quae legentibus maiores difficultates obiciat, illa, quae ad Romanos scripta extat; et in Epistola hacce, capita reliquis difficiliora intellectu sunt cap. ix, x et xi.

2.

Hoc veteres et recentiores aut observant, aut observatum largiuntur, idque ipse iam *Petrus* innuere etiam videtur, 2 Pet. 111. 16.

3.

[*] In Academia Francofurtana ad Viadrum *Circulares* sive *Periodicae* dictae sunt Theses ac Dissertationes, quas, e mandato Regis, suo quisque ordine Professores conscribere debuerunt et publice defendere. Sunt ex isto genere hae Theses, item nonnullae aliae Dissertationes, quae in Opusculis *Iablonskianis* recudentur. — De consilio autem Pauli atque vera mente totius capituli ix Epistolae ad Romanos, quantum sit sententiarum divortium, et quam diversum contrariumque interpretum veterum et recentiorum iudicium, nemo Theologorum ignorat. Viam mediam ingredi voluisse videtur *Iablonskius*, ut apparet e collatione thesium 9, 12, 34, et ceterarum omnium.

3.

Difficultates illae oriuntur cum ex stylo, quem hic deprehendimus concisum valde et vehementem, testem uberrimi, qui tum mentem eius agitabat, affectus, tum ex re ipsa, quam proponit Apostolus.

4.

Illae difficultates tamen tantae non sunt, ut pium et diligentem Scripturae lectorem abstertere debeant. Adhibito namque studio debito, et argumentum, quod Apostolus hic illustrandum suscepit, et vera eius ubique mens et sententia, perspicui omnino potest.

5.

Argumentum generale omnium horum capitum est *reprobatio Iudaeorum*, qui quondam soli fuerant populus Dei, et *electio Gentilium*, qui huc usque a privilegiis populi Dei exclusi fuerant, quod admirandum Dei consilium, olim a Prophetis saepe et luculenter praedictum, tempore vero Apostolorum ipso eventu comprobatum erat.

6.

Itaque I. Apostolus ad dubia, quibus consilium hocce Dei impugnabant Iudaei, respondet, eaque solvit cap. ix. II. veram consilii hujus Divini, magnique illius eventus rationem Iudaeis aperit cap. x. Et denique III. Doctrinam propositam observationibus nonnullis illustrat cap. xi.

7.

Quae si recte et meditare expendantur, facile apparebit, Apostolum proprie et directe de illa *Praedestinatione* hic non disserere, quae in scholis nostris speciatim ita vocari solet, quae nempe versatur cir-

circa salutem et condemnationem omnium et singulorum hominum.

8.

Nihil sane in omnibus hisce capitibus, post attentam lectionem et meditationem reperire possum, quod de electione singularium hominum ad salutem et aliorum reprobatione ad aeternum exitium, necessario intelligendum et explicandum veniat.

9.

Si quis tamen omni contentione asserere velit, Apostolum nostrum c. ix. v. 23. 24. et c. xi. v. 5. de *electione speciali* ad aeternam gloriam omnino loqui, illi regeram, *Paulum* in istis locis a primario suo argumento digredi ad aliud, sed cognatum, de Praedestinatione, et ex posteriori prius illustrare.

10.

Singuli fere capitum horum versus clare testantur, differere Apostolum de *electione integrorum populorum*, ex quibus tamen, durante illo electionis statu, non omnes salutem aeternam consecuti sunt, et de *reprobatione* pariter *integrorum populorum*, ex quibus tamen etiam, durante illo reprobationis statu, non omnes periire.

11.

Est itaque Praedestinatio illa, de qua Paulus in capitibus illis proprie et directe loquitur, non *Praedestinatio specialis* ad ipsam salutem, sed *Praedestinatio generalior*, et antecedens, ad salutis media, quae Deus in vera Ecclesia hominibus offert, quae ad salutem ducunt, sed quorum tamen usus non semper cum salute certo cohaeret. Vno verbo, loquitur Apo-

stolus de electione ad externam verae Ecclesiae, communionem, et de exclusionem ab eadem.

12.

Quae etsi omnino ita se habeant, negari tamen nequit, argumenta, quibus Paulus hic utitur, praesertim cap. ix. ad doctrinam quoque de Praedestinatione speciali transferri et rite applicari posse. Est enim duplex illa Praedestinatio, de qua Thesi 11. dixi, admodum inter se cognata, unaque alteri subordinata est. Quae porro Apostolus de iure et potestate Dei in genere adversus Iudaeos urget, in Decreto Praedestinationis speciali, locum sine dubio etiam habent.

13.

Vbi tamen censemus, distingui oportere inter id, quod Deus pro iure suo facere potest, atque id, quod eum actu voluisse et decrevisse, ex revelatione constat. Ipsum Paulum ita distinxisse, ex attenta lectione cap. ix. et eius cum cap. xi. collatione, probari potest. Id ipsum igitur in Doctrina de Praedestinatione tenendum quoque semper est.

14.

Vt vero ad genuinum sensum capitis ix. sigillatim excutiendum propius accedamus, *Paulus* argumentum aggressurus Iudaeis fratribus suis molestissimum, ante omnia propensissimum suum in eos amorem ipsis prolixè testatur, vs. 1 — 6.

15.

Idque non tantum praerogativas excellentissimas, populo huic soli a Deo olim concessas, libenter agnoscendo, sed se ipsum etiam, dummodo id Deo acceptum sit, pro ipsorum salute devovendo, vs. 3.

16.

16.

Vbi videtur haec esse mens Apostoli, se paratum esse, enixis precibus a Christo contendere, ut finat se sacrum esse et devotum, vel malis omnibus in hoc mundo expositum, dummodo sic salutem fratrum suorum impetrare possit.

17.

Ex eodem illo Apostoli affectu ratio non incongrua reddi potest, quod primum et proprium orationis suae argumentum, *de reprobatione Gentis Iudaicae, deque substitutione Gentilium in illius locum*, non illico distincte exprimat, sed ex rerum insequentium contextu, lectori divinandum relinquat.

18.

In eo situs est nervus omnis orationis Paulinae, ut querelas et obiectiones Iudaeorum, adversus hocce Dei consilium, aut adversus suam ea de re doctrinam, diluat et repellat.

19.

Id igitur primo agit, ut gravissimum illud Iudaeorum praeiudicium, quod animis ipsorum alte insederat, tamquam promissiones Dei, amoris et gratiae plenissimae, Abrahamo et semini eius in aeternum factae, posteros carnales Abrahami omnes sine ullo discrimine spectaverint, radicitus evellat, v. 6—15.

20.

Contrarium illius luculenter demonstrat, primo, exemplo Ismaëlis et Isaaci, filiorum Abrahami, quorum tamen posterior tantum filius promissionis extitit, priori ab hoc beneficio excluso, deinde, exemplo Esau

et Iacobi, filiorum Isaaci, uno eodemque partu ex Rebecca susceptorum, ex quibus tamen minori tantum Deus bona Foederis et promissionis destinaverat.

21.

Ex eo Paulus evidenter infert, promissiones Dei, factas Abrahamo et semini eius, firmas quidem esse atque certissimas; sed per illas tamen Deum non obligari, ad beneficia promissa, omnibus ac singulis Abrahami posteris; promiscue dispensandum.

22.

Vt vero hic aliquo solamine Iudaeos demulceat, spem eos concipere iubet; fore, ut semper aliquod Abrahami semen, etiam carnale superfit, heres iucundissimarum promissionum Foederis Dei. Qua de re prolixè et exquisitè disserit cap. xi.

23.

Quando Apostolus v. 7 et 8. innuit ex pluribus Abrahami filiis unum Isaacum a Deo electum, Ismaëlem vero et reliquos huius fratres reprobatos fuisse, nolim asserere, omnes illos aeternum periisse. Multo minus id de omnibus eorum posteris dicere, consilium aut veritati consentaneum videtur.

24.

Quando praeterea Apostolus de Esau, Isaaci filio, addit, eum odio habitum fuisse, ex eo non sequitur, eum omni gratia Dei, et salute excidisse. Ego certe Esavum damnatorum gregi adscriptum fuisse, nullo argumento alicuius ponderis colligere possum.

25.

Nempe secundum Scripturae stylum, saepe is dicitur

tur odio haberi, qui alteri postponitur, et in quem pauciora ac leviora benevolentiae argumenta extant. Genes. xxix. 31, Matth. vi. 24, ubi locutio haec optime declaratur, Luc. xiv. 26, collat. cum Matth. x. 37.

26.

Eodem sensu et hic odium in Esavum accipiendum esse, facile ex Malach. c. i. v. 2, 3, 4, unde Paulus verba desumpsit, intelligi potest. Nempe, ut ipse Apostolus mentem suam declarat, ex Gen. xxv. 23, id erat odium Dei in Esavum, quod ipsum fratri suo natu minori postposuisset, et inferiorem esse voluisset, v. 12. 13.

27.

Ex iisdem Pauli verbis colligendum necessario est, sermonem hic non esse de Esavo et Iacobo solis; sed de utroque in et cum posteris suis spectato. Est vero illud observatione cum primis dignum, ea omnia, quae hic de fratribus illis dicuntur, posteros eorum magis respicere, quam ipsos. Vide Genes. xxv. 23, xxvii. 31, 42, quae quidem non nisi in posteris eorum impleta fuisse, ex Historia certo constat.

28.

Quem vero potest latere, ex posteritate illa Esavi, quam Deus dicitur odio habuisse et reprobasse, multos extitisse ante Moysen, et circa Moysi tempora, verum Deum cognoscentes, et pie colentes? quod vel ex sola historia lobi evidenter colligitur.

29.

Fuerunt etiam durante tempore illo, quo Deus Esavum odio habuit, eumque Iacobo postposuit, per-

multi ex ipsius posteris, qui in tentoriis Iacobi habitant, et unius veri Dei cultum sancte amplexi sunt. Et quis dixerit, eos communione salutis aeternae privatos fuisse?

30.

Quia autem Paulus docuerat, Deum bona gratiae, Abrahamo et semini eius promissa, non in omnes ex Abrahamo natos promiscue, sed cum certo discrimine contulisse, adstruit etiam, Deum ita faciendo, nihil iustitiae, aut aliis perfectionibus suis contrarium egisse, sed iure suo usum fuisse, v. 15 — 19.

31.

Eam in rem Iudaeis in memoriam revocat verba ipsius Dei, testantis, se pro solo voluntatis suae arbitrio nonnullorum misereri, Exod. xxxiii. 19, eo-que aliorum non misereri, aliquos etiam indurare, Exod. ix. 18.

32,

Et si autem duo illi actus, ad probandum ius Dei summum a Paulo hic adducantur, quorumdam miseratio, et nonnullorum induratio, diversissimo tamen modo, Deum in utroque illo actu ius suum exseruisse, omnibus palam est. Miseratio enim favor erat, omni modo indebitus. Induratio vero Pharaonis, in rege hoc impio, non modo magnam criminum et vitiorum congeriem praesupponebat, sed et praecedentem sui ipsius indurationem, Exod. vii. 26, viii. 19, ix. 7, quam deinde poenae loco insecuta est induratio a parte Dei, Exod. cap. ix. 12.

33.

Observatu praeterea dignum est, miserationem Dei,
de

de qua ex Mose loquitur Paulus, hic proprie non significare illam voluntatem Dei, quae homini aeternam salutem certo decernit. Sive enim verba illa, *Exod. xxxiii. 19*, de Populo Israëlítico, sive etiam de Mose interpreteris, rationem non video, cur Decretum Electionis designare debeant.

34.

Non magis per indurationem Pharaonis intelligi hic potest speciale illud Dei Decretum, quod versatur circa iustam peccatoris damnationem aeternam. Pharaon enim ante indurationis actum aeterno supplicio dignus, eique maturus iam erat. Et finis indurationis huius proximus, non erat iudicium in Gehenna aeternum, sed iudicium temporale, cum gloria nominis Divini coniunctum, *Exod. vii. 3, 4, 5, ix. 16*.

35.

Exemplum vero Pharaonis indurati tanto opportunius ab Apostolo adfertur, quia ille verba et miracula Mosis spernens, et iussibus Dei praeferacte obnitens, imago profecto simillima erat populi Iudaici, Christum ipsum cum doctrina et miraculis impie reiicientis, et dura cervice sese ab illo avertentis.

36.

Ius illud Dei, quod Paulus adstruxit, agendi cum Iudaeis pro beneplacito voluntatis, docet idem, necessario quoque fluere ex summo Dei dominio in creaturas, quae omne quicquid sunt, unice a Deo sunt; *v. 19 — 24*.

37.

Quae Doctrina Pauli ita sine dubio est intelligenda, ut cum summa Dei bonitate et sanctitate conciliari
K 4 queat.

queat. Etsi enim id dubio careat, Deum omnia posse quae vult, ea tamen velle non posse censendus est, quae perfectionibus eius repugnant, vel quae Deum facerent non Deum.

38.

Ipsum Paulum habemus clarum huius suae doctrinae interpretem. Quando enim summum Dei ius et dominium, etiam in eos, qui gravissimis poenis afficiuntur, adstruit, hos nobis repraesentat, ut *vasa irae*, qui nempe obiectum sint legitimum iustitiae Dei iudicialis vindicativae, et per cumulum peccatorum ad interitum maturi v. 22. Quod praeterea ex historia Populi Iudaici, quem hic Paulus unice designat, abunde illustratur et confirmatur.

39.

Per *gloriam*, ad quam Paulus Romanos suos ait praeparatos et vocatos esse, v. 23, 24, recte omnino intelligi potest gloria futurae vitae beatæ. Quem sensum si admittimus, Paulus eos recordari iubet Praedestinationis suae specialis, id est, electionis ad vitam aeternam.

40.

Nihil tamen impedit, quo minus per gloriam illam intelligamus statum Ecclesiae N. Testamenti, quem gloriosum in primis fore, praedixerunt Prophetae, Iesa. XL. 5, LX. 1, 2, 3, Hagg. II. 8, 10, annunciarunt Angeli Luc. II. 14, docent Apostoli. Dicendum tum esset, Apostolum hic loqui de Praedestinatione, quam supra generaliore vocavi. Mihi videtur, hoc postremum esse scopo Apostoli congruentius.

41.

Etſi autem Paulus ita aſſeruiſſet, potuiſſe Deum pro iuris ſui plenitudine, ex ſolo beneplacito, Iudaeos reprobare, eumque ad rationem huius ſui conſilii cuiquam reddendam non teneri, tandem tamen monet, eſſe re ipſa rationem reprobationis eorum graviffimam, quae Deum ad hoc impulerit, Iudaeorum nempe incredulitatem, quodque a Chriſto redemptore, et a iuſtitia fidei fuerint manſerintque ſemper alieni, v. 31, et ad finem capitis.

42.

Paulus itaque eo ipſo, quo ſummam iuris et potestatis Dei amplitudinem fortiffime adſtruit et graviter urget, nos tamen in doctrina de Praeſtinatione, non tam ad id, quod Deo facere licet, quam ad id quod re vera vult, et quod ſe velle declaravit, attendere iubet.

*

DISQVISITIO

DE FUTURA IUDAEORVM CONVER-
SIONE ILLVSTRI, EX EPIST.

AD ROM. C. XI.

§ 1. *Occasio et argumentum Dissertationis
huius conscribendae.*

Cum non ita pridem caput XI. Epistolae *Pauli* ad Romanos publicis Praelectionibus explanarem, inque hoc curriculo ad eum locum pervenissem, in quo magnus ille Gentium Apostolus de futura Gentilium conversione exquisitè differit, totum hocce perquam nobile argumentum, quod teste ipso Spiritu S. *Mysteriis* regni coelorum, nobis a Deo revelatis, annumerandum utique est, ea qua poteram mentis attentione expendendum, omnique ope excutiendum esse duxi. Scripturam itaque cum Scriptura sollicitè et meditate contuli, consului praestantissimorum Theologorum, qui ad manus erant, commentarios, quæsi vi quidquid historia Ecclesiastica mihi suppeditare posse videbatur, et tandem non potui non in ea cum aliquo certitudinis et evidentiae sensu acquiescere sententia, sperandam adhuc esse conversionem gentis Iudaicae universalem, illumque populum, qui quondam invito
Deo,

Deo, et cum contemptu imperii eius immediati, Saulem sibi regem elegerat, eique *osculum* obedientiae per Samuelem obtulerat, 1 Sam. x. 1, sub ultima tempora *Filium Dei osculaturum*, et cum primoribus suis eius imperio se esse submissurum Ps. 11. 12. Videtur hoc ex compluribus vaticiniis cum Prophetarum V. T. cum ipsius Domini nostri non obscure colligi. Sed dissertatio illa Pauli, quae occasionem dedit nostrae huic disquisitioni, exceptione quavis, si iudicando aliquid valeo, maior est, dubiumque omne penitus tollit. Illi igitur potissimum nunc inhaerebo, aliis tamen quibusdam argumentis, quae doctrinam hanc Pauli illustrent, non penitus neglectis.

§ 2. *Qualem hic intelligi universalem Iudaeorum conversionem cupiamus.*

Antequam autem ad adstruendam doctrinam nostram, aut potius doctrinam Prophetarum et Apostolorum, me rite accingam, distinctius hic in antecessum declarare operae pretium erit, qualemnam ego futuram Iudaeorum conversionem universalem intelligi velim. Inter eos enim, qui rem ipsam agnoscunt, aliqua tamen occurrit sententiarum discrepantia, quarum nonnullae Theologis nostris minus probantur, quam reliquae. Omnia verbis doctissimi cuiusdam Theologi complectar (1): *Quidam*, inquit ille, *haec intelligunt de ordinaria Iudaeorum conversione, ut nempe, quemadmodum in ipsis N. Testamenti initiis, multi ex hoc populo ad Fidem Christi accesserint, ita*
idem

(1) Venerandus *Walchius* in der Einleitung in die Religions-Streitigkeiten der Lutherischen Kirche, II. Theil, p. 200.

idem postea quoque evenerit, hodieque eveniat, et in posterum quoque eventurum sit, ut semper aliqui, agnitis erroribus Ecclesiae Iudaicae, ad veram Ecclesiam sese adiungant. Sunt praeter hos alii, quibus Scriptura Sacra de isto negotio videtur tanta efficacium phraseon copia loqui, ut evidenter appareat, indicari et praedici conversionem populi Iudaici specialem et solennem, quae adhuc futura sit. Et hi quidem ipsi in duas rursus diversas partes opinionesque discedunt. Etenim nonnulli ex ipsis asserunt, fore, ut populus Israëliticus totus, nemine excepto, ad Fidem Christi accedat, siquidem in Vaticiniis Prophetarum sermo saepe sit de gente integra, Paulus etiam Rom. XI. 25. etc. assereret, post intromissam in Ecclesiam plenitudinem gentium, totum Israël salvatum iri; alii contra in hisce locis designari existimant tantam Iudaeorum multitudinem, ut reliquorum in incredulitate persistentium nulla fere ratio haberi possit, uno verbo, volunt illi tantum, permagnam et solennem Iudaeorum conversionem expectandam adhuc esse, quibus calculum suum adiicit B. Spenerus. Non desunt etiam (2), qui Iudaeos, ad Christum Dominum converter.

(2) Tale quid B. Spenero aliquando excidisse observatur. Vide Walchium Lib. cit. p. 213. Sed aperte rem hauc saepius adstruxit Petersenius omnibus notissimus. Vide eund. Walchium Lib. cit. p. 599, 606, 607, 620, etc. Ex nostris Theologis non pauci, praesertim in Belgio, vaticinia Prophetarum nonnulla de reductione Israël in terram promissam, explicare iubent de populi huius conversione ultima etiamnum expectanda. Sed probant illi tamen utique hocce celeberrimi Witsii iudicium: *Virum tamen de urbe materiali agatur, an vero spirituali, qualis Ezechielii praefigurata est, et Iohanni in sua Apocalypsi, nefas non sit ignorare, donec fata ipsa se rerum eventu explicent*, in Dissert. de decem Tribubus Israël cap. XI. § 18. Pluri-

versos, Iudaeam ac Hierosolymam repetituros, ibique aliis Christianis permixtos regnum sanctum restitutos esse, persuasum habeant. Ego ex testimoniis Scripturae id liquido constitui posse opinor, populum Iudaicum, nunc per omnes fere totius mundi gentes dispersum, cum Doctoribus suis et Principibus gentis, sic in gremium Ecclesiae Christi transiturum esse, ut dici vere queat, discrimen omne inter gentes Christo subditas et Israëlem re ipsa sublatum esse, et duos hosce greges, hucusque sibi tantopere adversantes et contrarios, in unum gregem coaluisse. Reliqua relinquitur Providentiae Dei, et sapientissimo voluntatis eius consilio. Sed ea de re in sequentibus nonnulla etiam addenda venient.

§ 3. *Loca Prophetarum Vet. Test. conversionem futuram Israëlis praedicentia.*

Deum consilium hocce suum de solenniter convertendo ultimis temporibus populo Iudaico, sub Veteri iam Testamento per Prophetas suos aperuisse ac declarasse, dubio omni carere debet. *Non enim facit Dominus Iehovi quidquam, nisi cum revelaverit secretum suum servis suis Prophetis*, Amos. III. 7. Quis non videt, observationem istam Prophetae hic cumprimis locum habere, ubi de huiusmodi consilio Dei agitur, quod non modo populum Israëliticum spectat, verum quod etiam coronidem promissionum omnium Israëlis factarum, summamque eius gloriam complectitur? Idque

ribus autem Theologus ille iudicii perpolitum suam hancce sententiam exponit in eadem Dissert. toto cap. XIII. Et omnes illi Theologi nolunt hic cogitari de qualicumque Iudaismi restitutione.

que *Paulus* Apostolus abunde confirmat, quando propositum hoc Dei, Ecclesiae N. Testamenti clare et perspicue expositurus, ad vaticinia Prophetarum provocat, eorumque suffragio doctrinam suam comprobat Rom. xi. 25, 26, 27, ubi Oraculum illud *Iesae*, quod extat c. LIX. 20, et *advenerit Tzioni vindex, et conversis a defectione in Iacobo; dictum Iehovae*, itemque illud, quod legitur c. XXVII. 9, *Amovebitur peccatum Iacobo*, de ultima Iudaeorum conversione adhuc futura intelligendum esse docet. Quis igitur merito viris doctissimis vitio verterit (3), quod vestigiis his Apostoli insistentes, alia quoque Prophetarum loca, consimilem sensum mentibus nostris offerrentia, ad idem Dei consilium applicent, dummodo id non evidentissima prohibeat ratio? Talia vaticinia desumuntur ut plurimum ex *Mose* Prophetarum primo, et quidem speciatim Levit. XXVI. 16, ad finem capitis. Deuter. XXX. 1—10, uti nec minus ex Prophetis aliis, *Iesaja* VI. 13, XI. 11, 12, 13, XXIX. 22, 23, 24, XLIII. 28, cum XLIV. 1. etc. XLIX. 14. etc. LIV. 1, 4. etc. LXIII, LXIV. *Ieremia* XXIII. 5, 6, etc. XXXI. 1, 27, 28, XXXII. 37, 38, etc. LI. 5. *Ezechiele*, apud quem plurima huc spectantia reperiuntur, praesertim XVI. 53. etc. XX. 40. etc. XXXVI. XXXVII. XXXIX. 25. etc. *Hosea* II. 13. III. 3, 4, 5. *Zacharia* VIII. 14. X. 3, 6. XII. 10. ac denique ex *Psalms* XIV. 7. LXIX. 36. LXXVII, LXXXV. A quibus omnibus et similibus aliis locis prolixius nunc evolvendis et illustrandis mihi abstinendum necessario esse, angusti illi, quibus

Dis-

(3) Vide praeter alios *Iac. Altingii* uberrimam expositionem cap. XI. ad Rom. Operum Tom. IV, *Herm. Witsii* Dissertation. de decem Tribubus Israelis cap. IX. X. XI. XII XIII, *H. Venema* Dissert. Sac. Lib. I. c. XI. § 20, 21. etc.

Dissertatio haec circumscripta est, limites testatum factis faciunt. Ad haec a (4) viris doctissimis gravissimis de causis monitum et probatum quoque fuit, per multa ex locis hic adductis alium et commodissimum quidem sensum pati, quaedam etiam, si curate perpendantur et sollicitè ab omni parte versentur, ad ultimam illam Iudaeorum conversionem vix ac ne vix quidem transferri posse. Multa enim ex vaticiniis illis praedicunt reditum Iudaeorum ex Babele et finem illius captivitatis, ac beneficia tum in populum Dei accumulanda. Alia respiciunt statum Israëlitis spiritualis, seu Ecclesiae N. Testamenti ex Iudaeis et Gentilibus collectae, illiusque splendorem et gloriam. Alia denique menti nostrae obiciunt beneficia quaedam credenti et electo semini Israëlitis hoc tempore specialiter à Deo destinata, quod ipse *Paulus* etiam nos observare iubet, Rom. ix, xi. Cum praeterea Oracula Prophetarum plerumque stylo aenigmatico conscripta, multisque dictionibus mysticis referta sint, in quibus aberrare facillimum est, nisi ipse rei praedictae eventus lucem certissimam praeferat, huius vero Divini consilii circumstantiae (5) non ita liquido et clare nobis à Spiritu Dei proditae sint, vaticiniorum illorum uberiores et luculentiores interpretationem (6) *tempori illi quod Deus potentiae suae referavit*, relinquendam esse credimus. Nobis ex testi-

mo.

(4) Vide *Vitrinae* Commentar. ad loca *Iesae* citata, et inprimis celeberrimum Theologum Franekeranum, *H. Venema* Observat. Sacr. Lib. 1. cap. xi. § 6, 7, 8, et seqq. [in Comm. ad *Ier*, *Ezech.*, *Zachar.*, et *Psal.* l. c. *Manger in Hoseam.*]

(5) Vide *Witsum* l. c. cap. xiii.

(6) Act. 1. 6, 7.

monio *Pauli* diferto fufficit obfervaffe, Deum confilium hoc fuum per Vates facros re ipfa praedixiffe, etiamfi tamen idem *Apoftolus* negotium hoc fuo tempore confiderari voluerit, ut *mysterium*, nunc deum clare patefactum.

§ 4. *Vaticinia Chrifti Domini de eadem re.*

Transeo iam ad ea, quae optimus Servator, futura Ecclesiae suae in his terris fata discipulis suis Prophetico more praenuntians, etiam de conversione Iudaeorum universalis sigillatim praedixisse deprehenditur. Monuerunt eruditi quidam viri, in Parabolis Domini, quibus ille res Ecclesiae suae futuras, eas praecipue, quae statum Iudaeorum et Gentilium spectant, veluti in imagine quadam adumbrare solet, nullam eventus illius, de quo hic differimus, mentionem fieri. Sed neque id diffimulabo, non obstantibus iis, quae hactenus summi Theologi de argumento Parabolarum Prophetico, docte, copiose, et ingeniose commentati sunt, gravissimos mihi adhuc superesse scrupulos, qui credere vetant, sensum arcanum Parabolarum omnium esse Propheticum. Si ductum imaginationis in sensum Propheticum directae sequi, illique impetum mentis incaltescentis permittere consultum esset, non deessent forte rationes verisimiles valde, quibus etiam istum eventum, de quo quaerimus, ex Parabolis Domini exsculpere possem. Verum ego ita censeo, in huiusmodi interpretationibus, ubi ab imaginationis vi plurimum pendet, summa cautione opus esse, earumque fundamento certo et indubio perspecta esse debere, ne, pro genuino sensu orationis Domini, ingenii nostri fictiones, specioso amictu indutas, aliis offeramus. Itaque Prophetias Parabolicas suo loco nunc relinquo. Sed conservatos ab
Evan-

Evangelistis habemus alios Domini sermones, in quibus Iudaeis futurae aliquando restitutionis in statum gratiae et amicitiae Divinae spem facere dedignatus non est, etsi (7) propter causas magni momenti parcius id quidem facere soleret. No referendum esse putem, quod Servatorem dixisse Iudaeis legimus Ioan. x. 16, *alias etiam oves habeo, quae non sunt ex hac caula, illas quoque oportet me adducere: nam vocem meam audient: fietque unus grex et unus pastor.* Hujus certe vaticinii verum et perfectum implementum hucusque nondum vidimus. Sunt etiamnum duo greges, nomine, fide et professione, toto coelo inter se distincti, quorum uterque in Deo Abrahami gloriatur. Sed aliquando duo hi greges in unum coalescent, quo tempore (8) *Iehova erit rex super totam terram: die illo erit Iehova unus et nomen ejus unum.* Eodem (9) a Theologis eruditis refertur merito, quod Servator aliquando Iudaeis in Galilaea vaticinatus erat, *Ecce relinquitur vobis domus vestra deserta. Amen autem dico vobis, non videbitis me, usque dum venerit tempus, quo dicatis, Benedictus qui venit in nomine Domini.* Luc. xiiii. 5. Quae ipsa verba postea Hierosolymae in templo reperiisse, atque Pharisaeis ibi serio expendenda inculcasse legitur Matth. xxiiii. 38, 39. Significat nempe Servator, se nunc a Iudaeis reiectum, ultimis temporibus ab iisdem cum testificatione profundissimae reverentiae, summique gaudii, ut benedictum ipso-

(7) Vide *H. Venema* Observat. Sacr. p. 223, 224.

(8) Zach. xiv. 9. ceterum etiam B. *Lampius* verba Christi ita interpretatur, Comment. in Ioann. x p. 674.

(9) Vide *Sal. à Til* Comment. in Matth. xxiiii. 39. *H. Venema* Dissert. Sacr. p. 224, qui et ipse ibidem alia quaedam loca addit.

ipsorum regem agnitum et exceptum iri. Alia eundem sensum offerentia omitto. Memorabile tamen est, sapientissimum Servatorem, super hoc argumento a discipulis interrogatum: *Domine, num hoc tempore restitues regnum Israël?* rem ipsam quidem minime negasse, vaticiniis quippe Prophetarum praedictam, sed rationem tamen veram et tempus, quo Deus consilium hoc suum executurus esset, ipsis tum nondum aperire voluisse, *Dixit autem ad illos, non est vestrum nosse tempora sive opportunitates quas Pater in sua ipsius auctoritate statuit*, Act. 1. 6, 7. Quodsi Servator ne tunc quidem rem hanc discipulis suis clare eloqui voluit, quid putabimus eum antehac fecisse, cum multo minus rebus huiusmodi ferendis pares essent? Ioh. xvi. 12. Satiis omnino erat, pro genio illius temporis, bonos discipulos de abrogatione Vet. Testamenti, totiusque Iudaismi in universum et perpetuum erudire, quam de restitutione populi Israelitici multa promittere.

§ 5. *Transitur ad cap. xi. ep. ad Rom., ubi consilium hoc Dei clare manifestatum est.*

Verum enim vero *Paulus* Apostolus, scribens ad Ecclesiam Romanorum ex Iudaeis et Gentibus collectam, iisque consilium Dei de reprobatione Iudaeorum, deque electione Gentilium exponens, consultum quoque duxit, ipsis *Mysterium* de futura conversione Iudaeorum universali et solemni aperte et distincte explicare. Postquam enim cap. xi. rem hanc paulo obscurius iam subinnotuit, eam tandem clare ita tradit, v. 25, 26, *Nolim enim vos ignorare, fratres, mysterium hoc, ut ne sitis apud vosmet sapientes, obdurationem ex parte Israël evenisse, tanisper dum plenitudo gentium introierit, et ita totum quoque Israël*
lem

iam saluum iri. Verba hæc mihi adeo plana et perspicua, adeo errori omni et ambiguitati portam præcludere videntur, ut capere prorsus nequeam, quomodo in tanta luce doctissimi Theologi et interpretes hæsitare, aut luculenta Pauli verba in alienum sensum inflectere potuerint. Nemini enim obscurum esse potest, eorum plerosque, superiori præsertim tempore, in hac fuisse opinione, designari hic aut conversionem illam Iudæorum, quæ facta est tempore Apostolorum, imprimis post excidium Hierosolymitanum, quæque et numerosa valde et illustris fuerit, aut eam, quæ post prædicatum Evangelium successively semper hucusque facta est, fietque usque ad consummationem seculi. Hanc vero nec esse, nec esse omnino posse genuinam Apostoli mentem, argumentis nonnullis, quæ omni exceptione majora mihi videntur, nunc B. C. D. adstruere conabor, huiusque doctrinae usum præterea ostendam. Fateor perquam libenter, me, ista meditatione occupatum, in eruditissimorum virorum, qui idem argumentum cum laude persecuti iam sunt, scripta incidisse. Et eorum quidem observationibus, quas textus ipse Paulinus nobis omnibus suppeditat, cum gratitudinis professione utar, sed ita tamen, ut æquus lector facile intellegendus sit, me et argumenta ipsorum hinc inde nova quadam luce perfudisse, et iisdem alia quoque addidisse, quæ communem nostram doctrinam stabilitura sint.

§ 6. *Paulum prædicere futuram aliquam solemnem conversionem Iudæorum, ostenditur*

I. ex eo, quod hanc doctrinam Mysteriorum vocet:

Et omnium primo quidem id mecum sine dubio ur-

gebunt omnes, qui pericopam hanc Paulinam attenta meditatione persequentur, Apostolum doctrinam illam, quam nunc Romanis traditurus erat, nuncupare *Mysterium*, nunc demum plene revelandum. Haec enim sunt eius verba v. 25, *Nolo enim vos, fratres, ignorare mysterium hoc, ut ne sitis apud vosmet ipsos sapientes*. Observare ad haec verba non inutile fuerit 1) doctrinam de Iudaeorum conversione futura, ab Apostolo nunc tradendam, vocari *Mysterium*, id est, uti Grotius ipse, quantumvis sententiae nostrae plane adversetur, explicat, *rem arcanam, quam homines, nisi Deo dante, scire nequeunt*. Quam in rem provocat ad loca sequentia, 1 Cor. xv. 51, Apoc. x. 7, et xvii. 7, Dan. ii. 18, 19, 27, 28, 29, 30, 47, et -iv. 6. Et res est omnibus notissima. Vno verbo, Paulus Romanis suis aperit arcanum Dei consilium, de quo nihil, nisi ex ipsius revelatione, certo sciri poterat. 2) *Mysterium* illud nunc demum Romanis clare et dilucide expositum iri. Ait enim Apostolus: *Nolo vos ignorare hoc Mysterium*. Quorum verborum non videtur alius esse posse, quam iste sensus: *Ea, quae nunc ex revelatione et inspiratione Spiritus Dei scribo, efficiens, ut ne consilium Dei alioquin arcunum de futura Iudaeorum conversione et salute, vobis posthaec incognitum aut obscurum esse possit*. Et sane in confesso apud omnes est, numquam antea consilium illud Dei adeo luculenter ac perspicue declaratum fuisse, atque ab Apostolo factum est. 3) Rationem, cur *Mysterium* illud nunc ipsis revelaretur, hanc esse, *ne sint sapientes apud se ipsos*, vel, ut bene Grotius interpretatur, *ne sint sibi sapientes*. Iudaei pariter ac Gentiles multum in hoc negotio iudicio rationis suae tribuebant, plurimisque suspiciolibus vanis ac male digestis indulgebant. Videmus Apostolum cap. ix. et xi complures huiusmodi iu-

nes ipsorum ratiocinationes detegere et repellere. Ne vero posthaec idem ipsis porro eveniret in re, quae unice ex voluntate Dei suspensa erat, voluntatem hancce Dei, quae omnem super hac re cogitationum discordiam componere poterat, ipsis clare aperit. Haec omnia de successiva Iudaeorum conversione dici minime possunt. Illa profecto Mysterium absconditum non erat. Ecclesia primo ex Iudaeis erat collecta, et aliquot annos in sola hac gente subliterat. Ex Iudaeis haecenus magna multitudo, non modo in Iudaea, sed per totum paene orbem, uti nec minus Romanae, ad Fidem Christi erat conversa, et quotidie etiam nunc convertebatur. Illa omnium oculis erat exposita. Et illo tempore pronum omnino erat conicere, id quod haecenus factum erat, etiam postea semper factum iri. De eo itaque Paulus non loquitur, sed de re adhuc arcana hominibusque abscondita.

§ 7. *Secundo, quia res illa, quam annuntiat, postea demum futura erat.*

Res illa porro, quam Paulus Mysterium vocat, spectabat neque tempus praeteritum, neque praesens, sed futurum. An non enim res illa haecenus omnibus fuerat ignota et abscondita, sed quam Paulus Romanos suos iam nunc amplius latere nolebat? Hoc verba Apostoli indubie testantur. Sed et alia, quae Apostolus ibi differit, id ipsum plane evincunt. Docet enim, eos qui nunc *abjecti* sunt, aliquando in gratiam esse *recipiendos* v. 15, *ramos* nunc *defractus*, olim esse *arbori*, ex qua deciderant, rursus *inserendos* v. 20, 23, *totum Israëlem salvatum iri* v. 26, ipsos post gentes *miser ricordiam consecuturos esse* v. 30, 31. Quaero igitur, quonam tempore mysteriosum hocce atque arcanum Dei consilium, posthaec executioni

datum, ipsoque eventu comprobatum fuerit? An sufficeret respondisse, Iudaeos semper aliquos post obitum *Pauli* reliquorumque Apostolorum ad Ecclesiam Christi sese adiunxisse? Hoc certe non esse *Mysterium* illud, quod hic a *Paulo* retegitur, modo probavi. Neque etiam res illa dicenda fuisset futura, sed potius praeteriti et praesentis continuatio. Sed ecce nobis *Grotium*, qui, quo erat ingenii acumine, argumenti nostri vim facile perspexit, sed illam hac responsione (10) enervari posse credidit: *Inruit adesse tempus, quo non pauci, ut antea, sed magna quaedam multitudo Iudaeorum Christum esset amplexura. Id autem evenit primum, cum videre Iudaei impletum, quod Christus dixerat, Idola Romanorum, id est, signa militaria apparitura in conspectu Templi, Matth. xxiv. 15 . . . Post id vero excisa urbe, exciso templo, cum iam multo clarius veritas vaticiniorum Christi appareret, servitutis etiam personalis onus multorum fregisset ferociam, quod et in Babylonio olim exilio evenerat, multi plane Iudaei Christum amplexi sunt, Vespasiano et Tito id nondum impediens. Verum enim vero, etsi haec nondum absolvere possint absconditum illud Mysterium, cuius executionem Paulus expectandam esse docuerat, aliquid tamen Grotius dixisse videri poterat, si ea, quae dixit, cum historia Ecclesiae Christianae congruerent. At magnus ille vir, ista scribens, non historiam consuluit, quae iptum iuvare non poterat; sed coniecturas suas nobis obtulit, ut profecto mirer, fuisse viros undecumque doctissimos, qui verbis eius ita faciles aures praeberent. Monumenta Ecclesiae illius aevi, quae aetatem tulere, nihil omnino huiusmodi loquuntur.*

(10) Notis in Rom. xi. 26.

cur. *Iustinus Martyr* (11) loco illo, quo coniecturam suam nititur confirmare *Gregorius*, de Iudaeis sui temporis nihil aliud quam hoc testatur, *indies adhuc nonnullos discipulos factos in nomen Christi, et viam erroris relinquentes*, quale quid et tempore Apostolorum et semper postea in hodiernum usque diem factum esse, nemo ambigit. At auctor ille, idem (12) alio loco *totum Israël*, quem *Paulus* dicit salvatum iri, compellans, haec ipsi objicit: *Ad haec, capta quoque urbe vestra, et terra vastata, non resipiscitis, diris eum, et credentes in eum universos, execrari audentes*. Vt iam taceam, *πρόσωπ*, *obstinatam cordis indurationem* populo huic ab eodem sancto martyre toties exprobratam, de qua suo loco quaedam adhuc dicenda mihi esse video. Quanto opere vero externus aspectus Ecclesiae Christianae ratione Iudaeorum post excidium urbis et Templi in deterius fuerit mutatus, vel ex eo satis aestimare licet, quod cum antea Doctores Ecclesiae plerique, certe illustriores, Iudaei fuerint, post illud tempus, per integrum seculum in historia Ecclesiastica vix unus aut alter occurrat ex viris celebrioribus, quem origine Iudaeum fuisse constet.

§ 8. *Tertio ex imagine status Iudaeorum praesentis, qualem Paulus ibi repraesentat.*

Vt vero haec tanto evidentius intelligantur, monendum esse duco, Apostolum hic liquido distinguere in-

(11) In Dialogo cum Tryphone Iudaeo, Operum p. 257, 258.

(12) In eodem Dialogo, p. 335.

inter statum Iudaeorum praesentem, et inter eorundem statum futurum, qui secundum arcanum et mysteriosum Dei consilium adhuc olim expectandus erat. Videamus hic primo, quatenam sit facies illius Iudaeorum status, quem Apostolus sibi et Romanis suis, tamquam omnium oculis expositum, repraesentat. Nempe statum illum nobis depingit ut ἀπωσιν, *repulsionem a Deo*, et quod idem est, ἀποβολήν *abiectionem* v. 1. *An igitur Deus plane repulit populum suum?* quod sine dubio concedit respectu multitudinis Iudaeorum, quae dici poterat Natio, etsi id negat respectu exigui cuiusdam seminis electi, v. 15, *Si enim nunc abiectio Iudaeorum acceleravit reconciliationem gentilium*, utpote qui est genuinus horum verborum sensus. 2) Vt ἡττημα, *damnum et imminutionem*, quod nempe Iudaei Gentilibus aperte propositi fuerint, quod, uti legimus in Parabolis, *primi evaserint ultimi, et ultimi vicissim primi*, v. 12, *Si enim ex damno eorum et imminutione copiosissima gratia redundavit in gentiles*. 3) Vt παράπτωμα, *ruinam gravem, qua ceciderant*, v. 12, *Si enim ruina ipsorum gentilibus magnam bonorum copiam attulit*. Etenim apparebat iam tum ex parte, et brevi post in excidio Hierosolymitano apparitum erat omnibus luculenter, Iudaeos excidisse non modo privilegiis externis et carnalibus gentis suae, sed etiam spiritualibus et salutaribus donis gratiae, communione ipsius illius Messiae, qui *ipsis natus* erat, Luc. 11. 11, quinimo incumbere nunc cervicibus ipsorum praedictam per Prophetas maledictionem. Hic ipse eorum status 4) metaphorice sed perquam eleganter repraesentatur ut κλάσις κλάδων, *confractio ramorum arboris* v. 16, 17 usque ad 22, nempe in hac metaphora Ecclesia Dei V. et N. Testamenti comparatur cum arbore, cuius radix ex consilio Dei fuerant Abra-

ha-

hamus, Isaacus et Iacobus, patres Christi et Iudaeorum carnales, et patres omnium credentium spirituales, Rom. iv. 11, 12. Ex radice illa Iudaei cernami naturales pullulaverant; sed illi intercedente pertinaci illa mentis obstinatione ac incredulitate nunc confracti, eorumque loco Gentiles arbori inserti erant. Clarius statum hunc *Paulus* 5) vocat ἀπειθεῖαν, *incredulitatem et inobedientiam* v. 31, 32, et respectu habito ad gravitatem 6) πώρωσιν, *excaecationem et indurationem*, v. 7, *Semen electum iustitiam consecutum est*, id est, in Christo evasit iustitia Dei, *reliqui vero sunt excaecati*, et v. 25, *Israel nunc ex parte excaecatus est*. Equidem non est, quod dubitemus, magnam in populo isto caeci cordis duritiem fuisse iam in diebus Christi, Matth. xiii. 14, 15, Ioh. xii. 38, 39, 40, illamque tempore Apostolorum diminutam non fuisse, Act. vii. 51, xiii. 45, 46. Sed veram tamen indurationis Iudaeorum epocham collocandam existimaverim in excidio Hierosolymitano. Antehac non singulos, sed *millenos* Iudaeorum una, per vocem Evangelii ad fidem perductos fuisse legimus Act. ii. 41, iv. 4, vi. 1, xxi. 20, ubi plures Iudaeorum converforum *myriades* memorantur. Neque res est adeo difficilis creditu. Etenim illo tempore memoria dictorum et factorum Christi Domini, recens adhuc in omnium mentibus erat: Ecclesia ex Iudaeis conflata, et in gremio ipsorum collecta, regebatur ab Apostolis, origine Iudaeis, et omnium donorum Spiritus S. copia uberrima instructis: Apostoli et reliqui Doctores Ecclesiae, Iudaei ut plurimum, hos et primum et summa cum humanitate ad Ecclesiae communionem vocabant, iis se, ubi modo poterant, accommodabant, cum iis cultui Templi intererant, cum primis in Synagogis eorum docebant, et amicitiam eorum modis omnibus aucu-

pabantur. At vero omnia haec post destructionem reip. Iudaeae confestim desisse, extra controversiam positum esse puto. Ab eo tempore omne familiaritatis et amicitiae commercium inter Ecclesiam et Synagogam penitus abruptum est. Christiani Iudaeos posthaec multo magis contemnere, hi Christianos vicissim multo magis odisse coeperunt. Hinc novas vires sumsit novaque incrementa cepit incredibilis illa populi Israëlitiçi adversus Christum Dominum induratio, quam ipsis Ecclesiae veteris Doctores continuo obiciunt, quamque nos in hodiernum usque diem, ceu terribile Dei in ipsos iudicium, non satis mirari possumus.

§ 9. *Quarto, ex duratione, quam statui huic Apostolus assignat.*

Quicumque haec seria aestimatione pensitaverit, intelliget haud difficulter, statum illum Iudaeorum, quem *Paulus* ut praesentem menti suae exhibebat, etiam num durare, et posthaec semper magis magisque conspicuum factum fuisse. Itaque status illi oppositus, in quo Iudaei favore Dei et communione Redemptoris ad salutem suam in Ecclesia N. Testamenti postliminio fruuntur, adhuc dum futurus nobisque porro expectandus est. Quæri potest, an status ille Iudaeorum praesens diu duraturus sit. Id quidem *Paulus* non determinavit; sed criterium tamen aliquod temporis nobis subministrat, ex quo poterit iudicari, aliquando imminere tempora Iudaeis salutaria et exoptanda. Idque criterium partem facit illius Mysterii, quod *Paulus* Romanis suis revelavit. Ita enim verba eius sonant: *Nolo vos ignorare, fratres, Mysterium hoc, indurationem contigisse ex parte Israël, usque dum plenitudo gentium introierit,*
at-

atque tum Israëlem totum salvatum iri. Praedicit igitur Apostolus, indurationem populi Iudaici duraturam esse, usque dum plenitudo gentium in ovile Christi introierit. *Plenitudo gentium* significat *gentes omnes*, quarum numerus suo tempore complebitur. Et observatu dignum est, *plenitudinem gentium* opponi *toti Israëli*. Primo ingreditur plenitudo gentium, et tum totus etiam Israël salvabitur. Hoc est admirandum Dei consilium, de quo *Paulus* v. 32. Respondit hactenus praedictioni eventus. Multae adhuc desunt gentes vocandae in Ecclesiam vivi Dei, et videmus obdurationem gentis Iudaicae sublatam, quoque nondum esse. Quando *Paulus* ait: καὶ οὕτω πᾶς Ἰσραὴλ σωθήσεται, id duobus modis verti potest. Aut hoc modo: *et sic plane, ut Gentes conversae sunt, convertentur etiam Iudaei*. Vel potest etiam reddi: *atque hoc facto, Israël totus quoque servabitur*. Οὕτω nonnumquam idem valet quod *postea*, deinde.

§ 10. *Quinto, ex imagine status Iudaeorum futuri, quem Paulus praedicit.*

Sed considerandus nunc etiam est status Iudaeorum futurus, qui praesentem hunc tristem ut vere miserandum aliquando excipiet. Status ille nuncupatur a *Paulo* 1) πλήρωμα (in oppositione ad eorundem ἡττημα, *damnum, imminutionem*) id est, status beatus et bonis cumulatus, v. 12, *Si enim ruina ipsorum gentilibus magnam bonorum copiam attulit, si ex damno eorum et imminutione copiosa gratia redundavit in gentiles, quanto magis id de rediviva ipsorum felicitate sperandum est?* 2) πρόσληψις, id est, *assumptio*, (in oppositione ad *repulsionem et abiectiionem*) vel in favorem Dei et communionem bonorum foederis receptio, v. 15, *Si abiectio eorum occasio fuit*

fuit Gentilium cum Deo reconciliandorum, quid de eorum in gratiam receptione existimatis? An non illa erit etiam ratione vestrum veluti restitutio mortuorum in vitam? 3) ἐγκέντρισις, insitio in arborem, in oppositione ad confractionem, v. 23, Et illi etiam, rami nunc confracti, dummodo in praesenti incredulitate non perseverent, arbori rursus inferentur. Deus enim eos postliminio inferere potest. Quae (13) non conditionata sunt et incerta, sed, uti totus orationis Paulinae contextus docet, rei certo futurae praedictionem continent. Pergit Paulus v. 24, Si enim tu, ex oleastro decerptus, et oleae tamen insertus es, quanto magis hi, qui naturales sunt oleae propagines, eidem rursus ceu propriae suae arbori inferentur? 4) Ἐλεημοσύνη, status misericordiae et gratiae, in oppositione ad statum refractariae inobedientiae, v. 29, 30. Sicut enim vos etiam Deo inobedientes et increduli eratis, nunc vero occasione horum incredulitatis misericordiam consecuti estis, eodem modo et hi nunc quidem Deo nec credunt nec obediunt, quod Dei misericordiam in vos derivavit, ut et ipsi aliquando misericordiam consequantur, 5) σωτηρία, status Salutis, in oppositione ad praecedentem duritiem mentis occaecatae, v. 26, Atque tum totus Israël salvabitur, id est, Christum Principem salutis, penes quem solum vera est salus, agnoscent, eiusque nomen, cum laeta professione fidei suae in eum, pie ad salutem suam invocabunt, iuxta illud, omnis, qui nomen eius invocaverit, salvabitur, Rom. x. 13, ex Ioël. ii. 32. Quis vero iam est, qui non videat, laetam hanc et salutarem faciem

(13) Consuli hic possunt, quae erudite observavit H. Venema Dissert. sacr. p. 221. 222.

faciem populi Israëlitici, gloriosum hunc et felicem illius statum nondum illuxisse? Expectandum itaque hoc etiamnum est a Providentia Sancti et Veracis Dei.

§ 11. *Sexto, ex eo, quod status ille uterque iisdem tribuatur successive.*

Id vero imprimis observatione nostra dignum hic esse censeo, quod uterque ille diversissimus status uni eidemque Genti, Iudaicae nempe, sed successive, seu diversis temporibus, attribuitur, v. 12, *ipsorum ruina et imminutio gentibus scaturigo fuit copiosae gratiae, quanto magis eorum restitutio*. Sic v. 15 sibi opponuntur Iudaeorum *abiectio*, et eorumdem *in gratiam receptio*. Et sic semper porro in sequentibus. Hoc igitur non potest intelligi de personis singularibus, quae tempore Apostolorum et deinceps ad fidem Christi fuerunt conversae, quae certe a Deo repulsae et abiectae, contractae et induratae non fuere. Posset quis nobis regerere, illos ipsos omnino esse, qui in oratione Pauli designati sint, quippe qui primo quidem propter incredulitatem a Deo abiecti, sed postea intercedente fide et resipiscentia, in gratiam recepti ac misericordiam consecuti fuerint. Verum enim vero, ut nunc taceam, vicissitudinem huiusmodi abiectionis, et mox secutae electionis, (14) indurationis, et secutae deinceps gratiosae miserationis, in eodem

ve-

(14) Observa, sermonem esse non de actu ordinario Providentiae Divinae, qualis etiam induratio vocari potest, quemque saepe numero excipit misericordia Dei. Sed sermo est de actu quodam iudicii Divini extraordinarii, qualis locum habuit in Pharaone, et in Iudaeis tempore Christi et Apostolorum.

subiecto cum analogia Scripturaria haud optime convenire, conceptus ille etiam a mente Pauli, quam in hoc capite declarat, longissime recedit. Concedit enim, ex populo Israëlítico, et tum temporis, multos fidei salutari locum dedisse, et porro etiam daturos esse. Illius rei se ipsum testem et exemplum producit v. 1. Illos comparat cum septem millibus illis, qui tempore Eliae in corruptissimo et abominandae idololatriae dedito populo, se solos puros conservaverant v. 4. Illos vocat *reliquias bonas superstites* in populo depravato v. 5, et *electionem* vel *semen electum* et a Deo *praecognitum* v. 2, 5. Ab his clare distinguit *reliquos, qui indurati et excaecati sint* v. 7. Et de his in orationis decursu loquitur, eos nunc cecidisse, et indurationem illam duraturam, donec *multitudo Gentilium* tota in Ecclesiam intromissa fuerit, quo facto vicissim *totus etiam Israël*, ab ista incredulitate, in communionem salutis recipiendus sit. Aut ergo nihil video, aut certissime sermo est de integro israelitis populo, de corpore Nationis illius, quae quondam populus fuerat Dei peculiaris, relictis aliis omnibus mundi nationibus, cui nunc quidem, pristinis privilegiis orbato et repudiato, nationes reliquae substitutae erant, sed qui aliquando priori illo Dei favore rursus fruiturus et reliquis Ecclesiae membris aequandus esset.

§ 12. *Septimo, ex eo speciatim, quod totus Israël aliquando salvandus sit.*

Ex his per se iam potest perspicui, quid me iudice sibi velit ὁ πᾶς Ἰσραὴλ, *totus Israel*, quem Paulus praedicat salvatum iri. Sed illud ex ipso textu Paulino nonnihil adhuc illustrare abs re non fuerit. Alludit nempe Apostolus voce illa ad ea, quae superius partim

tim de Iudaeorum praesenti statu, partim vero de Gentilibus dixerat. *Totum Israël* itaque opponit 1) *Semini electo et reliquiis bonis* ex hoc populo, quae etiam nunc ad salutarem Christi cognitionem perducuntur. Semper, uti suo tempore loquentem *Iustinum Mart.* (15) audivimus, *nonnulli ex Iudaeis* ad veram Dei Ecclesiam vocantur et congregantur. Semper Deus ex semine Abrahami etiam nunc electos suos habet. Sed illi tamen, si quod res est dicendum, in censum venire vix possunt. Dici nunc nondum potest, *Israëlem* salutari Dei et Christi eius cognitione esse imbutum. Sed veniet tempus, quo id dici vere iureque merito possit. Sed cum Apostolus *totum Israël* nominat, alludit quoque 2) ad ea, quae modo dixerat de parte Israël obdurata. Hac enim serie ponuntur verba Pauli: *Israëli ex parte obigit obduratio, quoad plenitudo gentium in Ecclesiam admissa fuerit: et tum totus Israël salvabitur.* Elegans hic est oppositio. Tempore namque obdurationis, iudicio huic suberat ipsa proprie loquendo natio Iudaica, qua subinde tantum deserta, quidam transibant et porro transaturi erant ad coetum Ecclesiae Christianae. *Paulus* ad minuendam invidiam, hoc vocat *partem* Israël, cum re vera intelligat corpus ipsum nationis Iudaicae. Sed elapso tristi tempore, salus et salutis communitio reditura erat ad *totum Israël*, id est, pariter ad totum corpus nationis Iudaicae. Denique 3) alluditur per *totum Israël* ad *plenitudinem gentium*. Primo Deus in Ecclesiam introducere volebat Gentes omnes terrae: Gentes enim primae ingenti numero Evangelio patulas aures praebuerant. Hoc facto, etiam Natio Iudaica denuo vocanda

(15) Vide supra §. XII.

et salutis in vera Ecclesia Dei particeps fieri debebat. Itaque per *totum Israël* intelligo totum Nationis Iudaicae corpus, quod Christianae Ecclesiae suo tempore, non ita ut nunc, oppositum amplius erit, sed unum cum ipsa constituet populum Dei. Ita *totus Israël* saepissime accipitur, 1 Sam. vii. 5, xxv. 1, Act. ii. 36, xiii. 24. Non itaque nego, fore aliquos, vere ex Israël progenitos, qui salutis huius partem nullam habituri sint. Quemadmodum enim, durante statu indurationis, quidam tamen misericordiam consecuti sunt, ita nihil vetat, quo minus sub statu restructae salutis, quidam propter perseverantem incredulitatem et impenitentiam, se ipsos illa privati sint. Illi vero in censum non veniunt; verumque nihilo tamen minus manebit, *totum Israël* salvari.

§ 13. *Octavo, ex observatione Pauli, quam doctrinae suae subiungit.*

Nihil vero omnia ea, quae haecenus disputavimus, tantopere confirmat, quam observatio illa Apostoli, qua doctrinam suam de hoc Mysterio concludit. Iubet Gentiles, ad Christi religionem conversos, recordari mirabilis illius vicissitudinis, quam experti fuerant, quod cum Deus olim ipsos, idololatriae et impietati dedidos, dereliquisset, solumque Israël in populum peculi elegisset, nunc vice versa Israël immorigero et incredulo in reprobam sensum tradito, ipsorum misertus sit, atque inter eos posthac Ecclesiam veram sibi colligere velit. Sed et praedicat, Iudaeos parem omnino vicissitudinem etiam in se experturos esse. v. 30, 31, *Sicut enim et vos quondam inobedientes fuistis Deo, nunc vero, postquam hi Iudaei contumaces facti sunt, misericordiam impetra-*
stis;

stis; consimiliter et illi nunc quidem immorigeri evaserunt vestro bono, ut et ipsi olim misericordiam consequantur. Pergit vero ita: Deus enim omnes sub incredulitatem et inobedientiam conclusit, ut omnium misereatur. Id quod haud dubie de successiva et vere admirabili, cum inobedientia hominum, tum miseratione Dei, intelligendum esse, liquet. Primo Deus Gentiles concluderat sub inobedientiam, ut miseretur solum Iudaeorum: postea hosce vicissim iudicium idem bene meritum subire passus est, ut solis Gentibus divitias amoris et bonitatis suae exhiberet. Sed omnibus et Gentibus et Iudaeis una, eandem misericordiae copiam clementissime decrevit, ut se tum vere ostenderet Deum et Iudaeorum et Gentilium, et totius carnis. Quam non apte Paulus huic observationi talem subiungit epilogum? O profundas divitias tum sapientiae tum cognitionis Dei! quam inscrutabilia sunt eius iudicia, et eius viae impervestigabiles? Quis enim cognovit mentem Domini? aut quis ei fuit a consilio? Nam ex eo, et per eum, et in eum sunt omnia. Ipsi sit gloria in secula.

§ 14. *Doctrinam Pauli egregie confirmat mirabilis Dei circa Populum Israëliticum Providentia.*

Quod si iam doctrinam hanc Pauli comparamus cum admirabili prorsus Dei circa Populum Israëliticum Providentia, quis quaeso in hoc negotio, cuius nullum, post orbem conditum, exemplum ostendi potest, non digitum Dei et singularem Providentiae eius veluti industriam observaverit? Videmus populum quondam, supra quam dici potest, refractarium et ad idololatriam proclivem nunc sedibus suis extorem, inter omnes mundi populos dispersum, ab

Tom. III. M omni-

omnibus spretum, ac ludibrio plerumque habitum, ultimis ad haec saepissime malis presum et tantum non oppressum, nihilo tamen minus per XVII. propemodum secula, patriae et avitae religioni constantissime adhaerentem, huiusque amore omnes huius vitae calamitates, ipsamque adeo mortem fortiter contemnentem. Idem de X. Tribubus, in captivitatem Assyriacam abductis, dici profecto non potest. Gentis huius, suo tempore numerosae satis, corpus non ita diu separatum substitit. Pars equidem ad reliquas duas Tribus, Iudaeos speciatim sic dictos, se adiunxit; verum pars longe maxima, (16) quidquid Iudaei; et ex Christianus nonnulli eos secuti, suaviter sibi blandiantur, aliis Gentibus admixta, pars earum dudum iam evasit. Neque etiam mihi quidem videtur hic de horum Israëlitarum restitutione cogitandum esse. Sic enim genus eorum cum aliis gentibus interpolatum et confusum est, ut non magis ad Abrahamum et Israëllem, quam ad reliquas gentes genealogiae eorum pertineant. Ego non dubito, quin permulti ipsorum, gentibus terrae insiti et cum iis permixti, conversi iam fuerint, et reliqui cum gentibus illis, inter quas etiamnum vivunt, suo tempore quoque convertendi adhuc sint. At Israël ille; de quo *Paulus* praedixit, eum primo quidem induratum, sed aliquando vicissim ad salutis communionem admissum iri, talis etiamnum coram oculis nostris oberrat, insigne quidem veritati Religionis nostrae sanctissimae testimonium praebens; sed sine dubio consilii Divini in se executionem quoque operiens.

§ 15. Doctri-

(16) Vide praeter alios *Witsium* de decem Tribubus cap. VIII. § 4, 5, 6.

§ 15. *Doctrina haec Pauli veteri Ecclesiae bene cognita fuit.*

Nolim omittere, doctrinam hanc Pauli, quam nunc excussimus, Ecclesiae primitivae perspectam pariter et bene cognitam fuisse. Eo videntur spectare, quae ex libro quodam Apocrypho affert *Clemens Romanus* (17) in Fragmento illo, quod Epistola ejus secunda nuncupari consuevit: *Dicit enim Sermo Propheticus: Miseri sunt animo duplices et corde incerti, qui dicunt: haec omnia etiam audivimus a patribus nostris; nos vero diem de die expectantes, nihil horum vidimus. Amentes, comparate vos arbori: sumite vitem: primo quidem foliis defluit: deinde germinat; postea uva acerba oritur, indeque uva matura: ita et populus meus agitationes et pressuras tulit; dehinc vero bona excipiet.* Luculentius adhuc spem illam expressit anonymus auctor Testamenti XII. Patriarcharum, qui, haud dubie Christianus, seculo II. vixisse videtur. In Testamento Levi § XVI. haec (18) leguntur: *Propter ipsum (Messiam occisum) erunt Sancta vestra deserta, usque ad pavimentum prophanata, et non erit locus vester mundus, sed inter gentes eritis maledicti et dispersi, donec ipse rursus visitabit, et miserens recipiet vos in fide et aqua.* In Testamento Dan § VI. (19) *Qua die crediderit Israël, consummabitur regnum inimici.* In Testamento Aser § VII. (20) *Vos dispergemini in quatuor angulos terrae, et eritis in dispersione despecti,* vel-

(17) Epist. II. cap. XI. edit. Coteler. Tom. I. p. 187.

(18) In *Grabii* Spicilegio Patrum Tom. I. p. 170. Vide et *Grabii* Prolegomena p. 143.

(19) Apud *Grabium* p. 209.

(20) Ibid. p. 229.

velut aqua inutilis, usque quo altissimus viderit terram Per aquam hic salyabit Israël et omnes gentes congregabit vos Deus in fide propter spem misericordiae suae, propter Abraham, Isaac et Iacob. Quae omnia satis clare alludere videntur ad cap. xi. Epistolae ad Romanos. Alia, quae a viris doctis (21) ex aliis Ecclesiae scriptoribus collecta sunt, ne nimius sim, brevitatis studio nunc libens omitto.

§ 16. *Doctrinae hactenus propositae momentum.*

Nemo iam, ut opinor, de opera illa, quam in exponendo accurate sensu Oraculi Paulini hucusque impendi, ita iudicabit, male eam esse collocatam. *Paulus* enim doctrinam hanc vocat *Mysterium*, et tale quidem *Mysterium*, quod ipse, ex instinctu Spiritus Dei, in usum Ecclesiae revelandum esse putabat. Quis rei Christianis merito adeo venerandae exquisitam indagacionem et cognitionem spernere in animum inducat? An non ipse sapientissimus Servator hoc inter praerogativas discipulorum suorum enumerat, inque eo partem beatitudinis ipsorum ponit, quod *Mysteria regni coelorum* ipsis manifestata, ipsorumque veluti oculis exposita fuissent? *Et dixit eis: vobis datum est nosse Mysterium regni Dei: iis autem, qui foris sunt, per Parabolas omnia ista sunt, ut viden-*

(21) Vide *Suiceri Thesaurum* in voce *Ἰουδαῖος*, Tom. 1. col. 1456, *D. Whitby* in Dissertat. subiuncta Commentar. in Epistolas Apostolorum, *C. Vitringam* Comment. in Iesa. LXIV, *H. Venema* Dissert. Sac. p. 208. Sed vide omnino *Primassi* commentar. in Apocalypsin, Tom. 1. Magnae Bibliothecae Patrum col. 1368.

dentescideant, et non cernant, etc. Marci IV. 11, 12. Aut en forte quis existimaverit, *Mysterium Paulinum* non esse ex illorum genere, de quibus loquentem *Servatorem* audivimus, quia nos ipsos, nostramque propriam salutem non ita spectat, sed eos tantum, qui hactenus extra Ecclesiam habitant? At vero de *Mysteriis* omnibus, a Deo Ecclesiae suae revelatis, sentiendum et tenendum est, esse ea *Mysteria pietatis* I. Tim. III. 16, quorum cognitio usum semper habet, et cum insigni fructu conjuncta est, quaeque veram fidem et genuinam pietatem, aut directe et immediate, aut indirecte utique et mediate, iuvat ac promover. Id ipsum de *Mysterio Paulino* observari etiam potest; et observatio illa pro otiosa minime habenda est.

§ 17. *Vsus Doctrinae illius hoc tempore.*

Meditatio igitur arcani illius consilii Dei de futura adhuc primo Gentilium, et deinde populi Iudaici conversione illustri magnum profecto usum habet, etiam hoc tempore, quo consilium illud suum re ipsa exequi, Deo nondum placuit. Opera Dei omnia, praesertim illustriora, qualia sunt illa, de quibus nobis consilium suum aperuit, non modo quae vidimus, sed etiam futura, eius indolis semper sunt, ut gloriam eminentissimarum perfectionum Dei nobis retegant, urque eorum cognitio viva in hominibus pietatis solidae intimum sensum aut excitet, aut excitatum confirmet ac augeat. Ideoque pietas nos iubet, talia opera Dei meditare et attente considerare, Ps. XL 6, CIV. 24, CXI. 2, quod de hoc speciatim consilio Dei monet urgetque *Paulus* verbis sane magnificis, et pio affectu plenissimis, Rom. XI. 32, 33, ad fin. Praeterea, quod Deus praedicit, quodque ceu

nomini suo gloriosum et Ecclesiae suae salutare, eiusdem filiis annuntiari iubet, ab iis in fidē et spe expectandum est, Gen. XLIX. 18, Pf. CXIX. 166, Iesā. LXIV. 1 (22) secundum edit. Hebraic. Quae fidei expectatio magnopere commendatur in piis Iudaeis tempore Christi, Lucae II. 25, 38, XXIII. 51, Marci XV. 43. Eaue expectatio, si fidei et pieratis fructus genuinus est, hominem gloriae Dei studiosum inertem ac otiosum esse utique non sinit. An non qui de consilio hoc Dei edoctus et penitus in conscientia convictus est, gloriae sibi ducet, ad illud promovendum saltem aliquid contulisse? An non hoc est evadere *συμπεργῶν Θεῷ*, *Dei in opere tam eximio socium*? I. Cor. III. 9. Quo quidnam potest esse gloriosius aut beatius? Oportet igitur eum, qui potest, et quo modo potest, operam dare, ut conversionem eorum, quos ex consilio Dei adhuc convertendos esse novit, omni ope promoveat. Si omnes, quibus aliquam facultatem Deus dedit, suum hic agerent, dubitandum non est, quin Deus piis huiusmodi conatibus largissima benedictione esset adspiraturus. Quam egregium nostrā memoria Gentilium conversio in quibusdam Asiae et Americae partibus successum iam habuerit, neminem historiae recentioris studiosum fugere potest. Quid non ex his initiis rei Christianae polliceri possumus? *Messis quidem multa, operarii autem pauci. Rogemus ergo Dominum messis, ut mittat operarios in messē suam*, Matth. IX. 37, 38. Vnum autem est, quod possunt omnes, serio et in pio mentis fervore Dominum precantes, ut *adveniat regnum*

(22) In hoc loco sigillatim contineri expectatissimam ultimae Iudaeorum conversionis, censent *Vitringa* in hunc loc. et *Venema* Dissert. Sac. p. 230.

gnum ipsius. Hoc fecisse veterem Ecclesiam, in testimonium fidei suae ac spei, (23.) ex residuis illius monumentis intelligimus. Idem faciamus et nos, idque tanto magis, quanto magis credendum; tempus illud nunc propius adesse.

§ 18. *Usus, quem Doctrina haec habebit aliquando tempore ipsius implementi.*

Verum ubi iam aderit tempus, quo Deus non modo vaticinium Pauli, sed multa etiam Prophetarum V. Testamenti oracula, quae adhucdum obscura sunt et clavi indigent, implere dignabitur, usus doctrinae huius apparebit adhuc multo luculentius. Quae optimus Servator discipulis suis praedixerat, ipsos quidem semper, etiam antequam evenirent, instruebant, aedificabant, solabantur; sed ex eventu demum praestantissimus harum praedictionum usus cognoscendus ab ipsis erat. *Haec locutus sum vobis, ut, ubi venerit hora illa, memineritis eorum, quod ego haec dixerim*

vo-

(23) *Iustinus Martyr* Dialogo cum Tryphone p. 254, Quapropter etiam pro vobis, Iudaeis, et pro aliis omnibus hominibus, qui nobis hostiliter adversantur, oramus, ut respiciant nobiscum, item p. 323, Pro vobis etiam oramus, ut Christus vestri misereatur. Adde p. 325, et ipsum Dialogi finem. Et ita re ipsa agere consueville Christianos illius aevi, testis est historia. Sic Paulum sanctissimum Martyrem, Caesareae in Palaestina morti proximum, publice pro Iudaeis supplicasse, ut per Christi fidem conversi ad Deum accederent, deinde etiam pro gentibus, Eusebius memoriae prodidit in Libro de Martyribus Palaestinae cap. viii p. 271 Graviter etiam has pro Iudaeis preces seculi nostri hominibus commendat pius, non minus, quam solide eruditus Theologus, Iac. Altingius in Rom. xi. Oper. Tom. iv. p. 132.

vobis, Ioh. xvi. 4. Vsum itaque huius doctrinae cum iucundissimo conscientiae sensu in se experientur conversi Gentiles et Iudaei, quando ex collatione vaticiniorum cum eventu gratiosissimum hoc Dei circa salutem suam consilium intelligent, atque per meditationem hanc in fide sua non poterunt non potentissime confirmari. Vix est quidquam, quod homines tam vero sensu Dei ipsius, in Scriptura loquentis, imbuere, quodque ipsis tantam Verbi Divini reverentiam incutere possit, quam attenta vaticiniorum, certique eorundem complementi, consideratio. Haec, uti ego existimo, plurimum olim ad conversionem gentilium, quae facta iam est, contulit. Sperandum est, eandem aliquando Gentiles et Iudaeos convertendos, post conversionem, in fide egregie esse obfirmaturam. Nec minorem doctrina haec usum habebit apud alios Christianos, tunc magni huius operis Divini testes futuros. Experientia suggerere nobis videtur, adesse nunc *extremos illos dies*, quibus praedixit *Petrus, venturos esse derisores, in suis ipsorum cupiditatibus incedentes, et dicentes, ubi est pollicitatio adventus eius! nam ex quo die Patres obdormierunt, omnia ita permanent ab initio creationis*, 2. Pet. iii. 3, 4. Si quidquam hominibus his, quorum numerus certe indies increfcit, veterum et profanas cogitationes excutere possit, erit haud dubie mirabilis ille eventus, et inexpectatum illud plurimis verbi Prophetici implementum. Tum profecto, uti tempore adventus Domini in carnem, *commovebuntur iterum omnes gentes*, commovebuntur Iudaei, commovebitur totus orbis, *manifestabitur gloria Domini*, et *omnis caro intelliget, os veracis Dei haec omnia esse locutum*; tum Ecclesia in terris militans, sociatis cum coelitis animis et linguis, iugiter inclamabit, *Sanctus, Sanctus, Sanctus est Iehovah Zebaoth, implet totam hanc terram gloria eius*.

DISSERTATIO

DE COGNITIONE CHRISTI SECUN-
DUM CARNEM, 2 COR. V. 16.

§ 1. *In cognitione Christi posita est hominum salus.*

Quam necessaria, quamque salutaris sit hominibus, ad veram beatitudinem contendentibus, cognitio Domini nostri Jesu Christi, ipse ille unicus noster Redemptor quam optime nos docet, quando, Ioh. xvii. 3, *Hæc est autem vita æterna, inquit, ut te cognoscant illum solum verum Deum, et quem misisti, Iesum Christum.* Et profecto, si non est in alio quoquam salus, quam in Christo, si non aliud nomen est datum sub coelo hominibus, per quod oporteat nos servari, Act. iv. 12; si unus ille est via et veritas et vita, per quem solum ad Patrem perveniri potest, Ioh. xiv. 6; si porro Christus, magnum illud et salutare Dei donum, ex decreto Dei cum nemine communicatur, nisi interveniente Fide; si denique Fides sine cognitione inane rei nullius nomen est; res ipsa id satis loquitur, omne veræ nostræ salutis præsidium positum esse in recta cognitione Christi. Ex illa pendet coelestis illa et Divina sapientia, quæ mentem

vere erudit et consolatur, 1. Cor. I. 30, Coloss. II. 2, 3. Ex illa pendet Fides vivifica et salvifica, Ioh. XX. 30, 31, Rom. X. 10, 14, 17. Ex ea pendet Iustificatio peccatoris coram Deo, Iesa. LIII. 11, Phil. III. 8, 9. Ex ea pendet pietas genuina vitaeque sanctimonia, 1. Cor. I. 30, Eph. IV. 20, 21, Coloss. II. 6, quae tandem in summam sineque carituram beatitudinem mentis atque corporis desinit.

§ 2. *Est tamen cognitio aliqua Christi carnalis, 2 Cor. v. 16, in qua salus posita non est.*

Quae etsi ita comparata sint, est tamen aliqua cognitionis Christi species, etiam cognitionis Christi verae, quae non modo ad aeternam beatitudinem nihil confert, sed quae eidem etiam obstacula eaque non levisimi momenti obijcit. Paulus certe, qui omnia, praeter unam cognitionem Christi, detrimenti loco habebat, Phil. III. 8, quique inter Corinthios profitebatur, se nil nosse, nisi Iesum, eumque crucifixum 1. Cor. II. 2, id tamen de certa tantum Christi cognitione, spirituali nempe et salutari, intellectum cupit. Ab illa aliam distinguit, quam vocat carnalem vel cognitionem secundum carnem, quam a se removet et procul esse iubet: Nos, inquit, nunc neminem novimus secundum carnem. Et si cognovimus secundum carnem Christum, nunc tamen eum non novimus, 2 Cor. v. 16. Nemo profecto inficias iverit, Paulum hic loqui de cognitione Christi non fictitia, non imaginaria, et uno verbo falsa, sed de vera et genuina, in qua conceptus rem recte repraesentat, cum re ipsa congruit. Potest igitur, iudice magno illo Apostolo, dari etiam talis vera Christi cognitio, ex qua homo in Christo non proficit, quae ipsum sinit esse in-

Inertem et inanem; quaeque ipsi verae laetitiae et consolationis duraturae argumentum solidum non praebet, si nempe cognitio illa sit carnalis. Operae pretium esse puto, genium et indolem huius cognitionis Christi paulo uberius evolvere et explicare.

§ 3. *Quaeritur, quidnam Paulus per cognitionem Christi secundum carnem intelligat.*

Equidem si verba Apostoli meditate expendamus, si ad mentem ipsius diligenter attendamus, si nexum et seriem rerum in consilium adhibeamus, deprehendemus facile, sermonem non esse de omni illa cognitione Christi, quae carnalis iure dici meretur, sed respici singularem quamdam illius speciem, quae illo tantum tempore locum habere poterat, nunc non item. Nempe *σὰρξ καὶ κρέας*, quando tribuitur Christo Domino, non modo Naturam eius Humanam designat, oppositam Naturae eiusdem Aeternae et Divinae, quae caro nunc ad dextram Dei sedet, infinitae gloriae et Maiestatis particeps; sed praeterea etiam corpus Christi mortale et terrenum, vitae naturali terrestri accommodatum, quo nunc iam in coelo conspicuus non est. Caro enim, qua homines in vita hac induti sunt, illius est naturae, ut gloria et aeterna duratione vitae coelestis frui non possit, nisi prius mutatio intervenerit, teste Scriptura 1 Cor. xv. 50, 51, 42, 43, 44, adstipulante pariter clara et evidenti ratione. *Vivere itaque in carne* est corpore mortali etiam num amictum esse, et vitam animalem terrestrem vivere, Gal. ii. 20, Philipp. i. 21, 1 Pet. iv. 2. Neque aliter de ipso Christo Domino Scriptura loquitur, quippe cui pariter *diem carnis* tribuit Hebr. v. 7, qui nonnisi de vita ejus humili, deque illa carne, in qua pro peccatis nostris satisfecit Deo, intelligi potest. Ex his

his iam haud difficulter perspicitur, quid Paulo sit, *novisse Christum secundum carnem*, nimirum vidisse, audivisse et cognitum habuisse Christum, dum adhuc in terris degeret, omnibusque conspiciendum se praeberet. Ita interpretum plerique, et recte omnino, verba haec capiunt. Sufficiat unius *Grosii* adduxisse interpretationem, quia difficultatem, quam in verbis Pauli quidam sibi repperisse visi sunt, eadem opera tollit. Ita autem ille (a) commentatur: ἐγνώκαμεν, *hic est indicativus pro subiunctivo more Hebraeo. Estiamsi, inquit, Christum in carne, id est, cum vitam adhuc mortalem ageret, familiariter cognitum habuissemus, nunc tamen eum non ut talem consideramus et colimus, sed ut Regem coelestem et Iudicem humani generis.*

§ 4. *Quaeritur, quare Paulus talem cognitionem Christi secundum carnem extenuaverit.*

Quaeri hic merito potest, quamobrem *Paulus* talem cognitionem Christi extenuet, et a se remotam velit. An igitur hoc parvi pendendum, aut plane spernendum est, vidisse Deum in carne manifestatum, ab ore eius pependisse, coelestem eius doctrinam auribus imbibisse, opera eius Divina oculis suis subiecisse, ac veluti ex propria eius manu pignora amoris et benevolentiae accepisse? Difficultati huic ita obviam iri posse censet Theologus benedictae memoriae, *Hermannus Wislizenus* (b): *Illud secundum carnem, non adiicitur ibi Christo, ut Actor. II. 30, Rom. IX.*

5.

(a) In Annotation. ad locum, de quo agitur, 2 Cor. v. 6.

(b) Exercit. XIV. in Symbolum Apostol. § 27.

5, *sed cognitioni nostrae, quae distribuitur in cognitionem secundum carnem, sive carnalem, et cognitionem secundum spiritum, sive spiritualem. Cognitionis secundum carnem constabat carnali vel oculorum visione.* Verum mihi quidem responsio ista viri celeberrimi, Dei, de qua agitur, non usquequaque satisfacere videtur. Vtique verba illa κατὰ σάρκα, *secundum carnem*, ad Christum referenda sunt, quemadmodum ex his, quae § praecedenti observata fuere, constare satis potest. Equidem non invitus largior, Paulum intelligere cognitionem, quae eo etiam nomine dici potest merito carnalis, quia est cognitio per sensus, visio oculorum; sed et hoc mihi concedi velim, cognitionem hanc ideo praesertim dici *cognitionem secundum carnem*, quia illius obiectum est Christus in carne humana manifestatus, atque oculis omnium patens. Quenam igitur causa est, quod Apostolus hanc cognitionem Christi in carne extenuare videatur, et a se procul esse iubeat? An non Simeon, Spiritu Dei plenus, summam cognitionis huius beatitudinem praedicavit, cum, viso Christo recens nato, exclamaret? *Nunc dimittis servum, Domine, in pace, quia viderunt oculi mei salutem tuam.* Luc. II. 29, 30. An non ipse Servator iudicium hoc Simeonis probat, et calculo suo confirmat? quando *conversus ad discipulos privatim eis dixit: Beati oculi, qui vident, quae vos videtis. Dico enim vobis, multos Prophetas et Reges cupivisse videre, quae vos videtis, nec tamen vidisse, et audire, quae vos auditis, nec tamen audivisse.* Luc. X. 23, 24. Et sane quis est, qui dubitare possit, fideles illos Christi Domini amicos et discipulos, qui ipsum in carne videbant, eoque familiariter utebantur, beatos summo iure dicendos fuisse, quod iucundissimarum promissionum Dei de Messia implementum in Iesu Nazare-

no

no oculis suis primi viderent, idque, quod ipsi viderant, aliis ad salutem ipsorum annuntiare potuerint? Hoc vero, quod Prophetas V. Testamenti tanto ardore videndi diem carnis Domini incendit, quodque discipulos Christi beatos reddidit, nunc, postquam Servator ad gloriam vitae coelestis evectus est, non minus per fidem cognosci potest, quam tunc per testimonium sensuum cognoscebatur, nec minus nunc in credentibus gaudium spirituale et solatium excitat, quam tunc in discipulis Domini excitabat. Quinimo quis tunc ullo ambigat, cognitionem Christi, quae nunc inest in credentibus per Fidem, longe esse uberiorem, et longe vividiorum laetitiae, consolationis et spei sensum secum ferre illa, qua fruebantur, qui Christum in carne cognitum habebant, O vere nunc *beatos, qui non vident, et tamen credunt!* Ioh. xx. 20, 21. Paulus igitur, ut e diverticulo in viam redeam, cognitionem Christi secundum carnem a se removet, inque illa praesidium nullum collocat, 1. quia ad salutem necessaria nullo modo est. In Apostolis erat utique etiam illa necessaria, sed respectu credentium, ut quod ipsi non viderant, scirent ex testimonio Apostolorum, utque huic testimonio, quod dubium nullum admittit, fidem suam in Christum inaedificare possent. Ad fidem ipsam cognitio illa credenti minime necessaria est. 2. quia per se beatum neminem efficit. Potest sane cognitio illa esse medium et instrumentum cognitionis spiritualis per fidem vivam, et tum beatum reddit hominem: quis neget? non tamen propter se, sed propter fidem ex illa ortam. Hic vero nobilissimus fructus, nunc citra illam cognitionem, cui locus iam nullus est, ex solo verbo Christi producit in credentibus, quem raro et in paucis tantum, tum cum in terris doceret ipse Christus, cognitio eius carnalis protulit. Quot non fuerunt Iudaeorum mil-

millia, qui Christum viderunt et cognitum habuerunt in carne, in quos tamen ex illa cognitione nulla omnino salus et beatitudo redundavit? 3. quia multi, qui Christum in carne viderant, dum in illa cognitione acquiescebant, dum in illa gloriandi argumentum quærebant, aliisque vere credentibus eo se antecellere opinabantur, a cognitione Christi spirituali per fidem avertébantur, et satis dilucide, se non spirituales, sed carnales esse, testatum faciebant. Et eo quidem *Paulus* in loco illo, quem nunc excutimus, præcipue respexisse videtur. Bene *Grotius*, qui iis, quæ supra iam adduximus, ista adiungit: *Εστὶ ἀντανάκλασις* in verbo γινώσκειν, quod et notitiam significat et æstimationem. Dictum autem hoc est adversus illos, qui cum ex Iudæa Corinthum venissent, se præferebant ceteris eo, quod Christum ipsum docentem audissent, vidissent, forte et aliqua cognatione contingerent. Mitto iam alios, pedibus in eandem sententiam euntes.

§ 5. De cognitione Christi carnali generatim spectata.

Ceterum nemo est, qui non illico videat, id, quod *Paulus* de certa aliqua cognitionis Christi carnalis specie iudicat, intelligendum pariter esse de omni alia qualicumque cognitione, quæ carnalis vere est, talisque dici meretur. Semper ita tenendum atque existimandum est: *Spiritus est, qui vivificat, caro non prodest quidquam*, Ioh. vi. 64. Omnis cognitio Christi, quæ est secundum carnem, quæ in carnem fertur, quæ ex carne proficiscitur, quæ modo carnali procedit, nec Deo placere, nec Christiano prodesse, nec conscientiae ullum solamen adferre potest. Meditationi huic paulisper nunc immorari iuvabit. Ex his,

his, quae modo dixi, per se satis intelligitur, quidnam ego per cognitionem carnalem designatum hic velim. Sed distinctius tamen atque clarius id explicabo. Potest igitur cognitio Christi duplici respectu dici carnalis. Primo quidem, respectu obiecti, quando cognitio in id tendit, et circa id versatur, quod vere est carnale: secundo, respectu ipsius cognitionis actus, qui, etiam cum versatur circa res spirituales, in se tamen carnalis esse deprehenditur.

§ 6. *Cognitio Christi carnalis cum respectu ad illius obiectum.*

Illa igitur cognitio Christi merito dicetur carnalis, quae ubi in Christum Dominum fertur, versatur non circa spiritum, sed circa carnem. Nemo autem suspicetur, me nunc per *carnem*, aut Christi corpus, oppositum spiritui rationali, aut totam illius Naturam Humanam distinctam a Spiritu eius aeterno intelligere. Quis enim veritatis amore imbutus umquam dixerit, hanc cognitionem supervacaneam esse, et tuto negligi posse? An ex cognitione Christi in nos poterit redundare iustitia et pax, et laetitia in Spiritu Sancto, nisi in eo, ceu Goële nostro, contemplari possimus carnem nostram, quam nostro bono ex sanguine B. Virginis Mariae per operationem Spiritus S. suscepit, in qua Legi Dei perfectam et sanctam obedientiam praestitit, in qua peccata nostra tulit et expiavit, et quae posthaec a Deo ad vitam resuscitata, et in summam gloriam coelestem evecta est? Nemo, opinor, id dicet, nisi a veritatis sensu plane alienus. Libenter itaque subscribimus iudicio *Witsii*, hac dere re ita (c) dif-

(c) In Symbolum Apostol. Exercit. XIV. § 27.

differentis: *Non est existimandum, Apostolum necessitatem huius cognitionis tollere, vel extenuare, quando scribit 2 Cor. v. 16, Quod si etiam novimus secundum carnem Christum, nunc tamen non amplius novimus, supple, secundum carnem.* Quid erit igitur caro in Christo, aut carnale illud, quod existimamus esse objectum cognitionis carnalis? Omne id, quod, ubi cognitum est, te ipsa tamen non prodest, fidem non pascit, spem non erigit, credentis mentem non ad ipsum Christum evehit, inque eum, ut causam vitae et salutis aeternae desigit; sed otiosis tantum speculationibus, et vanae cuidam ac inani curiositati pabulum subministrat. Christus in omni verbo Prophetico et Apostolico semper nobis exhibetur cognoscendus, ut *unicus Mediator inter Deum et hominem, ut Princeps salutis nostrae, ut Dux et consummator Fidei nostrae, qui factus est nobis a Deo sapientia, et iustitia, et sanctificatio, et redemptio, 1 Tim. ii. 5, Hebr. ii. 10, xii. 2, 1 Cor. i. 30.* Haec est gloria Domini, quam nos oportet *resecta facie* tam attente, tam avide, tanto cum mentis ardore *contemplari*, usque dum *in ipsam imaginem Domini gloriosam transformemur, 2 Cor. iii. 18.* Ad hoc ipsum dulcissimum Jesu Christi nostri nomen nos invitat, in id omnes intellectus nostri nervos intendere nos iubet. Quidquid vero ad cognitionem hanc illiusque incrementa non confert, etsi vel maxime Christum ipsum spectet, carnale id habendum utique est.

§ 7. Illius exempla.

Habet omnino cognitio ista suas illecebras, quibus homines carnales pellicit et demulcet, iisque etiam sub pietatis specie se commendat. Quid enim, an
 Tom. III. N sper-

spernendam putabis cognitionem qualemcumque, dummodo sit cognitio Christi? An non profectus in illa, cujuscumque etiam sit generis, in lucro ponendus erit? Ita nimirum homines se ipsos decipiunt, et pro Iunone, quod ajunt, nubem amplexantur. Cumque ad huiuscemodi fraudes et deceptiones homines naturali quodam impetu propellantur, cum in illis mirifice sibi placere et adblandiri soleant, fieri vix aliter potuit, quam ut cum genuina spirituali cognitione Christi, hujus aemula, carnalis et adulterina, in Ecclesiam satis cito furtim sese insinuaret. Tempore jam ipsorum Apostolorum vidimus extitisse quosdam, qui hoc praecipuum gloriæ suae et fiduciae argumentum ponerent, quod Christum in terris obambulantem oculis suis vidissent, quod docentem auribus suis audivissent, quod corpus ejus et vestimenta manibus suis contrectassent, quod vestigia pedum eius pedibus suis pressissent, quod una cum eo cibum cepissent, quodque adeo forte vinculo cognationis ipsum contingerent, et quae sunt hujus generis alia. Nec vero est dubitandum, quin secuto tempore studium cognitionis carnalis maiores in dies progressus fecerit. Eo refert *Clemens Alexandrinus* (d), quod nonnulli, praecipue ex Gnosticis, suo tempore curiosius in diem natalem Domini inquirere coepissent. Eosdem haereticos in id sedulo incubuisse novimus, ut formam externam et lineas vultus Christi cognitae haberent (e), ejusque imagines conquirerent. Cumque tale quid a genuinis Domini cognatis, amicis et discipulis, Iudaeis quippe, quibus imaginum omnium usus supra modum invisus erat,

ex-

(d) Stromatum Lib. I. p. 340.

(e) Vide *Irenaeum* Lib. I. c. xxv. § 6, *Epiphanium* Haeresi xxvii. § 6, *Augustinum* Haeresi vii.

expectari non posset, Pilati, urpote Echnici, studio in Christum in acceptis tulerunt, quas venditare solebant Domini imagines. Non minus operosam ac scrupulosam diligentiam Haeretici illi posuerunt in cognoscendis de Christo iis, quae Scriptura S. silentio involvit, nosque latere voluit, de vita parentum avorumque Christi, de illius ipsius infantia et adolescentia, et gestis in vita privata ac domestica. Peperit nobis malesana illa hominum carnalium curiositas tot Evangelia fictitia, *Prot. Euangelium Iacobi, Euangelium Nativitatis Mariae, Euangelium infantiae Christi, Euangelium Thomae*, aliaque hujus fursuris, quae in Celeberrimi *Fabricii Codice Apocrypho N. Testamenti* iunctim edita legi possunt. Sed satis mature studium illud ab Haeticis ad Catholicos transit, illamque superstitionem invexit, quae antea ignota erat gregi Christiano, sed quae, ubi semel animos hominum invasit, et velocia et ingentia cepit incrementa. A seculo certe IV (f) mirificus quispiam in mentes hominum sese infudit ardor, invisendi loca illa, quae Servator mundi quondam calcaverat et praesentia sua dignatus fuerat, ac videndi reliquias illarum rerum, quas Dominus contactu corporis sui sancti honestasse existimabatur. Quid ardor ille cognitionis et pietatis adulteratae produxerit, hodieque cerni potest. Passim enim hodie per totam Europam, idque pluribus in locis, ostenduntur, avide nec sine aliquo devotionis, sed quae revera superstitio crassa est, sensu conspi-

(f) Seculo iam illo, impetui huic superstitionis in Ecclesiam irruentis, se opponere voluit *Gregorius Nyssenus* Oratione de iis, qui adeunt Hierosolyma, Opp. Tom. II. p. 1084. etc. sed frustra.

spiciuntur, ac religiosa denique veneratione (g) coluntur *dentes*, *crines*, etiam *praeputium Christi*, *reliquiae sanguinis Christi*, *aqua cum sanguine Christi mixta*, quae ex latere ejus fluxit, *gutta* (h) *lachrymarum Christi*, ejusdem *praesepe*, *cunabula*, *iodices*, *indusia*, et *calcei*, *Hydriae sex*, in quibus *Servator primum miraculum peregit*, itemque *vinum in illis ex aqua factum*, *particula panis*, quem *Dominus Apostolis distribuit*, nec minus *calix*, quem in *Coena ultima iisdem porrexit*, *crucis Christi frustula et particulae infinitae*, *inscriptio crucis Christi*, *clavi*, quibus in *cruce perfossus fuit*, *tunica Christi inconsutilis*, *corona spinea capiti eius imposita*, *cuspis lanceae*, quae *latus ipsius transverberavit*, et innumera alia hujus generis, quae omnia, si vel vere id essent, quod esse venditantur, essent tamen obiectum cognitionis carnalis, quae nihil prodest, quamque a se procul remover *Paulus Apostolus*.

§ 8. *Cognitio carnalis Christi cum respectu ad cognitionem ipsam.*

Illam porro cognitio Christi merito carnalis dicenda erit, quae etsi occupata sit circa res spirituales, in se tamen vere carnalis esse deprehenditur. Per *carnem* Scriptura S. id etiam intelligere solet, quod est in natura hominis corruptum, quodque corruptionem et intellectus, et voluntatis, et affectuum, fovet, nutrit, adjuvat. Hac corruptione saepissime infectam et vicia-

(g) Vide *Wolffii Lectiones Memorabiles*, Tom. II. p. 133. et *Gerhardi Confessionem Cathol.* Fol. 1034, etc.

(h) *Emiliane de fraudibus Monachorum* Tom. II. p. 115. edit. Germanicae.

riatam esse cognitionem nostram, etiam quando circa res Divinas, spirituales ac vere saluantes versatur, quis est, qui negare audeat? Luculentius hoc intelligi poterit, si paucis expenderimus cognitionis carnalis scopum, modum, et adiuncta.

§ 9. *Et 1. quidem illius scopum.*

Cognitio igitur Christi et rerum spiritualium carnalis dignosci facile poterit ex scopo, quem homo cognitioni incumbens propositum sibi habet. Quod si enim ille in omni cognitionis suae profectu id spectat et quaerit, ut Gloria Dei sibi reveletur, mentemque suam dulci quodam sui sensu perfundat, ut Christus unicus salutis auctor sibi vere innotescat ad sapientiam, ad iustitiam et sanctimoniam, ut viva fides et spes corroboretur, ut denique sic Deus ipse glorificetur, et propria hominis salus consummetur, cognitio illa est, haud dubie spiritualis, qua seminatur spiritui. At longe aliud quid cogitant, quamvis circa idem obiectum sint occupati, qui cognitioni student et inhaerent, ex libidine plura cognoscendi, et propter dulcedinem, quam copiosae et rarae doctrinae conscientia plerumque secum vehit. Summae voluptati ducunt, intellectum suum speculationibus eruditis et subtilibus oblectare, res intricatas dilucide explicare, quaestionibus tenebrosis novam lucem infundere, et difficiles nodos solvere. Eadem quoque opera affectibus suis, ambitioni, avaritiae, aliisque commode obsecundant. Volunt esse aliis doctiores et sapientiores, et pro talibus agnoscuntur. Praeferuntur aliis, prae aliis coluntur, prae aliis honoribus, dignitatibus et beneficiis maerantur. Sic profecto *sacrificant plagis suis, et suffitum faciunt retinaculis suis, quia per haec pinguis est portio eorum*, Habac. I. 16. An non cognitione

Ille velificant carni suae, ei serunt, eidemque metunt?
An non haec est cognitio illa carnalis huius mundi,
quam Deus confundit?

§ 10. 2. *Illius modum.*

Corruptio cognitionis carnalis non minus facile di-
gnosci poterit ex modo, quo procedere solet. Non
illa facile sibi limites et fines poni patitur. Non con-
tenta illis, quae Deus de mysteriis regni coelorum in
Verbo suo docere nos voluit, altius eniti cupit, & *μη
ἐπαίξεν ἐμβάτευσεν*, *pedem inferens in ea, quae non
vidit*, Colossi. II. 18. Aedificationis omnis prorsus
immemor, salutis animae, ad quam omnis cognitio
Christi dirigi debet, rationem omnino nullam habens,
in id unice intenta est; ut numerus quaestionum ab-
strusarum, reconditarum, plerumque autem inanium
et inutilium, saepe etiam ineptarum et ridicularum,
multiplicetur. Itaque sub nomine cognitionis latet re
ipsa temeraria et Christiano indigna curiositas. Eam
non male sic describit Guil. Amesius (1): *Quin-
tuplex est curiositas scientiae; 1. Cum illa scire volu-
mus, quae Deus non revelavit, 2. Cum illa quaerimus,
quae nihil spectant ad nos, sed ad alios, 3. Cum mi-
nus necessariis maxime studemus, 4. Cum difficiliora
quaerimus, principis neglectis, 5. Cum non simpli-
citer acquiescimus in Dei voluntate, sed rationem eius
volumus videre.* Non melius autem indoles carnalis
huius cognitionis perspicitur, quam exemplo Scho-
lasticorum, qui huic cognitioni ad miraculum usque
delectati fuerunt. In Christo agnoscimus carnem,
sive naturam humanam, quam ex Virgine Maria,
illaesa manente virginitate, accepit. Hoc docet Scri-
pta.

(1) *De Conscientia* Lib. III. cap. 2.

ptura. Hoc rationibus sapientiae Divinae et salutis nostrae convenire intelligimus. In hac Dei revelatione simplici et modesta fide acquievit pia vetustas, ita iudicans (k): *Scio, quod Verbum caro factum est, et quomodo factum sit, nescio, Miraris, quia ego nescio: omnis creatura ignorat.* At ista humilis simplicitas Scholasticis sordeſcit. Pluribus modis rationem huius myſterii explicuerunt. Docuerunt, qui fieri potuerit, ut Chriſtus ex utero matris prodierit, ſalva virginitate. Quomodo vero? Per miraculum, ſine aperitione clauſtri virginalis, et citra ullum matris ſuae dolorem. Quam ſententiam tuentur hodieque nonnulli Eccleſiae Romanæ Theologi. Fuerunt etiam, qui conceptionis modum accuratius exponere ſatagerent, diſtantes (l), conceptionem peractam fuiſſe prope cor Mariæ, ex guttulis tribus ſanguinis. Sunt infinitæ aliæ Scholasticorum quaſtiones de Trinitate, de Divinitate Chriſti, de eiſdem Incarnatione, ex quibus Theologia ipſorum et cognitio diiudicari poteſt. Ex illis pauca hæc, ab *Erasmio* (m) nobis ſuppeditata, adiiciemus. Quærunť nempe Scholastici, *an quaelibet Perſona Divina poſſit quamlibet Naturam aſſumere; quomodo Verbum Humanam aſſumſit; An tres Perſonæ poſſint ſimul eandem Naturam aſſumere; An unum ſuppoſitum creatum poſſit alſeram Naturam creatam aſſumere; An hæc Propoſitio: Deus eſt ſcaba-bæus aut cucurbita, tam poſſibilis ſit, quam hæc, Deus*

(k) *Chryſoſtomus* in Homilia quadam, apud *Chemnitium*, de duabus Naturis etc. cap. x. Fol. 61. b.

(l) Vide *la Bibliothèque Angloiſe* Tom. II. Part. II. p. 355.

(m) Annotat. in 1. Tim. I. vs. 6. Vide alia exempla in *Des Landti Hiſtoria Critica Philoſophiæ*, Gallice ſcripta. Tom. III. p. 275, 320.

Deus est homo; An Deus assumerit individuum humanum, an vero speciem; An Pater producat Filium et Spiritum S. ratione intellectus, an ratione voluntatis; An ratione Essentiae, an attributi; naturaliter, an libere; An haec Propositio sit possibilis, Pater Deus odit Filium Deum. Quibus censuram hanc merito subiungit Erasmus: His serio occupantur Theologorum Scholae. His aetas, rerum omnium fugacissima, consumitur, cum tamen pleraque sint eius generis, ut doctius nesciantur, quam sciantur, ut ridicule quaerantur, temere definiantur.

§ 11. 3. Illius adiuncta.

Habet denique cognitio illa, de qua loquimur, vitia quaedam adiuncta, quae ab illa abesse non solent, et ex quibus indoles ipsius aestimari quoque potest. Talia sunt, ut paucis hoc, quod superest, expediam. 1. Fiducia posita in speculationibus Theoreticis, quas multi ipsam Religionis substantiam esse sibi persuadent. Sic dum cortici inhaerent, nucleum non consequuntur, et a vera pietate manent alieni. 2. immensus amor, quo cognitioni carnali sunt dediti, notiones et conceptus ingenii sui, ut proprios foetus, complectuntur. Hos ut deserant, machinis nullis induci possunt. Eosdem vero omnibus aliis obtrudere cupiunt, et sicubi fortuna coeptis eorum favet, re ipsa alios, ut in verba sua iurent, adigunt. Quot non ex hoc fonte Logomachiae, quot lites in Ecclesia Dei emanarunt? 3. Superbia, eaque tanto periculosior, quod, dum sub emendicata forma datet, non ita facile observari possit. Putant enim, qui amore proprio toti ardent, se amare Christum, et zelo nominis eius inflammari. Credunt se litare veritati coelesti, dum vere inventa cerebri sui tenerri-
mo affectu prosequuntur, in illis sibi supra modum placet,

cent, iisque thus adolent. 4. amor rixarum et controversiarum, quae sunt certissimus cognitionis carnalis fructus, in quibus etiam deliciantur, quarum nulla satietyas eos capit, qui cognitioni illi inbiant. *Cum enim inter vos sit zelus et contentio, an non carnales estis, et secundum hominem ambulatis?* 1. Cor. III. 3. 5. studium vincendi. Qui enim cognitione carnali capitur, vix umquam veritatem sincero affectu quaerit, ita ut ei errores quoscumque etiam radicanos sacrificare paratus sit, verum id quaerit, ut, quod semel ut verum admisit, quovis modo adstruat, omnesque adversariorum conatus non sine gloria retundat. Quotidie nova bella novosque triumphos meditatur. Qui igitur cognitionem illam sectatur, *superbus est, nihil sciens, sed languens circa quaestiones et pugnas verborum: ex quibus oriuntur invidiae, contentiones, blasphemiae, suspensiones malae, confictationes hominum mente corruptorum, et qui veritate privati sunt, existimantium, quaestum esse pietatem. Abscedo ab eis, qui huiusmodi sunt,* 1. Tim. VI. 4, 5.

DISSERTATIO PERIODICA,

EXHIBENS SPICILEGIUM BREVE OBSERVATIONVM DE EPISTOLA SCRIPTA LAODICEA, AD COLOSS. IV. 16.

§ 1. *Instituti nostri ratio.*

Non est ex fautoribus studii Exegetici quisquam, quem latere possit, quantopere, et olim, et post perpurgatam a Reformatoribus Ecclesiam, de Epistola data ἐκ Λαοδικείας, quam Paulus ad Colossenses scribens c. iv. v. 16. commemorat, disceptatum fuerit, et in quot diversas partes eruditi Scripturae interpretes discesserint. Multorum hac de re disputationes ita comparatae sunt, ut lectorem incertiore multo, quam accesserat, a se dimittant. Equidem ultro et libenter fateor, diligentissimum iuxta atque doctissimum *Fabricium* (a) Hamburgensem, de argumento hoc tam perspicue et exquisitè disseruisse, ut illud totum veluti exhaustisse, et desideriiis omnium ple:

(a) In Codice Apocrypho N. Testamenti Parte II, p. 853 et sqq., cum quo conferri merentur Curæ Philologicae *B. Wolfii* in Coloss. iv. 16.

plenissime satisfecisse videri queat. Verum ego tamen post institutam accurate et meditate observationem eius lectionem, deprehendi, superesse etiamnum spicilegio cuiusdam locum. Liceat igitur mihi, de eodem argumento, post tantum virum quaedam hic exponere.

§ 2. *Verba Pauli Coloss. IV. 16. brevibus et generatim expenduntur.*

Verba Pauli, quae tot diversas interpretum explicationes experta sunt, ita sonant. Καὶ ὅταν ἀναγνώσθῃ παρ' ὑμῶν ἡ ἐπιστολὴ, ποιήσατέ ἴνα καὶ ἐν τῇ Λαοδικέῳ ἐκκλησίᾳ ἀναγνώσθῃ, καὶ τὴν ἐκ Λαοδικείας ἴνα καὶ ὑμεῖς ἀναγνώτε. Et cum perlecta fuerit apud vos epistola, facite ut etiam in Laodicensium Ecclesia recitetur, et eam quae scripta est Laodicea, ut vos quoque legatis. Nihil hic opus est commentario, aut operosa explicatione: nihil in his occurrit, quod lectorem attentum in angustias conicere, aut perplexum reddere merito possit. Colossenses iubet Apostolus, una cum literis suis, quas nunc accepturi essent, eas quoque legere, quae Laodicea datae erant, et quarum ipse, quod omnia clare loquuntur, auctor esse omnino non poterat. Sine dubio utraque illa Epistola ad unum idemque negotium spectabat, eoque coniunctim in Ecclesia cum Colossensium, tum Laodicenorum quoque, praelegenda erat. In quo plane non video, quid sit, quod morari quemquam, aut scrupulum ei iniicere queat.

§ 3. *Difficultatum, quae in his verbis nectuntur, vera causa.*

Omnis in hoc argumento difficultas, quae tot inter-

terpretes, et antiquos et recentiores, vehementur torfit, tum demum orta est, cum persuasio invaluit, Epistolam, de qua scribebat Paulus ad Colossenses, esse ex numero illarum, quas vocamus Canonicas, quas ex consilio Dei, et ex suggestione Spiritus eius, in perpetuum Ecclesiae militantis usum conscriptas esse credimus. Primos sententiae huius architectos id utique in errorem induxisse videtur, quod Paulus Epistolam Laodicea scriptam, lectioni Colossensium, et in Ecclesia quidem publicae, commendaverit, quasi in coetibus Ecclesiasticis nihil prorsus praesentibus praelegi, et expendendum offerri debeat, quam quod a Propheta, aut ab Apostolo, aut in universum a viro θεοπνεύστον profectum fuerit. Postquam talis animos quorundam invadere coepit opinio, fuerunt, qui hariolarentur, subinnuere Apostolum suam aliquam Epistolam, quae inter alios libros Sacros semper in Canone extiterit, testatamque fuerit. Aliis in mentem venit, Epistolam hanc non Laodices, sed re ipsa ad Laodicenos, a Paulo scriptam, diversam esse ab omnibus illis, quarum auctoritatem Canonicam Ecclesiae veneratur. Inter hos reperti sunt, qui credulitate vulgi abutentes, Epistolam talem ad Laodicenos, sub ementito Apostoli nomine confictam, obtruderent. Eadem persuasione nititur quoque, quod, post feliciter in Occidente nostro emendata Christianorum sacra, Ecclesiae Romanensis Theologi adversus nostros persaepe ex mentione hujus Epistolae probare annisi fuerint, partes quasdam Canonis primigenii iam dudum periisse, quodque ex nostris nonnulli ad hanc obiectionem respondere in animum suum induxerint, Epistolam Laodicea scriptam vere adhuc in Canone superesse, ac a nobis leggi. Quae omnia, sine ulla veri specie ut plurimum prolata, vel ex eo falsi coargui facillime possunt, quod

quod Paulus manifesto loquatur de Epistola non Canonica et Apostolica, sed tantum Ecclesiastica.

§ 4. *Epistolam ex Laodiceas fuisse non Apostolicam, nec Canonicam, sed tantum Ecclesiasticam clare probari potest.*

Agnoverunt id sane permulti ex nostris Scripturae interpretibus; verum dum plerique hanc suam sententiam firmis argumentis non satis communiant, eamque tantum (b) ut probabilem proponant, quae rectissime quidem admitti, sed et repudiari possit, rimam aliis aperiunt, qua evadere, et cogitationibus a mente Pauli penitus alienis indulgere possint. Quodsi autem verba Pauli in controversiam vocata rite excusserimus, ab omni parte versaverimus, et ex aliis locis hujus ipsius ad Colossenses Epistolae, sine erroris metu clare explicuerimus, opera eadem rimas omnes evadendi praeccludemus, et extra omnem dubitationis aleam ponemus, Epistolam Laodicea scriptam fuisse Ecclesiasticam, non Apostolicam, auctoritatis privatae tantum, minime vero Canonicae.

§ 5. *Hanc in rem 1) verborum Pauli lectio genuina asseritur.*

Ut autem in hoc argumento ordine procedamus, ante omnia lectio genuina Textus Graeci asserenda et con-

(b) Sunt inter recentissimos interpretes, qui hanc ipsam sententiam non valde probabilem iudicant, uti constat ex observationibus interpretum Gallicorum Berolinensium, alioquin iudiciosissimorum et acutissimorum, in Coloss. rv.

constituenda nobis erit. Nam quosdam lectionem illam, quam praeferunt editiones nostrae, τὴν ἐκ Λαοδικείας, iam olim sollicitasse, ut hypothese suae servirent, et ausibus illorum quosdam e recentioribus interpretibus favere, satis omnibus constat. Si conjecturae locus esset, crederem, Marcionem haereticum aut primum aut inter primos fuisse, qui tale quid tentaret, ut *Epistolae ad Laodiceos*, quam in Canone suo ostentabat, auctoritatem aliquam, ipsius Apostoli testimonio stabilitam, conciliaret. Verum quia tamen in *Epiphanio*, qui ceteroquin de Canone Marcionis non indiligenter disputavit, rei huius vestigium nullum deprehendo, suspicionis meae nullam rationem haberi velim. Vulgatum vero interpretem Latinum hic saltem cespitasse, fidem facit eius versio, cum verba Graeca sic reddiderit, *eam quae Laodicensium est, vos legatis*. Et eodem modo legisse Pseudo-Ambrosium, seu Hilarium Diaconum, ex Commentario eius ad Coloss. complures eruditi observant: ex quo non absurde quis collegerit, fuisse iam tum diversos interpretes, qui hic nodum in scirpo quaererent, nodumque, quem sibi reperire visi essent, non solvendum, sed secandum esse censerent. Et si enim *Epistola Laodicensium* dici etiam potest, quae a Laodicensibus scripta intelligitur, quod opportune monuit *Fabricius* in Cod. Apoc. N. Testam. p. 853, 854, malim tamen dicere, interpreti vulgato aquam hic haesisse, eamque fuisse causam, ut verba clara Apostoli, versione ambigua, et, citra ullam omnino necessitatem, obscura redderet. Pseudo-Ambrosius certe, quando pariter vertit *Epistolam Laodicensem*, videtur intellexisse eam, quae ad Laodiceos directa, non quae ab iisdem exarata esset, quemadmodum vir ipse doctissimus observat loc. cit. p. 854. Et sic in Ecclesia Graeca multos ex Pauli verbis, corrupte nem-

nempe lectis, probare voluisse, eum etiam ad Laodiceos scripsisse, novimus ex testimonio *Theodoretii* Opp. Tom. III. p. 363. Quicquid vero sit de mente et vero sensu interpretis vulgati, ut ad eum redeamus, illud certe manifestum est, eum aliis enarrandi et verba Pauli sollicitandi occasionem subministrasse. Etenim *Nicolaus Zegerus*, cuius Commentarii Criticis Anglicanis inserti sunt, veneratione versionis vulgatae ductus, sibi persuasit, Paulum scripsisse, non, uti hodie in Codd. nostris legimus, τὴν ἐκ Λαοδικείας, verum τὴν Λαοδικέων, quae profecto temeritas est nullo modo ferenda. *Grotius* vero, motus, de quo nullus dubito, eadem auctoritate, in Prooemio notarum ad Ephesios, et in notis ad Colossenses, sine ambagibus pronuntiat, veram lectionem esse τὴν Λαοδικείας, non τὴν ἐκ Λαοδικείας. Neque desunt, quibus iudicium *Grotii* probum bonisque rationibus innixum videatur.

§ 6. *Argumentum hoc continuatur.*

Verum enim vero operam et oleum perdunt, qui scripturam Codd. nostrorum quocumque modo vellunt. Est enim ea constans et perpetua librorum omnium Graecorum scriptura, qui ab aeo Apostolorum ad hoc nostrum visi umquam sunt. Urgebat id adversus omnes, argutias in verbis Pauli captantes, seculo iam V, quo scribebat, *Theodoretus*, in Commentario ad Coloss. p. 363. Ὁ δὲ θεὸς Ἀπόστολος οὐκ ἔφη καὶ τὴν πρὸς Λαοδικέας, ἀλλὰ καὶ τὴν ἐκ Λαοδικείας, *Divinus autem Apostolus non dixit eam quae est ad Laodicensēs, sed eam quae est ex Laodicea.* De alia verborum Pauli lectione viro huic praestantissimo, et diligentissimo Scripturae interpreti, nihil plane innotuerat, et id ipsum urgere hodieque iure merito possumus. Certe in illa farragine innumera-

bi-

billium variantium lectionum, quas ex tot Codd. MSS. per totam Europam, non minus atque citationibus Veterum, stupenda industria conquirit *Iohannes Millius*, ad illa Pauli verba, de quibus differimus, nullam ex ullo Codice discrepantiam observatam reperire licet [*]. Equidem *Grotius*, quando nostrae vulgatae lectioni suam illam τὴν Λαοδικείας praeferat, non aliter de illa loquitur, etque de variante lectione, ex uno alterove Cod. MS. excerpta, eumque imitatur *B. Cyprianus* in notis ad *Hieronymi* de Viris illustr. cap. V; et similia quoque apud alios olim mihi lecta fuisse commemini; sed quo iure, ipsi viderint. Et quae potest esse Virorum horum, licet meritissimorum, in tali negotio, adversus consensum unanimem omnium librorum veterum, auctoritas? praesertim, cum Codicis MS., qui lectionem variantem adeo raram praeferat, indicium omnino nullum fecerint. Incidit forte *Grotius* in exemplar aliquod, negligentia typothetarum depravatum, quale mihi ad manus est, Coloniae Allobrogum a. 1619. in 4°. cum brevibus notis *Iosephi Scaligeri* impressum, in quo ita legitur: καὶ τὴν Λαοδικείας, ἵνα καὶ ὑμεῖς ἀναγνώσθε. Lectionem hanc inquinatam, quae soli operarum incuriae in acceptis ferenda erat, vir magnus, nisi multum fallor, habuit pro variatione Codicis cuiuspiam antiqui, quam versio Latina vulgata confirmaret; sed quo iure, ex iis, quae modo dicta sunt, facile aestimare licet. Cum Codicibus vetustis Graecis omnino omnibus conspirant etiam versiones vetustiores, Syriaca, et quae hanc antiquitate vincit, Aegyptiaca, ne alias memorem his recentiores. Estne, quod praeterea desiderari possit, ad lectionis vulgatae veritatem stabiliendam?

§ 7.

[*] Conf. *Wessenius*, *Alternus*, *Matthaei*, *Birchius* et *Griesbachius*.

§ 7. *Et 2.) verus verborum Pauli sensus adstruitur.*

Constituta sic vera verborum Pauli lectione, proximum iam est, ut in genuinum eorumdem sensum curate inquiramus, nam et hunc interpretes quidam, argutias captantes, corrumpere aut saltem dubium reddere allaborarunt. Qui verba Pauli καὶ τὴν ἐκ Λαοδικείας, (ποιήσατε) ἵνα καὶ ὑμεῖς ἀναγνῶτε, sine ullo studio anticipato expenderit, mecum utique censebit, ea aliter, quam sic, verti non posse, nec debere: *Et facite, ut et vos eam Epistolam legatis, quae Laodicea scripta est.* Est in Graeco ellipsis, sed quam res ipsa clare docet ac iubet ita supplere, τὴν ἐκ Λαοδικείας γεγραμμένην. Sic igitur versiones vetustae omnes verba ceperunt et reddiderunt, si ab uno vulgato interprete Latino discedas, cuius ipsius versionem tamen cum aliis versionibus non male conciliari posse monitum fuit § v. Nec inter interpretes alicuius nominis, quos dedit Ecclesia Graeca, reperietur vel unus, qui verba illa alio modo explicuerit, quod de plerisque etiam Commentatoribus antiquis Ecclesiae Latinae sine cunctatione affirmo. Sed ab hac regia triaque via (c) quidam declinantes, devios secessus quaesiverunt, et ut verba Pauli, quamvis invitis bonae interpretationis legibus, ad suas antea conceptas opiniones contorquerent, ita converti posse putarunt: *Et facite ut Epistolam, quam ego ad Laodicenses scripsi, et quae ab illis vobiscum communicabitur, vos quoque le-*

(c) Inter Pontificios huic interpretationi favent Maldonatus et Greiserus, ex nostris Hammondus, Millius in Prolegom. ad N. T. fol. ix. edit. Oxon., itemque interpretes Gallici Berolinenses, ut alios taceam.

legatis. Juxta hos igitur interpretes ἡ ἐκ Λαοδικείας ἐπιστολὴ erit *Epistola primum ad Laodicenses scripta, et postea ab his ad alios mittenda*, de quo verborum sensu hic quaerendo, ex veteribus nemo vel per somnium cogitavit. Equidem nihil miror, viris etiam undecumque doctissimis, et laude omni dignissimis talia potuisse in mentem venire, et ex calamo excidere. Quid enim non possunt opiniones praeiudicatae? quarum est vis in homines tyrannica incredibilis. Verum quis ceteroquin tales ellipses comminiscatur, tribuatve Scriptori Sacro? Cui quaeso interpretatio tam rara ac plane singularis arridere poterit, nisi qui sibi persuaserit, ex quolibet scriptore quodvis pro libidine lectoris exculpi posse, quod saltem a libris Sacrosanctis abest.

§ 8. *Epistolam scriptam Laodicea, non posse esse a Paulo, huius ipsius testimonio probatur.*

His iam expeditis, sponte et per se consequi mihi videtur, *Epistolam Laodicea scriptam*, neque Paulum, neque Apostolorum quemquam auctorem habuisse, aut etiam habere potuisse, eamque nonnisi pro Epistola Ecclesiastica, cuius auctoritas tantum est humana, haberi debere. Et ab ipso quidem Paulo Epistolam hanc nec scriptam fuisse, nec scribi omnino potuisse, testem habemus, ipsum hunc Apostolum, locupletissimum. Ita enim Colossenses alloquitur c. II. v. 1. Θέλω γὰρ ὑμᾶς εἰδέναι, ἥλικον ἀγῶνα ἔχω περὶ ὑμῶν καὶ τῶν ἐν Λαοδικείᾳ, καὶ ὅσοι οὐχ ἑώρακαν τὸ πρόσωπόν μου ἐν σαρκί, *Volo enim vos scire, quantum certamen sustineam pro vobis et iis qui sunt Laodiceae, et quotquot non viderunt faciem meam in carne.* Paulus igitur Colossenses et Laodiceos illis annumerat, inter quos nondum docuerat ipse, et qui proinde faci-

ciem suam nondum viderant. Quare cum ad id usque temporis Laodiceae numquam fuisset, ex illa urbe literas quoque scribere omnino non potuit. Equidem argumenti huius, quo saepe usi sunt viri eruditi, vim sic nobis intercipere conatur *Theodoretus* ad h. l. p. 350, talem verborum Pauli paraphrasin nobis offerens: *Volo vobis esse persuasum, me maximam curam gerere et vestri et Laodicenorum, et non solum vestri et Laodicenorum, sed omnium etiam, qui me nondum viderunt.* Tamquam id sibi voluisset *Paulus*, *Non vestram tantum curam gero, o Colossenses et Laodice- ni, quos vidi; sed et eorum, quos nondum vidi.* Non invitus quidem fateor, tantam *Theodoreti*, in his praesertim rebus, merito esse auctoritatem, ut nihil mirer, eum aliquos etiam ex nostris interpretibus in partes suas pettraxisse; verum hic tamen, quod pace eius dixerim, certissime dormitavit, aut potius verbis Pauli invitis sensum adeo detortum et coactum affinxit, ut ea hypothesei cuidam suae faventia haberet. Ipsa profecto verborum horum constructio, ex genuinis regulis et constanti Graecorum usu diiudicata, talem sensum non admittit. Non potest esse illorum, nisi hicce sensus: *Volo vos scire, quanto ardore pro vobis decerem, et pro Laodicensibus, (d) et pro reliquis, qui faciem meam nondum viderunt.* Relatum fuerat ad Paulum de negotio, in quo vertebatur salus Ecclesiarum Colossensis, Laodicensae, Hierapolitanae, et quarundam aliarum his vicinarum in Phrygia, quas ipse haecenus nondum adierat, et coram salutarerat. Has omnes bono iubet esse animo, testans, se ipsarum curam non minus sollicitam gerere, quam si in-

(d) Quidam Codd. MSS. a *Millio* memorati, addunt: *et Hierapolitis.*

ter ipsas diu vixisset, et in coetibus illis omnes diuturno et familiari usu cognitos haberet. Multo vero minori verosimilitudinis specie, sese illorum commendat exceptio, qui Pauli verbis talem sensum tribuunt, (e) *se non diu Laodiceae et Colossis substitisse, sed cum paucis ibi egisse, veluti Colossis cum Epaphra, et per paucos eos postea reliquos edoctos esse.* Illius enim rei, quam suspicantur viri eruditi, in Textu nulla nec vola, nec vestigium apparet. Loquitur potius Apostolus de tota Colossensium Ecclesia, ad quam scribit, de toto Laodicenorum et forte etiam Hierapolitanorum coetu, et de aliis quoque in illo tractu fidelium gregibus, quod hucusque faciem suam non vidissent.

§ 9. *Et alio insuper argumento.*

Ut vero tanto minus Theodoresi auctoritas opponi mihi queat, ad prius illud, quod exposui, aliud nunc etiam argumentum adiciam. Hanc vero in rem id mihi 1) concedi velim, *Epistolam Laodiceam datam non ita diu scriptam fuisse ante illam, quam Paulus ad Colossenses direxit.* Utraque haec Epistola, quod iam montui § 2 ad unum idemque negotium spectabat. Haec causa erat, ob quam Paulus suam ad Colossenses Epistolam vellet confestim in Ecclesia Laodicenorum legi, et in Ecclesia Colossensium, cum ea quae ad ipsos scripta iam erat, praelegi volebat eam, quae Laodicea data fuerat. Nimirum, ut ego existimo, ex Epistola Laodicenorum perspicui poterat ratio quorundam, quae Paulus ad Colossenses perscripserat. Nam ad ea, de quibus agebatur in Epistola Laodice-

no-

(e) *Heideggerus* in *Enchiridio Biblico* Lib. III. cap. XVII. §. 3.

norum, *Paulus* quoque in sua ad Colossenses responderat, quae scire et accurate perpendere utriusque Ecclesiae, eodem plane modo, intererat. Idcirco Laodiceorum nominatim, ad Colossenses scribens, saepius cum insigni benevolentiae testificatione mentionem inlicit, c. iv. v. 1. *Volo enim vos scire, quantum certamen sustineam pro vobis et iis, qui sunt Laodiceae*, c. iv. v. 13. *Hoc enim de Epaphra testor, cum multo vestri studio ardere, et eorum, qui sunt Laodiceae*, et ibid. v. 14. *Salutate fratres, qui sunt Laodiceae*. Satis haec omnia probant, actum fuisse de negotio, quod Colossensibus cum Laodiceis commune erat, de quo non ita diu ante ad Paulum relatum erat, et de quo sic rescribit Colossensibus, ut eadem quoque Laodiceis speciatim dicta esse putare debeant. Potro et 2) mihi dari cupio, Epistolam ad Colossenses scriptam fuisse Romae, in vinculis, quae sic appellantur, prioribus, eodem circiter tempore, quo *Paulus* ad Philemonem quoque, (f) Ecclesiae Colossensis Pastorem, literas dederat. quibus sperat liberationem ex vinculis iam iam imminentem v. 22. quale quid testatur etiam Philipp. L. 24, 25. Nempe Epistolae hae, de quibus nunc dixi, omnes scriptae erant Romae, biennio illo, quod *Paulus* illic victus exegit Actor. xxviii. 30, ad finem iam properante, id est, anno aerae vulgaris 62: secundum calculos *Pearsoni* in Annalibus Paulinis, quos libenter sequor. Sic igitur quinque fere tum iam exacti erant anni, ex quo *Paulus* regiones illas, in quibus sitae erant Colossae et Laodicea, pede non attrigerat, quod

ex

(f) Vide Philem. 10, 11, 12. collat. cum Coloss. iv. 9, 10. et Philem. 2. collat. cum Coloss. iv. 17.

ex Actis Apostolorum (g) et Annalibus Paulinis liquido perspicitur. Palam igitur est, Epistolam Laodiceae scriptam anno 62, aut 61, quod utique dicendum de illa, cujus examen hic instituimus, Paulum auctorem habere non potuisse, qui et annis hisce designatis, et aliquot antecedentibus, oras illas omnino non viderat.

§ 10. *Non igitur cogitandum de Epistola ad Philemonem, aut 1 ad Timotheum.*

Cum igitur evictum fuerit, *Epistolam Laodiceae scriptam* a Paulo proficisci non potuisse, sed alium quemlibet auctorem habere, quaenam quaeso eorum ratio haberi potest, qui eam contendunt esse unam ex illis Paulinis, quas in Canone habemus? Nihil dico de illis, qui censent intelligi *Epistolam ad Philemonem, scriptam Laodiceae*, quando certo certius est, Apostolum Roma scripsisse ad Philemonem, de quo ipsa haec Epistola neminem dubitare sinit. Probabilior aliquanto videri potest eorum harolatio, qui, praeeunte *Theophylacto* Commentatore non spernendo, *priorem Pauli ad Timotheum Epistolam, Laodiceae datam* fuisse augurantur. Quia namque certis rationibus ostendi non potest, quo ex loco Epistola illa a Paulo scripta fuerit, coniecturae locus est. Et huic, cuius nunc memini, eruditorum coniecturae, pondus aliquod addit subscriptio Epistolae ad Timotheum prioris, quae in Codicibus Graecis ita sonat: *Scripta est Epistola Laodiceae, (ἀπὸ Λαοδικείας) quae est Metropolis Phrygiae Pacatiana.* Quam subscriptionem, paulo tamen brevior, servat etiam interpres Sy-

(g) Vide *Pearsoni* Annales Paulinos ad A. C. 58, 59, 60, 61, 62,

Syrus. Verum argumentum hoc parum valere, eruditibus omnibus nunc indubitate constat, qui norunt, subscriptiones has Epistolarum sero et non semper a manu valde sagaci additas fuisse. Alii Codices Graeci hic legunt ἀπὸ Μανεδόνας, ex Macedonia; Interpres Aegyptius, Syro illo, qui apud nos editus est. antiquior, legit ex Athenis, et ex eo id habet Arabs. Taceo, in subscriptione vulgata Codicis Graeci Laodiceam dici metropolin Phrygiae Pacatianae, quae denominatio temporibus Constantini M. antiquior non est, nam hoc ab interpretatione Syriaca abest, ut proin credibile sit, subscriptionem hanc primo fuisse simpliciore, qualem Syrus exhibet, et deinde ad eam plures additiones a manu posteriori adiectas fuisse, quibus illa, de qua modo dixi, accenseri debet. Ex subscriptione itaque nihil probari certo posse, satis unicuique liquet. Quamvis autem certo definiri nequeat, ex qua urbe Paulus primam ad Timotheum Epistolam exaraverit, id mihi tamen certum ac prorsus indubium est, non posse eam esse, quam Paulus Laodicea scriptam, apud Colossenses commemorat. Nam Paulus tum Laodiceae nondum fuerat § VIII, IX. Et ex ipsa illa priori ad Timotheum Epistola liquido ostendi potest, eam Epistola ad Colossenses aliquo temporis tractu esse posteriorem; de quo alias videbimus, unde fieri profecto nulla ratione potuit, ut illius, quae nondum existerat, tamquam a se scriptae et missae mentionem faceret.

§ II. Neque de Epistola ad Ephesios.

Non magis audiendi sunt, qui sibi imaginantur, Epistolam Laodicea scriptam, aut ut ipsi loqui malunt, Epistolam Laodicensem; esse illam eandem, quam Ecclesia semper, ut scriptum Apostolico-Ca-

nonicum reverenter habuit, quaeque nobis *Epistola ad Ephesios* audit. *Grotius* primum, in notis ad Ephesios, et ad Colossenses, sententiae huic a se excogitatae aliquam probabilitatis speciem conciliare annisus est, eamque postea gentis Anglicae Theologi praestantissimi erudite et ingeniose ornatam strenue tuiti sunt, *Vsserius* in *Dissertationiuncula de Epistola ad Laodicensis*, quae *Historiae* eiusdem *Dogmaticae de Scripturis et Sacris vernaculis* subiuncta est p. 300, etc., *Hammondus* in *Epistolam ad Colossenses*, ad eandem *Clericus*, *Pearsonus* in notis posthumis ad *Ignatii Epistolam* p. 38, 39, *Millius* in *Prolegomenis ad N. Testamentum* Fol. 1x; quibus addendus, qui eorum argumentis non modo usus est, sed eadem etiam novis auxit, *Vitringa Filius*, in *Dissertationibus super hoc argumento peculiaribus*. Meum hic non est, ea, quae viri eruditissimi de hoc argumento prolixè et acute disputarunt, pluribus excutere, praesertim cum opera hac feliciter defunctus sit B. *Alphenius*, Theologus nuper *Ultraiectinus* celeberrimus, in *Dissertationibus Isagogicis in Epistolam ad Ephesios*. Unum hoc tantum monebo, disputationem istam doctorum virorum totam commode in duo membra dispecisci posse. Nam 1) contendunt, *Epistolam*, quae nobis inscribitur *ad Ephesios*, a Paulo directam quoque fuisse *ad Laodiceanos*, et sub hoc quidem titulo olim extitisse in *Canone Marcionis*. 2) et hanc esse illam ipsam, cuius *Paulus Coloss. iv. 16.* commemoraverit. Quod ad prius disputationis istius membrum attinet, in quo profligando erudita *Alphenii* diligentia praecipue versatur, illud merito missum nunc facio, nam ad argumentum, quod hic excutimus, plane non spectat. Secundum vero, quod ita appello, membrum, iis argumentis a viris doctissimis adstruitur, quae § VI et VII iam expeditivimus, ut igitur ad alia transire integrum nobis sit.

§ 12. *Epistola Laodicea scripta, etiam non alium quemdam Apostolum auctorem habes.*

Quodsi igitur rationes nostras recte sudduximus, *Epistola Laodicea scripta* Pauli ipsius nullo pacto esse potuit. Sed poteritne eadem alii cuiquam ex ordine Apostolorum tribui? Id saltem probabilitate sua destitutum non esse iudicavit *Lightfootus* Anglus Operum Tom. II. p. 117. et 885. Si nempe viro docto credimus, *Epistola Laodicea scripta* rectius fortasse Iohanni Apostolo adscribetur, eritque earum, quas ille nobis reliquit, numero prima. At enim, ut hoc admitti possit, quot non, quaeso, in antecessum oportet supponere, quae probanda essent, et probari tamen numquam poterunt? Non est verosimile, (h) eo iam tempore, quo *Paulus* scribebat ad Colossenses, Iohannem Apostolum in Ecclesiis Asianis docuisse, et Evangelium de Christo praedicasse, et si vel hoc largiremur viro praestantissimo, ipse tamen mihi non ita facile persuadebit, Paulum loquentem de tanti Apostoli literis, quas publice legi vult, nomen eius, quod ceteroquin negotio huic aliquod auctoritatis pondus adiecisset, studio quasi tacere et silentio obtegere voluisse. Cur, amabo, Epistolam hanc non dixisset *Iohannis Apostoli*? Iohannis illius, quem ordinis Apostolorum insigne ornamentum et columnen esse, libenter agnoscit Gal. II. 6. Cur per aliquam veluti contemptus speciem eam designare tantum maluisset, per *Epistolam Laodicea scriptam*? Praeterea id, quod sibi vir doctus persuadet, quodque est

(h) Vide Theologi de Ecclesia meritissimi, B. *Lampii* Prolegomena in Iohannem Lib. I. cap. III. § 1X, X, XI. et cap. VII. § 111.

est sententiae eius fundus et fundamentum omne, Galium Corinthium, de quo *Paulus* Rom. xvi. 23. scribit, esse cum illo, cui tertiam Iohannis Epistolam inscriptam legimus, unum eundemque, et primam Apostoli eiusdem Epistolam Laodicea ad Corinthios exaratam fuisse, tale est, ut concedi nulla ratione queat. Ex iis, quae observata iam fuerunt § ix, et quae porro observabuntur, clare potest colligi, *Epistolam Laodicensium* spectasse ad negotium aliquod peculiare, quod ipsorum Ecclesiae cum Ecclesiis Hierapolitanorum, Colossensium, et aliarum forte urbium vicinarum in Phrygia, commune erat. Non apparet ratio, cur talis Epistola Corinthiis speciatim inscribenda et ad eos mittenda fuisset.

§ 13. *Est igitur Epistola illa a Pastoribus Laodicensis, et quidem verosimiliter ad Episcopos Ecclesiae Colossensis scripta.*

Quae cum ita sint, nihil nisi id superest, quod saepius ursi, *Epistolam Laodicea scriptam*, fuisse tantum Ecclesiasticam, et non alius quam humanae auctoritatis, siue eam Laodicensi ad Paulum ipsam dederint, quod multis placeat, siue potius ad aliam quampiam Ecclesiam, quod mihi verosimilius videtur. Si Laodicensi ad ipsum Apostolum literas dedissent, iisque iudicium ipsius de rebus gravis momenti requisivissent, vix dubitaverim, quin ad ipsos quoque responsorias suas directurus fuisset. Nulla erat causa, ut Ecclesiam Colossensium, quae ad eum non scripserat, praeferreret Ecclesiae Laodicensium, si haec per literas eum prima compellasset, cum neutri haec ipse interfuisset, ac de facie notus esset. Est igitur, si quid recte iudico, longe credibilius, Episcopos Ecclesiae Laodicensae de rebus magni ponderis literas dedisse
ad

ad Antistites gregis Colossensium; hos vero eandem, per Epaphram suum, Romam ad Paulum misisse perlegendas.

§ 14. *Sententia hæc nunc paulo uberius explicatur.*

Si Pauli ad Colossenses Epistolam curate expendo, opinor, rem totam et ordinem gestorum commodissime hunc ad modum concipi posse. Turbulento illo tempore, quo *Paulus* ex Oriente Romam deductus erat, cum ex Apostolis plerique inter gentes dispersi essent, et in Palaestina Procuratores Romani omnia caede, rapina et tumultibus replevisent, orta erat nova secta talium hominum, qui agnita summa veritatum Evangelicarum excellentia ac praestantia, eas quidem libenter amplecti, sed cum iisdem inepta hominum commenta, principia nempe Philosophiæ tum ubique invalescentis, quam nonnulli Orientalem, alii Platoniam recentiorum appellare malunt, enixe coniuncta vellent. Sectae huius perniciosae, quae furtivo gressu per Syriae et Asiae minoris partes quasdam clanculum serpsit, contagio infecerat quoque Phrygiam, in qua urbes permagnae et opulentae, Laodicea, Hierapolis, Colossae, et aliae, coetus aiebant Christo Domino consecratos, iam tum et secutis etiam temporibus egregie florentes. Harum itaque Ecclesiarum pii et fideles ministri, tanti periculi magnitudine territi, consilia inter se communia agitarunt, ut, si fieri posset, greges sibi concreditos a mali huius communione immunes praestarent. Laodiceae crediderim convenisse plures finitimarum Ecclesiarum Antistites, eosque exploratis sollicitè omnibus rei huius momentis, ea quae comperta habuerant, ad Episcopos Ecclesiae Colossensis curate perscripsisse. Hi, ut saluti Ec-

Ecclesiarum Phrygiae tanto melius consulerent, de re hac omni ad Paulum Romae vinctum, sibi quidem de facie non notum, sed cuius tamen tot et tanta in Ecclesias Asianas extabant merita, diligenter et sine mora referendum esse putarunt. Miserunt itaque ad Apostolum Epaphram, coetus sui Pastorem fidelem, qui cum eo coram ageret, eumque de omnibus accurate doceret, Coloss. 1. 7, 8, et una, quod non temere suspicor, Epistolam Laodicensium ipsi legendam traderet. Et is quidem ea in re tanta fide tantoque studio versatus est, ut non tantum Colossensium suorum, verum et Laodicenorum ac Hierapolitanorum causam omni mentis contentione et cura ageret, c. IV. v. 13, et curam quoque hanc suam pro Ecclesiis sibi tam caris in Paulum ipsum totam veluti transfunderet c. II. v. 1. Ad ea igitur, quae Laodicieni ad Colossenses perscripserant, et quae de hoc ipso negotio hi per Epaphram ad Paulum coram referendum et cum ipso communicandum curaverant, Apostolus respondit in illis, quae *ad Colossenses* inscriptae sunt, literis. Facilis iam dari potest ratio, cur in his literis *Paulus* mentionem faciat Epistolae Laodiceae scriptae, et cur istam in Ecclesia Colossensium, Epistolam vero ad Colossenses in Ecclesia Laodicenorum publice legi velit. Erant enim ambae in eodem argumento scriptae, unamque ex altera explicare atque illustrare oportebat.

§ 15. *Explicatur, quae sit ratio, cur Paulus Epistolam ad Colossenses scriptam, in horum tamen coetu praelegi velit.*

Non inficias eo, adversus ea, quae nunc disputavi, cum aliqua specie regeri posse, *Epistolam Laodiceam scriptam* videri potius ad Colossenses directam non fuisse, eo quod Apostolus his iniungat: *Curate, ut Epi-*

Epistola Laodicea scripta apud Vos legatur. Quid enim opus fuisset, eam nunc demum in Ecclesia Colossensium legi, si iam pridem ad hanc ipsam exarata eique satis nota fuisset? Verum difficile non est, obiectioni huic, idque pluribus modis, satisfacere. Quodsi enim vel id darem, Epistolam Laodicensium toti Ecclesiae Colossensium iam antea praelectam fuisse, poterat tamen Apostolo necessarium videri, ut nunc Epistolae illius lectionem repetitam iniungeret, quia ex comparatione unius Epistolae cum altera, Pauli ad Colossenses scribentis mens et intentio certius perspici, et plura huius Epistolae loca illico et facile intelligi poterant. Verum ne istud quidem ex sententia mea § XIV. proposita sequitur, Epistolam Laodicensem, etsi ad Colossenses scriptam, in coetu ipsorum Ecclesiastico coram omnibus lectam fuisse. Non temere ad credendum inducor, rem omnem, de qua ad Paulum retulerant Colossenses, haecenus inter Pastores Ecclesiarum praecipuarum in Phrygia transactam fuisse, et nunc demum, accedente auctoritate et decisione Apostolica, coetibus integris proponi debuisse. Id igitur Apostolus voluit, cum lectionem utriusque Epistolae, et suae ad Colossenses, et Laodicenorum, Ecclesiae utrique commendavit. Non loquitur de lectione, illa Verbi Divini, quae in coetibus Christianorum partem non ultimam cultus ipsorum religiosi absolvit, de qua c. III. v. 16. dixerat; sed de lectione, quae locum habet in iis Conventibus Ecclesiasticis, quos Graeci postea *συνόδους*, Latini *Concilia* vocare consueverunt. Tales enim conventus, tempore Apostolorum, praesente toto grege, de cuius salute consultandum et deliberandum erat, saepe institutos fuisse, vel ex uno hoc loco, de quo differimus, ut alia taceamus, recte colligere licet. Eundem etiam morem in aureis seculis primitivae Ecclesiae con-

constanter servatum fuisse, historia Ecclesiastica abunde testatur.

§ 16. *Negotium, quod Laodiceni et Colossenses cum Paulo transegerunt, respicit Gnosticos.*

Dixi, negotium illud, de quo egerat Laodicenorum Epistola, de quo ad Paulum reculerant Colossenses, et de quo in Epistola ad eos ipse rescripserat, spectasse, magna ex parte, ad homines, qui principiis ineptae Philosophiae Orientalis infatuati,isque ad explicandam Scripturam S. abusi, doctrinam Fidei Christianae sanctissimam totam corruperant. Illius enim rei complura vestigia, priora duo Epistolae ad Colossenses capita nobis subministrant. Homines illi, qui post tempora Apostolorum vanum Gnosticorum nomen sibi passim ipsi tribuerunt, ex principiis Philosophiae suae incredibilem in modum inquinatae, Mysteria Fidei sanctis traditae diiudicare satagebant, quem turpissimum abusum castigatum videmus Coloss. II. 4, 8. Idem doctrinam Evangelii Sacrosanctam de Deo Patre, Filio, et Spiritu S. in fabulam miseram stultamque converterant, quod paucis quidem, sed gravitate Apostolica tangitur c. II. v. 2, 3, 4. Ex doctrina hominum illorum sequebatur, Christum Iesum non esse ex ipso Patre, adeoque nec veram eius et genuinam imaginem, quamobrem Paulus mysterium hocce pietatis serio inculcat et asserit c. I. v. 15, II. 9. Sequebatur pariter ex Gnosticorum illorum *ματαιολογία*, Christum Dominum non esse *πρωτόγονον πάσης κτίσεως*, omnibus rebus creatis priorem, uti nec superiorem, quod Apostolus magno cum zelo adstruit I. 15, 17, 18, II. 10, quodque ex eo etiam probat, quia cuncta, nihilo plane excepto, per eum creata sunt, I. 16, 17, cum id Gnostici, et aperte, perne-

ga-

garent. In eo potius hi inter se conspirabant, ut Divinum, tum creationis, tum providentiae opus, Angelis in acceptis ferrent, eamque ob causam ipsos cultu superstitionis venerarentur, cui impietati Apostolus doctrinam Evangelii opponit II. 18. Alia quae his addi possent, brevitatis studio nunc omitto.

§ 17. *Illi ipsi invexerunt cultum Angelorum, de quo Coloss. II. 18.*

Quia vero de cultu Angelorum aliquid monui, operae pretium esse puto, ea, quae Theodoretus ad Pauli locum modo citatum observat, et hic adscribere. Sic autem ille p. 355. *Qui legem defendebant, eos etiam ad Angelos colendos inducebant, dicentes, legem fuisse per eos datam. Mansit autem per diu hoc vitium in Phrygia et Pisidia. Proinde Synodus, quae convenit apud Laodiceam Phrygiae, lege prohibuit, ne precarentur Angelos. Et in hodiernum usque diem Oratoria S. Michaëlis apud illos, illorumque finitimos videre est. Equidem Theodoretus cultum Angelorum, de quo loquitur Apostolus, mavult Iudaeis imputare, nescio quo iure, etsi talia etiam apud alios veteres legantur. De eo vero dubitari non potest, Gnosticorum in colendis Angelis superstitionem per magnam fuisse, cuius rei testimonia habemus certissima, gemmas horum haereticorum Abraxeas, quae supersunt, et in quibus nomina Angelorum, non sine aliqua invocatione religiosa, toties leguntur. Horum profecto doctrinae et institutis, cultus ille Angelorum, qui postea cum magno dedecore Christianorum, contra disertissimum praeceptum Apostolicum, in Ecclesiam inductus est, aut unice, aut certe praecipue debetur. Prima cultus huius initia observantur in Phrygia, iisque pii Ecclesiarum Praefules, duce et auspice ma-*

magno gentium Apostolo, pro virili obstiterunt; sed tanta tamen iam fuit vis erroris huius et seductionis, ut etiam ipsa auctoritate Apostolica penitus retundi non potuerit. Testatur *Theodoretus* paulo supra adductus, permansisse mali huius contagionem in iisdem Phrygiae oris ad sua usque tempora. Eadem Ecclesia Laodice-na, quae morbo recens nascenti tempore Apostolorum medelam parare cupiverat, seculo IV. nova eidem repagula, quod et *Theodoretus* monuit, opponere debuit. Nam in Concilio, quod Laodiceae A. C. circiter 367 coactum fuit, Patres Canone xxxv. ita decernunt: *Quod non oportet Christianos, relicta Dei Ecclesia, abire et angelos nominare — si quis igitur inventus fuerit huic occultae idololatriae vacare, sit anathema, quia reliquit Dominum nostrum Iesum Christum, et accessit ad idololatriam.* Idem illud *Theodoretus* ex eo quoque probat, quod apud illos, (loquitur aut de Phrygibus in genere, aut de Laodice-nis speciatim) illorumque finitimos (i) Oratoria S. Michaëlis videre est. Ex eo coniecere liceret, Templa Angelo vel Archangelo dicata, primum in Phry-gia visa fuisse et in regionibus vicinis, seculo circiter v, indignantibus rem hanc cordatis illius aevi Theo-logis. Verum crevit semper superstitio haec labenti-bus seculis, donec tandem Reformatores nostri, ve-stigiis Apostoli Pauli et antiquissimorum Laodicenorum et Colossensium inhaerentes, rem hanc ad primae-vum beatum statum reducerent.

D I S-

(i) Tale Templum pulchrum valde et magnificum Mi-chaëli Archangelo dicatum Colossis, memorant veteres, *Constantinus Porphyrogenneta* Lib. I. Them. p. 21, et *Nicetas Choniates*, vel *Colossensis*, saepius. In vicinia Co-lossarum sita erat Philadelphia, veteribus valde celebrata, ubi adhuc hodie visuntur rudera Templi in honorem S. Mi-chaëlis aedificati, quod testantur auctores itinerariorum.

DISSERTATIO

DE IEZABELE, THYATIRENORVM PSEUDO-
PROPHETISSA, AD APOCAL. II. 20.

§ I. *Scribendi occasio et argumentum.*

Cum haud ita pridem solertissimus quidam [*] Theologiae et historiae Ecclesiasticae cultor, dissertationem de Ecclesiae Thyatirenae, ad quam Epistola Apocalypica extat, tempore *Iohannis* Apostoli existentia, a se conscriptam non modo mihi petlegendam obtulisset, sed ad eandem etiam publice in cathedra nostra Academica secum defendendam me invitasset, ego vero honestae huic eius petitioni non potuisssem non annuere, Epistolam hanc Domini ac Servatoris nostri ad Ecclesiam Thyatirenam, quae in *Apocalypsi Iohannis* cap. II. a v. 18 ad finem usque capitis legitur, accuratius, quam alias antehac, expendere et sollicita meditatione persequi coepi. Et quantum quidem ad ipsam Ecclesiae Thyatirenae, tempore Iohannis Apostoli, existentiam attinet, quam haeretici quidam seculo III, molimine, ut mihi videtur, propemodum ridiculo,

[*] Intelligitur *Ferdinandus Stosch*, de quo *Cl. Saxius P. VII. Opus. Lit. p. 66, 67, 274.*

culo, negare ausi sunt, provinciam hanc erudito illi auctori, cuius modo mentionem feci, ingenio suo ornandam totam relinquo. Quia vero in Epistola illa ad Ecclesiam Thyatirenam plurimus de *Iezabele Prophetissa* sermo est, operam dabo, ut ad argumentum hoc, satis hucusque obscurum, si possim, aliquid lucis adferam.

§ 2. *Verba Apocalypseos de Iezabele Thyatirenarum Prophetissa adducuntur et breviter expenduntur.*

In Epistola hac Domini videmus primo laudari et insigniter commendari Ecclesiae Thyatirenae *amorem, et fidem, et liberalitatem in pauperes, et patientiam, et progressus in bonis operibus*, v. 19. Sed supererant tamen alia in Ecclesia hac animadversione et castigatione digna, quae sic videmus exponi, v. 20, *Ἀλλ' ἔχω κατὰ σου, ὅτι (α) ἔξες τὴν γυναῖκα τὴν Ἰεζαβὴλ, ἣ λέγει ἑαυτὴν προφῆτιν, καὶ διδάσκει, καὶ πλανᾷ τοὺς ἐμοὺς δούλους πορνεῦσαι καὶ φαγεῖν εἰδωλόθυστα*. Vulgatus interpretes haec ita Latine reddidit: *Sed habeo adversus te pauca: quia permittis mulierem Iezabel, quae se dicit Propheten, docere, et seducere servos meos, fornicari et manducare de idolothytis*. In sequentibus et Iezabeli ipsi, et sectatoribus eius, severa Dei iudicia denunciantur, de quibus quid certi dicam, vix ac ne vix quidem habeo. In prioribus
vero

(α) De variis lectionibus, quae hic in Codd. MSS. inveniuntur, operose non disputabo. Possunt eam in rem consuli editiones *Millii* et *Kufferi*, ac insuper commentarius in h. l. *C. Vitrinae*. Ego lectionem secutus sum codicum meliorum et probatissimarum editionum, quam etiam Vulgatus interpretes expressit. [conf. *Wetstenius* et *Griesbachius*].

vero verbis, quae ex *Iohanne* retuli, ipsam primo Thyatirenorum Ecclesiam reprehendi eo nomine videmus, quod Iezabeli, quae Prophetissam agere volebat, maiorem quam par erat dicendi et docendi libertatem nimis indulgenter permisisset, eiusque conatibus neque prudenter neque fortiter satis se opposuisset. Iezabeli vero criminis loco a Domino duo exprobrantur, 1. quod Prophetissam agere, et publice docere ausa fuisset, *dicebat enim se esse Prophetissam, et docebat.* 2. quod doctrinam introduxisset impiam, eaque plurimos a veritatis et pietatis tramite seduxisset. Hoc est sermonis illius, quo Ecclesiam Thyatirensensem castigat Dominus, argumentum. Quia autem omne huius rei momentum in eo situm est, ut intelligatur, quae qualisve fuerit *Iezabel* Thyatirenorum Pseudo-Prophetissa, age, quid de ea nobis videatur, paulo uberius explicemus.

§ 5. *Praesupponitur, verba Apocalypseos respicere primo statum Ecclesiae Thyatirenae illius temporis.*

Et ante omnia quidem id necessario monendum est, me verba Christi ad Ecclesiam Thyatirenam ita accipere, ut sensus eorum literalis et proximus statum Ecclesiae huius respiciat, qualis re ipsa fuit eo tempore, quo Apocalypsin suam B. *Iohannes*, iussu Domini, conscripsit. Etsi enim alios hic a me dissentientes aequissimo ferre possim animo, etsi praeterea ego numquam negaverim, ea quae de VII Ecclesiis Apocalypticis dicuntur, simul quoque spectare ad universam Ecclesiam Christi, in certa temporum intervalla distinctam, ita ut septem illae Ecclesiae Asiaticae imago quaedam fuerint unius Ecclesiae, quae in succedentibus seculis alium itemque alium vultum induit,

duit; aliter tamen existimare non possum, quam ipsas has Ecclesias, ad quas extant Epistolae Apocalyp-
ticae, primo loco designari, earumque praesentem eo
tempore statum vivis coloribus depingi. Ipse pro-
fecto S. *Iohannes* aperte docet, verba sua in hoc li-
bro ita intelligenda esse, quando istud Domini ad se
mandatum refert: *Scribe, quae vidisti, et quae sunt,*
et quae oportet fieri post haec, Apoc. i. 19. Idem
quoque testantur expressa urbium illarum, ad quarum
Ecclesias B. Apostolus nomine Domini Epistolas mi-
sit, nomina. Erant certe omnes illae urbes, magni-
tudine, dignitate, aliisque praerogativis praestan-
tes, et inclytis maxime totius Asiae minoris civi-
tatibus annumerandae. Erant non ita procul ab
Epheso, ubi ultimo *Iohannes* noster docuit, remotae.
Habebant omnes, quod nemo facile in dubium voca-
verit, Ecclesias Fidei Christianae addictas easque il-
lustres (b). Neque etiam Alogi ipsi haeretici, cum
Apocalypsin suspectam reddere anniterentur, ausi sunt
ullius ex his Ecclesiae existentiam in dubium vocare,
praeterquam Ecclesiae Thyatirensis, ideo credo, quod
aliquo post B. *Iohannis* mortem tempore, sive ob
graviolem persecutionis furorem, sive ob aliquem
forte terrae (c) motum, sive quocumque demum
alio

(b) Neque spernendum, quod ad firmandam illam sen-
tentiam ad h. l. adfert *Franciscus Ribera* e S. S. pag. 87.
Praeterea *Tertullianus Lib. iv. cont. Marcionem*, prope
principium, has septem Ecclesias Apocalypsis appellat alum-
nas Iohannis, quod in ipsis docuerit, et eas converterit
atque instituerit.

(c) Thyatiram saepius terrae motibus obnoxiam fuisse, ex
historia constat. Certe eam sub Augusto tali casu afflictam
fuisse, discimus ex *Suetonio* in Tiberio c. 8. Forte ingens ille
terrae motus, qui sub Traiano, cum esset Antiochiae, Orien-
tem vehementer concussit, etiam Thyatirae aliquid damni

alio casu, Ecclesia illic defecisset, ex quo concludebant haeretici, numquam antea in urbe illa Ecclesiam fuisse. Quoniam igitur ad illustres illas Ecclesias Epistolae Apocalypticae directae erant, quis dubitabit, quin publice illic locorum lectae et recitatae fuerint? Quid vero Ecclesiae illae dicturae fuissent, ubi se vel ob crimina sibi omnino ignota reprehendi, et uno verbo ea, quae scripta sibi essent, ad se tamen prorsus non pertinere intellexissent? Omnes porro Epistolae sic scriptae sunt, ut nonnisi de rebus praesentibus agere videantur, utque eas perlegenti vix possit suboriri suspicio, esse eas mera vaticinia de rebus multis demum seculis post futuris. Et ita veteres quoque senserunt, illi etiam, qui discipulos B. Iohannis viderant et familiari usu cognitos habuerant, etsi in eorum numero quoque reperiantur, qui sensum Mysticum ac Propheticum non excludendum esse velint, quorum iudicium neque nos improbamus.

§ 4. *Iezabel non significat omnes promiscue falsos Doctores, qui Ecclesiam Thyatirensē turbarunt.*

Hucusque de consensu doctissimi iuxta ac prudentissimi.

attulit, etsi ea de re nihil apud veterum quemquam me legisse libenter fateor. Similem tamen urbis huius casum tristem videtur indicare Inscriptio Thyatirae reperta, et a Sponio exhibita in Itinerar. Tom. 1. p. 327, in qua Antoninus Caracalla vocatur *κτιστής τῆς πόλεως*, i. e. ut ego puto, urbis terrae motu collapsae restaurator, etsi id alii alio modo explicant. Vide Wheleri Itinerar. Tom. 1. p. 396. Idcirco etiam Imperator idem appellatur in alia Inscriptioe apud Sponium p. 396. *ἀναργής τῆς πόλεως*. Forte id ipsum significatur Nummo Thyatirenorum, in quo exhibetur lupa, Romulum et Remum uberibus suis alens, symbolum notissimum Romae, designaturum, ut videtur hic, Romanos condidisse

vissimi interpretis, C. *Vitringae* gloriari possum. Sed ubi iam distinctius iudicandum est, qualemnam Thyatirensium *Prophetissam*, nomine *Iezabelis* designatam, hic cogitemus, a summi illius Theologi sententia discedere omnino cogor. Equidem et de eo persuasus sum, quod vir doctissimus recte urget, *Iezabelis* nomen non esse proprium, sed *Mysticum*, vel aenigmaticum et allegoricum, adeoque *Thyatiris* nullam fuisse, sic dictam magis, quam in aliis Ecclesiis, (illa nempe Ephesiorum et Pergamenorum) *Nicolaitas* et *Bileamitas* sic dictos. Nemo potius est, qui non, lecta hac Epistola, confestim ad vetustam Iezabelem, impiam Achabi regis Israëlitarum conjugem, cogitationes suas convertat, et ad facta eius alludi intelligat. Verum quando mystico hoc Iezabelis nomine, designari non mulierem quamdam, sed falsos Doctores et Apostolos Ecclesiae Thyatirenae arbitratur *Vitringa*, calculum sententiae eius adicere non possum. Si enim, quod Theologus ille post alios opinatur, per *Iezabelem* illi ipsi subinnuuntur, qui, in aliis capitulis huius Epistolae, *Nicolitae* et *Bileamitae* nuncupati fuerant, cur illic de pluribus, hic de una tantum persona Epistola loquitur? cur hic mulierem, eamque unicam tantum nominat? cur vitio illi ducit, quod se προφήτιν *Prophetissam* venditet, et docere publice (d) sustineat? ubi, quod iam semel monui, duo Jezabelis delicta bene omnino distinguenda sunt, primo quidem, quod doctorem agere voluerit, cum hoc ipsi nulla ratione competierit, et secundo, quod ad ipsum doctoris munus, superbo ausu sibi arrogatum, doctrinam adiunxerit a veritate abducentem et im-

ant restaurasse Thyatiram, eoque communem esse et Thyatirae et Romae originem. Nummum vide apud *Sponium* Itinerar. Tom. I. ad p. 442.

(d) Vide plura § VII et sqq.

impiam. Quae omnia quomodo cum sententia viri magni rite conciliari queant. mihi ita non liquet. Per² sensit dubio procul istam difficultatem doctissimus vir, eoque, ut eam tolleretur aut saltem minueretur, vult nos suspicari, latere forte hic tacitam allusionem ad Iezabelem Tyriam, reginam Israël, quae *probabiliter Prophetissa* vel *Sacerdos Baalis* fuerit. Verum enim vero, suspicioni huic id utique obstat, quod hic re ipsa non ad Tyriam Iezabelem alludatur, sed de Iezabele Thyatirenorum praedicetur, ὅτι λέγει ἐαυτὴν προφήτιν, καὶ διδάσκει, quod se ipsam *Prophetissam vendisset et doceat*, quod Gentilium Prophetissis et Sacerdotibus facere moris non erat. Est vero ad haec in universum improbable, Iezabelem sacerdotio Baalis functam umquam fuisse. Neque vero eruditissimum hunc virum iuvat, quod ex *Iosepho* et ipsis *Tyriorum Annalibus* adfert, *Ithobalum* Iezabelis patrem, Tyrique regem, *Sacerdotium Astartos obisse*; id enim neque Tyriorum, neque aliarum gentium moribus, nemini ignotis, repugnat. At Iezabelem sacra Baalis procurasse, et cultum divinum administrasse, non ita facile quisquam mihi persuadebit. Apud Graecos quidem et Romanos, uti nec minus alias Occidentis nostri gentes, Sacerdotiis mulieres saepissime praefectas fuisse, res est omnibus notissima. At longe aliter visum est Legislatoribus populorum Orientis, Aegyptiorum, Chaldaeorum, Persarum (e), Indorum, qui omnes administrationes sacrorum solis viris proprias esse voluerunt. Eadem omnino fuit etiam ratio Syiorum et Phoenicum. *Lucianus*, sive quisque auctor est

(e) Verba haec sunt *Witsii* in *Libro de sensu Epistolarum Apocalypiticarum* Cap. 111. § 83, et in *Miscellan. Sac. Tom. I. p. 694.*

est libri *de Dea Syria*, multa illic recondita profert de Phoenicum Numinibus, templis, sacrisque ritibus et cerimoniis, de pompis Sacerdotum, aliisque rebus huc spectantibus. Sed in toto libro mentionem foeminae Sacerdotis nusquam reperias. Id unum itaque superest, ut dicamus, *Thyasirae accidisse, ut pravi dux foeminae facti, Christianorum aliquot fascino suo a fide ad impuritates abduxerit (f).*

§ 5. *Neque Iezabelis nomine designatur mulier sacris idololatriæ Graecorum addicta.*

Fuit vir eruditissimus, cuius nomen ignoramus, qui (g) coniecit, respici Epistola hac ad Mysteria Graecorum, non sine luxuria ac lascivia plurima et omnis denique generis impietate peragi solita, qualia in

(f) Videtur hic opponi posse, quod legitur in *Affemani Bibliotheca Orientali* Tom. I. fol. 190. a. In *Menologio Basilii die 5. Octobris fit mentio Memalichtae Persae, quae fuerat Dianae Sacerdos*. Difficultatem ex similibus testimoniis ortam solvit Th. Hydus de religione Veter. Pers. p. 90, 91. Idem pag. 140 scribit: *Quamvis autem apud Persas foeminis praeceptum fuerit, bene custodire aquam et ignem, id subintelligendum est de custodia privata in suis aedibus: non enim legimus aliquid de Sacerdotissis, nisi in supradicto haeretico Veneris cultu, qui ad verum Magismum non pertinebat*. Iustinus Lib. x. c. 11 ait: *Mox poenitentia ductus, ut honeste negaret (Artaxerxes) quod temere promiserat (Dario filio suo) solis eam (Aspasiam) sacerdotio praefecit, quo perpetua illi ab omnibus viris pudicitia imperabatur*. Videtur historicus hic, nescio qua ratione, in errorem fuisse inductus. *Plutarchus*, de eadem re loquens, aliud quid nos docet in vita Artaxerxis p. 1874 edit. Steph. *Τῆς δ' Ἀρτέμιδος τῆς ἐν Εὐβατάωις, ἣν Ἀνεΐτιν καλοῦσιν, ἱερεῖαν ἔδειξεν αὐτὴν, ὅπως ἀγνὴ διάγῃ τὸν ἐπιλοισπον βίον*. Dacertius To. v 111. p. 250. vertit, *Ille sit religiose*.

(g) Vide *Relationes innocentes* Anni 1701. pag. 16, 17, 199.

In illis Asiae civitatibus, Ephesi, Smyrnae, Pergami, Thyatirae, frequentissime celebrabantur, uti nec minus ad insigniores illorum fautores et promotores. Credidit idem, Iezabelis Thyatirenæ forte adhuc memoriam conservari in egregia Inscriptione (h), quae inter reliquias veteris Thyatirae, in vico, qui a Turcis *Ak-hisar* appellatur, hodieque conspicitur, hunc in modum concepta.

ΑΓΛΘΗ ΤΤΧΗ
Η ΒΟΤΑΗ ΚΑΙ Ο ΔΗΜΟΣ
ΕΤΕΙΜΗΣΑΝ
ΟΤΑΠΙΑΝ ΜΑΡΚΕΛΛΑΝ
ΤΗΝ ΙΕΡΕΙΑΝ ΤΗΣ ΑΡΤΕ
ΜΙΔΟΣ ΜΑΡΚΟΥ ΟΤΑΠΙΟΥ
ΔΑΜΑΠΑΡΑΔΟΞΟΥ
ΚΑΙ ΚΑΝΙΔΙΑΣ ΒΑΣΣΗΣ
ΘΤΓΑΤΕΡΑ ΕΠΙΤΕΛΗ
ΣΑΣΑΝ ΤΑ ΤΗΣ ΘΕΟΥ
ΜΤΣΤΗΡΙΑ ΚΑΙ ΤΑΣ ΘΤ
ΣΙΑΣ ΔΑΜΠΡΩΣ ΚΑΙ
ΠΟΛΤΔΑΠΑΝΩΣ.

Quae sic verti possunt.

*Fortunae sacrum,
Senatus Populusque
honorarunt
Ulpiam Marcellam,
Sacerdotem Dianae,
Marci Ulpii Damaparadoxi
et Canidiae Bassae Filiam,
Quae mysteria Deae
et sacrificia splendide
et sumptuose peregit.*

Ne.

(h) Eam descripserunt, qui oras illas diligenter iustrunt, *Ricauius, Smithus, Sponius, Whelerus*, [*].

[*] Repetit *Muratorius* t. 11 Novi Thel. Inscr. p. DLIII. 4.

Neque diffiteor, coniecturam hanc mihi semper et doctam et ingeniosam visam fuisse, meque in ea haftenus acquievisse. Habemus enim hic mulierem Thyatirensē, Sacerdotem magni Numinis, cui hoc laudi datur, quod idololatriam, spirituales fornicationem, omni ope adiuverit atque promoverit. Sed nunc tamen, ubi omnia lance iusta et accurata expendenda sunt, haec observatio, etsi elegans, dubia quaedam movet, neque ad explicandam Epistolam nostram Apocalypticam, mihi ab omni parte satisfacere videtur, adeoque de alia explicatione cogitandum erit. *Ulpia illa Marcella*, in cuius honorem Inscriptio adornata est, a *Iohanne* in Apocalypsi tangi utique non potuit. Erat enim filia *Marci Ulpī Damaparadoxi*, qui nomen illud *Marci Ulpī*, de quo dubitari non potest, in honorem *M. Ulpī Traiani* post initum ab ipso imperium adscivit. Omnium vero consensu et confessione constat, *Iohannem* Apocalypsin aliquamdiu ante Traianum sub Domitiano in exilio Pathmico conscripsisse. *Ulpiae* praeterea ea tantum in Inscriptiōe hac tribuuntur, quae ab omnibus Sacerdotibus, officio suo rite functuris, expectabantur, unde sit, ut similia in aliis Inscriptiōibus non infrequenter legantur. Illud vero cum primis observandum esse duco, *Iezabelem* illam *Iohannis* Thyatirensē non posse a nobis in numero Gentilium censi, tamquam quae sacra eorum publice professā sit, mysteria impietatis splendide peregerit, et idolorum sacerdotio functa fuerit. Quid enim cum tali muliere Ecclesiae Thyatirenorum Christianae? Aut quo iure Ecclesia reprehendi potuisset, quod Sacerdoti Paganicae permiserit ministerio suo fungi? An non iure merito Ecclesia reponere potuisset, *Quid enim ad me attinet, eos qui foris sunt iudicare?* Nonne de iis qui intus sunt, nos iudicamus? Nam eos, qui foris sunt, Deus iudicabit.

Au.

Auferamus malum ex nobis ipsis, 1 Cor. V. 12, 13. Quando haec cogitatione persequor, aliter statuere non possum, quam designari ab Apostolo mulierem Christianam, quae communionem Ecclesiae affectaverit, quin imo in Ecclesia auctoritatem docendi sibi arrogaverit; sed et praeterea doctrina periculosa, et ad impietatem deducente, gregem Christi inficere voluerit. Quo observato, nunc iam facilius erit, Iezabellam illam, de qua loquitur Epistola, nonnihil distinctius describere et designare, quantumvis fateri oporteat, historiam Ecclesiae illius temporis multis densisque tenebris tectam et totam obnubilatam esse.

§ 6. *Iezabel fuit Mulier Christiana, e secta Gnosticorum.*

Quaerenda igitur mulier, (sive una, sive etiam plures, perinde est) professione Christiana, sed quae auctoritatem et potestatem publice in Ecclesia docendi sibi vindicaverit, atque insuper doctrinas Gentilium cum sancta Religionis Christi doctrina vinculo infelici sociaverit, eaque impura doctrina multorum hominum animos fascinaverit. Huiusmodi mulierem vix alibi, tempore illo, quam in *Gnosticorum* secta reperiri posse asseveraverim. Huic profecto notae characteristicae omnes, Iezabeli Thyatirenac assignatae, examussum conveniunt. Per *Gnosticos* hic intelligo homines, doctrinae Orientalium (i) et Philosophiae Platon-

(i) Doctrinam illam Orientalium hactenus nemo elegantius adumbravit, Beato *Isaaco Beausobrio* in Historia Manichaeae, passim. *Dodwellus* in addendis ad pag. 242. Dissertationum in *Irenaeum* existimavit, nomine Iezabelis intelligi ab Apostolo sectam aliquam haereticam, ac speciatim sectam Basilidianorum.

tonicae, qualis cumprimis in Aegypto tempore illo tradebatur, ultra modum addictos, fidem Christi quidem professos, sed illius mysteria et praecipuos articulos ex praeconcepta sua Philosophia Orientali Platonica dimetientes et constituentes. Firmiter hi tenebant, solum spiritum natura sua posse esse bonum, corporis vero naturam per se esse malam, neque bonam evadere umquam posse; animam vero corpori iunctam, eo ipso ingentibus periculis obnoxiam et vere miseram esse. Hinc sequebatur, Deum bonum materiae et corporis auctorem immediatum nec esse, nec omnino esse posse. Sequebatur etiam, Christum Dominum verum corpus humanum non assumisse, neque in eo vere natum, passum et mortuum esse. Sequebatur porro, corpora credentium aliquando resuscitatum nequaquam iri, sed veram et beatissimam ipsorum resurrectionem nihil aliud esse, quam perfectam et aeternam ab omni corporis communione liberationem. Res ipsa docet, et a viris doctissimis *Grotio*, *Hammondo*, *Pearsono*, *Vitringa*, aliisque abunde [*] demonstratum est, genus hocce hominum, Ecclesiae Christianae tempore iam Apostolorum infestum fuisse, et ne horum quidem auctoritate potuisse refraenari. *Paulus* certe Apostolus ad γνῶσιν ψευδώνυμον, falso cognominatam scientiam, quam haeretici isti continuo crepabant

[*] Nomen *Gnosticorum* iam tempore Apostolorum fuisse notum, vix audeo affirmare, at vero pravas illorum opiniones, aut potius stolidi somnia, ista aetate percrebrescere coepisse existimo. In illustrandis N. T. locis, a *Iablonfskio* h. l. atque supra p. 212 et 223 citatis, media mihi videtur tenenda via inter scriptores hic laudatos, quibuscum faciunt *Michaelis*, *Duschmannus*, alii, et *Titzmannum*, cuius libellus de vestigiis Gnosticorum in N. T. frustra quaesitis, Lipsiae editus a. 1773, recusus est in Museo Hagano tom. 11 part. 2 p. 295 — 478.

bant et in ore habebant, aperte respicit 1. Tim. vi. 20, 2 Tim. iii. 6, 7. Coloss. ii. 2, 3, 8, ut alia loca nunc praeteream, in quibus eorundem hominum indolem et mores, sed obscurius, notat. In doctrinam vero eorum de resurrectione corporis sigillatim invehitur 1. Cor. xv, 2 Tim. ii. 16, 17, 18. Aliud autem ex dogmatibus eorum praecipuis, de carne vera humana a Servatore non assumpta, *Iohannes* Apostolus magno cum zelo oppugnat, 1 Ioh. iv. 3. Tangit ibi Apostolus sine dubio *Docetas*, haereticos vetustissimos, ita cognominatos, quod Servatori nostro non verum corpus, sed corporis quamdam speciem tantum et umbram inanem tribuerent, quorum et numerus et auctoritas per Asiae minoris civitates quotidie nova incrementa capiebat. Liquido id ex *Ignatii*, qui B. Iohanni non ita diu supervixisse videtur, ad *Magnesianos* et *Smyrnaeos* epistolis perspicui potest. Is enim, uti nuper etiam celeberrimus Historiae Manichaeae auctor (k) observavit, non obscure subinnuit, *nobilissimos, et cum genere, tum auctoritate et opibus ex Christianis in Asia eminentissimos sectam Docetarum professos fuisse*. De Philippo etiam Apostolo memoriae prodidit *Pseudo-Abdias* in Historia Apostolica, fabulosa quidem, sed ut plurimum tamen ex antiquissimis traditionibus desumpta, quod (l) *in civitate Hierapoli in Asia commoratus, haeresin malignam Hebionitarum (ita per lapsum memoriae hic vocantur Docetae) extinxerit, qui dicebant, non verum hominem natum ex virgine Dei Filium assumpsisse*. Sed et *Paulus* Timotheo, Ephesiorum Episcopo scribens, pestiferum hunc errorem designare, et doctrinam

(k) Mr. de Beaufobre Hist. de Manich. Tom. i. p. 352.

(l) Lib. x. c. iii. P. 740, 741. edit. Fabricii.

nam pietatis illi oppositam commendare discipulo suo videtur, 2 Tim. 11. 8. Idem veritatis Evangelicae inimici, in Epistolis Apocalypticis sub nomine *Nicolaitarum et Bileamitarum* reprehenduntur; eorum partes sequebatur etiam *Iezabel*, falsa Thyatirenorum Prophetissa.

§ 7. *Sectae Gnosticorum id proprium fuit, tempore iam Apostolorum, ut mulieres publice docerent.*

Huic itaque Gnosticorum et Docetarum sectae, de qua nunc paucis differui, optime convenit, quod Iezabeli Dominus hic exprobrat, quod videlicet *se ipsam Prophetissam venditaverit, et docuerit*. Video eruditos viros, Grotium et (m) H. Witsium ad h. l., non male monuisse, et exemplis idoneis in medium allatis probasse, saepius inter haereticos repertas fuisse mulieres, quae Prophetiae donum sibi arrogaverint, aut alio modo callidis artibus haereses promoverint, atque latius propagaverint. Sed Gnosticis haereticis id plane proprium fuisse deprehendo, ut mulieribus potestatem facerent publice docendi, et sacra in Ecclesia Dei administrandi. Praesertim vero honore hoc virgines, matrimonio in universum renunciantes, dignissimas censebant. Quia enim per matrimonium et carnales libidines corpora hominum propagantur, quae ex sententia Gnosticorum per se semper mala, ac tristitia animarum ergastula sunt, non poterant aliter quam sic colligere, statum vitae perfectissimum, sanctissimum, Deoque gratissimum esse abstinenciam a

ma-

(m) in *Diatribae de sensu Epistolarum Apocalypticarum*
§ 83. pag. 693. Miscell. Sacr. Tom. 1.

matrimonio omnibusque operibus carnis. Quomodo-
cumque autem res haec se habeat, illud ex historia
Ecclesiastica certissimum est, mulieres illius sectae do-
cendi et sacra administrandi munus libere et publice
sibi attribuisse. Videtur hoc ipsum tempore iam Pauli
Apostoli in Asia, ubi haeretici hi numero et potentia
multum pollebant, obtinuisse. Id certe ex verbis (n)
hisce Pauli ad Timotheum in Asiam scribentis Ep. 1.
cap. 11. v. 11, 12, *Mulier in silentio discat cum
omni subiectione. Docere autem mulieri non permitto,
neque dominari in virum, sed esse in silentio*, non
infeliciter colligit vir Antiquitatis Ecclesiasticae peri-
tissimus I. E. Gravius, qui allatis hisce Pauli verbis
tale subiungit (o) iudicium: *Quid quaeso hac in-
structione Timothei opus erat, nisi in Ephesina Eccle-
sia Foeminae sacrum istud munus ambiissent?* Deinde
idem vir doctus ad nostram quoque Iezabelem Thyati-
renam transit. Videtur equidem Ecclesia Ephesiorum,
laboribus Apostolorum plantata, cura Timothei et
Iohannis Apostoli rigata, ab hoc abusu, uti in uni-
versum a potenti Gnosticorum haeresi, pie et pruden-
ter sibi cavisse, quo nomine in Apocalypsi laudatur 11.
2, 6, et non ita diu post obitum B. Iohannis ab Igna-
tio Antiocheno in Epistola ad eandem § 9. Sed in
aliis tamen Asiae Provinciis et civitatibus, tempore
etiam Apostolorum, ac Thyatirae speciatim id inva-
luisse, non est quod dubitem. Qua de re plura, uti
auguror, exempla proferre possemus, si scripta Apo-
crypha Lucii Charini (p), magni haereseos Docera-
rum

(n) Simile tamen praeceptum Paulus etiam Corinthiis
tradit 1 Cor. XIV. 34.

(o) In *Spicilegio Patrum* primi seculi pag. 334.

(p) Plura de hoc haeretico lectu dignissima, post Gravi-
um et Fabricium, congegit B. Beausobrtus in opere immor-

rum fautoris, quorum nonnulla tamen in Bibliothecis adhuc latent, ad manus nostras pervenissent. Superest tamen ex historia illius Apostolici aevi exemplum memorabile in *Thecla* virgine, cuius Acta a *Basilio Seleuciensi*, uti iactatur, conscripta, eademque postea a *Simeone Metaphraste* compilata, *Petrus Paninus* edidit. Sed antiquiora utique hisce, eiusdem virginis Acta typis vulgavit *Græbius* in *Spicilegio Patrum* seculi primi, quae forte sunt antiqua illa Acta, seculo iam secundo Ecclesiae nota, nisi quod videantur a posteriori manu ea omnia, quae haeresin absurdam Docetarum aperte nimis sapiebant, resecta, alia denique addita fuisse. Auctor horum Actorum videtur fuisse aliquis Docetarum discipulus, quin imo sunt rationes, quae mihi persuadent, celebratam illam tot encomiis veterum, et sanctorum choro adscriptam, *Theclam*, in Gnosticorum vel Docetarum secta Prophetissam egisse nominis celeberrimi. Sed rem hanc postea pluribus illustrare conabor.

§ 8. *Id ipsum aliis exemplis, ex Historia Ecclesiastica petitis, probatur.*

Post Apostolorum tempora, haeresis Gnosticorum, quae haftenus furtivo gradu latentia incrementa ceperat, caput audacius efferre, et numero discipulorum valde aucta, in plurimas Sectas speciales, consentientes tamen inter se in praecipuis et radicalibus doctrinae capitibus dividi coepit. Omnibus tamen hisce Sectis id omnino proprium mansit, ut auctoritati mulierum plus iusto tribuerent, easque partibus doctorum

tali, *Historiam Manichaeam* intelligo, Tom. I. Part. II. cap. II, III, IV.

rum in Ecclesia publice fungi sinerent. Gnosticorum doctrina certe imburus erat, eorumque placita tenaciter servaverat *Marcion*, cuius haeresis et in Asia et per alia loca, circa et post medium seculi II, ingentes et propemodum stupendos progressus fecit. Mirum itaque nemini videri potest, quod moribus maiorum suorum inhaerens, singularem illam, qua virgines prosequeretur, reverentiam multis modis testatam faceret. Cum igitur Romam cogitaret invisere, *praemisit*, teste (q) *Hieronymo*, *mulierem, quae decipiendo, sibi animos praepararet*. Quod quidem non temere et casu quodam fortuito, sed destinato animi consilio, et ut placitis Sectae suae obsecundaret, factum ab eo fuisse, testimonio *Epiphani*i confirmari et illustrari egregie potest, qui observat, *Marcionem mulieribus baptizandi potestatem fecisse*. Graeca, quia singularem vim hic habent, addo (r), *δίδωσι καὶ ἐπιτροπὴν γυναιξὶ βάπτισμα δίδοναι*, quibus verbis ad illa *Pauli* alludit, quibus ita decernit 1 Tim. II. 12, *Γυναῖκὶ διδάσκειν οὐκ ἐπιτρέπω*. Mulieres vero illas fuisse virgines, aut in coelibatu viventes, per se satis intelligitur, cum constet, *Marcionem* (s) matrimonium in universum, (t) saltem in perfectioribus et Ecclesiae Ministris condemnasse,

et

(q) In Epistola ad Ctesiphontem, Tomo II. Epistolar. fol. 171. a. edit. Francof. vel Tom. IV. Opp. col. 477. edit. Benedict.

(r) In Haeresi Marcionitarum, quae est LI. § 4.

(s) Ita Veteres, *Clemens Alex.* Strom. Lib. III. p. 431, *Tertullianus* adversus Marcion. Lib. I. c. 29, 30, Lib. V. c. 7.

(t) Ita Dogma Marcionitarum explicari posse arbitratur *B. Beaufobrius* Hist. de Manichée Tom. II. p. 121. 122.

et ne ad baptismi quidem privilegia admisisse, (x) nisi virginem, aut viduam, aut coelibem, aut divor-
tio baptismum mercatam. Ex Marcionis Schola pro-
diit Apelles discipulus eius, etsi in quibusdam diver-
sum a magistro senserit, et peculiarem Sectam erexe-
rit, qui quantum tribuerit revelationibus et visioni-
bus Philumenae suae, (y) virginis Daemoniacae,
quam ut Prophetissam colebat, ex (z) veterum te-
stimoniis discimus. Aliquanto antiquior erat Haeresis
Caiana, ex Gnosticorum lacunis derivata, obscura illa
quidem, sed quae tamen Quintillam nobis ostentat,
Prophetissam magnae inter suos auctoritatis, ut quae,
teste (a) Tertulliano, non modo ius docendi usur-
paverit, sed Baptismum etiam destruere potuerit.
Tempora Iohannis Apostoli adhuc propius attigit Car-
pocrates, notissimum inter Gnosticos nomen, cuius
Scholae fulcrum praecipuum fuisse videtur Marcellina,
foemina multis veterum commemorata. Eam Ire-
naeus testatur (b) doctrina sua Romae multos exter-
minasse, quod Epiphanius, qui Graeca Irenaei reci-
nuisse videtur, sic (c) expressit, Πολλοὺς τῶν ἐκεῖσε
λυμνηνομένην ἠφάνισε, id est, interprete Petavio, Mul-
tos illic errore suo depravatos in exitium compulit.
Ecce genuinam antiquae Iezabelis indolem! Addit
etiam

(x) Tertullianus adv. Marc. Lib. i. c. 29.

(y) Ita vocatur a Rhodone, Apellis aequali, apud Euse-
bium H. E. Lib. v. cap. 13, et Tertulliano l. c.

(z) Vide Eusebium l. c., Tertullianum de Praescript.
Haer. c. 6, et 30. Adde auctorem veterem Appendicis ad
illum librum c. 51, Augustinum de Haeres. cap. 24, Theo-
doretum Fabul. Haeret. Lib. i. c. 25.

(a) In libro de Baptismo cap. i, et 17.

(b) Lib. i. Cap. xxvi. § 6.

(c) In Haeresi Carpocratianorum, quae est xxvii. § 6.

etiam *Epiphanius*, inde excitata esse *Gnosticorum primordia*. De his igitur sine dubio haereticis accipientum est, quod *Tertullianus* (d) observat, *Ipsae mulieres haereticæ, quam procaces! quæ audeant docere, contendere, exorcismos agere, curationes repromittere, forsitan et tingere.* Quod postremum potuisset, non modo per coniecturam hariolari, uti fecit, sed et audacter affirmare. *Marcus* etiam, Haereticus valde celebris, de quo Haeresis *Marcosiana* nomen traxit, mulieribus S. Eucharistiam administrare permisit, et Prophetissas instituit, teste *Irenæo* (e). Eiusmodi mulieribus addi poterit *Agape*, Priscillianistarum magistra, de qua *Sulpitius Severus* (f). In Oriente *Sabbatici*, qui erant de grege Marcionitarum et Gnosticorum, eundem illum morem, quem modo tetigi, in ecclesiam suam introduxerunt, quod magna cum emphasi ipsis exprobrat *Ephraem Syrus* in quodam Hymno (g).

§ 9. *Quaeritur specialius, quo sensu Iezabelæ illicitum fuerit, Prophetissam agere.*

Cum igitur Docetarum Gnosticorumque Secta, tempore Apostolorum et sigillatim *Iohannis*, fuerit in Asia flo-

(d) De Praescriptione Haeretic. cap. 41.

(e) Lib. 1. adv. Haereses cap. 13 § 2 et 3 edit. Masfueti.

(f) Lib. 11 Hist. Sacr. p. 439, ubi vide etiam notas *Hornii*. adde *Hieronymum* in epistola ad Ctesiphontem, Tom. IV. Opp. col. 477, et Concilii Caesaraugustani, adversus Priscillianum a. 380 habiti, Canonem VII, cum notis *Bini*, in Collectione Conciliorum Labbeana Tom. II. col. 1010, 1012.

(g) Apud *Assemanum* in Bibliotheca Orientali Tom. I. pag. 120, ubi etiam conferatur annotatio p. 121.

florētissima, cum Sectae huic propriam fuerit, ut mulieres docerent, sibiue Prophetissarum et nomen et auctoritatem arrogarent, an dubitari poterit, quin Thyatirae quoque tempore *Iohannis* talis habitaverit Prophetissa, eaque ipsa in Apocalypsi redarguatur? Character certe ille Iezabeli attributus, *quod se ipsam Prophetissam dicat, et doceat*, non modo Gnostico- rum mulieribus egregie convenit; sed ne aliis quidem convenire posse videtur. His vero, quae de Gnostico- rum Prophetissis, ad explicandum nostrum Apocalyp- seos locum, hactenus disseruimus, non adversantur, quae de Prophetissis veteris Ecclesiae Iudaicae, Spiritu Divino afflatis, quarum solent a Iudaeorum magi- stris (h) septem numerari, legimus, uti nec quae de *Hanna*, quae sub tempus nativitatis Domini Pro- phetissam agebat, *Lucas* Evangelista memoriae prodi- dit cap. 11. v. 36. Etsi enim hae Spiritu S. impul- sae atque directae, quaedam sive in Ecclesiae totius sive tantum in piorum quorundam usum eloquerentur, aut scripto consignarent, publico tamen docendi in Ecclesia munere functae fuisse censendae non sunt. De Prophetissis Ecclesiae Christianae Apostolicae, quales fuerunt quatuor Philippi Evangelistae filiae virgines *ἡ προφήτις ἑκαστα* *Actor* xxi. 9, idem plane dicendum esse videtur. Neque negaverim, prophetias huiusmodi piis mulieribus, a Spiritu Sancto suggestas, ab ipsis etiam in Ecclesia publice nonnumquam editas fuisse. Saltem re ipsa in Ecclesia Corinthiaca id fieri consue- visse, discimus ex 1 Cor. xi. 5 (i). Utrum tamen con-

(h) Vide *Gemaram Megilla* Fol. 14. 2. Locum habes etiam in *Zalneri* Dissert. de *eruditione Deborah Prophe- tissae* § 8. Sunt autem septem illae, *Sara, Miriam, De- bora, Hanna, Abigail, Hulda, Esler*.

(i) Vide de hoc loco *Ios. Medi* Diatribas Vol. 1. p. 246.

consuetudinem Paulus approbaverit, ambigit (k) P. Molinaeus, quia postea idem Apostolus rem hanc in posterum prohibendam esse duxerit 1 Cor. xiv. 34, addita hac ratione memorabili v. 35, *Turpe est mulieribus in Ecclesia loqui.* Sed quomodocumque tandem res haec se habuerit, id saltem certum plane est 1) Prophetias mulierum in Ecclesia referendas esse ad actus (l) extraordinarios, qui locum non habebant, nisi intercederet speciale mandatum Dei, 2) mulieres illas in reliquis munere doctorum publico functas minime fuisse. Itaque sanum rectumque manet praeceptum Apostoli, quo mulieres a cura docendi excluduntur, quod Gnostici tamen violarunt.

§ 10. *Transitur ad secundum Iezabelis characterem, doctrinam nempe haereticam, et qui eam*

dem (1) eius partem theoreticam. Exposui haec primum Iezabelis Thyatirenae characterem, quod nempe Prophetissa videri voluerit, ac docendi auctoritatem sibi arrogaverit, et ex eo, nisi me omnia fallunt, deprehendi satis luculenter.

246, et seqq. Quomodo Quakeri his verbis abutantur, vide in Bibliothéque Britannique Tom. xvii Part. 2, p. 266. Exstat I. Georg. Altmanni Disquisitio Philologico-Critica, ad illustranda loca 1 Cor. xiv. 34, 1 Tim. ii. 12, etc. de Priscilla, Phoebe, Tryphaena, Tryphosa, et Perside, a Fratribus Herrnhutianis ad probandam mulierum in Ecclesia docendi potestatem novissime productis, Bernae 1740, quam tamen vide. De ea exstat iudicium Fratrum Moravorum in der Budingischen Samlung I. Band, S. 776, u. f.

(k) In Vate Lib. i. cap. 8.

(l) Consule hic H. Witsii Miscellanea Tom. i. Lib. i. cap. i. § 11 et seqq.

designari mulierem quamdam, Docetarum vel Gnostico-
rum Sectae initiatam. Id vero insigniter confirmat charac-
ter eidem mulieri adscriptus secundus, quod doctrinam
abusa fuerit propagare haereticam et impiam, *διδάσκει
καὶ (m) πλανᾷ τοὺς ἑμους δούλους, πορνεῦσαι, καὶ
ἐδωλόθυτα φαγεῖν*, *docet et seducit servos meos, for-
nicari et manducare de idolothysis*. Doctrina igitur
Prophetissae Thyatirinae hic describitur ut *πλάνη, de-
ceptionis, et seductio animarum*, tendens ad earundem
exitium aeternum. Doctrinae illius duas videmus con-
stitut partes, quarum altera videtur theoriam, altera
praxin Religionis Christianae spectare. *Theoriam* do-
ctrinae huius puto designari per *fornicationem*, ad
quam alios dicitur seduxisse Iezabel Prophetissa. Quo-
modo cumque autem vocem *fornicationis* interpretari
hoc loco libeat, dubium vix cuiquam esse poterit, sub-
innui ea et castigari instituta *Nicolaitarum* et *Bilea-
mitarum*, sive *Gnosticorum*. Nam si *fornicatio* turpia
libidinosa carnis opera designare censeatur, nemo
est, quem latere possit, quam detestabiles quamque
impurae voluptates Gnosticis quidem omnibus, sed
multo maxime Nicolaitis atque Carpocratianis a scri-
ptoribus Ecclesiasticis exprobrari semper soleant. Ego
tamen, qui doctrinam adeo scelestam, ipsis Gentilibus
abominandam, in Ecclesia Christiana publice et au-
dacter promulgatam fuisse, difficulter credere possum,
qui praeterea novi, eam placitis Gnosticorum funda-
mentalibus e diametro adversari, gravibus de causis
adducor, ut existimem, significari hic fornicationem
spiritualem, vel, ut clarius mentem meam aperi-
am, doctrinam

(m) Ita reperio in quibusdam editionibus, eamque lecti-
onem aliis praefero.

doctrinam idololatriæ et falsæ religioni patrocinantem. Nam per *fornicationem* in scriptis Prophetiis sæpenumero intelligi idololatriam, et quidquid idololatriam nutrit, fovet, et adiuvat, notius est omnibus, quam ut probatione ulla egeat. Criminis huius utique rei erant Gnostici, illi præsertim, qui, tempore Apostolorum, Ecclesiæ Christianæ se adiunxerunt, atque in illam placita Philosophiæ suæ primi invexerunt. De illa Gnosticorum doctrina, quæ nostra demum ætate (n) a viris eruditissimis e genuinis suis fontibus erui multaque nova luce perfundi coepit, prolixius differendi locus hic non est. Illud itaque nunc monuisse sufficiat, per infaustum vinculum, quo Gnostici dogmata Philosophiæ suæ cum doctrina Christi in unum compingere allaborabant, id effectum fuisse, ut præcipui Fidei nostræ articuli, de mundo a Deo ex nihilo creato, de Iesu, vero Mariæ et Davidis Filio, ex sanguine nostro per matrem suam edito, proque nobis re ipsa passio, mortuo, et resuscitato, de Spiritu Sancto, a mittente Patre et a misso Messia distincto, et de resurrectione carnis, everterentur, eoque causa Philosophorum Gentilium, adversus revelationes Verbi Dei Religionemque Christianam, pertinaciter defenderetur. Hoc ipso in animis Gnosticorum, etsi Christianorum, secreta tamen quaedam ad superstitiones Gentilismi propensio fovebatur alebaturque, quam etiam verbis et factis prode-
re non magnopere verebantur. Exemplum ejus,
quod

(n) v. g. Renato Massueto, in Prolegomenis ad Irenæum, Mosheimio in Institutionibus Historiæ Ecclesiasticæ, Bruckero in Historia Philosophica Tom. III. et IV, et nuperrime Beausobrio in Historia Manichæa, variis in locis.

quod dixi, capi potest ex Pseudo-*Hermetis Trismegisti* Poemandro. Etenim illius auctor e grege primorum illorum Gnosticorum unus fuisse mihi videtur, quod etiam nuper a (o) doctissimo viro observatum video. Et ille tamen ubique Deos suos, et alia quaedam Gentilibus propria crepat, quo et a suis intelligatur, et tamen a Gentilibus non improbetur. Idem etiam, et clarius adhuc, ex gemmis Basilidianorum et in genere Gnosticorum Abraxeis, uti videntur, perspicui potest. Sed ea de re plura forte alias observabimus [*].

§ II. Pergitur (2) ad doctrinae illius haereticæ partem practicam.

Quae iam sequuntur, ad doctrinae Gnosticorum, et Prophetissae eorum Iezabelis, partem *practicam* puto esse referenda. Dicitur autem servos Dei, id est, nominis Christi professores, seduxisse *φάγειν εἰδωλόθυτα*, ut de idolothytiis manducarent. Vbi nobis literae ipsi inhaerere licet. Id tamen omnino monendum, per *manducationem idolothytorum* intelligi tum oportere (p) actum religiosum in honorem falsorum Deorum peractum, quo quis communionem suam cum Diis illis, et cum religione Gentilium profiteri censebatur, sive id faceret tempore persecutionis coactus, sive etiam alio modo et ultro. Ab eo quantopere, et merito quidem, abhorruerit Ecclesia antiqua,

(o) *Beausobrio* in Historia Manichaea Tom. II. passim.

(p) Bene ille describitur a *Grotio* ad *Athor.* xv. 20.

[*] Factum id est in Novis Miscellaneis Lipsienſibus. Vid. praefat. tom. I *Opusc. Lablonskii* p. xxvi.

qua, ab ipsis Apostolis edocta et instructa, *Actor. xv. 20, 29, 1 Cor. x. 28*, veterum paene omnium testimonio satis constat. Sed hac idololatriae specie Gnosticos secure et non illibenter se polluisse, scimus ex eorumdem testimonio. De *Basilide*, quo vix quemquam Schola Gnosticorum celebriorem habet, testatur *Caster Agrippa*, scriptor peruectus, ipsique *Basilidi* tempore aequalis (q), eum docuisse, quod indifferens sit, victimas Diis immolatas degustare. Hoc ipsum videtur *Trypho* Iudaeus non ita diu post Christianis ac sigillatim *Iustino Martyri* exprobrare, quando (r) plures, ait, qui se Iesum profiteri dicunt, et Christiani nominantur, audio simulachris macinata manducare, et nihil se ex eo capere detrimenti dicere. Cui respondens *Iustinus*: Ego quoque inquam, quod eiusmodi extent viri --- sed non Christi, verum seductionis spirituum doctrinas docent. Verba Graeca ita sonant, διδάσκοντες τὰ ἀπὸ τῶν τῆς πλάνης πνευμάτων. Quibus verbis ad locum nostrum Apocalypseos alludi videtur. Suffragatur his scriptor eiusdem seculi II, *Irenaeus*, referens (s) de *Basilide*, eum contemnere idolothyta, et nihil arbitrari, sed sine aliqua trepidatione usi eis. Alios secuti aevi scriptores idem tradentes, quod ab antiquioribus acceperunt, non invitus praetereo, unicum hocce tantum monitum,

(q) Apud *Eusebium* Hist. Eccles. Lib. iv. cap. 7.

(r) *Iustinus Martyr* in Dialogo cum Tryphone Iudaeo p. 253.

(s) Lib. I adv. Haer. c. xxiv § 1. edit. *Massueti*; adde c. xxviii in fine, ubi de Basilidis et Carpocratis sectatoribus, et c. vi § 3. *Irenaeo* adiungantur *Clemens Alexandrinus* Lib. iv Stromat. p. 481, quo loco haud dubie Gnosticos oppugnat, et *Epiphanius* Haeresi xxiv § 4.

rus, eadem plane de *Carpocratianis* etiam aliisque Gnosticorum familiis literis prodita esse, in quo prolixè demonstrando, cum satis notum atque vulgatum sit, tempore et opera abuti nolo. Nihil tamen vetat, quominus *manducationem idolothytorum*, quae Iezabeli exprobratur, sensu aliquanto laxiori pro aliis quibuscumque actibus accipiamus, quibus Numinibus fictis cultus aliquis exhibetur, sive verus, sive simulatus. Nominatur itaque actus religiosus unus isque solemnis valde et frequens, et intelliguntur omnes alii, eandem rationem habentes, idemque significantes. Gnostici nempe imagines Deorum et in domibus suis habebant, et gemmis insculptas secum circumferebant, uti vel ex gemmis eorum Abraxeis abunde perspicitur, quamvis ex iisdem id quoque intelligamus, ipsos sub hisce veluti symbolis quaedam mysteria Religionis verae occultare voluisse. Iidem solemnitates Gentilium festivas una quoque celebrabant omni laetitiae genere, uti *Irenaeus* (t) scriptum reliquit, quantumvis id inter suos more Christiano et ad Religionem accommodato fecisse videantur. Vero dissimile non est, de hisce hominibus *Adrianum* Imp. (u) in epistola ad Servianum scripsisse: *Aegyptum, quam mihi laudabas, totam didici levem, pendulam, et ad omnia famae momenta volitantem. Illi qui Serapim colunt, Christiani sunt; et devoti sunt Serapi, qui se Christi Episcopos dicunt.* Haec cum ita se habeant, non adeo difficulter fidem adhibebimus veteribus, referentibus Gnosticos illos, si res ita tulisset, professionem Christi, ut persecutionem evitarent, ad tempus abnegasse.

(t) Adv. Haeref. Lib. 1 cap. vi. § 3.

(u) Apud *Vopiscum* in vita Saturnini cap. 8, in Scriptoribus Hist. Augustae Tom. II p. 719, 720.

gasse. Ita *Castor Agrippa de Basilide* (v) testatur, eum docere, quod indifferens sit victimas Diis immolatas degustare, et persecutionum tempore licenter fidem abnegare. Quod, ut alios iam praetermittam, auctor *Appendicis ad Tertulliani Librum de Praescriptione* cap. 46. ita exprimit: *Martyria negat esse facienda*. Sed haec de primis tantum Gnosticorum fautoribus, qui tempore Apostolorum, et forte aliquanto post, floruerunt, dicendum esse puto, idque cum principiis eorum facile conciliari posset. Verum disputationem hanc in aliud tempus reicio.

§ 12. *Forte Iezabel fuit Thecla, veterum encomiis celebrata.*

Si quis ea omnia, quae ex certis piae vetustatis monumentis haecenus allata sunt, rite pensaverit, ambigere omnino non poterit, quin tempore B. Iohannis Apostoli tales in Asia fuerint mulieres, qualem ille Iezabelem Prophetissam Thyatirensensem depingit. Ego, ubi ad ea, quae de Thecla virgine, cuius iam supra mentionem feci, memoriae prodita sunt, animum appello, in eam fere sententiam concedo, hanc ipsam in Epistola ad Ecclesiam Thyatirensensem designari et coargui. Coniecturam propono, cui, si cordatis eruditisque lectoribus displiceat, ipse non magnopere inhaerebo. Eam tamen ideo non penitus negligendam esse credidi, quia argumentum illud, quod in sup-

(v) Apud *Eusebium Hist. Eccles. Lib. iv. cap. 7.* Hoc per consequentiam tantum, et eam non omnino iustam, de Basilide affirmari, censet *Beaufobrius Tom. II Hist. Manich. p. 25, 26.* Vide et interpretum Gallicorum Berolinensium N. Testamenti Praefationem in 2 Ep. ad Timoth. p. 379.

terioribus discussimus, non mediocriter illustrabit. Quodsi auctori Actorum Theclae antiquiorum, quae a *Grabio* in Spicilegio Patrum edita sunt, fidem adhibemus, liquet profecto, eam Docetarum et Gnosticorum gregi esse adscribendam. Vbiq̃ue in Act's hisce commendatur Theclae studium virginitalis, cum manifesto matrimonii contemptu coniunctum. Si auctorem illum audimus, Paulus Apostolus, fidem Christi Iconiensibus annunciaturus, eo fere totam scdm orationem convertit, ut virginitalis dignitatem evehat, et hoc quoque est, quod virginis haecenus Ethnicae animum ipsi conciliavit. Quinimo, quod oppido mireris, ubi iam ad persecutiones horrendas plane perventum est, miserae Theclae propter amorem Pauli et doctrinae eius exantlandas, vix subindicatur, eam tot mala propter fidem Christi pertulisse, sed credere potius iubemur, haec omnia non alia de causa ipsi obvenisse, quam quod aut matrimonium honestum et legitime, conscia parente, contractum postea detrectaret, aut alio modo coelibatum et virginitalis servare vellet. Haec omnia manifeste redolent genus Docetarum, qui, ut vere nuper observavit (w) vir de historia Ecclesiastica praeclare meritis, immodicum illud virginitalis studium omnium primi in Ecclesiam invexere, eamque ob rem fabulas plurimas ac innumera miracula confinxere, quae posthaec ab orthodoxis quoque bona fide admissa et firmiter credita fuerunt. Praeterea et id auctor horum Actorum in animo omnino habuit, ut exemplo Theclae, et auctoritate Pauli, mulieribus iura docendi et sacra administrandi vindicaret. In ipsa

(w) Mr. de Beaufobre Histoire de Manichée Tom. I Part. II Liv. II Chap. II, III, IV, V, VI. Vide tamen praecipue p. 359, 388, 413, 414.

sa Actorum inscriptione (x) dicitur Thecla Πρωτο-
 μάρτυρ καὶ Ἀπόστολος, *Protomartyr et Apostola*, quod
 in aliis Actis, *Basilis Seleuciensi* tributis, ita explica-
 tur (y): *Secunda ab Apostolis et Stephano Martyr*
fuit Thecla, ita ut quemadmodum Stephanus viro-
rum, qui pro Christo certamen subierunt, dux fuit,
ita Thecla mulierum, quae pro Christo decertarunt,
locum obtineat principem. In Monasterio S. Theclae
 Graecorum, non procul a Damasco, legitur Inscriptio
 in honorem Theclae, de qua *Richardus Pocockius*,
Observations of the East Vol. II. Part. I. p. 131,
There is a Greek Inscription on it, signifying, that
she was the first Martyr of her sex, and contempora-
ry with the Apostles. In illis Actis antiquioribus
 porro p. 110, 114, 115, refertur, Theclam semet
 ipsam Baptismo initiasse, idque iis circumstantiis,
 quae scholam Gnosticorum sapere videntur. Dehinc
 Paulus dicitur ipsi committere curam et munus verbum
 Dei docendi, p. 115, quo munere functa esse deinceps
 legitur. Non absurdum erit cogitare, mulierem illam
 procedente tempore maiorem semper auctoritatem ac-
 quisivisse, et exemplum praebuisse, quod Docetae et
 Gnostici frequenter postea, ut supra vidimus, imitati
 sunt.

(x) Videtur hic obiici posse, in hac inscriptione nihil
 inesse vitii, siquidem ipse Paulus mulieres in numero Aposto-
 lorum posuerit. Id saltem B. *La Crozius* colligit ex
 Rom. xvi. 6, 7. Sed vide observationes meas MSS. in
 h. l. ubi ad objectionem respondetur [*].

(y) Edit. Patini pag. 6. fin. et seq.

[*] Cum haec observationes ad me non pervenerint, quid respon-
 derit *Jablonskius*, dicere non habeo; quid autem potuerit respondere,
 non est difficilis coniectura.

sunt. Et quid pluribus opus est? nonne ex veterum testimoniis perspicuum est, Acta illa Theclae, quia referebant, ipsum Paulum Apostolum foeminae huic potestatem docendi permisisse, a Iohanne Apostolo condemnata, auctoremque eorum loco suo et dignitate motum fuisse. Testatur id *Tertullianus*, qui eo ipso seculo floruit, quo B. Iohannes mortuus est, in hisce verbis (2): *Quod si, quae perperam Paulo adscripta sunt, ad licentiam mulierum docendi iungendique, defendunt; sciant, in Asia Presbyterum, qui eam scripturam construxit, quasi titulo Pauli (a) de suo cumulus, convictum atque confessum, id se amore Pauli fecisse, loco decessisse.* Accedat etiam *Hieronymus* (b), quia testimonio *Tertulliani* modo allato in his lucem aliquam conciliat: *Igitur περὶ τοῦ Pauli et Theclae --- inter Apocryphas scripturas computamus. --- Sed et Tertullianus, vicinus eorum temporum, refert, Presbyterum quendam in Asia, σπουδαζόν Apostoli Pauli convictum apud Iohannem, quod auctor esset et confessum se hoc Pauli amore fecisse, ob id de loco excidisse.* Ipsum Theclae factum, munera doctoris sibi in Ecclesia attribuentis, neque ab his, quos adduxi, neque ab aliis veterum in controversiam vocatur. Neque etiam Presbyter ille, qui memoriam eius rei literis mandaverat, eo nomine accusatur; sed quod tale factum, auctoritate Pauli Apostoli, approbare aliisque commendare ausus fuisset. Eo ipso tamen, B. Iohannem Foeminae huius audax facinus con-

(2) De Baptismo cap. 17.

(a) Significatur his verbis, auctorem illorum Actorum, quae de Paulo refert, de suo addidisse et finxisse.

(b) De viris illustribus cap. 7.

condemnasse, omnibus perspicuum esse potest.

§ 13. *Gnostici memoriam Theclae, ut Proto-
Prophetissae, in gemmis suis religiose
servarunt.*

Dixi rationes, quibus me moveri passus sum, ut Theclam, virginem veteribus magnopere laudatam, Docetarum et Gnosticorum gregi annumerarem. Venit nunc alia ratio in mentem, quam lectoris aequi iudicio libenter permitto. Inter Gnosticorum gemmas, quae vulgo Abraxeae vocantur, quarum non poenitendam copiam *Chifletius* et post eum *Illustris Montefalconius*, vir de omnibus literis immortaliter meritis, aeri insculptas ediderunt, reperio aliquam, qua homines illi, nisi me opinio fallit, Theclae memoriam conservare et veluti consecrare voluerunt (c). Facies huius gemmae altera oculis nostris subiicit mulierem, aetatis, ut apparet, provectae, totam velatam, sinistra manu sive hastam sive virgam, dextra annulum aut circulum nescio quem tenentem. Si *Chifletium* commentatorem audimus, cernimus hic (d) *Iunonem, Deam velatam, et qualis in nummis, hastam tenentem ac pateram*, quod Numen Gnostici cum Numinibus suis patriis sociaverint. Credat haec, qui volet. Ego hic nulla Divinitatis indicia invenio, sed effigiem mulieris honestae, cuius etiam nomen versa gemmae nostrae facies exhibet. Sed praeterea videor

(c) Ea occurrit in Collectione *Chifletii* numero 105, et in *Montefalconii* Antiquitate explicata Tom. II Part. II. Tabula CLX. ad pag. 366.

(d) In Commentar. ad Gemmas Abraxeas pag. 135. 136.

deor mihi etiam Prophetissae quaedam symbola ac indicia hic observasse. Ad illa referri poterit velum, quod caput huius mulieris obtegit. Quam in rem apponam verba eruditi cuiusdam (e) scriptoris Angli, nobis hic insignem usum praestitura: *Dubitari non debet, quin Prophetissae Montanistarum caput suum velo virginali texerint (f), siquidem manifesto constet, eos ceteroquin etiam veli usum stricte et religiose observasse. Erat praeterea constans mos veteris Ecclesiae, nixus praecepto Apostolico, ut mulieres Divinitus afflatae nonnisi velatae prophetarentur.* Quod de Prophetissis Docetarum ac Gnosticorum dicendum similiter est, idque tanto magis, quod ex Docetarum scholis Montanistae Prophetissas suas desumisse prorsus videantur. Manu sinistra mulier illa tenet, non hastam, uti *Chiffetius* putat, sed virgam, quam scimus, Prophetarum (g) in Oriente, apud Aegyptios, Chaldaeos, et Persas, insigne certissimum fuisse, quod hodieque in antiquissimo (h) Monumento

to

(e) Anonymus auctor *Historiae Montanismi*, quae prodit Lond. 1709, Artic. v § 3, p. 94.

(f) Sine dubio auctor id colligit ex *Tertulliani* Montanistae Libro *de virginibus velandis*.

(g) Vid. *Gaulminii* notas ad auctorem Hebraeum *de vita Moysi* Lib. I. p. 235. edit. Paris. et Mr. *de Beaufobre* Hist. de Manichée Tom. I. p. 99. De Magis Persarum *Diogenes Laërtius* in Prooem. §. 7. ex Sotione κάλαμος ἡ βακτηρία.

(h) Effigiem illius dederunt *Chardinus* et *Corn. de Bruin* in itinerariis, et *Montefalconius* in Antiquitate explicata Tom. II. Part. II. p. 402. seq. In rudibus Palatii, sive Templi Persepolitani, aliquoties occurrit imago alicujus vel regis, ut quidam putant, vel Archimagi, ut alii suspicantur, vel forte ipsius Zoroastris, alis in sublimem eve-

tō Persepolitano saepiuscule visitur. Dextra vero tenet annulum vel circulum, designantem forte compedes, quibus in tormentis vineta fuerat, aut coronam (i) veluti martyrii, quod perpeffa fuerat. Altera vero huius gemmae facies hancce nobis inscriptionem exhibet,

CAKΛΘΕ
COΦΗ
ΑΔΩΝΑΙ.

Quod ad postremam vocem ΑΔΩΝΑΙ attinet, est nomen Dei, quod in Gemmis Gnosticorum frequentissime legitur. Primum nomen Illustris *Montesaleoni* legendum censet CABAΘΘ, quippe quod in hisce Gemmis saepissime pariter occurrit. Sed ego existimo, esse nomen proprium illius Foeminae, cuius effigiem alterum laus ostendit, et quae hic ΣΟΦΗ *sapiens* nuncupatur. *Sacloa* vero vel *Sacla* hic est ipsissimum *Theclae* nomen. Theclam aiunt veteres Iconio in Lycaonia oriundam fuisse. Lycaones autem utebantur, uti (k) alias probavi, sermone Cappadocum,

evecti, qui sinistra manu annulum tenet, eodem prorsus modo, qui in nostra hacce gemma conspicitur. Vide v. g. apud *Chardinium* Tom. ix. Fig. LXIV. ad p. 90, et Fig. LXXVII. ad p. 94, et LXXVIII. ad p. 100. In Figura vero LXXIV. duo equites sibi mutuq. occurrentes annulum unum arripiunt tenentque. Vide et *Tho. Hydium* de Religione Vet. Persarum p. 305, et adiunctam illi e regione Tabulam vi; in qua annulus ille explicatur *circulus Zodiacalis*.

(i) Qualis etiam in aliis Abraxeis Gemmis conspicitur. Vide Collect. *Chifletii* num. vi.

(k) In Dissertat. de *Lingua Lycaonica* § XVIII [p. 119—126 huius tomi].

Tóm. III.

R

cum, quem fuisse Syrium vel Assyrium impurum (l) *Bochartus* credidit. Virum ipse rem acu tetigerit, dicere non auserim. Gnostici tamen, qui frequens habebant cum Hebraeis commercium, nomen Theclae (m) sic intellexisse et interpretati esse videntur. Potuit omnino nomen illud a Chaldaico תַּקְלָה formatum esse, quod *ponderare, trutina expendere* significat, Dan. v. 25. Hebraei scribere solent תַּקְלָה. Unde facile intelligitur, quomodo idem nomen et *Thecla*, et *Sacla* scribi et pronunciari potuerit. Ego originationem hanc veram esse, cum nemine contenderim; censeo tamen, Gnosticos, quibus Iudaei multi admixti erant, eam tanto libentius probasse, quia Hebraei Talmudistae voces תַּקְלָה, *libratus* et *ponderatus*, et תַּקְלָה *libratio, ponderatio*, quae magnam cum ΣΑΚΛΩ affinitatem habent, ad prudentiam (n) animi ac sapientiam transferunt, unde ipsis (o)

(l) In Phaleg. col. 535.

(m) *Valesius* ad *Evagrium* p. m. 83. 2. Tom. III. *Dicit autem Thecla per Syncopen pro Theoclia. Ita enim non raro eam appellat Basilius Seleuciensis.*

(n) *Manilius* in *Astron.* Lib. 1. 769.

*Quique animi vires, et strida pondera mentis
Prudentes habuere viri —.*

vide ibi *Bentleii* annotat.

(o) Vide *Buxtorffii* *Lexicon Talmudico-Rabbinicum* in תַּקְלָה, col. 2514. Vocem Hebraicam תַּקְלָה, quae occurrit Esa. xxxiii. 18, et quam Paulus Apostolus, uti videtur, 1 Cor. i. 20. reddidit σοφία, indice *Iacobo Altin-*
gio

לְקוֹשֵׁי מַנְיָ, quasi dicas viros liberos, dicuntur cordati et sapientes. Itaque Sacra Hebraeorum sermone fere idem significat, quod Graece Σοφῆ sonat, sapiens, quemadmodum mulier illa in nostra Inscriptione nuncupatur. Vox haec ceteroquin Σοφῆ videtur quoque magistrā, doctorem foeminā sublinuere. Hebraeis certe חָכָם, σοφός, sapiens, dicitur Doctor, praeterea et Magister, adeoque אִישׁ חָכְמָה, cui respondet ἡ σοφῆ, non modo sapientem, ed et magistrā designabit. Aut igitur oppido fallor, aut ceruimus hic imaginem Theclae, a Gnosticis conservatā et ad nos transmissā. Illam honorabant ut Apostolam et Protomartyrem, ut primam Scholae suae Prophetissam ac Magistrā, quaeque docendo vitam transegisset, ac ad senectutem summam pervenisset, uti in Actis Grabianis legitur. Cumque solent Gnostici, sicuti tradunt (p) veteres, antiquissimorum suorum et dilectissimorum magistrorum imagines (q) sollicite custodire et reverenter colere,

quid

glo in Heptade Orationum Academicarum p. 283, qui sic explicat: Fuit לְקוֹשֵׁי מַנְיָ, Disputator, qui argumentorum et rationum pondera ad veritatis trutinam examinaret. Aliter tamen de illa ipsa voce לְקוֹשֵׁי, quomodo in verbis Esaiae sit intelligenda, iudicat Camp. Vstringa, cuius vide Commentarium T. II p. 254. 2.

(p) Irenaeus Lib. I. c. xxv § 6. Epiphanius Haeref. xxvii § 6. Augustinus de Haeref. cap. 7.

(q) Transiit postea hicce mos etiam ad Orthodoxos. Chrysostomus in Oratione in Melet. testatur, Episcopum hunc Antiochenis adeo carum fuisse, ut eius imaginem gemmis insculptam gestarent in annulis, in parietibus alibique haberent depictam. De quo Chrysostomi loco vide Montacutii Anti-Diatribas adversus Bulenger. p. 25, et 26.

quid mirum est, eos huncce honorem etiam Theclae suae Apostolae exhibere voluisse?

§ 14. Conclusio:

Supra observavi, celeberrimum *Montefalconium* nomen hoc $\text{CAK}\Lambda\text{NE}$ legere $\text{CABA}\Lambda\text{O}$, quod nemini, qui in legendis Gemmis illis Gnosticorum operam aliquam posuit, mirum videri poterit. Eadem litera K modo ut α , modo etiam ut β legenda et pronuncianda est. Et aliis quoque modis in permutandis literis et corrumpendis nominibus lusiabant illi homines, sive in eo nugas quasdam Cabbalisticas affectarent, sive id agerent, ut mysteria sua nonnisi initiatis penitus perspecta, aliis autem obscura essent. Itaque ex *Thecla* fecerunt *Saclam*, et illud ipsum nomen etiam *Sabla* legi et pronunciari poterat. Forte hoc erat nomen mysticum, quo suis potissimum nota erat. Ad quod quam prope accedat nomen *Iezabelis* a *Iohanne* usurpatum, nemo est, qui non videat. Vnde aliqua ratio reddi poterit, quam ob rem Apostolus nomine hoc ad vetustam *Iezabelem* alludere voluerit. Plura erant, quae addi potuissent. Aliquid etiam de iudicio Thyatirenensis denunciato subnectere animus erat. Sed modum omnem iam excessi. Quae igitur forte supererant, in aliam commodam occasionem differuntur.

COGITATIONES [*]

DE LACEDAEMONIORVM CVM IYDAEIS
COGNATIONE, AD LOCVM I MAC-
CAB. XII. 7, 21.

I.

Locus est percelebris, sed multorum disputationi-
bus insigniter vexatus, de cognatione Lacedaemonio-
rum cum Iudaeis, qui legitur in primo Maccabaeo-
rum libro cap. xii. Ibi enim primo quidem refe-
runtur literae Ionathae, Principis et Sacerdotis maxi-
mi Iudaeorum, ad Lacedaemoniorum populum, in
quibus is cum populo suo provocat de hac cognatio-
ne ad testimonium ipsius Arli, Spartanorum regis, vs. 7.
Ἐτι πρότερον ἀπεξάλησαν ἐπιστολαὶ πρὸς Ὀνίαν τὸν Ἀρ-
χιερέα, παρὰ Ἀρείου τοῦ βασιλεύοντος ἐν ὑμῖν, ὅτι
ισθ

[*] Disputationem hanc in Opusculis *Iablonskianis* a me non re-
petitum iri, in praefat. t. I. p. xvii significavi. Naetus autem
deinde e Germania exemplum ab Auctore emendatum et locupleta-
tum, meum consilium mutavi, quod nemo, ut spero et confido, acre
feret aut reprehendet.

ἐς τοὺς ἀδελφοὺς ἡμῶν, ὡς τὸ ἀντίγραφον ὑπόκειται. *Iam antea missae fuerunt literae ad Oniam Pontificem, ab Ario regnante apud vos, declarantes, vos esse fratres nostros, uti exemplum subiectum docet.* Mox autem proferuntur ipsae illae Arii literae, in hunc sensum conscriptae vs. 21. Ἐυρέθη ἐν γραφῇ περὶ τε τῶν Σπαρτιατῶν καὶ Ἰουδαίων, ὅτι εἰσὶν ἀδελφοί, καὶ ὅτι εἰσὶν ἐκ γένους Ἀβραάμ. *Scriptum invenimus, Spartias et Iudaeos fratres esse, ex genere Abrahæ.* Hocce Spartanorum de Iudæis testimonium longe illustrius et genti suae gloriosius esse existimavit *Flavius Iosephus*, quam ut tacite praeteriri posset. Itaque mentionem illius fecit duobus distinctis in locis, *Antiquit. Lib. xii c. 5 [c. 4 § 10]* et *Lib. xiii c. 9 [c. 5 § 8]*. Sed conferri debent exemplaria epistolarum apud auctorem *Libri i Maccabaeorum* et *Iosephum*, licet hic eas ex illo desumerit, sed cuius mentem non satis assecutus videtur, monente *Huetio* in *Demonstr. Euangel. Part. i p. 173.*

II.

Quis nescit, rem istam permultis ex Criticorum ordine, et viris quidem principitus crucem fixisse? Exercuit sane illa ingenia praestantissima *Iosephi Scaligeri*, *Hugonis Grotii*, *Sam. Bocharti*, *Stephani Morini*, *Ezech. Spanhemii*, *Hadr. Relandi*, *Io. Franc. Buddei*, et quot non aliorum? quorum nonnulli facti sunt, haud inviti, se nihil hic cernere, alii, nonnumquam eximio cum eruditionis apparatu, ea protulerunt, quae tamen candide expensa veri amantibus satisfacere omnino nequeunt. Animus erat quondam, in praecipuas saltem virorum eruditorum super hac
re

re sententias inquirere. Verum cum (a) ex ephemeridibus literariis publicis intellexerim, *Gottl. Wernsdorffium*, Virum clarissimum et doctissimum, in Oratione quadam auspicatoria, Gedani in Prussia haud ita pridem habita, hoc ipsum argumentum perquam erudite persecutum fuisse, et veluti exhaustum, consilium meum mutavi, etsi Orationis illius copiam nancisci haecenus haud potuerim. Verum impetrare tamen a me non potui, quin sententiam *Stephani Morini*, quam is (b) duabus peculiaribus de hoc argumento Dissertationibus explicuit, quaeque non modo ingeniosa videbitur omnibus, sed etiam insigni verisimilitudine, et *probabilitatis specie*, iudice (c) *Buddo*, se commendat, sub examen vocarem, et praecipua illius fundamenta, quae non modo *Morino*, verum etiam eruditis aliis vehementer imposuerunt, accurate excuterem, quod ab aliis factum esse, haecenus non deprehendi.

III.

Et primo quidem *Morinus* in Dissertatione l. p. 13, et 14 edit. Genev. hariolatur, cognationem, quae Spar-
ta-

(a) Relat. Lips. Germ. A. 1744. num xxxiii. et lxxxvi.

(b) Duae hae Dissertationes cum aliis ejusdem auctoris coniunctim editae sunt Genev. 1683. 8vo. ac recusae postea Dordraci 1700.

(c) In Programmate *de origine gentis Hebraicae*, quod extat in Syntagmate eius Dissertation. Theolog. p. 724 [*].

[*] Minus benignum de *Morini* sententia est iudicium *Buddi* in Hist. Eccles. V. T. tom. II p. 746.

tenos inter et Iudaeos extitisse dicitur, optime repeti posse ab *Odomantibus*, vel, ut alii scribere malunt, *Odomantis*, populo Thraciae, quem ab *Edonorum* gente non differre, contra *Herodoti*, *Thucydidis*, aliorumque veterum auctoritatem, perperam adtruit. *Odomantos* porro, vir doctus persuadere nobis nititur, fuisse origine *Idumaeos*, stirpe Abrahami sotos, quorum, uti auguratur p. 26, *ingens multitudo*, cum pluribus *Cananaeis*, *Thraciam* et *Graeciam* petierit *Caämo* duce, quando *Iosua* *Cananaeorum* patriam adortus est, et cum suis *Israëlitis* occupavit. Id vero partim ex ipso *Odomantorum* nomine, partim ex Iudaismo gentis huius, veterum testimoniis disertis comprobato, recte colligi posse confidit. Et quod ad nomen quidem *Odomantorum* attinet, haud gravate largior, illud a nominibus אֶדוֹם, et אֶדוּמִים, *Edom*, *Edomitaram* et *Idumaeorum*, non adeo longe recedere, etsi tamen dici nequeat, omnia haec, et Graeca et Hebraica, esse tantum unum idemque nomen. Vicissim mihi largiuntur viri cordati et iudicii subacti, ex huiusmodi in nominibus aliquali literarum similitudine et convenientia, nihil certo probari posse, nisi accedant alia argumenta solidiora.

IV.

Longe maiorem itaque vim haberet argumentum, quod ab eiusdem gentis Iudaismo petitur, si de eo certo constaret. Vir eruditus provocat ad testimonium antiqui interpretis *Aristophanis*, qui ad Poëtae huius *Acharenses* vs. 157, vel p. 378. edit. Genev. ita commentatur, Ὀδόμαντοι, ἔθνος Θρακικόν. Φασὶ δὲ αὐτοὺς Ἰουδαίους εἶναι. *Odomanti* gens sunt *Thracica*. Dicunt autem, ipsos *Iudaeos* esse. Quae ex eo, uti solet, *Suidas* repetit, in voce Ἀποτεθρίασεν. Numquid

quid dici potest disertius? Et profecto, si Scholiastæ huic fides tuto haberi posset, negotium hoc confectum utique esset, et Iudæorum, aut saltem Abrahamidarum, gentem haberemus in mediâ Thraciâ, et circumcisionem, ab Abrahamo præceptam, religiose observantem. Et id sane crediderunt eruditorum non pauci. Verum, quod pace ipsorum dixerò, verba sibi a Scholiastæ *Aristophanis* dari nimis facile passi sunt. Quis quæso, præter unum hunc Scholiastam, et, qui eius verba tantum transcripsit, *Suidam*, talia de Odomantibus, aut Thracibus in universum, ex veteribus memoriarum umquam prodidit? *Herodotus*, historicorum omnium, quos habemus, antiquissimus, idemque rerum quarumcumque memoratarum digniorum curiosissimus indagator, de Odomantis aliquoties loquitur, Lib. v. c. 16, vii. c. 112, et tamen de ipsorum circumcisione, aut qualicumque Iudaismo, verbum nullum adiecit, is ipse *Herodotus*, qui de Colchis id observare minime neglexit. Verba eius, quia egregie pro nobis militant, hic quoque legi merentur; *Soli*, inquit, *omnium hominum Colchæ, et Aegyptii, et Aethiopes, a temporibus ultimis circumcidunt. Nam Phœnices et Syri, qui sunt in Palaestina* (loquitur de Iudæis) *didicisse id ab Aegyptiis et ipsi consentunt. Syri vero, qui fluvium Thermodontem et Parthenium accolunt, et horum contermini Macrones, a Colchis se nuper didicisse aiunt. Hi enim ex hominibus soli sunt, qui circumciduntur*, Lib. ii. c. 194. Ecce *Herodotum*, cui perbene cogniti erant Odomanti, non secus atque Colchi, testantem clare, Aegyptios, Aethiopes, Colchos, Macrones, Syros, et Phœnices, ex omnibus hominibus solos esse, qui circumciduntur. Itaque Odomanti, qui circumcisi essent, penitus latuerunt *Herodotum*, uti et scriptores veteres omnes, qui de gentibus Iudæorum more circumcisis

loquuntur. Quoties vero scriptores vetusti de *Odomantis* sermonem iniciunt, hos inter reliquosque Thraces, quorum mores et instituta patria, tum sacra, tum civilia, non ignorantur, discrimen omnino nullum ponunt, illisque etiam originem non Idumaeam, neque Iudaicam, verum Thracicam assignant. Referunt enim (d), ex *Callirrhoe* natos fuisse *Bistones*, *Odomantes*, et *Edonum*, ex quibus nempe totidem Thraciae populi, *Bistones*, *Odomanti* et *Edoni* ortum traxerint, satis hoc ipso testantes, se Odomantium aliam, quam Thracicam originem, cognitam non habere. Vnde rectissime *L. Kusterus*, in notis ad *Aristophanis Acharn.* p. 119 ita iudicavit: *Sed tamen priorem interpretationem praeferam, donec ex veterum monumentis aliquis probaverit, Odomantes, quae erat gens Thraciae, olim circumcidi solitos fuisse.*

V.

Sed quid tandem fiet de Scholiasta *Aristophanis*, quem ducem viri eruditi sequi solent? An non, quod supra intelleximus, conceptis verbis testatur de *Odomantis*? Dicunt vero ipsos Iudaeos esse. Non negaverim, Scholiasten hunc optima fide egisse; sed at, ipsum, et quotquot eum sequuntur, ex verbis Comici male intellectis in errorem inductos fuisse. Crediderunt, poetam hunc testari, *Odomantes* more Iudaeorum genitalibus esse circumcisos, quantumvis ipse de tali re ne per somnium quidem cogitaverit. Verba illius in *Acharnensibus* haec sunt vs. 157.

Τίς

(d) *Stephanus Byzantius* in Βίῳ. Vide et *Holsenii* notas in hunc auctorem voce *Ὀδομαντοί*.

Τίς τῶν Ὀδομάντων τὸ πένος ἀποτέθρακεν ἄν.

Id est, interprete *Frischlino*,

Quis quaeso Odomantum praecidit genitalia?

in quibus explicandis misere se torquet; sed et continuo fere hallucinatur bonus Scholiastes, qui tamen permultos alios in societatem erroris pertraxit. Et illi quidem primo in recte interpretanda voce ἀποτέθρακεν, vel ἀποτεθρίακεν aberraverunt. In universum duplici modo vox haec potest exponi. Quibusdam, sicuti observat ad h. l. *Kusterus*, ἀποθρίαζειν τὸ πένος est veretrum: distingere, seu glandem eius, reducta pellicula, nudare. — Alii de circumcisione pelliculae, quae superiorem glandis partem tegit, locum hunc interpretantur: cui sententiae favere videtur vox ἀπεψωλημένος, quae mox sequitur. Ea quippe interdum significat recutitum, sive circumcislam: quales hodie sunt Iudaei, et olim Aegyptii et Phoenices. Deinde vero is idem, ut iam dixi § IV, et hic repeto, ita pergit: sed tamen priorem interpretationem praeferam, donec ex veterum monumentis aliquis probaverit, Odomantes olim circumcidi solitos fuisse. Et credo, praeferent omnes, qui rem seria et aequali lance expendant. Ipse bonus Scholiastes, postquam pueriles nescio quas nugas attulisset, tandem etiam hanc interpretationem amplectitur. Hoc enim sibi volunt haec eius de Odomantis verba: ἀποσεσυρμένα εἶχον τὰ αἰδοῖα. Deinde vero et hoc monendum, quod nescio, an ex interpretibus Poëtae haëtenus quisquam observaverit, *Aristophanem* id, quod de Odomantis hic dicit, non toti ipsorum genti, ut ritum constantem et patrium attribuere, sed iis tantum, qui nunc Legati ex Thracia Athenas venerant. Nam si Odo-

man-

manti, ex antiqua patria consuetudine, semper habuissent τὸ πῶς ἀποτέθριασμένον, vel, quod idem est, ἀποσεσυρμένον, cur obsecro, Dicaeopolis, civis Atheniensis, apud Poëtam veluti mirabundus quaereret?

Τίς τῶν Ὀδομάντων τὸ πῶς ἀποτέθρακεν ἄν
Quis, modo nunc, Odomantium genitalia destrinxit?

Loquitur haud dubie de re, quae eo ipso tempore contigisset. Et praeterea, qui genium Poëtae factum perspectum habet, non difficulter intelliget, eum more suo et hic iocos captare, et in verbis lustrare, quae etiam causa est, quod in exponendo verborum illorum genuino sensu tantopere haereant, et a se invicem dissentiant interpretes.

VI.

Non existimo me operam et oleum perditurum, si in indaganda vera Poëtae sententia aliquod studium posuero. Haec enim illa nondum videtur satis intellecta fuisse. Et ea tamen perspicue declarata, ruet omnis de Iudaismo Odomantium male concepta suspicio. In Fabula illa *Aristophanis*, cui nomen fecit Acharniensibus, populus Atheniensis, qui iam aliquot annos onus belli Peloponnesiaci persenserat, spe vana eaque multiplici deluditur. Adsunt, qui ei animum addant, fiduciamque augeant, ut bellum semel coeptum strenue persequatur. Eum in finem, praeco publicus primo introducit Legatum regis Persarum, qui, nomine eius, pecunias et sumtus ad bellum gerendum necessarios populo promittat; verum nescio quas fraudes negotio huic subesse, suspicatur Dicaeopolis, civis Athe-

Atheniensis. Succedunt illi tum alii, tamquam a Sitace; potenti Thracum rege, ad Athenienses missi, qui polliceantur; regem ingenti cum exercitu delectorum militum auxilio ipsis venturum esse. Illos igitur adesse; coramque populo verba facere iubet praedo
v. 154.

Οἱ Θράκες, ἴτε δέῃ, οὗς Θεωρος ἤγαγε
Thracæ huc adeste, quos Theorus, Atheniensium
legatus, secum ex Thracia adduxit.

Cum vero illico compertum esset; Thraces hos, aut esse, aut saltém dici, de gente *Odомαντο*rum, *Dicaeopolis*, civis ille Atheniensis, cuius mentionem iam feci, ita ex praecone indignabundus quaerit;

Ποίων Ὀδομάντων, εἰπέ μοι τοῦτ' ἐγὼ
Quos tu mihi loqueris Odомantos? Dic quaeso
quid hoc rei est?

Et iam sic pergit

Τίς τῶν Ὀδομάντων τὸ πέος ἀποτεθράκεν ἄν.

Mihi dubium non est, quin locari voluerit *Dicaeopolis*. Latent hic facetiae et sales Comici, quos, qui ad totam orationis seriem animum advertat, non ita difficulter subodorabitur. Existimio autem, acumen huius ioci quaerendum esse in voce ἀποτεθράκεν, quam hoc modo in omnibus *Aristophanis* Codicibus MSS. scribi, testatur *Kusterus*, etiam tamen ipse malit legere ἀποτεθράκεν, eo quod apud *Suidam* in vocibus ἀποτεθράκεν et πέος, *Hesychium* v. ἀποτεθράκεν, ipsum *Aristophanis* Scholiasten ad Equites versu 1007, ubi aut locum hunc citant, aut ad eum respiciunt, lectio haec

haec constanter reperitur. Mihi, ut verum fatear, magis placet lectio antiqua Codicum *Aristophanis*, cuius nunc rationem reddam. Atheniensibus facta fuerat spes, adfuturos a Sitalce, potenti Thracum rege, qui, teste *Diodoro Siculo* Lib. xii [cap. 50] pag. 104, omnes fere Thraciae populos subegerat, legatos, qui verbis eius auxilia amplissima Atheniensibus pollicituri essent. Sed ubi tam comparere iubentur Thraeces, loco ipsorum, sistunt se quidam ex Odomantorum gente, qui regionem incolebant, finibus satis angustis circumscriptam, Sitalcis imperio minime parentes, sed sui iuris, quod ex *Thucydide* liquet Lib. ii [cap. 101] p. 169. edit. Wechel. Eam igitur ob causam, Dicaeopolis ira et indignatione correptus, querit: Quos tu mihi Odomantos narras? tu, qui copiarum a Sitalce, magno Thracum rege, mittendarum spem modo nobis feceras. Et tum haec addit, saepius iam allata,

Τίς τῶν Ὀδομάντων τὸ πῶς ἀποτέθρακεν ἄν.

Conicio, vocem ἀποτέθρακεν esse plane novam, et nunc ab *Aristophane* confictam, quales apud Poëtam hunc permultas occurrere, oppido notum est. Significat autem proprie, ex mente Comici, uti ego opinor, *Thracem exuere*, tamquam dixisset: Quis nunc hos, ex *Thracibus* sceptro potentis et bellicosi Sitalcis parentibus, subito transmutavit in Odomantos, gentem ignobilem, a qua parum commodi sperare licet? Non deficient exempla similia verborum, quae facta sunt de nominibus populorum, aut ad ea alludunt. Sic ἀποσκυβίζειν *tondere more Scytharum*, in *Euripidis* *Troadibus* v. 1026, θράττειν sive θράσσειν eleganter usurpatur apud *Aristotelem* Lib. iii *Rhetor.* cap. 11, respectu ad Niconem, qui credebatur esse

esse Thrax. Lepide ergo Comicus h. l. utitur verbo ἀποτρέπαιεν, allusione ad nomen Θράκες, quorum paulo ante meminerat. Postquam hæc scripseram, monuit me Celebratissimus Reimarus, se his non dissimilia legisse in Notis MSS. [*] elegantissimi Stephani Bergleri ad hunc Aristophanis locum, de cuius tanti Viri consensu equidem mihi insigniter gratulor. Quoniam vero vox nova ἀποπράζειν, cum antiqua omnibusque valde nota ἀποπρίζειν, de qua § v. dictum, insignem soni affinitatem habet, huic posteriori autem significatio obscœna inest, Comicus, quod homini impuro solemne est, relicta vocis suae novae genuino significato, quem subinnuisse contentus est, ad cognatae vocis sensum obscœnum delabitur, eique inhaeret, ut genio suo iocoso obsecundet, utque apud auditores risum cieat. Et iocus tamen hic leviculus minimeque honestus, a lectoribus non recte perspectus, integram gentem, more Iudaeorum circumcissam, in media Thracia nobis produxit, in qua (e) eruditi nonnulli aliquas decem Tribuum Israël relíquas sibi reperisse visi sunt. Idem etiam sententiae

Mo-

(e) I. P. Baraterius, iuvenis ingenii portentosi, et raræ in tali ætate eruditionis, in Dissert. viii. subiuncta Itinerario Beniamini Tudelensis p. 337. ea de re sic loquitur: *Quelques uns de ces Israélites pénétrèrent dans la Thrace: c'est de quoi on ne peut douter, après les marques visibles de Judaïsme, qu'on trouve dans ce pays. Les Odomanes, peuples de la Thracè, étoient Juifs. Voici ce qu'en dit Aristophane etc.*

[*] Quas a. 1760 in lucem extraxit Cl. Burmannus. In Latina tamen interpretatione Berglerus dedit: *Quisnam Odomanos facit secutissos?*

Morini, de cognatione Spartanorum cum Iudaeis, quam viri doctissimi valde probabilem iudicant, fulcrum praecipuum constituit.

VIL

Postquam fundamentum hoc sententiae *Morinianae* everti, omnia quae superstructa ei sunt, una cum ipso corruiere oportet. Quare etsi illic permulta alia examine digna occurrant, ea tamen missa potius facio. Verum quando vir idem praeclarus, sub finem Dissert. I. p. 35, novum nobis offert argumentum, a priori distinctum, ex quo colligit, iactatam illam Spartanorum cum Iudaeis cognationem vetustis etiam Graeciae scriptoribus ignotam non fuisse, id tanto minus praetermittendum esse putavi, quanto plures ex eruditis nostris ad eundem lapidem offendisse observavi. Verba *Morini* haec sunt: Denique, ne vel minimum sententiae nostrae deficiat fulcrimentum, in ipsa Lacedaemone Iudaei inveniuntur, praeter Idumaeos et ceteros Cadmi socios: Iudaeos inquam Lacedaemone et vicinis regionibus satis celebres et numerosos inveniam, ut inter Orientis domitricas Bacchi copias eminuerint, et persuaserint, ipsam Iudaeam ab iis fuisse denominatam. Scilicet apud Stephanum de urbibus in Iudaea refertur, quod Claudius Iolaus eam velit dictam (ἀπὸ Ἰουδαίου Σπάρτην ex Οἴβης μετὰ Διονύσου ἐσπαρευκότος, quae sic vertit *Morinus*) a Iudaeo Spartiatae Thebis cum Baccho in militiā profecto. Unde istud suum iudiciū subiūngit: Necessē est, ut Lacedaemone Iudaei fuerint celebres, quandoquidem a Iudaeis Lacedaemonensibus Iudaeam denominatam Graeci crediderunt. Cum autem Iudaei illi, vel Idumaei, Iudaeorum nomen usurpantes, inter Spartae et Spartanorum auctores et conditores extiterint, et in ear-

eandem gentem coaluerint, non mirum, si Iudaeorum, Patrias sedes obtinentium, Lacedaemonii se fratres autumauerint. Quis tam sit iniquus, ut negare velit, haec acute et non sine aliqua veri specie dicta esse? Fateri certe oportet, nihil opportunius ad illustrandum argumentum, in quo versabatur *Morinus*, adferri potuisse, si *Stephanus*, aut quem is sequitur, ea re ipsa dicerent, quae dicere creduntur, aut si illa, quae dicunt, ullo modo cum veritate conciliare liceret. Verum profecto verba *Stephani*, corrupte edita, *Morino* fraudi fuerunt, sicuti et alios viros undecumque doctissimos, in erroris affinitatem induxerunt.

VIII.

Ipse ille, quo nemo in hisce literis felicius versatus est, praestantissimus *Bochartus*, lectis *Stephani* verbis, et sibi imponi passus est. Nam cum decantatam illam quaestionem de Spartanorum cum Iudaeis cognatione attigisset, eam ex solo *Stephano* aliquo modo illustrari posse putavit, Geogr. Sac. Part. II Lib. I c. XXII. *Aliud non habeo*, inquit, *quod regeram, quam quod apud Stephanum Byzantium, Claudius Iolaus, Iudaeos fabulose deducit ἀπὸ 'Ιουδαίου Σπάρτωνος* etc. Commentitius ille *Sparton*, ita pergit, *author scilicet generis Iudaeorum, potuit confundi cum alio Spartone, Phoronei filio, Spartae conditore, ut nonnullis visum, quos tamen refellit Pausanias in Laconiciis.* *Abrahamus Berkelius*, cui *Stephanus* plurimum debet, in notis ad hunc scriptorem iudicium magni *Bochartii* suffragio suo ita confirmat: *Optime suspicatur Bochartus, ex his Claudii verbis ortam esse Fabulam, Iudaeos et Lacedaemonios esse congenere, sic enim scribit rex Lacedaemonum Arius in literis ad Oniam I Maccab. XII. etc.* In quibus eruditi viri
 Tem. III. S ver.

verbis, illud tantum animadvertendum esse ducō, *Claudium Iolaum*, quem citat *Stephanus*, et de quo mox plura, Ario Spartanorum rege atque Onia Pontifice maximo Iudaeorum haud parum videri recentiorē, unde ex illo hi desumere utique non potuerunt, quod de cognatione Spartanorum cum Iudaeis, literis prodiderunt. Nec in diversum ab his abit vir de *Geographia Sacra* praeclare meritis, *Hadr. Relandus*, cuius haec leguntur, in *Palaestina*, verba p. 36: *Errant quoque, qui a Iudaeo nescio quo, Spartonis filio, Iudaeorum nomen deducunt; unde et originem traditionis illius, Spartanos et Iudaeos fuisse gentes cognatas, nonnulli petunt. Ita scribit Stephanus etc.* Faciendum quidem omnino est, viros hos doctissimos, fabulam de Iudaeis a Spartone oriundis, cum contemptu relicere. Sed crediderunt tamen, non minus atque *Morinus*, famam talem inter Graecos percrebuisse, idque *Claudium*, a *Stephano* adductum, testari. Verum ubi *Claudii* huius verba ab omni parte versaverimus, et a mendis, quae verba eius insederunt, liberaverimus, apparebit, ne eum quidem tale quid cogitasse, aut dicere voluisse.

IX.

Verba *Stephani Byzantii*, quorum toties mentionem feci, in articulo *Ἰουδαία*, ita concepta leguntur, *Ἰουδαία -- ὡς Κλαύδιος Ἰβλαος, ἀπὸ Ἰουδαίου Σπάρτωνος, ἐκ Θήβης μετὰ Διονύσου ἐσρατευκότος.* Quae ex interpretatione *Abrah. Berkellii* id sonant: *Iudaea -- secundum Claudium Iolaum nomen habet a Iudaeo Spartonis filio (vel ut alii vertunt, Spartiata Lacedaemone) qui Thebis una cum Baccho in militiam abiit.* Tota igitur haec traditio de Iudaea denominata a Iudaeo quodam Spartonis filio, testimonio nititur *Clau-*

Claudii Islat, hominis perquam obscuri, cuius, quantum quidem scio, praeter unum *Stephanum*, nemo umquam mentionem fecit. Verum bene iam monuit *Lucas Holstenius*, in notis, pro *Ἰσλαῖος* rescribendum esse *Ἰούλιος*, quem *Stephanus* quoque laudat in articulis *Ἀλη, Δάρος, et Δάμνη*, in quo postremo articulo nomen eius accurate scriptum occurrit. Observarunt etiam viri eruditi, auctorem Etymologici, in voce *Γάδεϊρα*, hunc ipsum *Claudium Iulium* testem adhibere, ut igitur de emendatione illa dubitandum non sit. Qua aetate scriptor hicce vixerit, hucusque nondum liquet. Primus, qui mentionem eius fecisseprehenditur, est *Stephanus*, scriptor seculi quinti, qui ad eius historiam Phoenicicam aliquoties provocat. Et nomina, quae iunctim gessit, *Claudii Iulii*, indicio certo mihi sunt, eum et *Julio Caesare*, et *Claudio Imperatore* posteriorem extitisse. Vnde, quod § VIII iam monui, fieri non potuit, ut *Arius Spartanus*, aut *Onias Iudaeorum Pontifex*, ex eo aliquid mutuo sumserint. Cumque post *Stephanum*, non videamus quemquam *Claudii* huius *Iulii* auctoritate uti, praeter Etymologici magni auctorem, ex eo satis tuto colligimus, eum in exiguo admodum apud veteres pretio fuisse.

X.

Vtinam tamen extarent ipsa *Claudii* huius *Iulii* verba, ad quae *Stephanus* provocat, et quae tamen sive *Stephanus* ipse, sive Epitomator eius *Hermolaus*, integra non attulit. luculentius enim omnes tum intellecturi essent, auctori huic numquam in mentem venisse, extitisse aliquem nomine *Iudaeum*, gente *Spartanum*, qui cum exercitu *Bacchi*, per *Palaestinam* transiens, regioni huic nomen *Iudaeae* imposuerit,

quod viri eruditi sibi persuadent. Equidem non nego, verba, uti in nostris *Stephani* Codicibus scripta leguntur, tale quid omnino significare. Legimus enim, Ἰουδαίαν regionem nomen hoc accepisse ἀπὸ Ἰουδαίου Σπάρτωνος, quod *Bochartus* sic reddidit, a *Iudaeo* quodam *Spartone*, ubi incertum est, quodnam ex quibus hisce nominibus, *Iudaei* et *Spartonis*, habuerit pro proprio, quodve pro gentilitio. Sed id tamen in aperto est, secundum *Bochartum*, hunc *Iudaeum* *Spartonem* *Lacedaemonem* fuisse. Ita enim scribit: Commentitius iste *Sparton*, author scilicet generis *Iudaeorum*, potuit confundi cum alio *Spartone*, *Phoronei* filio, *Spartae* conditore, ut nonnullis visum, quos tamen refellit *Pausanias* in *Laonicis*. Aliter vero *Berkelius* verba *Stephani*, nempe hunc in modum, convertit, a *Iudaeo* *Spartonis* filio, quem *Relandus* sequitur. Aliter denique *Stephanus Morinus*, ut qui nomen *Sparton* habuerit pro gentilitio, unde versio eius ita sonat, a *Iudaeo* *Spartiata*. Aequum etiam censuit vir doctus p. 35 hanc versionis suae rationem reddere: *Ὡς Λάκων, Λάκωνος* est *Lacedaemonis* incola, sic *Σπάρτων, Σπάρτωνος* est *Spartae* incola. Quod etiam atque etiam vereor, ut Grammaticis persuadeat vir eruditus. Etenim *Λάκων* est primitivum, unde est *Λακωνική*. *Lacedaemonum* regio. Sed a *Σπάρτη*, quae est urbs *Laconicae* regionis, non descendit *Σπάρτων*, sed *Σπαρτιάτης*, idque *Stephanus* etiam observavit in voce *Σπάρτη*, neque etiam exemplum in contrarium adduci poterit. Et haec sane causa est, quod *Spartonem* *Bochartus* aliique eruditi viri maluerint accipere pro nomine proprio viri.

XI.

Verum enim vero verba illa *Stephani*, quae tantum
in-

inter eruditos diffensum pepeterunt; oscitantia libra-
riorum iam dudum depravata fuere, et medela aliqua-
opus habent, qua rite adhibita, omnis Spartaë ac
Spartanorum idea evanescet. Primo igitur apud *Ste-*
phanum pro Σπάρτῶνος rescribendum plane est Σπαρ-
τῶν ἐνδὲς, id enim Claudius Iulius sibi vult, *Judaicum*,
sen quodcumque aliud viro illi nomen fuerit, extitisse
unum e Spartis. Sic a Graecis dicuntur, qui in agro
Thebano ex dentibus draconis, a Cadmo in terram
proiectis, tamquam ex semine prognati, fabulose a
Poëtis perhibebantur. Σπαρτῶν enim sunt *satis*, vel
feminati. Rem hoc modo narrat *Apollodorus*, in Bi-
bliotheca Lib. 1 [cap. 4] p. 156. edit. Galei: Quo
Cadmus responso accepto, per Phocensem terram iter
faciebat: mox bovi inter Pelagontis armenta obviam
factus, eam pone sequebatur: ea vero, Boeotia per-
cursa, humi procubuit, ubi nunc extant Thebae.
Deinde bovem illam Palladi mactaturus, e sociis suis
quemdam, ex Martio fonte desuntam aquam reporta-
turum mittit: draco fonti custos appositus erat: hunc
Marte satum fuisse perhibebant. Is ex aqua turis ple-
rosque absumpsit. Quare indignatus Cadmus, draco-
nem interemit: ac Minervae consilio eius dentes ferit,
quibus satis, armati e terra viri exorti sunt, quibus
Spartis, id est, satis, nomen inditum fuit. Graeca
habent, οὗς ἐκάλουν ΣΠΑΡΤΟΤΕ. Hi postea, sic
pergit, mutuis sese vulneribus occiderunt. Sed *Phie-*
recydes scriptum reliquit, Cadmum, ut armatos vi-
ros e terra exoriri conspexit, lapides in eos coniecisse.
Tum eos, quemque a socio se percuti existimantes,
mutuam inter se pugnam iniisse. Verum ex iis quin-
que incolumes superfuerunt. Adiungatur *Hyginus* Fa-
bula CLXXVIII. Cadmus, scribit, sorte audita, cum
imperata perfecisset et aquam quaereret, ad fontem
Castalium venit, quem Draco Martis filius custodie-

bat: qui cum sociis Cadmi interfecisset, a Cadmo lapide est interfectus; dentesque eius, Minerva monstrante, sparsit et aravis, unde Spartae. (sic olim legebatur, sed rectius legetur Sparti) sunt enati. Ex horum Spartorum numero fuisse virum illum, de quo loquitur, vult Claudius Iulius, *Ἐσπάρτων Ἴων*.

XII.

Nihil Spartis histe apud priscos Graecos (f) celebrius aut nobilius extitit, unde toties apud Poetas veteres, uti et historicos et Geographos, eorum mentio occurrit, etsi non semper amanuenses et interpretes veram huius nominis vim perceperint, illudque ideo, aut inter scribendum, aut inter vertendum, saepe corruerint. Male olim in Hygino l. c. editum fuit *Spartae*, ut modo ante monui. Miror viciosam lectionem placuisse Schotto aliisque, qui tamen non ignorabant, nomen *Ἐσπάρτων* et *Spartanorum* saepius depravatum fuisse. Sic apud Georgium Syncellum in Chronographia p. 65. inter res Graecorum vetustiores, multorum sermone celebratas, commemorantur etiam

(f) Videatur Henr. Stephanus in Thes. Linguae Graecae Tom. II p. 932, 933. Latini eandem vocem conservarunt, aliquando etiam Graecis literis. Varro apud Aulum Gellum Lib. XVII Noct. Attic. cap. 3: *Ego Ἐσπάρτων apud Homerum (Il. B. v. 135) non plus Spartum significare puto, quam Ἐσπάρτων, qui dicuntur in agro Thebano nati.* Apud Ammianum Marcellinum Lib. XIX cap. 8 appellantur quoque Sparti. Ad Graecam nominis originem et fabulosam narrationem respicit Hieronymus in Chronico Eusebiano pag. 84. his verbis: *Inde orta fabula dentium Satorum, et Spartorum appellatio.*

etiam Σπαρτοί, sed vox illa, in versione Latina *Gaari*, male omnino redditur *Spartani*, cum vertenda esset *Sparti*. Nam vocem istam, Graecorum sermone percelebrem, retinent etiam scriptores optimi Latini. Ea igitur *Censorino* restituenda est *de die natali* cap. iv, ubi in editione *Lindenbrogii* legitur: *Et in Colchide, vel in Boeotia consitis anguis dentibus armati partus*. Editio *Carrionis*, quod me notae *Lindenbrogianae* docent, hic habet *Spartae*, unde facile patet, auctorem scripsisse *Sparti*, vel Graecis literis Σπαρτοί. *Lindenbrogius* ad hunc ipsum locum complura veterum concervavit loca, in quibus τῶν Σπαρτῶν mentio occurrit; sed, quod impense miror, textum ipsum in editione sua neque correxit, neque corrigendum esse monuit. Consimile mendum in *Lactantii* Lib. iii cap. 4. advenire licet, cum longe plurimae et meliores editiones illic hunc in modum sint conceptae, *tanquam Spartiatae illi Poëtarum, sese invicem iugulant*. Vbi dubium esse non potest, quin rescribere oporteat *Sparti*, quod etiam in editionibus recentissimis *Walchii* et *Bunemannii*, *Vitorum* de *Lactantio* optime meritorum, factum esse deprehendo. Ad Graecos scriptores ut iam redeam, maculam huic persimilem e *Suidae* Codicibus sustulerunt quoque viri eruditi, quibus calculum adiecit *Bochartus*. Apud *Suidam* haec legimus in voce Ἐταρμινώνδαι, Τῶ τὰ Φῶν δὲ κίων ἐφέστηκεν καὶ ἀσπίς ὑπ' αὐτῷ δράκοντα ἔχουσα ἐπειργασμένον· ἤθελε δὲ ὁ δράκων σημαίνειν τοῦ γένους τῶν Σπαρτιατῶν ὄντα. Super tumulum columna erecta est cum scuto, in quo draco caelatus est, eoque insigni indicatur, Epaminondam ortum esse e Spartanis. Merito haec *Bocharto* huiusmodi visa sunt, quae concoqui non possint, *Geograph. Sac. Part. ii Lib. i c. xxii*. Quis enim unquam, inquit, fando audiit, Thebanum Epaminondam e

Sparta genus duxisse? Proinde iis omnino assentior, qui apud Suidam Σπαρτῶν legunt, pro Σπαρτιατῶν. De hac vero emendatione tanto minus dubitare licet, quia Suidas haec, quae de tumulo Epaminondae adfert, totidem verbis descripsit e Pausaniae Arcadicis cap. xi. p. 622. edit. Kühni. Ibi autem genuina haec lectio cernitur conservata, 'Ο μὲν δὲ δράκων ἐθέλει σημαίνειν, γένους τῶν Σπαρτῶν καλουμένων εἶναι τὸν Ἐπαμινόνδαν. Draco autem in scuto sculptus indicio est, Epaminondam ab iis ortum ducere, qui Sparti nuncupantur []. Toties igitur, ut ex his, quae diximus, abunde constare potest, librarii in scribenda voce hac aberrarunt, unde mirum non est, eosdem Codicem quoque Stephani Byzantii, in loco quem nunc prae manibus habemus, depravasse, scribendo Σπάρτωνος, pro eo, quod scribendum erat, ΣΠΑΡΤΩΝ ἘΝΟΣ, quae ipsa tamen lectio incorrupta apud eundem Stephanum occurrit. In voce Ἀζωτος Ἐκαλεῖτο δὲ Πελορία, ἀπὸ τῶν ΣΠΑΡΤΩΝ ἘΝΟΣ Πελορίου. Vocabatur verò Azotus Achaeae civitas, etiam Peloria, a Peloro, qui unus ex Spartiis fuit.*

XIII.

Ea, quae haecenus de Spartiis disputavimus, insigniter confirmabuntur, quando ad emendationem Stephani, quam in superioribus suppeditavi, aliam novam

[*] Σπαρτῶν in Suida edidit Kusterus, et ante eum Portus. Eorundem Σπαρτῶν meminere Euripides in Phoen. v. 947, 949, et Plutarchus de S. N. Vind. p. 82, ad q. l. hōarunt Valckenarius et Wyttēbachius, Viri Celeberrimi.

vam nunc addidero. Nempe corrigenda pariter vox
 Ἰουδαίου, quam Claudius Iulius pro sua nunquam
 agnitus esset, quamque librarii indocti ideo tantum
 Stephano invito obtruserunt, quia sermo est de Iudaea.
 Verum haud dubie totus locus ita constituendus est.
 Ὡς δὲ Κλαύδιος Ἰούλιος, (Ἰουδαία ἐκλήθη) ἀπὸ Ἰου-
 δαίου Σπαρτῶν ἐνός. Sicut autem Claudius Iulius per-
 hibet, Iudaea nomen hoc accepit ab Vdaco, uno ex
 inclytis illis Spartis. Spartus itaque ille, qui secun-
 dum Claudium Iulium Iudaeae nomen hoc imposuit,
 appellatus fuit Vdaeus. Possem id, si vellem, integra
 testimonium nube probare. Verum ne videar eruditorum
 quorundam, ac sigillatim Iohannis Ionsii, cuius extat
 singularis (g) Dissertatio de Spartis, scrinia compila-
 re, pauca tantum seligam testimonia; sed idonea;
 et rem quam volo, extra dubitationis aleam colloca-
 tura. Testem itaque produco Apollodorum, qui post-
 quam Libro 1. Bibliothecae, historiam Spartorum,
 quam supra dedi § xi, retulisset, haec tandem subiun-
 git p. 157, περιεσώθησαν δὲ πέντε, Ἐχίων, ΟΥΔΑΙΟΣ,
 Χθόνιος, Ὑπερήνωρ, Πέλωρ. Ex Spartis autem, qui
 se mutuis vulneribus absumserunt, quinque superstites
 fuerunt, Echion, Vdaeus, Chthonius, Hyperenor, et
 Pelor, quem alii vocant Pelorum. Eruditus Apollonii
 Rhodii Scholiastes in Lib. 111. vs. 1178. ex Hellani-
 co, auctore vetustissimo, refert, ὅτι (ὁ Κάδμος) τοὺς
 ὀδόντας ἔσπειρε τοῦ δράκοντος κατὰ Ἀρεὸς βούλησιν.
 Καὶ ἐγένοντο πέντε ἄνδρες ἑνοπλοὶ, ΟΥΔΑΙΟΣ, Χθό-
 νιος, Πέλωρ, Ὑπερήνωρ, Ἐχίων, Cadmum, uti Mars
 praecceperat, dentes draconis sevisse, et ex illis exor-

(g) Dissertatio illa Epistolica, scripta A. 1654, recusa
 est in Graevii Collectione Dissertationum rarissimarum Histo-
 rico-Philologicarum p. 205. etc.

ros fuisse quinque viros armatos, *Vdaeum*, *Chthonium*, *Pelorem*, *Hyperenorem*, et *Echionem*. Adfert ibidem verba Pherecydis eadem Spartorum nomina referentis, et ex eo haec superaddit, Καὶ αὐτοὺς δὲ Κάδμος ποιῆσαι πόλιν, κατοικήσας αὐτοὺς ἐν Θήβαις. Et quinque hos Cadmus cives Thebanos fecit, ipsisque urbem inhabitandam dedit. Hyginus Fab. CLXXVIII, Qui (Sparti) inter se pugnarunt, ex quibus quinque superfuere, id est, Chthonius, Vdaeus, Hyperenor, Pelorus et Echion. In his omnibus Vdaeus nomen inter Spartos constanter apparet, sicuti et apud Pindari Scholiasten, in Isthm. Od. 1 p. 438. edit. Pauli Stephani, et apud Scholiasten Euripidis in Phoenissas vs. 949, qui illic ad testimonium Aeschyli provocat. Negligentiae igitur librariorum adscribendum est, quod apud Stephanum nomen Vdaeus, illustre quidem, sed sibi minus cognitum, mutaverint in illud Iudaeus. Similem errorem commissum etiam videmus in verbis Lutatii, non indocti Papinii Statii interpretis, quae in editione Lindenbrogii Parisina p. 96. ita leguntur: Propter quinque illos, qui de draconis dentibus nati sunt, et occisis reliquis soli superfuisse dicuntur: qui condenti Cadmo Thebas focii fuerunt, id est, Echion, Pelorus, Hyperion, Tydeus, et Chthonius. Vbi pro Tydeus reponendum omnino esse Vdaeus, ex superioribus satis liquet (h). XIV. Non deerunt, credo, quibus derivatio nominis Iudaeae ab Vdaeo videbitur a veri specie paulo remotior,

(h) Idem observatum est a Munckero ad Hygini l. c., ut postea vidi.

tior, quique ob istam rationem sibi persuadent, correctionem *Stephani*, quam obtuli, locum difficulter habere posse. Ita profecto censuerunt librarii, in quorum manus bonus noster *Stephanus* incidit, ideoque nomen *Vdai*, sibi ignotum, quod hoc loco concoquere plane non potuerunt, detorquendum putarunt in illud, quod etiamnum illic legimus, *Iudaei*. Neque etiam re ipsa deest fabulosus aliquis Graecorum *Iudaeus*, pater scilicet gentis *Iudaeorum* in Palaestina. Ecce, quae de hoc *Plutarchus* in Libro de *Iside* et *Osiride* memoriae prodidit p. 363, 'Οι δὲ λέγοντες ἐκ τῆς μάχης ἐπὶ ὄνου τῷ Τυφῶνι τὴν Φυγὴν ἐπτά ἡμέρας, καὶ σωθέντα γεννῆσαι παῖδας, Ἱεροσόλυμον καὶ ΙΟΥΔΑΙΟΝ, αὐτόθεν εἰς κατέβησαν τὰ Ἰουδαϊκὰ παρέλκοντες εἰς τὸν μῦθον. Qui autem dicunt, e proelio Typhonem asino vectum, per septem dies fugisse, elapsumque filios genuisse, Hierosolymum et Iudaeum: facile patet, eos res Iudaicas in fabulam hanc adsciscere. Vocatur idem a *Tacito* Hist. Lib. v. c. 2. *Iudas*. Sic enim is scribit: Quidam regnante *Iside*, exundantem per Aegyptum multitudinem, dūce Hierosolymō et Iudā (nisi modo ibi legendum sit *Iudaea*) proximas in terras exoneratam. Sed quis quaeso fabularum Graecarum, quibus gentium omnium sibi cognitarum, et populi quoque Iudaici, historiam inquinare solent, rationem semper reddere queat? Aliud exemplum cape ex illo ipso *Stephani* loco, ex quo *Claudii Iulii* testimonium decerprum est. In eo enim et ista habentur, Ἰουδαία, [ὥς μὲν] Ἀλέξανδρος, ὁ πολυῖστωρ, ἀπὸ τῶν παίδων Σεμιράμιδος, Ἰούδα καὶ Ἰδουμαία. *Iudaea*, uti quidem (i) *Alexander Polyhistor* perhibet, nomen ha-

(i) Is ipse tamen alio loco Iudae ex Iacobo originem veram refert, apud *Eusebium* Praepar. Evang. L. ix c. 21.

habet a filiis Semiramidis, Iuda et Idumaea. An non igitur is ipse quoque fuerit Iudaeus, vel Iudas, de quo apud Stephanum Claudius Iulius loqui voluit?

XV.

Ego tamen, nequicquam his obstantibus, spero, testimonia, quae ad stabiliendam emendationem propositam adduxi, talia esse, ut dubium omne eximere merito debeant. Et quidni licuerit Claudio illi Iulio *Iudaeae* nomen derivare ab *Vdaeo*? cum certo sciamus, alios ratione plane simile nomen regionis illius deduxisse ab *Ida*, notissimo, in Crete insula, monte. Sic enim *Tacitus* loco iam cit. *Iudaeos Creta insula profugos, novissima Libyae insedisse memorant -- Argumentum e nomine petiitur: inclytum in Creta Idam montem, accolae Idaeos, aucto in Barbarum cognomento, Iudaeos vocitari.* Rationem derivationis illius, quam sequitur *Claudius Iulius*, ipse hic auctor nobis suggerit, quando scribit, *Vdaecum*, unum ex *Spartis*, a quo *Iudaea* nomen acceperit, cum *Baccho* in militiam profectum fuisse. In fabulis autem Graecorum perhibetur, *Bacchum* cum sociis, quibus nonnulli etiam *Vdaecum* annumerant, expeditionem suscepisse, non modo in *Indiam* et *Arabiam*, sed etiam in *Syriam* et *Phoeniciam*, sub quibus regionibus veteres *Iudaeam* quoque comprehendere communiter solent. Quia igitur *Bacchus*, in subigenda *Palaeestina*, opera *Vdaeci* usus credebatur, primum erat Graecis quibusdam, ex eo nomen *Iudaeae* arcessere, etsi ceteroquin scriptores alii narrent, *Vdaecum* *Thebis* consedisse, et in urbe illa ex eius stirpe originem traxisse *Tiresiam* vatem, teste *Apolodoro* Lib. III. p. 177.

XVI.

XVI.

Non invitus hucusque ea, quae de Iudaismo Odorantorum, et de Iudaeo Spartone, a viris eruditis adferri solent, paulo prolixius excussi. Haec enim praecipua sunt, quae ad illustrandam aliquo modo venditam illam ab Ario Lacedaemone et Ionathane Iudaeo, Spartanorum et Iudaeorum inter se cognationem, ex tota antiquitate proferri et cum aliqua probabilitatis specie urgeri potuerunt. Si etiam hisce argumentis ne vel tantillum quidem inest soliditatis, actum est de bona fide Arij, sive auctoris, quisquis demum sit, qui litteras illas Maccabaeorum libro inseruit. Et ut libere, quod res est, dicam, Epistola illa in universam, quae sub Arij nomine illic lectoribus obtruditur, mihi iam dudum maiorem in modum suspecta fuit. Solenne est veteribus historicis, Graecis et Romanis, ut orationes, tamquam a viris illustribus publice habitas, libris suis intertexant, etsi nemo ignoret, ex ipsorum historicorum proprio cerebro eas prodisse. Et cum Epistolae publico nomine scriptae, nihil aliud sint, quam orationes eius generis, literis consignatae, et ad alios transmissae, nihil mirum est, Epistolas quoque huius furfuris, id est, fictitias et commentitias, in historicorum commentariis reperiri. In censum istiusmodi Epistolarum cogendam quoque esse illam, quae tanquam ab Ario Lacedaemonum rege scripta, in primo Maccabaeorum libro exhibetur, ut suspicer, permultae suadent, eaeque maximi ponderis rationes. Idem in mentem iam venit, *Ioh. Franc. Buddeo*, in Programmata supra citato, et ante hunc *Iosepho Scaligero*, qui Canonum Isagogicorum Lib. III p. 340, 341, aliquot nobis hanc in rem rationes, perquam modeste tamen, subministrat. Et illas quidem pluribus nunc urgerem, et alias praeterea superadderem, nisi ex (k)

Eph-

(k) Relat. erud. Lips. german. A. 1444. num. LXXXVI.

Ephemeridibus literariis huius anni didicissem, argumentum hocce a viro doctissimo, cuius §. 11. mentionem iam feci, nuper occupatum et feliciter expeditum fuisse. Docent me Ephemerides memoratae, virum clarissimum id agere, ut ostendat, et *Epistolam Arii Lacedaemonum regis, et historiam totam foederis illius, Iudaeos inter ac Spartanos pacti, tempore Oniae Pontificis maximi, confictam fuisse a Iudaeo quopiam, Jonathanem autem, Iudaeorum omnium primum cum Spartanis foederis Societatem iniisse, Suppositionem porro Epistolae idem rectissime contendit probari posse, ex tota illius compositione ac textura. Nam et nomina, quorum ibi mentio occurrit, et argumentum, in quo versatur, et dialectus, quae conscripta est, et styli, qui adhibitus est, ratio, Epistolam vehementer suspectam reddunt. Adversatur utique formae regiminis, quae tum Sparta obtinebat, repugnat ingenio, moribus, et statui Lacedaemonum eius temporis atque vicissim modum et sentiendi, et scribendi, et agendi Hebraeorum prodis. Ex quo liquet, verum eius auctorem, gente non Spartanum, sed Iudaeum fuisse. Adhaec, quod propemodum totius rei caput est, vir idem eruditus ex rationibus Chronologicis probare satagit, illis temporibus, quibus Oniae, et quidem nominis huius quatuor, summo Sacerdotio inter Iudaeos functi sunt, numquam regno Lacedaemonum potitum fuisse regem, qui Arii nomen gesserit. Quae omnia cum prorsus ita se habeant, conlequitur necessario, non potuisse Arii regis ad Oniam Sacerdotem extare literas genuinas, eas vero, quae talem inscriptionem praeferunt, nonnisi pro confictis et falso suppositis agnosci debere. Sequitur etiam, eruditis posthaec de cognationis Spartanorum cum Iudaeis fundamento, sollicito cogitandum amplius non esse.*

EXER-

EXERCITATIONES
AD ANTIQVITATEM ET HISTO-
RIAM ECCLESIASTICAM
PERTINENTES.

THE CITY OF NEW YORK
OFFICE OF THE COMMISSIONER OF
THE LAND OFFICE
JANUARY 1882

DISSERTATIO

DE VLTIMIS PAULI APOSTOLI LABORIBUS

SVS A. B. LVCA PRAETERMISSIS.

§ 1. *Commendatur eorum diligentia, qui labores Pauli ordine disponunt, et per annos digerunt.*

Non credo quemquam usque adeo iniquum rerum aestimatorem esse, ut eorum diligentiam, qui in digerendis Pauli, magni gentium Apostoli, annis, inque ordinandis eius itineribus, laboribus, rebusque gestis, aliquam studii et temporis partem collocant, contemnendam, aut etiam vituperandam esse existimet. Et enim, si in omni historia accuratus rerum et temporum ordo, non modo historiae ipsi plurimum lucis affundit, sed etiam lectoris animum insigniter delectat, attentionem eius dirigit, memoriamque adiuvat; an non idem de historia sacra Apostolica nobis fatendum quoque erit? Ego certe non sine ingenti voluptatis sensu mecum perpendere soleo, quid magnus hic Apostolus, primo, quid deinde, quid ultimo, ex consilio Dei peregerit; a quibus initiis, ad maiora maioraque semper progressus, tantum Ecclesiarum in toto orbe

numerum Christo Domino collegerit, et Ecclesias collectas ad maiorem in dies perfectionis cumulum deduxerit, quibusque gradibus in perdifficili ac molesto laborum Apostolicorum curriculo processerit, et procedendo tandem gloriosissimam metam contigerit. Talis meditatio, et ad recte pernoscentia Pauli in Ecclesiam et rem Christianam universam ingentia merita, et ad celebrandam Gratiae Divinae in ipsum ad utilitatem publicam collatae magnitudinem, et denique ad formandam sibi perfectam consummatissimi Theologi ideam, non potest non conducere plurimum. Neque etiam ignorare possunt, qui ad studium exegeticum curas cogitationesque suas sollicitè converterunt, quantum ex observato accurate rerum et temporum ordine, in libros Scriptorum Sacrorum, et in quaedam eorum loca, alioquin valde obscura, lucis redundare soleat. Bene igitur de Scriptura N. Testamenti mereri censendi sunt, qui vitas Apostolorum, ac sigillatim Pauli, ex ipsorum librorum sacrorum inter se comparatione curatius investigant, annos sedulo distinguunt, et quantum fieri potest, in quemvis acta illi propria coniiciunt. Extant de hoc argumento complures viro- rum doctorum iustae commentationes, laude dignissimae; extant etiam observationes singulares, in libris sparsim reperiundae, ad quas tenues quasdam symbolas hic conferre animus mihi est.

§ 2. Id in primis usu venit in iis, quae Paulo post id tempus, in quo Lucas desinit, evenerunt.

Et in iis quidem, quae Paulo post conversionem et susceptum Apostolatam usque ad finem priorum vinculorum Romanorum contigerunt, quaeque is, durante toto illo tempore, in honorem et pro salute Ecclesiae

haec Christianae gessit, ducem habemus certum, B. Evangelistam Lucam, qui in Actis Apostolorum lucem clarissimam nobis praefert, flumque veluti ariadneum subministrat, quod cum Pauli Epistolis junctim et rite adhibitum, nos a vero aberrare non sin- nit. Quid ab eo tempore Paulus egerit, *qua occasione, quave ratione, vinculis solutus sit, quid postea rerum et ubi gesserit, ob quam rem dein Romam redierit, ibi condemnandus et capite plectendus*, hoc omne, inquit Theologus memoriae venerabilis, *Hermannus Wislizenus*, si verum fateri volumus, prorsus in obscuro est, ideoque Dissertationes suas *de vita Pauli*, nemini non laudatas, et bonarum observationum plenas, in fine priorum eius vinculorum Romanorum desinere iussit. Nempe in ea persuasione fuit vir numquam satis laudandus, nullas superesse Pauli Epistolas, ab eo post priora illa vincula scriptas, ex quo sane, si res ita se haberet, luculenter sequeretur, rebus illis, quas Paulus, prioribus vinculis Romanis solutus, gessit, nullam omnino nec ab historia sacra, nec ab Epistolis Paulinis accedere posse lucem, adeoque omnia incerta esse et in obscuro manere. Sed, quod pace viri praestantissimi dictum cupio, sunt rationes nec numero paucae, nec leves pondere, quae me credere iubent, extare in Canone N. Testamenti quinque Epistolas, a Paulo post liberationem e vinculis Romanis scriptas, ex quarum attenta et meditata lectione pars illa historiae Pauli, eiusque itinerum et laborum, quam Lucas praetermisit, non sine aliquo certitudinis sensu, aliqua ratione refarciri potest. Res haec, a *Pearsono* Anglo, in (a) *Annalibus Paulinis*, aliis-

(a) Editis inter Episcopi illius Opera posthuma, Londini 1688. 4to, et recusis Halae 1719. 8vo.

allisque etiam non infelicitè tentata, digna utique est, quae porro nova cura expoliatur, uberius illustretur, et in tuto collocetur. Et in hoc argumento haec nostra quoque versabitur opera.

§ 3. *De vinculis Pauli Romanis, in quibus Lucas desinit.*

Historia Pauli, quam Lucas in Actis Apostolorum contexuit, perducta ab eo est usque ad Apostoli e vinculis Romanis biennialibus excessum. Cum enim Cap. xxviii. retulisset, quomodo Paulus Romam adveniret, et qua ratione illic a Iudaeis exceptus fuerit, hunc historiae Paulinae et toti suo libro finem imposuit: *Mansit autem biennio toto in suo conducto: et suscipiebat omnes, qui ingrediebantur ad eum, praedicans regnum Dei, et docens Evangelium de Domino Iesu Christo, cum omni fiducia, sine prohibitione.* Haec enim erat ratio et indoles vinculorum Pauli, quibus Romae constrictus fuit, quamque Lucas exponit eod. cap. v. 16. *Τῷ δὲ Παύλῳ ἐπετράπη μένειν καθ' ἑαυτὸν, σὺν τῷ Φυλάσσοντι αὐτὸν στρατιώτῃ, Paulo vero permissum est, ut habitares seorsim cum milite, qui ipsum custodiret.* Vbi recte Beza haec observat: *Seorsim, καθ' ἑαυτὸν, non in publica custodia, sed in privato hospitio, quod sibi videlicet conduxerat.* Quomodo vero Paulus, in proprio conducto, a milite secundum mores Romanorum custoditus fuerit, ex his Senecae locis, a Grotio virisque eruditis aliis, observatum explicatumque est. *De Tranquillitate Lib. i c. x. Sed quid refert? eadem custodia universos circumdedit: alligatique sunt etiam, qui alligaverunt, nisi tu forte leviozem in sinistra catenam putas.* Epistola v. *Eadem catena et custodiam et militem copulat.* Nempe, verba adfero Lipsii in Taciti Annal. Lib.

Lib. III p. 140. edit. Plantin. *Custodiae modus, ut is qui in noxa esset, catenam manui dextrae alligatam haberet, quae eadem militis sinistram vinciret, custodiae eius praefecti.* Catena illa erat longa, quo fiebat, ut victus commode, quo vellet, ambularet, et negotia pro lubitu perageret. Haec erat conditio vinculorum Pauli Romanorum, quam per integrum biennium, teste Luca, perpeti debuit, quo elapso, pristina libertate in universum frui, datum ipsi est.

§ 4. *De liberatione Pauli ex vinculis, illiusque occasione.*

Parum equidem nostra refert, qua occasione Paulus vinculis solutus fuerit, quod prorsus in obscuro esse optimus *Wissus* iudicat. Sed ipse tamen Paulus quaedam nobis subministrat, ex quibus de causis et occasionibus solutionis eius aliquid, non sine magna probabilitatis specie, conicere licet. Et quidni ad iucundissimas vias Providentiae Divinae, Paulo in commodum et salutem Ecclesiae tam sollicitè invigilantis, earumque vestigia luculenta hic attendamus? Paulus Romae quidem hospes tantum et peregrinus erat, amicis opulentis et potentibus, cum eo veniret, penitus destitutus. Manus quod in ipsum Christus Dominus contulerat dignissimum Apostoli, ipsum veris cultoribus Dei carum quidem et venerabilem reddebat; sed et eidem odium superstitiosae plebis, et insuper potentium in Imperio Romano, et sapientium huius mundi contemptum summum adiebat. Ad gubernacula imperii Romani sedebat Nero, in quo praeter externam speciem nihil humani inerat, rerum divinarum omnium derisor, et cunctorum bonorum hostis iuratus, monstrum ex vitiis et criminibus, et omnium maxime iniustitia et crudelitate constans,

culus sententia tamen Paulo standum nunc erat. At vero, quia Deus ministerio Pauli, in uberius Ecclesiae suae commodum, etiam porro uti decreverat, facile ipsi erat, omnia illa tristissima omina in honorem Evangelii et Pauli salutem vertere. Testatur certe Paulus, ad finem iam properante biennio illo captivitatis, quo detentus fuit, *ea quae sibi Romae acciderunt, ad maiora Evangelii incrementa fecisse, adeo ut vincula eius celebria evaserint in toto Praetorio, et locis reliquis omnibus, et plerosque ex fratribus in Domino, vinculis suis fretos, magis impavide sermonem Evangelii loqui ausos fuisse*, Phil. i. 12, 13, 14. Notus igitur erat Paulus in toto Praetorio, id est, Palatio Caesaris, ita ut inter eius domesticos haberet quoque discipulos et amicos, quorum nomine Philippensibus salutem dicit, c. iv. 22. Neque adeo absurda eorum mihi videtur coniectura, qui sibi imaginantur, inter domesticos Caesaris Neronis, quos amicos et benevolos expertus fuerat Paulus, ponendam quoque esse *Poppaeam Sabinam*, quam non ita pridem connubio sibi iunxerat Nero. Illi enim testimonium perhibet *Iosephus* Antiq. Lib. xx. c. 7, quod fuerit *θεοσεβης*, Deum colens, quo nomine Iudaei, Graece scribentes, uti et (b) scriptores N. Testamenti, designare solent *Profelytos*, quos vocant *πορταε*, qui nempe, dimisso idolorum cultu, unum verum Deum adorabant, et ad servanda praecepta Noachica ferret obstringebant. Testatur idem auctor de Poppaea Sabina, quod Iudaeis impense faverit, et res eorum, ubi se obtulit occasio, strenue promoverit. Fieri utique potuit, ut a Iudaeis credentibus, (Act. xxv 111 24.) Apostolus noster commendaretur Poppaeae, et haec,

(b) Vid. *Ios. Med. Diatribas* Vol. i p. 22, 29, etc.

haec, etsi moribus esset non omnino probatissimis, ipsi favorem Imperatoris conciliaret. Quomodoque vero res haec se habuerit, de eo vix dubitandum esse videtur, amicos Pauli, quos habebat in domo Caesaris, auctoritate sua ipsi solutionem a vinculis, et libertatem plenam impetrasse. Perfici id tanto facilius poterat, quod Paulus aliorum criminum convinci a nemine posset, nisi dissensus a reliquis Iudaeis, in nonnullis doctrinae capitibus, et cultus sacri ritibus. Quae omnia quanto supercilio Romani despexerint, quam contemti habuerint, vel ex illa sententia satis perspicui potest, quam Gallio, Senecae frater, Achaiae Proconsul, adversus Pauli delatores, Iudaeos, aliquando tulit: *Si de facto quopiam iniusto et scelesto commisso quaestio esset, aequum esset, ut vos paterer, quantum velleis, dicere. Quando vero agitur de disputatiunculis, et verborum pugna, et lege vestra peculiari, vos ipsi videritis; ego iudicium de his rebus ferre nolo. Et abegit eos a tribunali*, Act. XVIII. 14, 15, 16. Quis ambigat, eandem omnino fuisse mentem eorum, quos Paulus Romae, si causa eius illic fuisset examinanda, iudices habiturus erat.

§ 5. *Paulus vinculis solutus A. C. 63. per Italiam iter in Graeciam instituit, et in hoc itinere ad Hebraeos scribit.*

Vinculis Romanis exsolutus Paulus, secundum calculos *Pearsoni*, quos sequor, A. C. 63. iter sibi per Italiam in Graeciam et Iudaeam instituendum esse putavit, quod ex Epistola ad Hebraeos, in itinere Italico exarata, indiciis non obscuris colligitur. De Epistola ad Hebraeos, quia ad eam perventum nunc est, lites antiquas, dudum iam sopitas [*] et compositas, resu-

[*] Sed vide tamen *L. D. Michaelis* Introd. in N. T. t. II p. 4326—1395. ed. nov. Germ. et recentiores Epist. interpretes.

suscitare hic nolim. Certum pono, quod (c) viri egregie docti argumentis evidentibus demonstratum dederunt, Paulum esse verum Epistolae huius auctorem, eumque ad fratres suos, Iudaeos in Palaestina, sermone non Hebraico, sed, qui etiamnum superest, Graeco, scripsisse. Video quidem ita sentire plerosque, scriptam esse hanc Epistolam a Paulo Romae, eo tempore, quo vinculis constrictus, etiamnum in urbe illa detinebatur, idque ex eo probari, quod Paulus Hebr. x. 34 cum intimo gratitudinis sensu agnoscat, Hebraeos cum vinculis suis compari. Verum profecto, verba illa attente legenti non potest non illico manifestum fieri, loqui Apostolum, de re non praesenti, sed praeterita, τοῖς δεσμοῖς μου συνεπάθησατε, *de vinculis meis mecum doluistis*, nempe, dum adhuc perferenda mihi erant. Monendum porro, Codd. MSS. non paucos, apud Millium, talem praefere lectionem, τοῖς δεσμοῖς συνεπάθησατε, *doluistis cum vinctis*, quod pietatis officium illis ipsis Hebraeis commendatur, Hebr. xiii. 3. Lectionem hanc, quae *Gratio* valde probatur, videntur etiam in Codicibus suis invenisse interpretes Syrus et Aegyptius, et Latinus vulgatus. Neque inficias ire possumus, a veterum plurimis verba haec ad istum modum laudari. Licebit igitur nobis ex loco isto potius concludere, Paulum scribentem ad Hebraeos, aut vinculorum suorum mentionem plane nullam facere, secus atque eum egisse novimus in omnibus illis Epistolis, quas in vinculis Romanis scripsit, ad Ephesios, ad Philippenes, ad

(c) Consulendae sunt Inprimis *Frid. Spanhemii Fil. Dissertationes de auctore Epistolae ad Hebraeos*, Opp. Tom. II. col. 171, etc., cuius rationes eleganter contraxit *Wit-fius* in *Dissert. xii de vita Pauli in Melatem*. Leidens. p. 199, etc. [*].

[*] Inngantur *Hollestus* in *Curia Wolfii* in N. T. t. IV p. 806-831, *Storcius*, *Ernestus*, alii,

ad Colossenses, ad Philemonem, et ad Timotheum secunda, aut eum calamitatis huius meminisse, tamquam quae iam praeterierit. Non meliori iure, eruditi iidem ex Hebr. xiiii 18, 19, ubi Paulus se Hebraeorum precibus eo commendat, ut tanto citius ipsis reddatur, elicere volunt, Paulo haec scribenti, vinculis quippe adhucdum ligato, liberum nondum fuisse, ex voto suo Hebraeos invisere. Nam huius rei contrarium disertis verbis testatur capitis eiusdem v. 23. Paulus. Sed istum ex piis precibus Hebraeorum fructum Paulus sibi promittit, fore, ut cogitata et coepta Deus clementissime secundet, et impedimenta, quae sibi iter facienti obici poterant, e medio tollat. Quibus attente consideratis, non possum non adstipulari doctissimo *Pearsono*, qui in *Annalibus Paulinis* ad A. C. 63. haec observat: *Paulus Roma exiit, et in Italiam proprie dictam secessit, ubi expectans Timotheum scripsit Epistolam ad Hebraeos.* In quam sententiam concedit etiam *Millius Prolegom.* in N. Testam. fol. x. Certe Paulus in illa Epistola non meminit fratrum, sociorum et amicorum, quos Romae habebat, quod ceteroquin ipsi solemne fuisse, sciunt omnes, sed tantum Italicorum: *Salutant vos de Italia fratres*, Hebr. xiii. 24, nempe quos in itinere suo recentissime viderat, et qui hoc salutandi fratres officium ipsi nunc modo commendaverant. Eodem cap. v 23. Hebraeos suos certiores reddit, τὸν ἀδελφὸν Τιμόθεον ἀπολευμένον, *fratrem Timotheum vinculis exsolutum esse*, nempe Romae, ubi, paulo ante liberationem Pauli, aliquamdiu, incertum quae de causa, in custodia militis fuerat, eiusque adventum se nunc operiri significat, ut cum eo iter ad ipsos prosequi possit. Haec enim addit, *cum quo, si modo cito adfueris, vos videbo.* Haec omnia satis testantur, Paulum, cum ad Hebraeos scriberet, in Italia proprie

dicta haesisse, et Timotheum Romæ ad se properaturum expectasse, ut tum in eius comitatu ad Hebræos contendere posset. Non latuit hoc auctorem subscriptionis, quæ Epistolæ ad Hebræos, in nostris Codd. et editionibus, subiicitur his verbis conceptæ: *Scripta est Epistola ad Hebræos ex Italia.* Interpres Aegyptius habet, *in Italia*, Syrus, *ex Italia Romana*; qui omnes sententiam nostram suo suffragio commendant.

§ 6. *Explicatur, quinam sint Hebræi illi, ad quos Paulus scripsit.*

Quinam sint Hebræi illi, quibus Apostolus Epistolam suam inscriptam voluit, difficile non est assequi, tamen quæstio etiam hæc eruditos in diversas partes distraxerit. Et de eo quidem nemo ambigit, per Hebræos intelligi illos ex Abrahami posteris, qui, audita prædicatione Evangelii, fidem Christi amplexi erant, et ad coetum discipulorum eius se adiunxerant. Enim vero cum illi et coetum Hierosolymæ haberent amplissimum, et præterea per Iudææ totius urbes, per Syriam, Asiam, Persidem, omnesque Imperii Romani Provincias dispersi essent, anquiri solet, utrum ad hos omnes quaquaversum, an ad aliquos eorum tantum, Epistolam suam auctor direxerit. Illic iam id extra omnem dubitationis aleam positum esse debet, scribere ad eos Apostolum, quos viderat, inter quos docuerat, quos familiari usu cognitos habuerat. Nam sperat *se brevi ipsis restitutum iri*, Hebr. XIII, 19, et desiderio tenebatur enixo eos videndi, ibid. v. 23. Potestne igitur obscurum esse cuiquam, primarium huius Epistolæ respectum esse ad Hebræos Hierosolymitanos conversos, inter quos ad pedes Gamalielis educatus fuerat, Act. XXII. 3, quorum Ec-

clesiam, ut matrem reliquarum omnium per totum orbem, enixe colebat, quos sive praesens esset, sive absens, in oculis suis et in sinu gestabat, ad quos sublevandos et solamine aliquo recreandos, peragraverat Asiam, Macedoniam et Graeciam, ut in his et aliis quoque regionibus, sive ipse coram, sive per suos in opere Domini laborum socios, ex liberalitate Ecclesiarum, idoneam pecuniae vim corrogaret, quam ipse Hierosolymam deportare, et dilectissimo sibi gregi tradere cupiebat, Act. xix. 21, Rom. xv. 25, 26, 1 Cor. xvi. 1, 2, 3. Appulerat etiam eo fine Hierosolymam Apostolus, ut cogitata exsequeretur, ipsosque omni solatii, quo egebant, copia perfunderet, cum ecce, aliter rem dirigente Deo, inter primos amplexus a carissimis fratribus divulsus, Caesaream primo ligatus, et exinde Romam deductus fuit. Itaque solutus iam vinculis, ante omnia Hebraeos suos Hierosolymitanos revisere, et, quae ante quinque circiter annos, propter iniquitatem temporum, interrumpenda fuerant, nunc perficere decreverat. Idque luculenter significat Hebr. xiii. 19, *Precamini pro me, ut tanto citius vobis restituar, vel, ut negotium meum apud vos cito (d) in pristinum statum restituatur.* Alia argumenta, ex Epistola ipsa pariter a viris doctis acute eruta, et id ipsum, quod adstruxi, egregie confirmantia, nunc, ne in nimium excrescant hae pagellae, libenter omitto. Etsi igitur fatendum omnino sit, Hebraeos, quos in Epistola Paulus compellat, intelligendos omnium primos esse

Hie-

(d) Haec enim est vera vis vocis in Graeco textu occurrentis ἀποκαθίσταμι. Vide Budaei Commentarios linguae Graecae pag. 487. edit. Paris., Edu. Leigh Criticam Sac. in h. v. et alios probatorum Lexicorum auctores.

Hierosolymitanos; nolim tamen id tam arctis limitibus circumscribere, ut alii credentes in Christum ex Hebraeis, qui in diversis Iudaeae, sicuti et Syriae et Asiae minoris urbibus domicilium habebant, et quibus in iisdem illis locis Apostolus Evangelium maximo cum fructu praedicaverat, hic excludantur. Magnum apud me pondus habet testimonium Petri Apostoli, Hebraeis his in memoriam revocantis literas, quas ad ipsos quondam Paulus scripserat, 2 Per. 111. 15, 16. Quamobrem non invitus subscribo iudicio, quod in hac causa tulerunt doctissimi interpretes Gallici Berolinenses N. Testamenti, quodque in Prolegomenis eorum ad Epistolam ad Hebraeos p, 436. hunc in sensum legitur: *Credimus Epistolam hanc a Paulo per-scriptam fuisse ad Hebraeos Hierosolymae et in Palaestina degentes. -- Sed et ita iudicamus, non cum his solis Apostolo scribenti negotium fuisse, verum cum omnibus generatim, quibus Evangelium praedicaverat, in Syria, et in Asia quoque minori, quosque revifere decreverat. Est igitur Epistola haec re ipsa encyclica, missa primo in Iudaeam, sed deinde iussu Pauli cum ceteris quoque Hebraeis, apud quos Evangelium annunciaverat, communicanda.* Ex profecto omnium hic aequaliter causa agebatur, omnium pariter quam maxime intererat, rerum Epistola hac ad Hebraeos propositarum gravissima momenta mente attenta volvere et revolvere, ac tenaci semper memoria complecti.

§ 7. Paulus ex Italia non transit in Hispaniam.

Ex iis, quae de Epistola Pauli ad Hebraeos disputavimus, sic iam satis constare potuit, quonam Paulus, Roma per Italiam iter faciens, contendere porro in animo habuerit. Nempe Hierosolymam cogitabat,

volebat repetere Iudaeam, ardebat desiderio revidendi beatos illos in Syria quoque et Asia coetus, quos aut per gratiam Dei plantaverat, aut labore indefesso, Deo incrementum benignissime concedente, irrigaverat, et qui nunc tempore afflictissimo, consolatione, adhortatione, et corroboratione in fide et pietate quam maxime indigebant. Si tamen B. *Clementem Romanum*, virum Apostolicum, et a temporibus Pauli non ita remotum, audiamus, Apostolus noster discedens Roma, iter suum non in Orientem, sed vice versa in Occidentem, Hispaniam videlicet, direxit. Ita enim verba eius in Epistola I ad Corinthios § v. accipiuntur, ubi de Paulo ait, quod *ὅλον τὸν κόσμον καὶ ἐπὶ τὸ τέλος τῆς δόσεως (ἤλθεν), μὲν-
dum totum peragraverit, et ad terminum Occidentis venerit.* Nam per terminum Occidentis designari Hispaniam, et res ipsa loquitur, et (e) veterum consensus declarat, qui auctoritate Clementis permoti, crediderunt, Hispaniam quoque laboribus et doctrina Pauli illustratam fuisse. Nec desunt, qui verba Clementis sensu adhuc laxiori et ampliori accipientes (f), Britanniae quoque insulam comprehendere hic velint. Sed quae de Britannia dicuntur, profecto omni

(e) Loca ipsorum citata et producta videri possunt in *Pearsoni Annalibus Paulinis* ad A. C. 63, *Cavei Antiquitatibus Apostolicis* in vita Pauli c. vii § 7. p. 420, 421. edit. Germanicae, *Baronii Annalibus* ad A. C. Lxi. num. 11, 111, etc.

(f) Horum loca producantur a *Guilielmo Burtono* in *Observationibus Anglicis* ad Epistolam Clementis. Londini A. 1647. editis, num. xi. p. 54, 55. Adde *Vsseri Antiquitates Ecclesiarum Britannicarum* cap. 1, et *Cavei Antiquitates Apostolicas* loc. cit.

omni prorsus non veritatis modo, sed et verosimilitudinis qualiscumque fundamento destituta sunt. Nam *Clemens* per *terminum Occidentis*, nihil quicquam nisi Hispaniam subinnuere voluit, quod omni procul dubio vir sanctus tibi ab ipso Apostolo accepisse visus est, ut qui ad Romanos scripisset c. xv. v. 24: *Cum in Hispaniam proficisci coepero, spero quod praeteriens videam vos, et a vobis deducar illuc, si vobis primum ex parte fructus fuero*, et v. 25, 28: *Nunc igitur proficiscar Hierosolymam, ut ibi sanctis ministrem. Et hoc cum perfecero --- per vos proficiscar in Hispaniam*. Ex eo sic collegerat optimus *Clemens*, Paulum, qui re ipsa Hierosolymae fuisset, et postea Romam, quantumvis ligatus, pervenisset, e vinculis dimissum, deinceps cogitatorum et promissorum memorem in Hispaniam pedem promovisse. Et huic id crediderunt veteres reliqui. Verum in Epistola ad Hebraeos, scripta ab Apostolo brevi post quam Romanis valedixisset, nulla iam amplius Hispaniae mentio deprehenditur. Cogitationes Apostoli omnes tum in Hebraeos intentae erant et defixae, illos quam primum videre animus nunc unice gestiebat. Videor mihi ex Epistolae illius c. xiiii. 19. veram Apostoli nostri mentem et intentionem sic colligere posse. Consilia, quae mente sua olim agitaverat, et rerum, quas in emolumentum Ecclesiae peragere intenderat, cursum perturbaverant vincula, quae in Iudaea ipsi iniecta, et Romae continuata fuerant. Illum cursum interturbatum de novo exordiri, et res suas in pristinum statum restitui cupiebat, ideoque nihil ipsi iam prius aut potius erat, quam ut Hebraeis suis in Palaestina et Hierosolymae redderetur. Ceterum, ne quis mihi auctoritatem *Clementis*, viri temporibus Paulinis proximi, oblicere possit, monebo paucis, historiam horum temporum, ab anno videlicet 63 et 64

Christi

Christi usque ad annum 120, propter persecutiones Iudaeis in Palaestina, et Christianis ubique intentatas, atque dispersiones Christianorum multiplices, adeo obscuram et incertam esse, ut mirum non sit, *Clementem* rûmore aliquo populari, sed falso, in erroris societatem pertractum fuisse.

§ 7. *Ex Italia Paulus videtur delatus esse in Cretam, et exinde in Iudaeam.*

Pearsonus, cuius accuratiōni et iudiciosis observationibus me multum debere, ultro et libenter fateor, auctoritate veterum inductus, Paulum ex Italia in Hispaniam deducit quidem, sed moram eius in istis oris nonnisi brevem agnoscit. Nam concipit, eodem anno Christi 63, Paulum Romae et vinctum fuisse, et vinculis solutum, et in Italiam secessisse, et deinde in Hispaniam profectum esse, ac ultimo in Cretam navigasse. Haec enim, in Annalibus eius, actis anni 63. finem imponunt: *Paulus navigat in Cretam.* Postremum hoc veritati et genuino ordini actorum Pauli prorsus consentaneum esse opinor. Id largiuntur omnes, Paulum aliquando profectionem in Cretam instituisse, et in laudibus eius hanc quoque ponendam esse, quod florentem illam Insulam salutari Evangelii luce primus imbuerit. De eo enim testatur ipse ad Titum l. 5: *Eius rei gratia te in Creta reliqui, ut, quae adhuc deerant, perficeres, et in urbibus Presbyteros ordinares.* Itaque Paulus in Creta Ecclesias Christo Domino colligere coeperat, et operis tam salutaris atque gloriosi consummationem Tito suo mandaverat. Qui hoc contigisse ante vincula Pauli Romana priora hariolantur, coniecturis meris et puris indulgent, quae probabilitatis nihil habent, et se in dif-

difficultates coniciunt, ex quibus extricare se non possunt. Lucas in Actis, professionis Paulinae in Cretam institutae, et verae religionis illic plantatae, quod tamen operae pretium ferebat, nullam prorsus mentionem iniicit. Et ordo quoque rerum a Paulo gestarum, quem Lucas describit, talis est, ut cum hac eius professione in Cretam, et cum eiusdem hibernatione Nicopolitana, de qua ad Tit. 111 12, amice conciliari nequeat. Sed omnia bene se habebunt, et nulla ne vel levissima quidem superesse poterit difficultas, si Acta Pauli Cretica, inter vincula eius Romanâ priora atque posteriora intermedia locemus. Cum Paulus ex Palaestina vincus navi in Italiam veheretur, in unum alterumve Cretae portum appulit, et si per ipsum steterisset, in illa Insula tum hibernasset, id quod tamen a Centurione, in cuius custodia erat, impetrare non potuit, Act. xxvii. 7, 8, etc. Quoniam vero, uti dicebam, in uno alterove portu moram aliquam fecerat, atque tum forte inaudiverat, quanta pace et libertate Iudaei illic locorum fruerentur, Tit. 1. 10, intellexit facile, sibi, aut potius Evangelio, in Insula illa uberem messem paratam esse, cuius memoriam, uti erat semper gloriae Dei et salutis hominum promovendae cupidissimus, animo suo excidere passus utique non est. Credibile est, Apostolum nostrum, intentissimo mentis desiderio ex Italia ad Hebraeos suos festinantem, eandem tenuisse viam, quam ex Iudaea in Italiam profecturus, emensus iam erat, adeoque in reditu similiter in Cretam appulisse, et forte ibi hiemem negotio, quod meditabatur, salutare impendisse. Aut si cursu non interrupto, tum quidem recta in Palaestinam delatus est, facile ipsi postea erat, ex Palaestina aut Syria in Cretam excurrere, ut mente olim conceptum pium et gloriosum opus in actum tandem deduceret. Vbi relicto

lieto in universum Oriente, per Graeciam Paulus in Italiam reverti voluit, alia plane via usus est, quod sequentia planum facient. Non commodius igitur Actis Pauli et Titi Creticis, quam id quod diximus, assignari poterit tempus, A. C. videlicet 63. vel 64.

§ 9. A. C. 64. *Coetus Ecclesiarum in Palaestina, Syria, et Asia minori invisit.*

Inter tot molestos quidem, sed et auspicatos labores, a Paulo in ornamentum et incrementum rei Christianae omnis, in commodum et aedificationem tot Ecclesiarum, ad corroborationem et consolationem tot plorum hominum, Romae, in Italia, in Creta, et forte etiam in Iudaea, exantlato, transactus est annus 63. aerae vulgaris Christianae. Qui iam sequitur annus 64. multo magis turbulentus, rebusque tum Hebraeorum in Iudaea, tum Christianorum, Romae, in Italia, et, quod incredibile non est, in imperio Romano quaquaversum, tristis vehementer et flebilis extitit. Nam quod ad Iudaeos attinet, illi, durante adhuc pacis nomine et aliquali specie, mala belli pene omnia et acerbissima quidem haecenus per-tulerant. Tanta iniquitate, tam indignis modis, a Procuratoribus Romanis erant oppressi et veluti exhausti, tot caedes, rapinas et consimilia mala, sicciorum crudelis ferocitas ubique per totam regionem post se traxerat, in tot angustias furor Zelotarum in populo, et deploranda dissidia intestina, totam Rempublicam Iudaicam coniecerant. Omnibus his malis cumulum ultimum adiecit Gessius Florus, Albino Procuratori Romano, hoc ipso anno Successor datus, de quo Tacitus Histor. Lib. v. c. 10: *Duravit patientia Iudaeis usque ad Gessium Florum Procuratorem.* Sub

Tom. III. V 60

eo bellum ortum. Ab hoc tempore itaque, in Iudaea omnia tumultus respirabant et bellum, quod biennio fere post in apertam flammam erupit. Haud laetae magis et pacatae erant res Christianorum, adversus quos, eodem illo anno, Romae persecutionem atrocem auspicatus erat Nero, quod sane inimicis ipsorum, ubique terrarum, quidvis adversus eos audendi et animum et facultates addidit. Quid temporibus adeo miseris, quae, si quodquam aliud, diligentia, patientia, fidelitate et zelo magni nostri Apostoli indigebant, egerit, non tam ex scriptis ipsius certo scimus, quam potius probabili ratione coniecimus. Ex Epistola ad Hebraeos c. xiiii. 23. intelleximus, animum fuisse Paulo, fratres suos, Hierosolymae viuentes, sed et per Iudaeam totam, Syriam, Asiamque minorem dispersos, comite Timotheo revisere. Dubio vix locus est, quin consilium istud, currente anno 64, ex animi sententia perfecit, animosque credentium in Iudaea, multa ac vehementi anxietate et sollicitudine afflicto, ad pie in Christo vivendum, et ad fortiter quaevis propter nomen eius patiendum, omni mentis contentione et affectu adhortatus fuerit. Quod qua ratione aggressurus fuerit, ex Epistola eius ad Hebraeos non inaniter colligimus. Ex Palaestina et Syria, de quo non magis dubitare licet, transiit ad Hebraeos in Asia minori degentes, revidit coetus, quos olim tanto cum fructu in doctrina pietatis salutari erudierat, salutavit quoque Colossenses, sibi de facie haecenus non cognitos, sed quorum tamen videndorum et desiderio et spe certa ab aliquo tempore tenebatur, quod testatus fuerat Philemoni, Ecclesiae Colossensis Episcopo, Philem v. 22. Et his omnibus peractis, Ephesum perrexit, ut post salutatum illic carissimum sibi Ecclesiae Ephesinae coetum, iter suum in Graeciam persequeretur.

§ 10. *Paulus A. C. 65. pervenit Ephesum, et post moram aliquam, illic Timotheum reliquit.*

Qui miserandam infelicium horum temporum conditionem recte perspectam habet, mihi non gravate largietur, Paulo, vastas illas Iudaeae, Syriae et Asiae minoris, Provincias peragranti, et Ecclesias Christiani nominis numerosas in his Provinciis paterno et Apostolico affectu lustranti, tantum ubique negotiorum, occupationum, et curarum obiectum fuisse, ut minus quam unius anni spatium obambulationi istius vix assignari queat. Concedendum itaque erit, Paulum sanctae huius peregrinationis curriculum absolvisse exeunte anno 64, aut ineunte 65, quo cum Timotheo suo Ephesum pervenit. Obrigit itaque Paulo exoptata illa felicitas, cuius spem, ante septem annos, cum Presbyteris Ephesinis Mileti valedixisset, plane abiecerat, ut carissimos suos Ephesinos, quos tot laboribus et doloribus Christo Domino parturiverat, quosque tanta cura et industria in doctrina fidei et pietatis enutriverat, revidere, et sese cum illis in Domino oblectare potuerit. Verum tamen sanctum hoc Pauli in Domino gaudium permultis cogitationibus molestis et sollicitudinibus non mediocriter temperatum fuisse, facile intelliget, quisquis praedictiones Pauli de statu Ephesiorum, Actor. xx. 29. 30, cum epistola illius postea ad eosdem conscripta et duabus ad Timotheum Ephesi degentem directis, accurate contulerit. Consideranti haec obscurum esse non poterit, quantum iam illo tempore infelicitis zizaniae tritico genuino et laeto inter Ephesios admixtum, et quantum paleae, foeni ac stipulae, fundamento solido, ab Apostolo illic laboriosissime posito, superinductum iam fuerit. Itaque res haec tanti ponderis, in qua

salus non tantum Ecclesiae tam illustris Ephesinae; verum et multarum aliarum, quam maxime vertebatur, novos utique Pauli indefessosque labores, nova certamina, novas curas et sollicitudines, novas et concatenatas vigilias, multumque temporis sibi deposcit. Quis credat, Apostolum hoc omne, aut necessitatibus urgentissimis Ecclesiae Ephesinae, aut intentissimo suo in eam affectui, denegare vel voluisse vel potuisse? Liquet certe ex 1 Tim. 1. 19, 18, eum, In Ecclesia Ephesina, ut aliis terrorem incuteret, in haereticis quibusdam maledicentiae et pertinaciae invictae, Hymenaeo et Alexandro, actum auctoritatis et severae disciplinae Apostolicae exercuisse, quamquam dubitari possit, utrum id a Paulo Ephesi praesente, an vero absente postea in Macedonia, factum fuerit. Vid. § 14. Insumsit igitur et hic partem temporis non ignobilem, quinimo postquam, rerum necessitate id exigente, Epheso in Macedoniam discessisset, amoris tamen suo in gregem sibi adeo carum tenerrimo usque adeo resistere non potuit, ut priusquam oras has in universum relinqueret, iterato adhuc Ephesios suos reviseret, ultimumque vale illis tum diceret, quod in sequentibus docebitur. Interea cum Paulo nunc pes Epheso aliorum esset promovendus, cavet tamen, ne ex discessu suo Ecclesia aliquid pateretur detrimenti, ideoque Timotheum suum illic permanere iussit, uti non ita pridem ante Titum in Creta, qui res omnes auctoritate sua ad pristinum ordinis, pacis et aedificationis statum reduceret, maluitque ipse suavi contubernio tam cari et sancti capitis carere, quam Ephesios suos consilio et auxilio tanti viri, tempore perdifficili, orbare. Ea de re Apostolus ipse ad Timotheum sic scribit: *Rogavi te, ut remaneres Ephesi, cum irem in Macedoniam, ut denunciare quibusdam, ne aliter docerent*
etc.

etc. 1 Tim. 1. 3. Haec enim satis docent, Paulum, relictis Hebraeis suis, Colossensibus, ceterisque Asianis, pervenisse Ephesum, ibique assatim negotiorum reperisse, quae, cum diutius illic manere non posset, perficienda concredidit Timotheo. Epistolam vero hanc ad Timotheum, ista respicere, de quibus nunc loquimur, tempora, mox liquido probabitur.

§ 11. *De rebus Ephesinis illius temporis quaedam observantur.*

Quia de rebus Ecclesiae Ephesinae huius temporis aliquid delibavi, exponere mihi liceat, quae ista meditantem in mentem venerunt. Et primo quidem observasse non iniucundum erit, laboribus Pauli, qui Ecclesiam Ephesinam tanto studio plantaverat, et tam sollicita industria et ipse et per alios continuo veluti irrigaverat, Deum quoque, benedictionem uberrimam, et laetissimum incrementum addidisse. Etenim cum sub ultima Pauli tempora, in illustrem illam Ecclesiam, lupi rapaces, Pseudo-prophetae, doctores mendaciorum et errorum, furtim se insinuasent, ac fidei piorum, et puritati cognitionis eorum insidias struxissent vehementer metuendas, curis tamen et vigiliis Pauli atque Timothei effectum tandem est, ut malum tantum feliciter cum ipsa radice evelleretur, et fidei rectitudo illibata conservaretur, cuius rei testem habemus Iohannem Apostolum Apocal. 11. 2, 3, 6, et Ignatium Antiochenum, a temporibus Iohannis non ita remotum, cuius *Epistola ad Ephesios* immortale quoddam genuinae ipsorum fidei et verae pietatis monumentum censenda est. Si porro acta Pauli et Timothei Ephesina accurate ab omni parte verso, aliter quam sic statuere non possum, Iohannem Aposto-

lum, nullas adhucdum illo tempore Ephesi, et in Ecclesiis Asianis, obfisse doctoris partes, quod eum postea fecisse certissimum est. Aliis rationibus id ipsum docte et egregie probavit B. *Lampius* in Prolegom. ad Iohannem L. I. c. III. § 7, 9, 10, quibus id, quod hic proferimus argumentum, novum pondus adiicit. Quid quaeso opus fuisset Paulo, ut discedens Epheso, propter infelicitatem et difficultatem illorum temporum, Timotheum post se relinqueret, seque consortio eius suavissimo ipse privaret, si aut Ephesi, aut in vicinia adfuisset Iohannes? An non tanta erat magni illius Apostoli et sapientia et auctoritas, ut malis, quae Ecclesiam Ephesinam turbabant, medelam idoneam parare potuisset? Praeterea in duabus Epistolis, quas Paulus ad Timotheum perscripsit, dum is haereret Ephesi, nullam omnino Iohannis mentionem fieri videmus, et id ab Apostolo, qui in salutandis fratribus et amicis usque adeo diligens et prolixus est. Salutem fane nominatim Ephesiis quibusdam dicit, 2 Tim. iv. 19, at de Iohanne altum semper et pertinax silentium. Idem illud ex Epistola ad Ephesios luculentissime confirmatur, de qua suo loco. Quid an non hoc indicio luculento est, Iohannem tum ab iis regionibus etiamnum abfuisse?

§ 12. *Eodem anno 65. Paulus in Macedoniam proficiscitur.*

In eundem A. C. 65. videtur mihi profectio Pauli Macedonica coniicienda esse. Nam Epheso relicta, quod vidimus § 10, traiecit in Macedoniam, haud dubie eo animo, ut Ecclesias in illa Provincia, studio suo Christo Iesu collectas, amplissimas et florentissimas, Philippensem, Thessalonicensem, Beroeensem, alias-

aliasque adiret, ac verbi Divini virtute potenti recrearet. Philippensibus, qui per delegatum suum Epaphroditum eum Romae salutaverant, et munificentia sua refocillaverant, multa cum tenerrimi amoris demonstratione id promiserat, Phil. i. 8, 25, 11. 24. Potestate igitur nunc sibi facta plenissima, fidem datam liberavit, suoque et illorum desiderio mutuo satisfecit. Quamvis autem fatendum omnino sit, Paulum Philippenses, optime, si quiquam alii, de se meritos, affectu prorsus singulari prosecutum fuisse, nemo idcirco alios in Macedonia fidelium greges excluderit, quippe quos omnes Christo Domino per Evangelium pepererat, quos amore paterno et cura Apostolica aluerat ac foverat, et qui omnes opem eius et tutelam pastorem flagitabant. Quod uni promisit, id omnibus servavit atque praestitit. Ceterum, quando Paulus, Epheso abiens, cursum in Macedoniam direxit, omnino credibile est, eum et nunc eo itinere perrexisse, quod semper servare solitus est, quoties ex Asia in Macedoniam, aut ex Macedonia in Asiam traicere voluit. Epheso nempe Troadem petiit, et Troade in oppositam Macedoniam solvit. Vide Actor. xvi. 11, 12, xx. 4, 6. Quod eo tantum moneo, ne quis suspicetur, Paulum nunc forte iter in Cretam suscepisse, de quo § 8.

§ 13. *A. C. 65. scripta est Epistola 1 ad Timotheum e Macedonia.*

In Macedonia, quod multa suadent, Apostolus noster anno hoc 65. primam ad Timotheum Epistolam perscripsit. Nam in ea loquitur de itinere suo Epheso in Macedoniam suscepto, et de Timotheo Ephesi relicto, 1 Tim. i. 3, ut *de re nuper gesta*, quod bene monet *Lud. Cappellus in Historia Apostolica il-*

lustrata p. 74, etsi ab illa ratione temporum, quam hic in eo, vehementer discrepet. Censet namque, Epistolam 1 ad Timotheum scriptam fuisse multo ante priora Pauli vincula Romana, cui sententiae applaudunt etiam *Salmasius* in Apparatu ad Primatum Papae p. 38, 41, et magnus Scripturae interpres, *Coccejus*; sed reclamante apertissime genuina historia Apostolica. Ex Epistolae enim 1 ad Timotheum loco cit. intelligitur, Paulum eo tempore Epheso petiisse Macedoniam, Timotheo post se relicto, quod in nullum tempus, vinculis Romanis prius, congruere posse, iam dudum vere et recte observavit *Beza* ad 1 Tim. 1, 3. idque multis docte et prorsus invicte probavit (g) *Pearsonus* Dissertat. 1. de primis Episcopis Romanis cap. ix, in Opp. posthumis p. 75, 76. Omnia nos iubent cogitare de tempore aliquo, quod vincula Pauli Romana priora infecutum est. Potest etiam hoc non immerito urgeri, Paulo, cum Presbyteris Ephesinis Mileti valediceret, nondum aliquid de doctoribus errorum et mendaciorum in ipsorum coetu cognitum fuisse; sed eum hac de re loquens, ut aliquanto post futura, Act. xx. 29, 30, 31. At vero in Epistolis scriptis ad Timotheum, testatur Apostolus, adesse iam lupos illos rapaces, optimo Ephesiorum coetui valde pertimescendos, adversus quos omni prudentia, omni studio, industria et vigilantia, Timotheo decertandum sit. Igitur Epistolam ad Timotheum, etiam priorem, compluribus annis, eo tempore, quod volunt viri eruditi, posteriorem esse, consequitur. Denique et hoc animadver-

(g) Consult hic etiam potest Interpretum N. Testamenti Gallicorum Berolinensium Praefatio in 1. Epist. ad Timotheum, p. 348.

sione dignum est, Epistolam ad Timotheum utramque in eodem fere versari argumento, ut nempe ille edoceatur, quomodo munere Doctoris Apostolici, ad tempus sibi in Ecclesia Ephesina concredito, ad gloriam Dei, et veram Ecclesiae illius salutem, rite fungi deberet. Luculenter apparet, Timotheum totò illo temporis intervallo, constanter haesisse Ephesi, gubernationi illius Ecclesiae et vicinarum, ex voluntate ac mandato Pauli, unice intentum, neque interea labores Evangelicos alios in se suscepisse. Iam quid quaeso ex eo sequi necesse est? *Cappellus* Epist. 1 ad Timotheum coniicit in an. 52, et posteriorem in an. 64, nam huic anno illigat quoque martyrium Pauli, quod brevi tantum praecessit Epistola ad Timotheum scripta posterior. Quod si vero stenus calculis *Pearsoni*, quos ego hic semper fere sequor, mors Pauli, adeoque 2 ad Timotheum Epistola protrahenda erit ad an. 68. Intercesserunt igitur inter scriptam Epistolam utramque anni plus minus sedecim, quale longum intervallum, res in utraque Epistola pertractatae, saepius eadem plane, nullo modo admitunt. Dicendum praeterea esset, Timotheum ab anno 52 usque ad 64 vel 68 constanter Ephesi haesisse, neque ab urbe illa discessisse, quod totum ordinem historiae Apostolicae, vel ex ipsius *Cappelli* sententia, immane quantum conturbaret. Quocumque igitur te vertas, fatendum semper ultimo erit, scriptam esse priorem ad Timotheum Epistolam, tempore inter vincula Pauli Romana, priora et posteriora, intermedio.

§ 14. *Paulus e Macedonia Ephesum rediit.*

Cum Paulus, comite Timotheo, ad Ephesios post vincula sua Romana pervenisset, intellexit non sine

gravi dolore, in coetu ipsorum, ex quo eum non viderat, multa in deterius fuisse mutata. Inruserant se in coetum, disciplina optima imbutum et formatum, homines, qui, neglecta solida religionis et pietatis cognitione, animum suum adiecerant ad quaestiones argutas et subtiles, sed inanes, ad pugnas de vocibus, et disputatiunculas aridas, e scholis infelicitè in Ecclesiam tractas, studioque hoc vano atque inutili aliorum mentes quoque inflammare cupiebant, 1 Ep. 1. 4, 6, IV. 7, VI. 4, 5, 2 Ep. II. 14, 23, III. 7. Erant, qui ab ipso veritatis tramite longius recederent, et castam divinae religionis doctrinam turpiter incrustarent, 1 Tim. 1. 3, VI. 3, 2 Tim. IV. 3, 4. Nec deerant quidem, qui errores capitales, ipsum sanctissimae fidei et spei nostrae fundamentum labefactantes, sine verecundia spargerent, 1 Tim. 1. 19, IV. 1, 2, 2 Tim. II. 18; ut nihil iam dicam de pietatis verò studio et iugi exercitio, quod passim a multis iam tum vilipendi coepisse, Epistolae hae plus facis declarant, quo factum est, ut apud nonnullos excellentissimae religionis contemptus oriretur, et horum quidam a salutari fide re ipsa deficerent. 1 Tim. V. 15, VI. 10, 2 Tim. IV. 10. Equidem plerique, sordibus huiusmodi commaculati, praesente Apostolo, auctoritatem eius reveriti, crimina sua et dedecora callide dissimulabant, et impietatis semina non nisi clanculum spargebant; ast reperiebantur tamen, qui omni pudore conculcato, honorisque Apostolo debiti plane immemores, Paulo aequè ac Timotheo palam in faciem obniterentur, et temeritate incredibili ipsos non minus, quam doctrinam eorum, vocibus blasphemis incessere non vererentur. Eos inter Paulus numerat *Hymenaeum* et *Alexandrum* 1 Tim. I, 20, 2 Tim. IV, 14, et priori loco testatur, se eos *Satanæ tradidisse*, ut nempe afflictione hac corpo-

porali valde molesta, extra ordinem a Deo immissa, fracti et contriti, ad frugem bonam se reciperent. Crediderim, Paulum severum hunc disciplinae Apostolicae actum, in hominibus pertinaciae invictae, non Ephesi praesentem, verum postea in Macedonia absentem exercuisse, et ideo nunc demum ea de re Timotheum certiores reddere, quale quid adversus aliquem e coetu Corinthiorum olim quoque statuerat, 1 Cor. v. 3, 4, 5. Et his quidem de causis, Apostolus noster diutius utique libenter apud Ephesios permansurus fuisset, ut scandala omnia sublata, et cuncta in pristinum statum restituta, oculis suis videret, nisi ipsum negotia ponderis non minoris in Macedoniam vocassent. Non tamen tum abiens, Ephesis suis vale ultimum dicere sustinuit. Quamvis enim discedens in Macedoniam, loco suo, Timotheum, plena auctoritate instructum, ipsis reliquisset, redire tamen ad eos e Macedonia decreverat. Timotheo suo istud promittit in prima Epistola III. 14, *Spero, me quantocius ad te venturum esse*, et IV. 13, *Insisse lectioni, adhortationi, doctrinae, donec veniam*. Et respondisse etiam cogitatis hisce Apostoli atque promissis eventum, non est, quod dubitem, cum in posteriori ad Timotheum Epistola, Romae in vinculis novissimis scripta, vestigia illius rei non obscura invenire liceat. Eo libenter retulerim, quod c. I, v. 4, scribit: *Cupio te videre, memor lachrymarum tuarum, ut gaudio implear*. Quae illae lachrymae hic cogitari possunt, nisi quas optimus Timotheus fudit, in ultimis Pauli sui amplexibus, cum is iter adeo longinquum et periculosum in Italiam fusciperet, et quarum nunc Paulus de Timotheo cogitans, non poterat non meminisse. Et viae quoque, quam tum Paulus, Epheso in Graeciam delatus, tenuit, luculenta designatio occurrit c. IV, ubi vs. 13, *Penu-*
lam,

Iam, inquit, vel thecam librariam, quam reliqui Troade (vide § 12.) veniens affer tecum, et vs. 20. Trophimum autem reliqui infirmum Miletu. Confer Act. xx. 17.

Inter hæc igitur, A. C. 65 existimaverim fuisse exactum. Quid annis sequentibus molitus fuerit magnus Apostolus, et quæ ipsi ad mortem usque evenerint, Dissertationi de eodem argumento proximæ [*] reservare cogor.

[*] Prodieritne umquam, valde dubito, eoque magis, quia a duobus circiter annis frustra eam in Germania ubique quaesivi. Nec invenitur in collectione variarum dissertationum, a *Lablonskio* scriptarum, unde hæc prima ducta est, et cuius syntagmatis usum *Clar. van Vørst*, Collega amicissimus, perhumaniter mihi concessit. De ipso autem huius exercitationis argumento pauca in præfatione monebo.

DISSERTATIO PRIMA

DE ORIGINE FESTI NATIVITATIS CHRISTI,
IN ECCLESIA CHRISTIANA
QUOTANNIS STATO DIE CE-
LEBRARI SOLITI [*].

§ 1. **I**n primitiva Ecclesia, dum eam Apostoli etiamnum, horumque pii successores gubernabant, verae religionis professores id sibi inprimis datum esse negotii putabant, ut ingentia beneficia Servatoris optimi, nostrae salutis causa, in carne manifestari, in eadem carne postea mortui, ad vitam revocati, et in coelos evecti, pura mente sanctaque meditatione continuo recolerent; de instituendis vero, aut etiam multiplicandis diebus festis, quibus eorundem beneficiorum memoria, quotannis, certis statisque diebus, solemniter celebraretur, solliciti haud erant. In id, beato illo tempore, omni mentis nisu et affectu erant intenti, qui Christo nomen dederant, ut in eius fa-
lu-

[*] Vide praefationem ante totum hunc tertium.

lutari cognitione, fide et gratia, laetos in dies progressus facerent, utque procedentibus annis, in studio pariter verae pietatis et sanctimoniae, beata caperent incrementa. Curae cordique ipsis ante omnia erat, ut ex plis animi sanctificati motibus persentiscerent, Christum Dominum, toti quondam mundo manifestatum, etiam re ipsa sibi natum, inque cordibus suis formatum esse; ut de communione sua cum passionibus et morte Servatoris, certi ac persuasi redderentur; utque vim fructumque resurrectionis apud semet ipsos experirentur. In constituendis vero ac determinandis annis, mensibus et diebus, quibus lux illa coelestis, per natiuitatem Christi mundo nostro exorta, eidemque per mortem, ad exiguum tempus, subtracta fuisset, ut nempe anniversariam illorum dierum recordationem, certo statoque tempore, peragerent, operam omnino videntur collocasse nullam. Quodsi Apostolis ipsis, aut primis eorum successoribus eadem fuisset, haec omnia certo sciendi et definiendi cupido, quae posthac tot eruditos viros inuasit, quorum in hisce rebus ingens discordia ac incertitudo satis nota est, et tempori, et labori, quem per saepe impenderunt, operoso parcere hi potuissent. At enim, quando sancti illi viiri nihil de rebus his memoriae nobis prodiderunt, incertitudo, qua hucusque urgentur docti temporum rimatores, quantum iudicare licet, porro durable, donec Dominus advenit, diebusque memorialibus opus iam amplius non fuerit.

§ 2. Si antiquissima Ecclesiae Christianae monumenta, ac praesertim ipsas S. Codicis tabulas consulimus, intelligimus facile, aevo Apostolorum, et quod huic proxime successit, unam solamque illam *diem*, quam scriptores sacri Κυριακην, *Dominicam*, nuncupant, Apoc. 1. 10, Christo Domino consecratam, inque eius honorem a Christianis solemniter et san-

sanctē celebratam fuisse. Diem Sabbati, vel Feriam VII, iidem in gratiam Iudaeorum cultui divino dicabant, ubi res tempusque id secum ferre aut poscere videbantur. Festa Paschatis et Pentecostes Apostoli ipsi, quando inter Iudaeos morabantur, cum iis celebrabant, ut sic eos forte Christo lucrarentur, etsi dubio locus non sit, Christianos illius aevi Festa haec cum Iudaeis quidem, et more ipsorum celebrasse, sed in privatis tamen suis conventibus, Actor. II. 47, illis ipsis temporibus, beneficia, quae Deus N. Testamento reservavit, memori mente recoluisse, Deoque pro illis grates sancte persolvuisse. Hinc, uti credere par est, paulatim enata sunt Festa Paschatis et Pentecostes Christiana, non amplius cum Iudaeis, sed peculiaribus temporibus, et ritu Ecclesiae Christianae penitus conveniente, celebrata. Festum vero prima illa aetate, toti Ecclesiae Christianae proprium et peculiare, erat tantum *Dies Dominica*, *μία τῶν σαββάτων*, *Feria hebdomadis prima, qua discipuli Domini conveniebant ad panem frangendum*, Act. XX. 7, ut in cognitione Iesu crucifixi se mutuo aedificarent, fidemque suam in illa cognitione fundatam, ac spem vivam, per commemorationem mortis Domini in usu S. Coenae confirmarent. Quod autem ad Festum Nativitatis Domini nostri speciatim attinet, quod Ecclesia, iam inde a temporibus seculi IV et V, die XXV Decembris solemnitate religiosa celebrare consuevit, certum est, de eo intra plus quam centum annos, post ascensionem Servatoris nostri in coelum, nihil prorsus auditum fuisse. Equidem negari nequaquam potest (a), quosdam e vetustioribus Eccle-

(a) Adducuntur hanc etiam in rem doctores Ecclesiae, qui primo et secundo seculo floruerunt, *Clemens Romanus*, *Erodus Antiochenus*, *Telesphorus* Antistes Romanus, *Hip-*

clesiae doctoribus, quos sequuntur plurimi in Ecclesia Romanensi scriptores, et ex ipso quoque Protestantium coetu nonnulli, in ea fuisse sententia, quam et aliis persuadere annuntur, diem natalem optimi Servatoris, Apostolos et ipsos celebrasse, et toti Ecclesiae celebrandum commendasse. Verum ex omnibus his non est quisquam, qui sententiae, quam asserit, bonis rationibus fidem conciliare, et a doctioribus assensum inpetrare potuerit.

§ 3. Inter scriptores Ecclesiasticos, qui aetatem tulere, antiquissimus est *Clemens Alexandrinus*, apud quem mentio deprehendatur natalis diei Christi, et Festi in illius memoriam instituti. Is enim Libro 1 Stromatum (b), circa finem Seculi 11, aut initium Seculi 111 contextorum, p. 340 ea de re haec observat: Sunt autem, qui curiosius natali Domini non solum annum, sed etiam diem assignant, quem aiunt esse anni xxviii Augusti (c) diem xxv Paschon. Basilidis autem sectatores etiam Baptismi eius diem celebrant, totam praecedentem noctem in lectionibus transigentes. Dicunt autem eum esse quipsum decimum annum Tiberii (d), quintum decimum Mensis Tybi. Alii autem, esse (e) undecimum eiusdem

Hippolytus Portuensis, quem alii *Thebanum* vocant, et praeter hos alii; sed frustra omnino, sicuti rationibus invictis ostenderunt *Thomas Ittigius*, in *Dissertat. de Festo Nativit. Christi* etc. et *Salomo van Til de anno, mense, et die nati Christi*. Part. 1 cap. 11 § 2, 3.

(b) Nam mortis Commodi Imp., quae in A. C. 192 ingruit, aliquoties meminit, tamquam Epochae memorabilis usque ad suum tempus ultimae, p. 336, 339, 340. Scripsit ergo sub imperio Septimii Severi.

(c) id est, Diem xx Maii.

(d) D. x Ianuarii.

(e) Diem vi Ianuar.

dem Mensis. Et paucis interiectis, sic pergit: *Dicunt etiam ex iis aliqui, eum natum esse (f) xxiv vel xxv Pharmuthi.* Verba haec viri, merito suo, semper summo in pretio habiti, luculenter ostendunt, I. in Ecclesia Alexandrina, cuius, illa iam aetate, magna ubique erat existimatio et auctoritas, cuiusque ritus Ecclesiasticos innumerae aliae Ecclesiae adoptabant suosque faciebant, Festum natalitium Christi, tum temporis, celebrari nondum consuevisse; sed existisse tantum nonnullos, qui in diem illius curiosius inquirere coeperint, eumque determinare conati fuerint. II. Eos, qui laborem hunc inquirendi in diem natalem Domini in se susceperunt, opinionibus a se invicem magnopere discrepasse. Nam sero nimis illi rem huius indolis discutere, et ad liquidum deducere in animum induxerant. Iudaea enim tempore illo vastata penitusque eversa erat. Urbes pristinas, quae praecipue adeundae fuissent, Hierosolymam et Bethlechemum, ignis dudum absumserat, et ex illis monumenta ad rem istam necessaria sperari nulla poterant. Apostoli alique discipuli Domini, qui eum in carne viderant, eorumque amici familiares et successores, qui forte aliquid huc pertinens suggerere potuissent, sancte obdormiverant. Cum igitur certi quidpiam, et quod omne dubium tolleret, resciri haudquaquam posset, locus non erat nisi coniecturis. Illae autem ita comparatae erant, ut huic quidem illa, alii vero alia maiorem probabilitatis speciem prae se ferre videretur. Re ipsa vero res haec utique (g) in incer-

ta

(f) Id est, die xix vel xx Aprilis.

(g) Communior quidem, a temporibus praesertim seculi v, fuit opinio, celebrationem diei natalis Christi, aligatam diei xxv Decemb., niti traditione antiquissima Apostolica. Sed fuerunt tamen semper, qui quam incerta haec

Tom. III

X

res

to relinquenda erat. Quibus addendum III. *Clementem Alexandrinum*, sicut et alios eo tempore in Ecclesia doctores fecisse, oppido verosimile est, laborem illum, quem nonnulli eruendo et determinando diei natali Christi impendebant, vocasse περιεργίαν, id est, operam, laboriosam quidem et difficilem, sed quae parum utilitatis pollicetur. Περιεργότερον, inquit, τῇ γενέσει τοῦ Σωτῆρος ἡμῶν οὐ μόνον τὸ ἔτος, ἀλλὰ καὶ τὴν ἡμέραν προστίθεντες, *Curiosius natali Domini, non solum annum, sed et diem assignant*. A voce περιεργος, qua utitur *Clemens*, est περιεργάζεσθαι, *curiose agere*, quod *Lutherus* 2 Thess. 111, 11, perquam commode reddidit *fürwitz treiben*. Neque omittendum IV. quod ex eodem *Clementis* loco, pariter et recte colligitur, *Basilidianos*, haereticos pessimae notae, et qui Catholicis, supra quàm credi potest, invisi erant, omnium primos Festum nativitatis Christo, certo quodam die, solemniter quotannis in Aegypto celebrasse. Didicimus vero ex *Clemente*, *Basilidianos* hos, eodem die, memoriam et nativitatis et baptismi Christi, religiose et solemniter reco-
luisse. Vnde concludere non abs ratione licet, alias in orbe Christiano Ecclesias, quae postea utriusque huius eventus recordationem festivam, iidem uno eodemque die instituerunt, in eo exemplum *Basilidianorum* imitatos fuisse. Qui iam ea, quae hactenus observavimus, iusta lance expendere dignatus fuerit, haud ita difficulter intelliget, Festum nativitatis Do-
mj.

res esset, probe perspicerent. Sic *Iacobus Edessenus*, qui seculo VII floruit, ea de re loquens, nemo, inquit, exacte novit diem nativitatis Domini: hoc duntaxat indubitabile est, eum noctu natum fuisse, ex his quae scribit *Lucas*. Apud *Assemanum* Biblioth. Oriental. Vatic. Tom. 11 p. 1636.

mini, circa finem seculi 11 eo modo, quo nunc, in Ecclesia Christiana celebrari nondum consuevisse; sed morem hunc, temporibus demum infecuris, paulatim in plures successive Ecclesias inductum fuisse.

§ 4. Observavimus tmemate superiori 3 ex Clemente colligi, diem nativitaris Christi, illius tempore, adeoque exeunte seculo 11, certo determinari non potuisse, quamvis essent, qui in eum inquirerent, et qui eum definire auderent. Non dissimulabo autem, apud scriptorem eundem talia praecedere, quae contrarium eius, quod dixi, adstruere videntur. Haec enim ibi sunt scriptoris laudatissimi verba: *Γίνονται οὖν ἐφ' οὗ δ' ὁ Κύριος ἐγενήθη, ἕως Κομβίου τελευτῆς, τὰ πάντα ἔτη ἐκχτὼν ἐγγενήκοντα τέσσαρα μὴν εἰς (h), ἡμέραι γ'.* Fiunt autem, ex quo natus est Dominus, usque ad mortem Commodi, anni omnes cxciv. mensis unus, dies tres. Vnde vir clarissimus Salomo de Till ita argumentatur (i): Patet, ex mente Clementis, non solum anticipandam esse aeram vulgarem integro biennio, sed et mense uno et diebus tredecim, ut natalis Christi ponatur anno Jul. 43, 13. Kal. Decembris: (d. 19 Novembr.) ita enim invenias demum mensem illum unum cum diebus tredecim iusto loco insertum: quod propterea diligentius notandum est, quia vix ultus est, qui eius mensis, et istorum dierum, in exponenda Clementis sententia rationem habuit. Et (k) alio loco: Quinta est sententia ipsius Alexandrini, quam licet non expresse tradat, tamen suo calculo in-

(h) Editio prima Graeca Florentina, habet hic p. 128. *ἡμέραι γ', πρὸ ἡμέραι γ', dies tredecim.* [non aliter edidit Papyrus p. 407].

(i) In Commentatione de Anno, mense et die natæ Christi, Part. I cap. 1 § IV. p. 6, 7.

(k) Cap. 11 § VII. p. 37.

dicat, dum a nativitate Christi, usque ad Commodi mortem (in ultimum Decembris incidentem) praeter annos 194 putat adhuc mensem unum et dies tredecim, unde iam supra confecimus, virum illum magnum, natalem Christi collocasse ad XIII Kal. Decembris, qui est XVIII Novembris (imo potius XIX Novembr.) anni Jul. XLIII. Verum, si haec fuit sententia Clementis, tum dies nativitatis Christi Domini, scriptori huic certa erat et determinata. Et qua ratione verba haec eius conciliari possent cum iis, quae confestim sequuntur, temetate 3. allata, in quibus curiosam eorum diligentiam, qui in diem natalem Christi inquirebant, reprehendit, et rem penitus in incerto relinquit? Hanc fuisse veram Clementis sententiam, omnia aperte loquuntur. Ratio vero temporum, quam in praecedentibus a nativitate Christi ad mortem usque Commodi deducit, mihi quidem videtur perplexa, et sine ope codicum MSS. vix expedienda. Et si re ipsa Clemens in computo suo, a die nativitatis Christi, non annorum tantum, sed et mensium et dierum rationem habuisset, qua ratione, quaeso, illico subiungere potuisset: *Sunt autem, qui curiosius natali Domini non solum annum, sed etiam diem addunt?* His ergo praetermissis, illis inhaerebo, in quibus scriptor optimus veram suam sententiam mentemque nobis luculenter declaravit.

§ 5. Revertamur iam in viam. Primus nempe est, ut diximus, Clemens Alexandrinus, qui Festi nativitatis Christi, in Ecclesia, aetate sua, qualicumque modo celebrati, mentionem fecerit. Neque supervacaneum fuerit, hic monuisse, quod viri harum rerum egregie periti observarunt (1), post Clementem, Fe-

(1) Mémoires de Mr. Tillemont pour servir à l'histoire Eccles. Tom. I p. 433.

Festum Epiphaniae, quo in Oriente memoria et nativitatis et baptismi Christi peragebatur, non commemorari ante annum 372 (m), quo Valens Imperator Caesareae in Cappadocia celebrationi huius Festi interfuit. Verum ad *Clementem* redeamus, eiusque observationi, iuxta quam anniversariam et solemnem commemorationem baptismi Servatoris nostri, adeoque etiam nativitatis, quia utrumque eodem die primitus peragebatur, Basilidiani primi in Ecclesia instituerunt, nonnihil etiamnum inhaereamus. Basilidiani isti sectam componebant numerosam, per Aegyptum totam, praesertim vero inferiorem, dispersi, erantque propago Gnosticorum, quorum dogmata probabant, suaeque faciebant. Hinc vel sic satis intelligitur, quod etiam historia confirmat, eos argutis potius Philosophis, quam piis Christi discipulis, annumerari debere, tametsi cum nugis Philosophiae suae Orientalis, vel, uti aliis eam nuncupare placet, Platonicae recentioris, dogmata quoque sanctae nostrae religionis, sed mirum in modum contorta, ac ad principia sua Philosophica inflexa, copula infausta coniungere, et in unum systema compingere allaborarent. Id enim Gnosticis, quorum Basilidianos propaginem aut sectam diximus, proprium fuisse, historia Ecclesiastica satis testatur. Basilidiani igitur, moribus scholae suae velificantes, subtilia potissimum, obscura et intellectu difficilia, atque rara, aliorum fere cognitioni negata, sectabantur, scientiam sibi arrogabant sublimem, ideoque nomen affectabant *Gnosticorum*, quasi dicas *profundae cognitionis professores*.

(m) *Gregorius Nazianzenus* Orat. xx. Opp. Tom. 1 p. 351. Adae *Tillemontium*, loc. cit.

res. Præterea τῇ περὶεργίᾳ, curiositati cuidam vanæ et insani, modum ponebant nullum. Eo referendum est, quod (n) in conquirendis imaginibus veterum, sibi in primis charorum Philosophorum, *Pythagoræ, Socratis, Platonis*, hisque similibus, studium impenderent haud mediocriter, hisque adiungerent imagines Christi Domini, ex thesauro, ut aiebant, Pontii Pilati, Romani in Iudæa Procuratoris, derivatas. Et imagines has omnes mirifico prosequerentur honore, et propemodum divino. Quæ cum ita se habeant, vero dissimile non est, imagines Christi, quæ pro talibus venditari in Ecclesia, a multis iam seculis, solitæ sunt, et quæ notabilem inter se similitudinem præ se ferunt, ex qua facile dignoscuntur, per Gnosticos primum inter cultores Christi sparsas, ac deinde propagatas fuisse.

§ 6. Eidem hominum huiusce indolis genio et studio deberetur, quod Philosophi e Secta Platoniorum recentiorum, natales carissimorum suorum maximeque venerabilium magistrorum, vertente anno quovis, pompa religiosa omnique honoris genere prosequerentur. Equidem consuetudinis huius origines multo sunt antiquiores. *Platonis* enim et *Socratis* Festa natalitia, ab antiquo tempore, mense Thargelione celebrata fuisse, vel (o) ex *Plutarcho* constat. Quinimo *Epicurum* Philosophum testamento fancivisse, ut ex redditibus, a se relictis, pars attribueretur in sacrificia ipsi in natali die, qui quotannis decima die

(n) Testantur hoc *Irenæus*, adversus Hæres. Lib. I c. xxv. §. 6. edit. ultimæ; *Epiphanius* Hæresi xxvii. § 6. et *Augustinus de Hæresibus* cap. 7. Vide et Dissertat. meam de origine imaginem Christi § 10.

(o) *Plutarchus* Symposiac. Lib. viii. c. i. p. 717.

die mensis Gamelionis agi deberet, facienda (p), ex ipso hoc testamento satis intelligi potest. Testatur etiam *Plinius* maior Lib. xxxv. cap. 2, sua adhuc aetate, fautores et admiratores *Epicuri* praescriptum hocce religiose observasse. *Vultus Epicuri*, inquit, *per cubicula gestant, ac circumferunt secum. Natali eius vicesima luna sacrificant.* Verum ex historia tamen Philosophica perspicuum fit, morem istum sectatoribus Philosophiae Platonicae recentioris, cui dediti erant Gnostici, et sigillatim Basilidiani, fuisse imprimis familiarem et carum. De Plotino, inclyto sectae illius sodali, memoriae prodidit (q) in eius vita *Porphyrus* cap. 11: *Ipse vero Plotinus, neque quo mense, neque quo die natus esset, cuiquam declaravit: quippe cum nequaquam decere putaret, natalem eius convivii et sacrificiis celebrari. Quamvis ipse in Platonis Socratisque, quae traduntur, natalibus, et sacris operaretur, et convivio amicos exciperet.* Quanta fuerit *Procli*, Philosophi ex eadem schola magni nominis, circa huiusmodi ritus natalitios cura et sollicitudo, *Marinus* discipulus, in eius vita, tradit cap. 36. Alia lector harum rerum studiosus inveniet in *Ennapii vitis Philosophorum*, qui omnes fuerunt eiusdem scholae alumni. Sed loca quaerere et indicare iam non vacat. Accedit ad ea, quae de moribus Gnosticorum observavimus, quod (r) Gen-
ti-

(p) Adfert testamentum hoc *Diogenes Laërtius* de vitis Philosophorum Lib. x § 16. sqq. et ex eo, quae huc spectant, repetit *Cicero* Lib. 11 de Finibus, cap. 31.

(q) Apud *Fabricium* in Bibliothec. Graec. vol. 1v P. 95.

(r) Res est oppido nota. Possunt tamen, si lubet, consuli *Iac. Ouzellii* Animadversiones ad Minutium Felicem P. 43.

tiles Festa Deorum suorum natalitia frequenter magna pompa celebrarent; quare credi utique potest, Gnosticos, interque eos speciatim Basilidianos, qui primi, ut auguror, inter Christianos, ritus plures in sacris Gentilium observatos, ad coetus suos Ecclesiasticos transfulerunt, etiam hoc Gentilium exemplum imitatos fuisse, solemnitatem natalis Christi instituisse, et cum illa memoriam baptismi eius sociasse. Quod Basilidiani illis, quas modo suggessi, rationibus inducti, in Ecclesias sectae suae initiatas invexerunt, postea Catholici quidam paulatim probarunt et adoptarunt, atque successu temporis, in Ecclesias suas admiserunt, neque sine insigni fructu. Nam cum insignis ille pro vera religione zelus, qui primos Christi et Apostolorum eius discipulos totos animaverat, pederentim frigescere et languere coepisset, opus erat quibusdam veluti igniculis et incitamentis, quibus pristinus pietatis et devotionis ardor denuo incendiatur, ad vitam veluti revocaretur, novumque robur acciperet. Hunc igitur in finem Festa, beneficiorum Dei memorialia, interque ea Festum quoque nativitatis Domini, non sine fructu et aedificatione instituta sunt.

§ 7. Quodsi igitur *Clementi* nostro fidem adhibeamus, et quidni adhiberemus? Basilidiani, famosa illa Gnosticorum secta, primi Festum nativitatis Christi, quoniam is die statuto, in Ecclesia celebrarunt. *Basilidis sectatores*, inquit ille, *etiam baptismi illius diem celebrant, totam praecedentem noctem in lectionibus transigentes.* Haec mihi videtur prima Festi huius Epochā. Equidem, si quis verba haec eximii scriptoris obiter tantum consideret, videri poterit, non nisi de memoria baptismi Christi, in Iordane peracti, locutus esse. At totus verborum *Clementis* contextus, rite expensus, aliud omnino docet. Is enim et

in praecedentibus, et in iis quae sequuntur, proprie et praecipue verba fecerat de natati Christi, dixeratque illum a quibusdam haberi *diem xxv. Pachon* vel *xx Maii*. Tum vero addit, Οἱ δὲ ἀπὸ Βασιλείδου, καὶ τοῦ Βαπτισματος αὐτοῦ τὴν ἡμέραν εὐορτάζουσι, quasi dixisset, *Basilidiani non diem nativitatis tantum, sed praeterea etiam baptismi celebrant die x vel vi Ianuarii*. Scimus porro, procedente tempore, et ab aliis, et (s) maxime a Graecis Aegyptum incolentibus, natalem et baptismum Christi, eodem, nempe Epiphaniarum die, celebrata fuisse. Quem morem paulatim Oriens totus imitatus est, nec ab eo Ecclesias quasdam in Occidente alienas fuisse deprehendimus. *Veteres uno eodemque die*, inquit (t) *Dionysius Barsalibi*, Amidensis in Mesopotamia saeculo xii Episcopus, *Festum nativitatis et Epiphaniae peragebant, quoniam eadem die natus et baptizatus est. Quare hodie etiam ab Armenis uno die ambae Festivitates celebrantur*. Quibus adstipulantur doctores, qui de utroque Festo simul loquuntur. Cum igitur consuetudinem hanc inter Catholicos omnium primi observaverint Graeci in Aegypto, ubi Basilides eiusque sectatores id ipsum dudum autem iam instituerant, et saeculo ii toto, et forte parte maxima saeculi

III,

(s) *Iacobus Gothofredus* ad Codicem Theodos. Lib. xv. Tit. v, Tom. v. p. 355, ubi plura habes huc spectantia. Vide et *Cotelerii* notas in Constitut. Apostol. Lib. v c. 13 et *Binghami* Origines Ecclesiast. Lib. xxi. cap. iv. § 2. Adde *les Mémoires de Mr. Tillemont* Tom. 1. p. 429, 430. et *l'Histoire de Manichéisme de Mr. de Beausobre* Tom. ii. p. 693. sqq.

(t) Apud *Ioseph. Simon. Assemanum* Biblioth. Oriental. Tom. ii. p. 164.

III; soli retinuerant, vix est, quod quisquam dubitet, consuetudinem hanc, solemnitatem duplicem eodem die celebrandi, quae iucunda pietatis specie se commendabat, ab haereticis ad Catholicos dimanasse. Dixi, duplicem eodem die solemnitatem fuisse celebratam, in memoriam tum nativitatis, tum baptismi Christi Domini. Verum (u) eodem illo die, qui nomen *Epiphaniarum* et *Theophaniarum* ab illo tempore servavit, solebat quoque peragi recordatio adventus Magorum Orientis ad Christum, et primi miraculi a Domino Canae in Galilaea editi, quo aquam in vinum mutavit; quem ritum pariter Basilidi et Basilidianis deberi, mihi certo persuasum est. Ex eo vero non absurde colligi posse videtur, Basilidianos Festum hoc, inque eo memoriam eventus quadruplicis, non eam ob causam celebrasse, quod existimarent, omnia illa, quorum recordationem religiosam et solemnem uno die coniungebant, olim re ipsa, diversis quidem annis, sed eodem semper die contigisse; verum in eam potius pedibus eo sententiam, haereticos hos, ob rationes symbolicas et emblematicas, memoriam quatuor ingentium beneficiorum Christi, uno eodemque die, celebrare voluisse, quoniam quatuor illos dies, qui testes fuerant horum tam insignitorum beneficiorum Christi, pro diebus totius vitae Christi gloriosissimis habebant, quibus nempe gloriam suam hominibus manifestaverit, quod de uno eorum conceptis verbis affirmat Scriptior historiae sacrae, *Iohannes Evangel.* c. II. v. II, eaque de causa, recordationem eorum omnium, uno die peragi volebant. Hinc forte ratio peti posset, quod Graeci diem illum, exemplo Basilidianorum, non appellaverint τὰ γενέθλια, *Festum*

(u) Vide auctores paulo ante citatos.

lum nativitatis Iesu; sed ἐπιφάνια, Festum apparitionis illius, et Θεοφάνια, Festum manifestationis divinae Iesu, quamvis minime inficias eam (v), τὰ ἐπιφάνια, ex usu Graecae linguae, et Patrum Graecorum, etiam significare posse et re ipsa significasse Festum natalitium Iesu.

§ 8. Dies ille, quem Basilides, aut sectatores eius, memoriae nativitatis et baptismi Christi sacrum esse voluerunt, erat d. xi Mensis Aegyptiorum *Tybi*, cui respondet d. vi *Ianuarii*. *Clementem* disertis verbis id testantem vidimus, § 3. Equidem is ipse ibidem addit, alios sectae Basilidianorum alumnos, solemnitatem hanc peragere d. xv *Tybi*, sive x *Ianuarii*. At mihi persuasum est, Basilidianos omnes celebritatem hancce, uno eodemque die, nempe d. vi *Ianuar.* peregisse. Potestque non citra causam dubitari, hauserintne *Clemens* id, quod de d. x *Ianuar.* scribit, ex bonis fideque dignis monumentis. Multa quidem ille e Basilidianorum et dogmatibus et ritibus passim profert, at non videtur ipse cum haeticis his familiariter conversatus esse. Didicit id, quod de d. xv *Tybi* commemorat, aut ex aliorum relationibus, aut ex libro quopiam scripto, in quo forte, quod non raro contigisse satis novimus, nota numeralis depravata erat. *Clemens* illic legerat τὴν ιε τοῦ τυβι, diem xv *Tybi*, pro eo quod scribi debuisset, τὴν ια τοῦ τυβι, diem xi *Tybi*, quae est vi *Ianuarii*. Error adeo levis admitti facillime potuit, sed et eadem facilitate a nobis deprehendi et emendari. Ut vero verbis *Clementis*, uti hodie leguntur, mendum subesse su.

(v) De usu huius vocis, imprimis Ecclesiastico, vide *Casauboni* Exercit. adv. Baron. II. num. xi, et praeter alios *Suicri* Thesaur. Ecclesiast. in vocibus illis.

suspicer, pluribus inducor, neque minimi momenti rationibus. Nam diei x *Ianuar.* solemniter celebrati, in uno tantum illo *Clementis* loco, de quo disputamus, mentionem deprehendimus. Praeter eum non invenias, qui rem hanc vel verbulo tetigerit. At quem fugit, quam celebris, quam sollemnis extiterit, quam sancta habita fuerit, seculo iv et v in toto Oriente dies vi *Ianuarii*? Et quandoquidem *Clemens* aperte testatur, diem illam suo tempore, id est, exeunte seculo ii, a solis Basilidianis, in memoriam nativitatis et baptismi Divini nostri Servatoris, concelebratam fuisse, plusquam probabile est, ab his reliquos Orientales morem hunc mutuo sumsisse, et imitatione sua dignum censuisse. Apud hos vero, de Festivitate aliqua, die x *Ianuar.* celebrata, nemo quidquam fando umquam audivit. Habuerunt porro Basilidiani rationem, neque penitus spernendam, ob quam memoriam natalis diei Christi, die quapiam certa ac stata, vi nempe *Ianuar.* quovis vertente anno, celebrandam esse ducerent, quam mox aperiā, Diff. ii § 8, et hanc rationem probarunt omnino et secuti sunt, qui in Occidente Festum hoc a d. vi *Ianuar.* ad d. xxv *Decembris* transferre maluerunt, quod pariter in sequentibus evincere conabor. Illa vero ratio in Aegypto quidem convenit diei vi *Ianuarii*, haudquam vero diei x: diem igitur vi *Ianuar.* et hunc solum, Basilidis sectatores primi elegerunt, quo memoriam nati, terrisque donati Servatoris, aliorumque eius beneficiorum celebrarent. A Basilidianis mos hic, ut credo, transit paulatim ad Gnosticos omnes, et hos, labente tempore, pedetentim imitati sunt Catholici in Oriente, in quorum coetus celebritas haec successive introducta est, seculo iii adulto, aut iv inchoato, etsi tamen ne initio quidem

dem huius seculi IV (w) ubique, praesertim in Occidente, obtinere potuerit. Nam cum in coetu Gnosticorum, dies VI *Ianuar.* a tempore tam longo celebratus, eoque memoria nativitatis Christi constanter peracta esset, vero admodum videtur simile, alios, procedente tempore, in eas incidisse cogitationes, diem a tot hominibus usu tam diuturno consecratum, et solemnitate religiosa reverenter habitum, esse illum ipsum diem, quo Servator mundi, ante aliquot secula, lucem adspexerit, atque id ex antiqua et certa traditione haberi. Ecclesiam namque, saltem Orientalem, seculo IV in ea fuisse persuasionem, dubitari vix potest. Itaque ex communi tum recepta sententia, scribit Epiphanius (x): *Quicquid sit, non dubium est, XI die Tybi secundum Aegyptios, Salvatoris ortum accidisse. Et eadem d. XI Tybi postea, trigesimo anno veriente, primum in Cana Galilaeae miraculum edidit, tum cum ex aqua vinum est factum.* Eandem sententiam, suo etiam tempore, secutus An-

(w) *Origenes*, cuius nomen circa an. 230. ubique clarum erat, Lib. VIII adversus *Celsum*, p. 392. inter tempora Christianorum sacris dicata, non numerat, nisi *Dominicas, Parascevas, Pascha et Pentecosten, recurrentes solemniter.* Epiphania aut Theophania non commemorat. Et quando *Arnobius* post initia Seculi IV Ethnicis obijcit, Lib. VII adversus Gentes p. 438. *Telluris natalis est: Dii enim ex utero prodeunt, et habent dies laetos, quibus eis adscriptum est, auram usurpare vitalem?* an non satis prodit, Festum natale Christi, in Africa tum celebrari non consuevisse. Et in universum probari non potest, in Ecclesia Africana Festum natalitium Christi Domini celebratum fuisse ante seculum IV. adultum. Vide les *Mémoires* de Mr. de Tyllemont, Tom. I p. 430, et 419.

(x) *Adversus Haereses*, Haeresi LI § XXI.

nymus quidam Syrus, ab *Affemano* adductus (y), *Mense Ianuario*, inquit, *natus est Dominus*, *eadem die*, quo *Epiphania celebramus*, *id est*, *vi Ianuar.* Quae res cum ita se habeat, mirum nemini videri potest, Ecclesiam unam ab altera ritum hunc celebrandi Festum natalitium Christi, qui aedificationem publicam insigniter iuvabat, paulatim mutuatam esse, donec tandem ille, post initia seculi iv, ad Ecclesias fere omnes transisset.

§ 9. At seculum illud idem quartum, cuius ultimo loco mentionem feci, magnam negotio huius mutationem intulit; ex uno enim Festo, nativitatis Christi et adventus Magorum ad eum, semper eodem die celebrari solito, exorta sunt duo Festa diversa, quorum alterum, quo recolitur memoria nativitatis Domini, illigare iam placuit d. xxv *Decembris*, alterum vero, quo renovabatur recordatio apparitionis Christi, factae Magis, relinquebatur diei *vi Ianuarii*. Mutationem hanc in Ecclesia Romana primum fuisse susceptam, vix dubitari potest. Aut (z) si illic mutatio nulla contigit, dicendum erit, Ecclesiam istam, cum antehac Festum nativitatis Domini non admisisset, et nunc iam aliarum Ecclesiarum consuetudinem imitari vellet, illi tamen diei, quam hucusque Festivitati huius religiosae consecraverant ceterae Ecclesiae, nempe *vi Ianuar.*, novo exemplo alium substituisse, d. xxv *Decembr.*, et hocce eius exemplum ad alias successive Ecclesias pertransisse. Veros tamen et pro-

(y) Apud *Affemarium* in Bibliotheca Orientali Vaticana, Tom II p. 164. b.

(z) *Tillemonio* verosimile fit, in Occidente memoriam nativitatis Christi semper celebratam fuisse d. xxv *Decembris*.

proprius temporis illius articulus, qui novam consuetudinem Romae exorientem vidit, certo et accurate definiri nequit. *Iosephus Scaliger* (a) non sine magna veri specie censuit, contigisse hoc post mortem Constantini M., quae in an. 337 ingruit, verum tamen (b) ratio, qua sententiam hanc fulcire annisus est, eum fefellerit, adsunt tamen aliae, quae mihi eandem magnopere persuadent. Certe (c) in Calendario antiquo Ecclesiae Romanae, contexto, ut videtur, circa A. 354. et a *Bucherio* edito, Festum natalitium Christi illigatur d. xxv Decembris. Quare quando *Ambrosius* Mediolanensis sorori suae Marcellinae, in memoriam revocat, quod (d) praesente Liberio Episcopo, qui Ecclesiae Romanae ab a. 352 usque ad 366 praefuit, *die Salvatoris natali*,

vixit.

(a) De Emendatione Temporum Lib. vi. p. 545.

(b) Magnus ille vir in ea erat sententia, Chrysostomum, evectum postea ad Episcopatum Constantinopolitanum, Homiliam illam, ex qua particulam aliquam mox adscribemus, recitasse Constantinopoli; ex eo ita concludebat rationesque subducebat: Si tempore iam Constantini M. Festum Christi natalitium celebratum fuisset d. xxv Decembr., Imperator ritum hunc, ut multa alia, in novam suam Romam, nempe Constantinopolin, invexisset. At *Chrysostomus* in illa Homilia testatur, diu demum post, Festi huius solemnitatein introductam fuisse Constantinopoli. At certum est, et a viris doctis rationibus bonis evictum, Homiliam illam non Constantinopoli, verum Antiochiae in Syria fuisse habitam. Ceterum in eadem Homilia fatetur Praesul disertus, Festum nativitatis Christi, in Thracia, adeoque Constantinopoli quoque, iam antehac celebrari consuevisse.

(c) Les Mémoires de Mr. *Tillemont* Tom. i. p. 419. 2.

(d) Lib. de originibus, init., Opp. Tom. i. p. 84. edit. Basil. 1567.

virginitatis professionem signasset, alius quam *xxv Decembr.* intelligi haud potest. Si fides haberi posset Epistolae *Iohannis Nicaeni* Archiepiscopi, ad Zachariam Armenum (e). a *Combesio* publicatae, et historiolae auctoris cuiusdam Anonymi, quam e *Coydice* MS. Parisiensi dedit (f) *Cotelerius*, Iulius Romanus Episcopus, Liberii decessor, qui a. 337 ad 352 Ecclesiam Romanam rexit, post institutum rei huius examen sollicitum, primus decrevit, ut natalis Domini nostri celebraretur d. *xxv Decembris*. Et si vero (g) narrationes illae insulae plurimis scateant fabulis, multiplicemque et crassam historiae ignorantiam prodant, improbable tamen non est, tempore Iulii, Festi huius in d. *xxv Decemb.* coniecti celebrationem Romae inestam fuisse. Ideoque *Calendarium Romanum*, cuius mentionem paulo ante feci, quodque anno circiter 354, biennio post mortem Iulii, adornatum creditur, Festum hoc commemorat, tamquam ab aliquo iam tempore Romae celebrari solitum.

§ 10. Quidquid autem sit, de eo certo constat, consuetudinem, Romae primum stabilitam, ut dies natalis Christi d. *xxv Decembris* celebraretur, post medium seculi iv paulatim per Orientem totum propagari coepisse, diei vero vi *Ianuar.* partem tantum pristinae Festivitatis religiosae, memoriam nempe adventus Magorum ad Iesum, et baptismi, quo a Iohanne in Iordane tinctus fuit, propriam permanisse.

Non

(e) In Auctario Bibliothecae Patrum, Paris. 1648, Tom. 11 col. 297.

(f) In notis ad Constitutiones Apostolicas Lib. v c. 13.

(g) Vide *Cotelerium* loc. cit. Les Mémoires de Tillemont, ubi supra p. 418. Dissertation de Mr. des Vignoles, touchant le iour de Noël, dans la Bibliothèque Germanique Tom. 11 p. 32 et sqq.

Non ignota sunt verba magni *Iohannis Chrysostomi*, quibus id testatur, et a viris eruditis pluribus in medium iam allata. Sed nec ego omittere ea hic possum. Ita vero Patrum facundissimus, in Oratione, qua solemnitatem Festi natalitii Christi, A. 386, Antiochiae prosequi voluit, hac de re loquitur (h): *Nondum decimus annus est, ex quo hic ipse dies manifeste nobis innotuit. Attamen perinde, ac si iam olim a multis annis nobis traditus esset, ita opera vestra celebratus inclaruit. Quare non erraverit, qui eundem novum simul et antiquum nuncupet: novam quidem, quod nunc demum illius notitia ad nos pervenerit, antiquum vero et vetustum, quod celeriter, vetustioribus aetate velut suppar, redditus sit, et ad eandem cum ipsis aetatis mensuram pervenerit.* Et quibusdam interiectis: *Non aliter hic dies, cum ab exordio iis, quia in Occidente habitant, cognitus fuerit, nunc ad nos demum, non ante multos annos transmissus, repente ita increvit, talemque tulit fructum, qualem nunc cernere licet. Et post plura: Nam multos etiam nunc de eo ipso inter se disceptare, probe novi, et hos quidem illum reprehendere, alios defendere: multus ubique de hoc die sermo; partim incusantium, quasi novus sit, nuncque recens inventus; partim eundem propugnantium, tamquam antiquum et vetustum. Et post alia nonnulla: Et iam inde a primordio, ab ipsa Thracia ad Gades incolentibus, manifestus et celebris fuerit.*

§ 11.

(h) *Chrysostomus Operum Tom. II. edit. Montfaucon. p. 355.* Quod vero ad tempus attinet et locum, ubi Homilia illa fuit habita, id omne perdocte exponitur in *Montfauconii Monito de hac Homilia p. 352.*

§ 11. Ex his tamen satis liquere arbitror, adulto seculo iv diversas admodum fuisse in Ecclesiis Orientalibus, circa verum Festi illius celebrandi tempus, hominum sententias, plurimosque etiamnum, consuetudini recens a Romanis inuestae, antiquiorem, quae Festum natalitium Domini die vi *Ianuarii* fixerat, constanter praetulisse. Idque etiam ex historia illius temporis confirmatur. Nam in ipsa illa Ecclesia, quae reliquarum omnium mater extitit, Hierosolymitana, seculo demum v Iuvenalis Episcopus, qui Concilio Ephesino, adversus Nestorium coacto, A. 431, interfuit, diem natalem Domini, ritu Romano; die xxv *Decembris* primus celebrari voluit, quod testatur (i) *Basilius Seleuciensis*, illius aequalis, adstipulante (k) auctore anonymo historiologiae illius, cuius § 9. mentionem inieciimus, quae falsis et incertis vera quoque nonnulla adtexta habet. Consimiliter in Cypro Insula, quo tempore *Epiphanius* Episcopatum Salaminiensem administrabat (l), uti is ipse testatur in *Panario*, A. 374 et sequentibus conscripto, mos antiquus, celebrandi natalium Christi memoriam die vi *Ianuarii*, etiamnum obtinuit. Et *Epiphanius* ipsi certum videbatur et exploratum, non alio quam hoc die, Servatorem optimum lucem huius mundi adspexisse. Quare mirum videri nemini potest, in Aegypto, quae Festi huius institutionem prima vidit et admisit, cultores Christianae religionis pristini sui moris, saltem ad an-

(i) In *laudatione S. Stephani* (a *Combesio* inter alia Monumenta Ecclesiae Graecae edita Paris. 1656. 8vo.) p. 302.

(k) Vide *Cotelerii* notas ad *Constitutiones Apostolicas*, Lib. v. c. 13. Adde Opera *Cyrilli Hierosolymitani* p. 370, 371, edit. Touttei.

(l) Haeresi L. 1. § 29. vide et § 24, 27.

annum usque 425, tenaces fuisse et mansisse. *Iohannes* enim *Cassianus*, qui septem annos in Aegypto exegit, et ab A. 424 ad scribendum se contulit, haec memoriae prodidit, *Collatione* x c. 1: *Intra Aegypti regionem, mos iste antiqua traditione servatur, ut peracto Epiphaniorum die, quem Provinciae illius sacerdotes, vel Dominici baptismi, vel secundum carnem nativitatis esse definiunt, et idcirco utriusque sacramenti solemnitatem, non bisarie, ut in occiduis Provinciis, sed sub una huius diei festivitate concelebrant.* Sed non ita diu post annum, quem modo nunc designavi, 324 vel 325, tempore *Cyrilli Alexandrini* Episcopi, etiam Aegyptus pristinum suum ritum celebrandi Festum natalitium Christi, cum novo Romano commutari passa est, quod ex indicio non uno (m) *Tillemontius* ad liquidum perduxit. Et ab illo tempore, reliquae in orbe Orientali Ecclesiae, exemplum Aegyptiorum paulatim secutae, ritum Ecclesiae Romanae adoptarunt, praesertim postquam (n) *Theodosius* iunior, et post eum *Iustinianus*, Imperatores, leges hac de re tulissent. Quin imo post haec persuasio homines invasit (o), institutum hoc derivatum esse ex traditione Apostolica, a qua secedere Christianos parum deceret. Soli, quantum nunc recordari possum, Armeni (p), pristinam consuetudinem de-

(m) *Mémoires pour servir à l'histoire Ecclesiastique*, Tom. 1. p. 420.

(n) *Pagius*, in *Critica Annalium Baronii* ad A. C. 553. num. XXI. XXII.

(o) Vide *Tillemontium* loc. cit. p. 416.

(p) *Dionysius Barsalibi* apud *Assemanum*, *Biblioth. Oriental.* Tom. 11. p. 164. a. et b. *Clementis Galani Historia Armena*, p. 50. sqq. edit. Colon. 1686.

deferere, religioni sibi duxerunt; quos tamen idcirco (q) *Dionysius Barfalibi*, Amidenſis in Meſopotamia ſeculo xii Episcopuſ, homineſ *durae cervicis, craſſaeque mentis, veritati non obediētes*, vocare veritus haud eſt.

§ 12. Vbi ergo rituſ ille, Feſtuſ natalitiuſ Chriſti Domini, die xxv *Decembris*, celebrandi, ab Eccleſia Romana ad reliquaſ in toto orbe tantuſ non omneſ dimanavit, credi quoque paſſim coepit, eum niti antiqua traditione Apoſtolica. Ipſe *Chryſoſtomuſ*, in Oratione illa ſacra, ex qua nonnulla attuli § 10, auditoribuſ ſuiſ perſuadere conatur, ſolemnitateſ illiuſ diei, ab antiquo, ipſiſ videlicet Apoſtoſiſ, quod facile ſuggerere vult, ad ſuū uſque tempuſ propagatam fuiſſe. Verum ne hoc quidem contentuſ, quandoquidem multi, quod diſſiteri haud poteſt, veritateſ antiquae huiuſ, ut credebat, traditioniſ in dubiuſ vocabant, dictiſ alio praeterea argumento, ex hiſtoria Evangelistaſum de nativitate Chriſti depromto, fidem conciliare annititur. Locuſ ex oratione eiſ integruſ hic deſcribere, prolixuſ valde foret. Cum vero totaſ illiuſ argumentationeſ in pauca contraxerit doctiſſimuſ (r) *Vignoliuſ*, ea repetenda hic eſſe duxi. Ita vero rationeſ *Chryſoſtomi* procedunt. *Elizabethe* (mater Iohanniſ Baptiſtae) *ſextuſ meſeſ gravida iam erat, cum benediſta virgo Maria conciperet: Zachariuſ autem, in Sancto Sanctoſum ſacriſ operabatur, quādo Angeluſ Domini ipſi apparuit, futuruſ filii Iohanniſ ex uxore partuſ eidem annuntianteſ. Sacerdoti autem ſummo, et quidem ſolū, nonniſi ſemel*
quot-

(q) Loco citato.

(r) Diſſertation de Mr. des Vignoleſ, touchant le Jour de Noël, ubi ſupra p. 40, 41.

quotannis, Sanctum Sanctorum ingredi licebat, die videlicet magno expiationis, qui erat x mensis Tisri, inque finem mensis Romanorum Septembris ingruere solebat. Si vero a Septembre exeunte, sex menses numeres, inuenies, conceptionem Christi Domini, in ultima mensis Martii incidere, quo pacto nativitas eius novem mensibus post, in finem Decembris coniicienda erit. Calculos hos e veteribus (s) alii etiam magnopere probant. Sed iam dudum observarunt monueruntque viri docti, in hac doctoris eloquentissimi ratiocinatione, multa ut vera et certa poni, quae tamen longe aliter se habuisse, indubitata scimus, et cum veritate consistere haudquaquam possunt. Nam si vel de ceteris constaret, praecipuum tamen rei huius fundamentum, cui reliqua superstruuntur, quod Zacharias nempe munere functus fuerit Pontificis maximi: quod Angelus in Sancto Sanctorum verba ad eum fecerit: quodque omnia haec contingerint die x Tisri, qui secundum calculos (t) Scaligeri, tum fuit d. xxvii Septembris, hoc inquam fundamentum, totum quippe ex erroribus conflatum, non potest non corruere. Inter Pontifices maximos Iudaeorum huius temporis (u), nullus commemoratur Zacharias. Is vero in historia Evangelica Lucae, cap. i

V. 5.

(s) Vide Scaligerum de emendatione temporum Lib. vi p. 543, Chemnitii Harmoniam Evangelicam, cap. ii p. 47, Salomonem à Til. de anno, mense, et die nati Christi, Part. i cap. ii §. v, L'Histoire de Manichée, de Mr. de Beausobre Tom. ii p. 697. sqq.

(t) De emendatione temporum, ubi supra.

(u) Series horum Pontificum videri potest apud Seldenum, de successione in Pontificatum Hebraeorum, Lib. i cap. xi,

v. 5. appellatur tantum. *ἱερεὺς*, *Sacerdos* gregarius. Ibidem indicatur quoque clavis, vel ephemeria Sacerdotalis, e qua is ortum traxerat, et quam ordo ministerii sacri in templo, illo tempore, tangebatur, *ephemeria* scilicet *Abiae*. Vices ministerii sui obibat in Templo, thusque adolebat, ubi ordo eum vocaverat, v. 8, 9. Cum Angelus ei appareret, ad altare sufficitus consistebat, v. 11, quod non in Sancto Sanctorum, verum in Sancto collocatum erat, ubi etiam Sacerdotibus gregariis sua assignata erant munia. Et denique, expleto ministerii sui tempore, domum ad suos revertebatur, v. 23. Quae omnia invicta ratione probant, Zachariam nequaquam Principem Sacerdotum fuisse; sed unum tantum e reliquorum grege, quod etiam docti omnes, a longo iam tempore, libenter agnoscunt.

§ 13. Ratio igitur primaria, qua *Chrysostomus*, veteresque permulti alii, induci se passi sunt, ut crederent, sanctissimum Servatorem, die xxv *Decembris*, in lucem editum fuisse, re ipsa nulla est, et ne minimam quidem attentionem meretur. At in promptu ratio est, eaque ex Evangelica pariter historia petita, quae planum facit, in diem illum, quem volebant veteres modo nunc adducti, nativitatem Domini incidere omnino non potuisse. Etenim e vetustis fideque dignis rerum Iudaicarum monumentis perspicitur, Iudaeos in patria sua hunc constanter morem servasse, ut pecora sua tempore verno pastum in agros camposque emitterent, ut ibi non interdiu tantum, sed et noctu permanerent, neque domum reverterentur, nisi adventante prima pluvia, quae in mense *Marchesyan* cadere solebat. Is vero partim *Octobri*, partim *Novembri* nostro respondebat. Ab eo tempore pecora Iudaeorum iam non amplius in agris pernoctabant, sed quotidie, inclinato die, domum reducebantur. Ex hi-

historia vero nativitatis Christi, *Lucae* cap. 11 v. 8. discimus, tempore illo pastores cum gregibus suis in agris etiamnum pernoctasse, quod post Festum Paschatis, ad usque *Novembrem* mensem tantum, fieri consueverat. Videntur rei huius rationem habuisse, qui omnium primi in diem et mensem nativitatis Christi inquirere sategerunt, quibusque indoles Palae- stinae, et consuetudines illic receptae notiores erant; quam aetati infecutae. Illi enim, sicuti testatur *Cle- mens Alexandrinus*, cuius verba dedimus supra § 3, nativitatem Christi, in finem Aprilis, aut in mensem Maium, coniciendam esse existimabant, forte quia ipsos non latebat, illo iam tempore, Iudaeos greges suos in agros camposque solitos fuisse mittere, ut il- lic pernoctarent. Quod de ista Iudaeorum consuetu- dine hic monui, res ipsa (v) per se satis loquitur. eandemque ex Hebraeorum Pandectis Thalmudicis do- cte asseruit vir harum rerum longe peritissimus (w), *Iohannes Lightfootus*. Ipse *Iohannes Harduinus*, e Societate Iesu, non obstante misifico illo, et non- numquam vere ridiculo zelo, quo traditiones omnes, et opiniones praeiudicatas Ecclesiae Romanae pro- pugnare solet, in hoc tamen negotio, robur argu- menti, quo usus erat doctus Anglus, palam agno- vit, eiusque sententiam suffragio suo (x) comprobavit, etsi nominis eius mentionem non facere satius duxe- rit.

(v) *Salomo van Til*, ubi supra, § VII. p. 39. Edit. Ienens.

(w) In H. Hebr. ad *Lucae* l. c.

(x) In Antirrhethico adv. Vaillantium de Nummis anti- quis p. 65.

rit. Sententiae eidem (γ) Chronologorum nostri temporis princeps, ante plures annos, ex Pandectis quoque Thalmudicis, novam et eximiam lucem affudit, eamque adversus exceptiones nonnullas doctissimi alicuius e coetu Romanensium Theologi, tam egregie indicavit, ut dubio locus non supersit.

§ 14. Vnum hocce, antequam ad alia progrediar, adhuc monebo, morem illum, quem Iudaeis nunc vidimus assertum, ita illis proprium et peculiarem haud fuisse, quin eundem Graecos quoque et Romanos observasse, deprehendamus. De Graecis testari possunt hi *Saphoclis* versus, in *Oedipo Tyranno* γ. 1154 et sqq.

ἤμος τὸν Κιθαιρώνος τόπον
 Ὅ μὲν διπλοῖσι ποιμνίοις, ἐγὼ δ' ἐν
 Ἐπλησίαζον τῷδε τ' ἀνδρὶ τρεῖς ὅλους
 Ἐξ ἧρος εἰς ἀρκτοῦρον ἐμμήνους χρόνους,
 Χειμῶνι δ' ἤδη τ' ἅματ' εἰς ἔπαυλ' ἐγὼ
 Ἥλαυνον, οὕτως τ' εἰς τὰ Λαῖου σταθμά.

quando in Cithaeronis locis,
 Vt ille duobus gregibus praeerat, ego vero uni,
 Conversatus sum cum hoc viro, per tres totos
 Menses, a tempore veris, usque sub ortum Arcturi,
 Cum iam hyems immineret, ego in mea stabula
 Pecora agebam, ipse vero in Laii septa.

Pastores igitur Graeci, cum gregibus per aestatem aliquot mensibus in campis pernoctabant, et immin-

nen-

(γ) *Vignolius* l. c. p. 62, 63.¹

nente tantum hyeme, id est, tempore pluvioso, mense Septembri eos in stabula domestica reducebant. Sed et Romanos aliter non egisse, liquet ex hisce T. Calpurnii, Ecloga v. 15 seqq.

—— Vere novo, cum iam tinnire volucres
Incipient, nidosque reversa lutabit hirundo:
Protinus hiberno pecus omne movebis ovili.
Sed non ante greges in pascua mittito clausos,
Quam fueris placata Pales. ——

id est, non ante Aprilem mensem, quo Palilia celebrata fuisse a Romanis, norunt harum literarum studiosi.

Plura his addere operæ pretium non est,



DISSERTATIO SECVNDA

DE ORIGINE FESTI NATIVITATIS CHRIS-

TI, IN ECCLESIA CHRISTIANA,

QVOTANNIS STATO DIE CE-

LEBRARI SOLITI.

§ 1. **E**x observatione illa, quam Dissertatione superiori § 13 suppeditavi, si bonis rationibus nititur, de quo dubitare mihi non licet, certo colligitur, duobus illis diebus festis, quibus a tempore seculi III vel IV Ecclesia memoriam nativitatis Christi celebrare consuevit, primo quidem d. VI *Ianuarii*, deinde vero d. XXV *Decembris*, Servatorem nostrum optimum mundo utique non apparuisse. Ea quoque insuper mihi firmiter stat sententia, illos, qui celebritatem horum dierum primi in Ecclesiam invexere, haud-quam sibi persuasisse, aut aliis etiam persuadere voluisse, illis ipsis diebus benedictum nostrum Servatorem lucem hanc nostram adspexisse; verum quod
de

de Basilidianis (a) iam monui, rationes videntur fuisse symbolicae et emblematicae, ob quas memoriam nativitatis Christi salutaris hisce diebus illigare voluerint. Nempe uterque hicce dies, quem modo designavi, populis cultioribus plurimis, his iste, aliis ille, sacro sanctus habebatur, et impensa religione solemniter celebrabatur. Solebant diebus hisce idolorum cultores memoriam recolere mirabilium Dei operum et beneficiorum, quibus summum Numen, sapientiae suae, bonitatis, et potentiae specimina illustria, in rerum natura, omnibus hominibus quotannis edit, etsi religiosae illae solemnitates multa impietate idololatrica essent contaminatae. Cultus ille idololatrarum religiosus, apud gentes per totum orbem tantum non omnes, ad solem praecipue dirigebatur, eoque tendebat, ut beneficia, quae Deus invisibilis, mediante sole, in hunc mandum eiusque incolae confert, grata mente concelebrarentur. Sol vero circa finem mensis Decembris lucem suam veluti renovat, propius ad nos accedit, et splendore magis conspicuo terras nostras collustrat beatque. Tempus hoc eo nomine hominibus periucundum, Gentilium Philosophi et Sacerdotes haberi voluerunt a populo pro natali solis, idque ritibus religiosis, et laeta solemnitate populis ubique percelebrandum proposuerunt. Maximo huic et lucundissimo idololatrarum Festo, quo renovatio, nativitas, aut renascentia solis, magna cum laetitia solemniter peragebatur, Christiani quidam seculo II substituere coeperunt recordationem solemnem (b) *exortae ex alto lucis coelestis*, vel (c) *exorsi piis in mundo solis iustitiae*, diem-

(a) Dissertat. I § 7.

(b) *Lucae* cap. I v. 78.

(c) *Malachiae* III. 20, vel IV. 2.

diemque recordationi huic dicatum, nuncuparunt *Festum apparitionis et nativitatis Christi Domini*.

§ 2. Difficile non est, idoneis testimoniis veterum evincere, diem utrumque, hic a nobis designatum, d. xxv *Decembr.* et vi *Ianuar.* a diversis gentibus, pro natali solis habitum, et celebritate religiosa consecratum fuisse. Ordinar a d. xxv *Decembris*, quia, quod de eo differendum nobis est, aliis iam observatum, adeoque penitus ignotum non est. In vetusto *Calendario Romano*, regnante Constantio Imperatore, circa A. 354 composito, ad d. viii *Kal. Ianuar.* sive xxv *Decembr.* legitur N. *invicti*, i. e. *Natalis invicti*, qui igitur Romae celebrabatur d. xxv *Decembris* (d). *Bucherius* et *Lambecius*, quorum unusquisque Calendarium illud, e Codicibus diversis, seorsim edidit, hariolantur, verbis istis subinui diem, quo Constantius Imperator Vetrанием imperio deturbavit, quo facto cognomen *invicti* meruerit. Verum coniectura isthaec, plurimas ob rationes, locum hic habere nequit. Satis mirari non possum, qui fieri potuerit, ut, cum *Petavius*, ante centum

(d) Habentur tres Calendarii huius editiones, in nonnullis a se invicem diversae. Prima est *Iohannis Georgii Herwarti*, quam in *Vranologio* repetiit *Petavius* p. 112. Idem Calendarium ex alio cod. MS. edidit *Aegidius Bucherius*, in libro de *Doctrina temporum* p. 279. Post hunc *Petrus Lambecius* idem illud e Codice Bibliothecae Vindobonensis vulgavit in Tom. iv de *Bibliotheca Vindobonensi*. Omnes has tres editiones separatim typis describi curavit *H. L. Schurtzschschius* in *Anno Romanorum Iuliano*, illiusque editione utor. *Bucherii* annotatio de *Natali invicti* habetur illic p. 288, *Lambecii* vero p. 318.

tum fere et triginta annos (e), recte iam observaverit, per N. *invicti*, in *Calendario Herwartiano*, non nisi *natalem solis* intelligi posse, viri tamen omni doctrina insigniter culti, qui Calendarium istud, post eius diligentiam, publici iuris fecerunt, a sententia eius certa, et extra omnem dubitationis aleam posita, discedere sustinuerint. Etenim latere haud potest viros eruditione praestantes, *invictum* cognomen fuisse, a Romanis soli sigillatim et oppido frequenter tribui solitum, ac veluti proprium. In vetustis Inscriptionibus, cognomen illud soli attributum, per saepe legitur, quemadmodum (f) in ista,

SOLI INVIC
TO ET LVNAE
AETERNAE
C. METTI GER
MANI. LIB.
DVO PARA
TVS ET HER
MES DEDERVNT.

et:

(e) Verba eius haec sunt in comment. ad Orat. iv Iuliani Imp. in solem p. 87. edit. *Spanhem.* Ludi in honorem solis *invicti* celebrantur viii Kal. Ianuar. hoc est, ipso die natali Christi Domini (d. xxv. Decemb.). His subiungit verba Calendarii Romani a nobis allata. Hanc sententiam merito suam fecit *Ant. Pagius*, in *Critica Anal. Baronii* ad A. C. 306. num. xv. uti nec minus *Ioh. Georgius Graevius* in notis ad Lactantium de mortibus Persecutorum, cap. xxv p. 185, et *Gisbertus Cuperus*, in epistola subiuncta notis in Lactantium p. 9. eosque merito sequitur *Salomo van Til*, in libro saepius citato p. 15 sqq.

(f) Duae inscriptiones, hic adductae, extant in *Gruteri In-*

atque in sequenti Graeca,

ΗΑΙΩ
ΜΙΘΡΑ
ΑΝΙΚΗ
ΤΩ

Id est *Soli Mithrae, invicto.*

Cognomen Idem *invicti*, consecratum soli; non raro in nummis Imperatorum Romanorum reperitur. Commemoratur *Harduinus* (g) nummos complures Gal-
lieni, aliorumque inscriptos SOLI INVICTO. In
ipsis (h) Constantini M. nummis, quod mirari quis
posset, saepenumero conspicitur Imago solis, cum
epigraphe, SOLI INVICTO COMITI. Neque mi-
nus certum testatumque est, Romanos nativitatem,
vel renovationem solis, die in Calendario designata,
VIII Kal. Ianuar. vel XXV Decembris, magna laeti-
tia et religiosa solemnitatem celebrasse. *Servii* haec
est observatio in *Virgilii Aen.* VII. 720: *Proprie SOL*
NOVVS octavo Kalendas Ianuarias, vel, d XXV
Decembris. Idem in 1 *Georgic.* 100 *Hyemale Solsti-*
tium est octavo Kalend. Ianuariarum die, quo tempore
sol aliores incipit circulos petere. Similiter *Censo-*
ri-

Inscriptionibus antiquis totius Orbis Romani pag. XXXIII.
vid. et p. XXXIV et XXXV. ubi pluculae aliae, cum co-
gnomine hoc solis leguntur. Adde *Reinesii Syntagma In-*
scriptionum antiq. Class. I num XLV ad XLIX.

(g) In *Antirrhethico*, p. 66 edit. in 4to. Vide et *Pagii*
Criticam Baronianam, ad A. C. 306. num. xv.

(h) Vide *Pagium* loc. cit., et imprimis auctorem lib-
perdocti, qui inscribitur *Naturae et Scripturae concordia*
p. 27, ubi et depicti videri possunt.

vinus, de die natali cap. XXI, NOVVM SOLEM dicit esse *brumam*. Brumam vero Romanos illigasse diei XXV *Decembris*, testatur *Plinius in Histor. Natur. Lib. XVIII cap. 25*. Pluribus aliis (i) veterum pro hac re testimoniis afferendis libenter supersedeo, Nihil vero tantam tamque egregiam lucem *Calendario Romano*, in nostra praesenti causa, affundit, atque locus *Iuliani Imperatoris*, in *Oratione in Solem*, quem adscribere nec me, nec legisse alios poenitebit. Ita autem ille (k): *Maiores nostri, iam tum a diviniſſimo illo rege Numa, usus utilitatisque ratione poſthabita, ut homines decebat, divina indole et excellenti mente praeditos, ad ipsum potius horum omnium largitorem auctoremque respexerunt: ac praesenti tempeſtati illigari caput anni consentanea iuſerunt; quando rex Sol, extremo meridiano limite dereliſto, rursus ad nos revertitur: et ad capricornum, tamquam ad metas, cursum reſectens, ab Austro ad Septentriones progreditur, ut annua commoda nobis impertiat. Et paucis interieſtis: Non eo die, quo ſol converſionem facit, ſolemne illud peragi voluerunt; ſed quo demum manifeſtus omnibus eſt illius ad Septentriones a meridie progreſſus. Et poſt nonnulla alia: Itaque ſtatim exacto ultimo menſe, qui Satur-*

no

(i) Poſſunt tamen, ſi tanti videbitur, conſuli *Petavius* in notis ad *Iulianum* p. 86, 87, *Graevius* ad *Lactantium* de *Mortibus Perſecutor.* p. 185. ſq, *Philippi à Turre Monumenta veteris Antii* p. 226, 227, et *Diſſertatio Vignolii dans la Bibliothèque Germanique* Tom. II p. 48, 49.

(k) *Iulianus* *Oratione IV* p. 155 et 156, edit. *Spanhemii*. Videtur *Oratio* haec, circa idem fere tempus, quo *Calendarium Romanum*, cuius toties meminimus, conſcripta fuiſſe.

argumentum hoc inprimis illustrantia, nobis suppeditat, quorum nonnulla et hic describemus, quibus deinde alia subiungemus. In sermone, qui tribuitur *Ambrosio Mediolanensi*, cuius tempore dies xxv Decembris memoriae nativitatis Domini consecratus fuerat, haec leguntur verba (n): *Bene quodammodo, sanctum hunc diem natalis Domini, SOLEM NOVVM vulgus appellat, et tanta sui auctoritate confirmat, ut Iudaei etiam et Gentiles in hanc vocem consentiant. Quod libenter amplectendum nobis est, quia oriente Salvatore, non solum humani generis salus, sed etiam SOLIS IPSIVS CLARITAS INNOVATUR.* Habetur inter Opera Latina *Iohannis Chrysostomi* Homilia, quae quidem magnum illum Ecclesiae Graecae doctorem haud agnoscit auctorem, sed quae tamen esse illius aevi, et non immerito, iudicatur. In ea et haec occurrunt (o): *Sed INVICTI NATALEM appellant. Quis utique tam invictus, nisi Dominus noster? qui mortem subactam devicit. Vel quod dicunt, SOLIS esse NATALEM, ipse est SOL IUSTITIAE, de quo Malachias Propheta dixit: Orietur vobis timentibus nomen ipsius Sol iustitiae, et sanitas est in pennis eius.* Leo M. Pontifex Romanus, in Homilia xxi, quae est de nativitate Domini ii, cap. vi (p) quorundam persuasionem pestiferam reprehendit.

227, 228. Adde Dissertationem *Vignolii* dans la *Bibliothèque Germanique* Tom. ii p. 49, 50.

(n) Sermone x de nativit. Domini, vel edit. *Benedictinorum*, Tom. ii Appendice, Sermone vi.

(o) *Chrysostomi* Opera, edit. Venet. 1583. Lat. Tom. ii p. 432.

(p) In Operibus edit. *Quesnelli* Tom. i p. 148.

hendit, quibus haec dies solemnitatis Christianae, non tam de nativitate Christi, quam de NOVI, ut dicunt, SOLIS ORTV, honorabilis videtur. Quorum corda vastis tenebris obvoluta, et ab omni incremento verae lucis aliena sunt: trahuntur enim adhuc stultissimis gentilitatis erroribus; et quia supra id, quod carnali intuentur adspectu, nequeunt aciem mentis erigere, ministra mundi luminaria divino honore venerantur. Et quae ibi sequuntur pluscula, lectu certe digna sunt, sed prolixiora, quam ut describi hic queant. Addo huic Pontificis loco, sane egregio, alium e Sermone xxv, qui est de nativitate Domini vi, cap. 1 (q): *Hanc adorandam in coelo et in terra nativitatem Filii Dei, nullus nobis dies magis quam hodiernus insinuat, et NOVA etiam in elementis LVCE radiante, totam sensibus nostris mirabilis sacramenti ingerit claritatem. Non solum enim in memoriam, sed et in conspectum quodammodo redit Angeli Gabrielis cum Maria stupente colloquium. — Hodie enim autor mundi editus est utero virginali. Quis ex hisce non intelligat, Leonem Antistitem, multa profecto laude, sicuti insignibus meritis, cumlatum, populum Romanum, suae curae creditum, at vero ludis, quos olim superstitio Ethnica d. xxv Decembris instituerat in honorem Novi Solis, nimis adhuc fascinatam, et in ipsa Ecclesia Christiana, in ipsa nativitatis Domini solempni celebratione, quae eidem diei illigata erat, oculos tamen et mentes ad solem in coelo fulgidum etiamnum dirigentem, a visibilibus ad invisibilia, a luce coeli corporea ad aeternum iustitiae Solem, eiusque laetissimum in terra nostra ortum, convertere voluisse? Nempe haec erat Festi nativitatis Domini, in illud*
an-

(q) In Operibus Leonis M. Tom. 1. p. 161.

anni tempus reiecti, indoles, hocce ingenium. Hoc spectaverant, qui illius recordationem solemnem cum solstitio hyberno coniunxerant. Idque *Leo* iucunda quadam ratione, et prudenter, auditorum suorum animis instillat.

§ 5. Sunt permulti alii, e vetustioribus Ecclesiae luminibus, qui ad rem hanc non ita obscure digitum intendant. Et ex horum quoque scriptis quaedam hic in medium proferam, lectoribus, ut spero, haud ingrata futura. *Aurelius Prudentius* (r) Hymnum, quem in natalem Christi Servatoris condidit, versibus hisce auspiciatur:

*Quid est, quod arctum circulum
Sol iam recurrens deserit?
Christusne terris nascitur,
Qui lucis auget tramitem?*

Tangit rem eandem *Paulinus*, Nolanus in Italia Episcopus, qui ubi natalem tertium Felicis Martyris versibus celebrat, etiam natalis diei Christi sic meminit (s):

*Nam post solstitium, quo Christus corpore natus
SOLE NOVO, gelidae mutavit tempora brumae,
Atque salutiferum praestans mortalibus ortum,
Procedente die, secum decrescere noctes
Iussit.* —

Iungam his, quae apud auctorem Homiliarum, *Eusebio*

(r) In Libro *Cathemerinon*, Hymno xi.

(s) Vide eius *Poëmata* num. xviii p. 538. edit. Rosweydi.

bio Emiffeno falso adfcriptarum, reperi etiam haec verba (t): *Hodie enim noctis damna in diei tranfeunt lucra. Hodie nox deficientibus tenebris minoratur, et dies (u) additus luci producit: ut, nafcente lucis auctore, omni illa, quae totum mundum operuerat et texerat, infidelitatis nocte difcuſſa, fides noſtra veluti dies luceat.* Et poſt interpoſita nonnulla: *Omni-um ſeculorum antecellor et conditor, hanc diem ſibi, in qua naceretur, elegit: ut ſicut proficiebat luce, proficeret etiam dignitate.* Quid poſt haec opus eſt pluribus?

§ 6. Quae haecenus attulimus, ſcriptores Eccleſiae Latinae nobis ſuppeditarunt. Addamus iis nonnulla, e ſcriptoribus Graecis, aut magis etiam ad Orientem poſitis, excerpta. Ex Graecis unum commemoraffe ſufficiat *Gregorium Nyſſenum*, qui (v) alicubi obſervat, *diem natalem Chriſti celebrari in ſolſtitio hyberno, cum dies augentur.* Extat in Bibliotheca Vaticana, *Dionyſii Barſalibi*, Theologi Syri, qui ſeculo xii adulto Eccleſiae Amidenſi in Meſopotomia praefuit, Commentarius in iv Evange- liſtas, in quo et haec (w) habentur: *Natus eſt Dominus d. xxv Decembris, quia eo tempore lux tenebras incipit ſuperare, ſignificans, Dominum eſſe lu-*
cem

(t) Homilia ii *de nativitate Domini*, in Operibus, Pariſ. 1575 editis, p. 239. a.

(u) *Graevius*, qui hunc ipſum locum in teſtimonium adhibet, ad *Laſtanium de mortibus Perſecutorum* p. 185, legendum hic cenſet, *addita luce.*

(v) In Homiliis in octo beatitudines, Operum edit. Graeco-Latinae Tom. i p. 778, 779.

(w) Apud *Aſſemanum* in *Bibliotheca Orientali Vaticana*, Tom. ii fol. 163.

cem mundi, et ab ipso diabolus fuisse superatum, qui tenebris figuratur. Observavit autem (x) vir doctissimus, a quo haec accepimus, Amidensem Praesulem haec hausisse ex *Ephraemo, Eusebio, et Iacobo Edesseno*, scriptoribus longe antiquioribus. Prae aliis vero, ad mentem *Harduini* prorsus apposite, *Anonymus* quidam Syrus rem hanc ita exponit (y): *Causam porro, cur a Patribus praedicta solemnitas, nativitatis Domini, a die vi Ianuar. ad xxv Decembr. translata fuit, hanc ferunt fuisse. Solemne erat Ethnicis, hac ipsa die xxv Decembris Festum ortus solis celebrare; ad augendam porro dici celebritatem, ignes accendere solebant. ad quos ritus populum etiam Christianum invitare et admittere consueverant. Quum igitur animadverterent doctores, ad eum morem Christianos propendere, excogitato consilio, eo die Festum ortus veri Solis constituerunt. Die vero vi Ianuar. Epiphaniam celebrari iussere. Hunc itaque morem, ad hodiernum usque diem, cum ritu accendendi ignis retinuerunt.* Ex his omnibus satis liquere arbitror, 1) Romanos, cum idolorum cultui adhucdum essent mancipati, die xxv Decembris quoque anno, nativitatem vel renovationem solis, ritibus multis et ingenti populi laetitia, celebrasse. Et 2) pios Ecclesiae Christianae Antistites, ut populum, sacris verae religionis iam iniciatum, ab infano studio, quo etiamnum Festum hocce, ab Ethnicis olim institutum, prosequerentur, tanto facilius abducerent, Festo Ethnico substituisse aliud, sacris Christianorum plane consonum, quo non iam amplius renovatio solis visibilis, in coelo lucen-

tis,

(x) *Asserianus* loc. cit. fol. 162.

(y) *Apud Asserianum*, Tomo citato, fol. 164.

tis, sed ortus salutaris veri Solis iustitiae, decen-
 modo, celebraretur. Ac 3) ne sic quidem effusum
 illud studium populi Romani, quo festivitatem reli-
 giosam priscam, cultui solis renovati dicatam, a plu-
 ribus seculis quotannis recoluerant, potuisse reprimi.
 Id nos docuit oratio sacra *Leonis* Papae, ex qua par-
 ticulam decerptam exhibuimus § 4. Quinimo seculo
 VIII, quo sacra gentilium avita penitus iam dudum
 abolita erant, reliquias tamen illius superstitionis pa-
 ganicae aliquas etiamnum superfuisse, discimus ex
 Concilio Romano, a Zacharia Papa A. 743. coacto,
 cuius canon IX ita sonat (2): *Ut nullus Kalendas*
Ianuarias et bromia colere praesumerit, aut mensas
cum dapibus in domibus praeparare, aut per vicos et
plateas cantationes et choros ducere. Per *bromia* intel-
 liguntur *brumalia*, quomodo forte legendum ibi fue-
 rit. Eorum mentio reperitur in Concilio Constanti-
 nopolitano, Quini-sexto, vel Trullano, congregato
 anno 691, vel, ut alii, 692, canone LXII (a) ubi,
 quemadmodum in Concilio Romano, coniunguntur,
αἱ καλάνδαι καὶ τὰ καλούμενα βρουμάλια, *Calendae*
(subintellige, Ianuariae) et dicta Brumalia. Erant autem
brumalia Festum veterum Romanorum, quod respi-
 ciebat *brumam*, sive solstitium hybernum, in quo
 sol renovari credebatur. Tanguntur itaque hic sine
 dubio reliquiae nonnullae superstitionum, quibus olim
 Gentiles in illo Festo indulserant, et quae nondum
 penitus aboleri potuerant.

§ 7. Quae hactenus de solemnitate diei xxv *De-*
cembris, alios secuci, observavimus, novum ex eo
 nec

(2) In Collectione Conciliorum *Labbeana*, Tom. VI
 col. 1548.

(a) In eadem Collectione, Tom. VI col. 1170.

nec exigui ponderis robur acquirant; quod, uti nunc pluribus adstruetur, antiquior natalis Christi commemoratio, cui in Aegypto primum dies vi *Ianuar.* dedicata fuit, non aliam habuerit originem, nec alia nitatur ratione, quam illa, quae postea effecit, ut solemnis illa natalium Iesu commemoratio in diem xxv *Decembris* coniiceretur. Festum nativitatis Domini, quantum novimus, omnium primi in Aegypto solemniter celebrarunt Basilides eiusque sectatores, illamque solemnitatem peragi voluerunt d. v *Ianuarii*, quod (b) supra ex *Glemente Alexandrino* evicimus. Festum hoc, consecratum primitus, non tantum memoriae Christi nati, verum et quaesiti et inventi a Magis Ethnicis, ac praeterea a Iohanne Baptista in Iordane undis tincti, et denique editi ab eo Canae in Galilaea miraculi primi, initio nuncupabatur ἐπιφάνεια, vel τὰ ἐπιφάνια, *Festum manifestationis et apparitionis gloriosae*, qualis est apparitio solis in coelo. Vocem eandem adhibere etiam (c) Scriptores N. Testamenti, ubi vel de primo eius in mundum adventu humili, cuius testes fuerunt ante tot secula homines in Iudaea, vel de secundo glorioso, quem adhuc expectamus, eiusdem adventu, loquuntur, neminem latere potest. Inprimis vero vox eadem maiorem in modum placebat Basilidianis, omnibusque in universum Gnosticis, ut qui Servatorem optimum imagine symbolica et emblematica solis perlibenter designarent et repraesentarent, atque ex Theologia tua Aegyptiaco-Philosophica, de sole multa ad Christum Dominum transferrent. In gemmis Gnosticorum, quas

Abra.

(b) Dissertat, I § 7, 8.

(c) Possunt evolvi loca Lucae c. i v. 78, 79, ad Titum ii. 11, 13, et ad Timoth. i. 10, iv. 18,

Abraxeas appellare eruditi solent, plures cernuntur imagines, in quibus symbola solis manifesta docti omnes agnoscunt, illas vero ad Servatorem nostrum referendas esse, huncque Gnosticos per illas designare voluisse, mihi certum ac persuasum est. In gemma *Chisletiana* XLII vir iuvenis conspicitur, in capite coronam, dextra vero manu calicem gerens, qua effigie Bacchum depingi censet (d) *Chisletius*, ego vero benedictum nostrum Servatorem. Calix, quem ille, quisquis est, manu tenet, calicibus nostris Eucharisticis adeo similis est, ut ovum ovo nequeat esse similis. Calicem igitur Eucharisticum hic designari, non est quod dubitem. Sed si quod posset superesse dubium, illud literae ab utroque figurae huius latere adscriptae Θ. Χ. animo meo prorsus omne eximerent. Hae enim literae, quarum rationem nullam, aliqua probabilitatis specie se tuentem, reddere potuit *Chisletius*, non Baccho, quod ille putabat, sed Servatori nostro optime conveniunt. Significant enim luculenter Θεὸν Χριστόν, *Deum Christum*, in quibus recte intelligendis adeo aberrari non potest, ut videam, praestantissimum *Montesalconium* (e) id quoque animadvertisse, tametsi mox addiderit: *At nollem affirmare, eam esse veram lectionem.* Ego vero illud affirmare nullatenus vereor. Plura huiusmodi adderem, nisi istud studiorum genus, a pluribus annis intermissum, ex animo meo fere evanisset. Si forte ad illud reverti D. V. dabitur, alio loco neglecta hic refarciam,

§ 8.

(d) In *Commentariis ad Gemmas Abraxeas*, cap. VII p. 86 sqq.

(e) *Antiquité explicée* du P. Montfaucon Tom. II Part. II p. 366.

§ 8. Quoniam igitur Gnostici, ac sigillatim Basilidiani, symbolo solis, ad designandum Servatorem mundi, eiusque divina beneficia, tantopere delectabantur, apparitionis eius in terra memoriam, illo ipso die, a suis solemniter recoli volebant, quo Aegyptii, qui idola colebant, omnes reditum solis ad nos, eiusque renascentiam vel renovationem, effusa laetitia et solemnitate impensa celebrabant. Festum illud, cuius saepissime veteres meminerunt, communius appellari solet *Inventio Osiridis*, vel *Festum Osiridis nati*, aut *renati*, quem symbolum Aegyptiis fuisse sacrosanctum solis, probatione non eget. Hoc in Festo populus, per totam Aegyptum ad honorandam tantam solemnitatem congregatus, accepto nuncio de invento iam Osiride (f), exclamare solebat, εὐρήκαμεν, συγχαίρομεν, *invenimus Osiridem, et de eo cuncti magnopere laetamur*. Quae verba aliquid simile sonant illis (g), quibus olim Angelus Domini salutarem Servatoris nostri in carne apparitionem, vel nativitatem, pastoribus annuntiavit, 'Εὐαγγελίζομαι ὑμῖν χαρὰν μεγάλην, ἥτις ἔσται παντὶ τῷ λαῷ, ὅτι ἐτέχθη ὑμῖν σήμερον Σωτήρ, *Euangelizo vobis gaudium magnum, quod erit omni populo: quia natus est vobis hodie Salyator*. Maximum istud Festum ab omnibus avitorum sacrorum fautoribus, per totam Aegyptum, quotannis peragebatur d. xi Tybi, id est, vi Ianuarii. Equidem fatendum mihi est, id quod nunc asserui, neque ex vetustis scriptoribus, neque ex doctis nostris

Cri-

(f) *Iuvenalis Satyra VIII. 29, 30*, et ad eum locum verus Scholiastes. *Athenagoras in supplicatione pro Christianis* p. 24. *Firmicus de errore profan. relig.* p. 5.

(g) *Euang. Lucae cap. II v. 10.*

Criticis et Literatoribus, quemquam conceptis verbis docuisse vel adstruxisse. Sunt potius inter hos, qui aliud omnino sentiant, nobisque persuadere laborent, a quibus tamen discedere ego vel invitatus cogor. Etenim postquam adhibita omni studio et cura, argumentum hoc ab omni parte versavi, et diligenter excussi, expensis omnibus, quae hic se offerunt, rei momentis, in ea tandem sententia acquiescendum mihi esse vidi, Festum illud Aegyptiorum, de quo quaerimus, in diem xi Tybi, anni Aegyptiorum fixi, quo utebantur illic Alexandrini a tempore Augusti Imperatoris, et cum his incolae illius regionis Christiani, citra omne dubium incidisse. Sententiae meae rationes nunc proferam.

§ 9. Aliorum (h) primo hac de re sententias, ne quid dissimulasse videar, lectori exponam iuxta atque explicabo, deinde vero meam idoneo argumento adstruam. Haud ita pridem Scriptor (i) eruditus et amoenus historiae Philosophicae religiosam hancce Aegyptiorum festivitatem in *veris principium* coniecit. Neque diffiteor, rationem, qua utitur, ingeniosam esse, et ab indole Theologiae Aegyptiorum non ita videri alienam. Verum aliter re ipsa gentis illius sacerdotibus visum esse, ea quae iam sequuntur, patet facient. Io. Marshamus, doctus et laboriosus
omnis

(h) Quandoquidem Schediasma meum Germanicum, paucis ante annis a me editum, cuius versio hic benevolis lectori offertur, pertractationem uberiores huius argumenti, plurimas ob rationes, haud admisit, eam loco magis opportuno, in *Miscellaneis Berolinensibus* Tom. VII p. 387. sqq. examini eruditorum exposui, unde illa hoc loco repeti debuit. [vid. t. II *Opusculorum Iablonskii* p. 256 sqq., ubi fere eadem. Conf. quae illic notavi.].

(i) Mr. Des Landes *Histoire Critique de la Philosophie* Tom. I p. 151.

omnis antiquitatis, ac praesertim Aegyptiacae, investigator (k), *mensē Iunium* solemnitati illi dicatum censet, forte quod sub idem fere tempus, mundum conditum esse, Aegyptiorum ferret traditio. Magnus Scaliger (l) mavult *mensē Athyr*, qui Romanorum *Novembri* fere respondet, eumque secutus Seldenus (m), qui nobis etiam erroris huius, quem iam examinabo, originem aperuit. Kircherus hic quidem non adeo procul a veritate aberravit (n), quando sacra haec, *mensē Choeac*, id est, *Decembre*, celebrata esse affirmat.

§ 10. Scaligerum non moror, cui imposuerunt scriptores quidam Latini, verae Aegyptiorum Theologiae ignari, eamque ex opinionibus Graecorum quorundam et Romanorum, haud bene fundatis, dime- rientes. Vitandae nimiae prolixitatis ergo, eum avia sectantem, iam non sequemur, contenti proposuisse, sed et idoneis rationibus adstruxisse veram Aegyptiorum doctrinam. Seldeno, qui id subodoratus est, aliamque ea de causa viam ingredi voluit, fraudi fuerunt verba Plutarchi, quae haud dubie in mendo cubant, verum correctæ atque rite expensa, ad investigandum verum manu ducere nos poterunt. Verba Plutarchi haec sunt (o): *Mense Athyr periisse Osiridem dicunt, quando et estis omnino deficientibus, Nilus recedit, et solum nudatur. Quando autem nox fit longior, tenebrae*

(k) In *Canone Chronico*, p. 31, edit. Franeker.

(l) *De Emendat. temporum* Lib. II p. 70.

(m) *De Diis Syris* Syntag. I. cap. IV p. 141, et Synt., II. cap. XI p. 335.

(n) In *Oedipo Aegyptiaco* Tom. II Parte II p. 262.

(o) In libro *de Iside et Osiride* p. 366, edit. Graeco-Lat,

*brae crescunt, lucisque superatur et tabescit vis: tunc sacerdotes cum alios lugubres ritus exercent, tum bovem auratum, nigro byssino amictu contextum; Dea nempe Iside tum lugente, ostentant. Est autem bos Osiridis pariter (p), et terrae symbolum. — Die vero mensis XIX (τῇ δὲ ἐννάτῃ ἐπὶ δέκα) noctu ad mare descenditur, et sacram cistam Stolistae, (quasi vestitores diceret,) una cum Sacerdotibus efferunt, in qua est intus aurea arcula, cui infunditur ab iis aqua potabilis, et clamor tollitur ab his, qui adsunt, vociferantibus: OSIRIDEM ESSE INVENTUM. En! igitur Osiridem inventum, et clamorem ab adstantibus sublatum, nempe ut § 8 intelleximus, εὐρήκαμεν, συγχαίρομεν, cuiusque Iuvenalis sic meminit *Satyra*, VIII. 29, 30.*

Exclamare libet, populus quod clamat Osiri Invento. —

Idque *Plutarchus* affirmat contingere τῇ ἐννάτῃ ἐπὶ δέκα, die XIX, cum paulo ante mensis *Athyr* nominatim fecisset mentionem. Licebitne igitur *Seldeno* iam asseverare, haec omnia (q) uno eodemque mense *Athyr* celebrata fuisse? cum *Plutarchus* id clare testetur. Ego vero minime censeo. Verba enim *Plutarchi*, ex quibus id elicitur, corrupta esse, si non aliunde constaret, ex solo tamen rerum et verborum contextu evidenter colligere quilibet potest. Ait enim auctor
il-

(p) Graecus textus in editionibus, quas consulere potui, *Stephaniana*, *Basileensi*, et *Parisiina Graeco-Latina*, ita concipitur, Βοὺν γὰρ Ὀσίριδος εἰκόνα καὶ γῆν νομίζουσι. Lege omnino καὶ γῆς, et sic verti.

(q) Vbi supra p. 335.

ille eximius, Aegyptios per quatuor dies continuos, initium taciendo a. d. xvii *Athyr*, sacra lugubria peregrisse, plangentes nempe Osirin deperditum. Luctus igitur ille Aegyptiorum perdurabat usque ad diem xx *Athyr*, et cum illo demum finiebatur. Qua ratione autem verum id esse possit, si die xix eiusdem mensis, Osiris iam inventus, adeoque luctus omnis in laetitiam versus fuisset? Sensit hoc, ut credi potest, *Kircherus*, eamque ob causam, mensem sequentem *Choeac*, sive *Decembrem*, substitui debere ratus est. At enim profecto, ne in hoc quidem subsistendum, sed misso et eo mense, ad hunc qui sequitur, *Tybi*, vel *Ianuarium*, pergendum erat. Nam secundum rationes anni fixi Aegyptiorum, quod brevi post ad liquidum deducetur, ineunte *Tybi*, in confiniis *Decembris* et *Ianuarii*, Osiris nondum putabatur inventus. Neque tamen minus est certum, solemnitatem *Osiridis inventi* praecedere mensem *Mechir*, vel *Februarium*. Inventio igitur Osiridis, omni necessitatis lege, in mensem *Tybi* erit coniicienda, neque prorsus ad alium referri potest. Ausim ergo dicere, esse plus quam probabile, *Plutarchum* ita scripsisse: τῇ δὲ ἐννάτῃ ἐπὶ δέκα μηνὸς Τυβὶ νυκτὸς ἐπὶ θάλασσαν κέτεισι, die vero xix mensis *Tybi*, noctu ad mare descenditur. Nempe accidit hic, quod etiam alibi in isto egregio *Plutarchi* libro observavi, ut vicio librariorum, qui rerum, quas describebant, plane ignari erant, nomen mensis alicuius exciderit.

§ 11. Mihi vero *Plutarchus* ipse, quem sic scripsisse, uti nunc monui, verosimillimum est, nondum satisfacit. Credo potius, auctorem, quantivis ceteroquin preiis, cum ea scriberet, verum non vidisse, atque dum in congerendis rebus minus obviis totus occupatus est, levem aliquem errorem commississe. Dixi iam, me omnibus, quae huc spectant, studiose expensis, non

non potuisse non in eo acquiescere, maximam illam *Osiridis inventi* celebritatem ab Aegyptiis die xi *Tybi*, vel vi *Ianuarii*, peragi consuevisse. Auctorem habeo *Epiphanium*, ex quo id confici posse confido. Apud eum quidem haec tantum leguntur, quae ad inventum *Osiridem* non pertinere multis videbuntur (r), διόπερ ΤΗ ΕΝΔΕΚΑΤΗ ΤΥΒΙ κατ' Αἰγυπτίους, πάντες ὑδρεύονται ὕδωρ, καὶ ἀποτιθεάσιν ἐν αὐτῇ τῇ Αἰγύπτῳ, καὶ ἐν πολλαῖς πατρίσιν, quae causa est, cur die xi *Tybi*, omnes in Aegypto hauriant aquam, eamque ibidem, uti praeterea multis aliis in locis, reservent. Sed observasse non poenitebit, *Epiphanium* verba facere de solemnitate, in Aegypto die certa ab omnibus celebrata, et quidem mense *Tybi*, in quem festivitas *Osiridis inventi* certo certius ingruit. Solemnitatis illius Aegyptiacae, quam commemorat *Arististes Salaminius*, pars erat ὕδρευσις, aquatio, quam etiam fuisse ceremoniam non ignobilem pompae *Osiriaca*, ex verbis *Plutarchi*, § 10. allatis, iam intelleximus. Descendebatur enim in illa ad mare, vel ad aquam fluviatilem, et hauriebatur aqua potabilis. Idem confirmabo alio doctissimi huius scriptoris testimonio, ubi ex Aegyptiorum fabulis et traditionibus Theologicis, ista (s) refert, "Ενιοι δὲ Παμύλην τινὰ λέγουσιν, ἐν Θήβαις (t) ΥΑΡΕΤΟΜΕΝΟΝ, ἐκ τοῦ ἱεροῦ τοῦ Διὸς, φωνὴν ἀκοῦσαι, διακελευομένην ἀνειπεῖν ΜΕΤΑ ΒΟΗΣ, ὅτι μέγας βασιλεὺς εὐεργέτης ΟΣΙΡΙΣ ΓΕΓΟΝΕ, Alii *Pamylem* quemdam aiunt, cum *Thebis*

(r) In *Panario*, Haeresi LI, quae est *Alogorum*, § 30 pag. 451.

(s) *Plutarchus de Iside et Osiride*, p. 355.

(t) In editionibus nostris legitur ὑδρευομένην, tamquam *Pamyle* esset mulier. Sed mox *Plutarchus* de *Pamyle* loquitur ceu viro. Itaque scribendum putavi ὑδρευόμενον.

e templo Iovis AQUAM PETERET, vocem exaudivisse, qua iuberetur, MAGNO CVM CLAMORE ANNUNCIARE, OSIRIN regem magnum et beneficium NATVM ESSE. Vides hic ὕδρευσις, aquationem. Vides memorari magnum clamorem, nato Osiride editum. Vides denique ipsum Osirin natum. An non haec in memoriam revocant illa IUVENALIS, quibus usum sumus?

Exclamare libet, populus quod clamat Osiri Invento.

Quodsi igitur loca *Plutarchi* adducta, inter se primum, atque tum cum *Epiphanii* verbis, attente compares, manifestum evadet, in locis his omnibus significari unam eandemque solemnitatem, nisi quod *Epiphanius* eam referat ad diem XI Tybi, *Plutarchus* vero ad diem XIX eiusdem mensis. Estne vero credibile, tantam solemnitatem, per Aegyptum totam, ab omnibus, eodem mense, intra paucos dies, bis peractam et repetitam fuisse?

§ 12 Verum qua tandem ratione dissidium, quod inter *Plutarchum* et *Epiphanium* observatur, componendum esse putabimus? Hic quidem solemnitatem Osiriacam conicit in XI Tybi, vel VI Ianuarii, ille vero in XIX Tybi, vel XIV Ianuarii. Equidem in hac causa, misso *Plutarcho*, *Epiphanii* partes tueri non verebor. *Plutarcho* in re huius generis errorem aliquem obrepere potuisse, nihil sane mirum. At *Epiphanium* in eadem re aberrare omnino non potuisse, aio. Loquebatur enim de re, Christianorum omnium ore tum temporis celebrata, et a plurimis in Oriente firmiter credita, Servatorem nempe sanctissimum, die XI Tybi, vel VI Ianuarii, quondam in lucem fuisse editum, et eodem quoque die, post annos triginta, miraculo pri-

primo versae in vinum aquae edito, gloriam suam hominibus manifestasse. Addebant plerique, hoc quoque die Dominum a Iohanne Baptista, in Iordane, aqua tinctum fuisse. In hoc itaque error profecto admitti non potuit. Scribit porro *Epiphanius*, eodem illo die, per totam Aegyptum, singularem prorsus aquae virtutem persentisci, quare ab omnibus hauriatur, et domi recondatur. Neque in eo potest latere aliquis error. Nam ritus ille, a sacerdotibus Isidis primum sancitus (u), postea ad Christianos etiam transiit, persuasos, Dominum nostrum illo ipso die aquam in vinum convertisse, huiusque miraculi, suo etiam tempore, passim extare vestigia. Ex Aegypto consuetudinem hanc ad alios quoque in Oriente Christianos dimanasse, vel ex hoc *Chrysostomi* testimonio constat, digno, quod et hic legatur (v): *Hoc enim die, (inquit mellifluus Antistes, loquens de d. vi Ianuar.) baptizatus est Dominus, eoque sanctificavit aquam. Idcirco omnes in solemnitate hac media nocte aquatum eunt, et aquam haustam domi custodiunt, etc. Epiphanius* rem hanc, quod omnes Aegyptii media nocte aquatum iverint, praetermisit; sed probe eius meminit *Plutarchus*, adductus § 11. Ita *Plutarcho* etiam hic cum *Epiphanio*, aut cum re, quam *Epiphanius* subiunxit, aliique Ecclesiae doctores clarius et plenius explicant, pulchre convenit. Ex his igitur
et

(u) Vide les *Mémoires* de Mr. de Tillemont Tom. I p. 15, 16.

(v) In *Homilia de baptismo Christi*, Operum edit. Mont-fauconii Tom. II p. 369. Ceterum ritum huncce etiam hodie in Oriente observari constat. Vide *Pagii* Criticam Baronianam, ad A. C. 29. num. VII, et *Tillemontium* loc. cit. p. 16. Idem docent variae relationes peregrinatorum.

et pluribus aliis, quae adferri possent, certo intelligitur, *Epiphanium* ea, quae de Ἰδπεύσει Aegyptiorum refert, recte omnino et vere, in diem xi Tybi reiecessisse. At *Platarcho* in re huiusmodi, quae ex aliis auctoribus erat describenda, levem errorem committere facillimum erat, levem enim errorem hunc et merito appello: scripsit namque ΤΗ ΕΝΔΑΤῇ ἐπὶ ΔΕΚΑ, pro eo quod scribi debebat, ΤΗ ΕΝΔΕΚΑΤῇ, in quo inter scribendum aberrare, homini tot variisque cogitationibus, rebusque vulgo non obviis intento, quam non proclive erat?

§ 13. Cum iis quae hactenus observavi, tenor fabulae Aegyptiacae de Osiride et Iside, sub cuius aenigmatibus sacerdotes Theologiam suam et Physiologiam vulgum celare consueverant, mirifice conspirat. Fabulae illius, quam prolixè inprimis *Platarchus* in libro de *Iside et Osiride* literis mandavit, tale est argumentum. *Osiris a Typhone sociisque coniuratis occiditur* d. xvii Athyr (xiii Novembr.). *Interemtum Osiridem sacerdotes plangunt, luctumque suum variis ceremoniis demonstrant.* *Isis vero ex Aegypto in Phoeniciam proficiscitur, corpus chari sui Osiridis, mari creditum, illic quaesitura.* Sic reliqua pars mensis Athyr et Choeac transigitur. *Sequenti mense Tybi (vel Ianuario) redit ex Phoenicia in Aegyptum, et quidem die vii (id est ii Ianuar.)* cuius rei memoriam (w) die illo Aegyptii quotannis recolebant. *Paucis autem diebus post, ecce Isis quaesitum suum maritum invenit.* Trias fabularum nunc non moror; sufficit mihi indicasse, hanc esse rei illius summam. Si igitur, ut fabulae hae tradunt, Isis d. ii Ianuar. in Aegyptum

ap.

(w) *Platarchus* de *Iside et Osir.* p. 371.

appulit, et brevi post Osirin invenit, quis non mecum iudicabit, egregie cum reliquis partibus fabulae concinere, si dicas, factum id esse die xi *Tybi*, vel vi *Ianuarii*. Et profecto die illo ipso, Aegyptios solemnitatem quamdam insignem Romae peragere solitos fuisse, ex eo etiam colligo, quod in *Kalendario Romano*, quod sub Imperatore Constantio, filio Constantini M. adornatum fuit, in *Ianuario* haec legantur: VIII *Idus Ianuar* (d. vi Ianuar.) *dies Aegyptiacus*. Nam per *dies Aegyptiacos*, in *Kalendario* illo saepe memoratos, intelligi festos Aegyptiorum dies, Romae celebrari solitos, peculiari Dissertatione (x) multis probavi. Cultus Deorum, quem Aegyptiorum sacerdotes suis praescripserant, a cultu Romanorum gentilium toto coelo discrepabat. Verum quoniam ille (y) Romae, a temporibus cumprimis M. *Aurelii* Philosophi, et Commodi, Imperatorum, publice tolerabatur, et sensim illic fautores nactus est bene multos, videmus in *Kalendario Romano*, etiam Festa Aegyptiorum, cum reliquis Romae celebrari solitis, iunctim annotari. Hinc non poterat non evenire, ut solemnitatis solis renati, vel renovati, quovis anno bis concelebraretur, primo quidem die xxv *Decembris*, a toto populo Romano, ac deinde die vi *Ianuar*. ab illis, qui sacra Aegyptiorum probabant. Forte id quoque est, quod effecit, ut Christiani Romae degentes, rem gratam populo Romano facturi, Festum natalitium sanctissimi Servatoris, ab initio diei vi *Ianuar*. affixum, post-

(x) Editum est in *Miscellaneis Berolinensibus* Tom. VII p. 406. sqq. [vid. tom. II horum Opusculorum p. 274 sqq.]

(y) Pignorius in *expositione Tabulae Isiacae*, cap. 11. Chiffletus ad Gemmas Abraxeas p. 136. Cuperus in *Harpocrate*, p. 149, 150.

postea in d. xxv *Decembris* relicerent, idque tanto libentius, quod intelligerent, ritus Aegyptiorum sacros, procedente tempore, magis magisque contemni, et in desuetudinem abire.

§ 14. Paulo prolixius argumento huic immoratus sum, poteratque ista discussio quibusdam forte videri extra oleas vagata esse. Verum illos rogatos volo, ut perpendant, hoc re ipsa esse praecipuum inquisitionis, quam hic institui, caput. Propositum mihi erat, argumentis idoneis ostendere, Festum nativitatis Christi a piis eius cultoribus eo fine institutum fuisse, ut impietas idololatrica, quae tam diu mentes hominum fere omnium fascinaverat, pelleretur, et Festo Ethnico, ingenti superstitione referto, instituto in honorem solis mundo renati aut renovati, opponeretur aliud Christianum, veram pietatem spirans, et celebrando beneficio maximo, quo Deus genus humanum beare potuit, nativitati Filii Dei, Solis iustitiae, consecratum. Hanc esse causam, cur Festo laetissimo nativitatis Christi Romae assignaretur dies xxv *Decembris*, a pluribus ante observatum, et pulchre assertum fuit. Quia vero multo antiquior est celebratio eiusdem laetissimae nativitatis Domini, quam Basilides et sectae eius alumni seculo iam ii diei vi *Ianuarii* illigatam voluere, quamque ab his accipere et adoptavere pleraeque in Oriente Ecclesiae nominis Christiani, quaerendum mihi esse putavi, quaenam esset ratio, ob quam Basilidis sectatores Festum huc, a se recens institutum, diei vi *Ianuar.* affigere voluerint, et tandem, post institutum diligens et sollicitum examen, deprehendi, solemnitati huic utrique, ab Orientalibus ad diem vi *Ianuar.* relatae, a Romanis ad d. xxv *Decembris* reiectae, unam eandemque subesse rationem. Basilides in Orientis partibus natalem diem Christi cele-

bravie die VI *Ianuar.* quia eodem die Aegyptii Festum solis in coelo renovati peragebant; Romani vero celebritatem hanc suam Christianam in d. xxv *Decembris* transtulerunt, quia ibi locorum, idem ille dies, qui in Fastis inscribitur *Natalis Solis invicti*, idolorum cultoribus laetus et sacrosanctus erat, et superstitione turpi transigebatur. De solemnitate Aegyptiorum, die VI *Ianuar.* celebrata, unde tamen originem totius huius rei repetendam esse censeo, alium hucusque apud scriptores omnes silentium observari intellexi. Id igitur ante omnia hic mihi asserendum, iisque quae se offerebant argumentis, consiciendum esse existimaui.

§ 15. Vera igitur Festi natalium Christi origo a Basilide repetenda est, qui Festum Ethnicorum in Aegypto praecipuum, multa impietate foedaque superstitione laborans, et a quo tamen ipsi quidam cultores Christi oculos et mentem penitus avertere non poterant, in Festum Ecclesiasticum, pietati Christianorum attemperatum, transformaverunt, alique hocce eius exemplum, licet Romae cum aliqua mutatione, imitati fuerunt. Post aevum Constantini M. factum esse persaepe, ut Festa, a sacerdotibus Gentilium olim instituta, populoque probata, ad sacra Christianorum transferrentur, nemo dubitat, idque doctiores historiae Ecclesiasticae compilatores passim observare solent. Sed profecto consuetudinem hanc seculo quarto in Ecclesia multo fuisse antiquiorem, facile ostendi potest. Basilidem credo primum hoc ausum fuisse, aliisque exemplum praebuisse, quod pii Ecclesiae Antistites, eo tempore, quo nobilis simplicitas in cultu divino Christianis etiamnum maximo in pretio erat, aegerri-me tulerunt, Gnosticisque non sine aliqua acrimonia exprobrarunt. Ita enim *Irenaeus* ea de re loquitur indi-
gna.

gnabundus (2), Ἐπὶ πᾶσαν ἑορτάσιμον τῶν ἑθνῶν
 τέρψιν, εἰς τιμὴν τῶν εἰδώλων γινομένην, πρῶτοι συνέ-
 σιν, ad omnia Gentilium Festa et oblectamenta, in
 idolorum honorem cultumque instituta, ipsi primi con-
 fluunt. Novimus multa de hæreticis in primitiva Ec-
 clesia a veteribus referri, quæ maturius examen requi-
 runt, quibus forte et hoc accensendum esse putabunt
 sagaciores antiquitatis Ecclesiasticæ investigatores,
 quod Irenæum de Gnosticis, ex aliorum sine dubio
 relatione, tradere intelleximus. Quod uti in univer-
 sum negare haud ausim, ita tamen persuasus quoque
 sum, narrationem Irenæi, quamvis non ab omni par-
 te sinceram, aliquid saltem ex vero trahere. Nempe
 cum observatum esset, illo ipso die, quo tota Aegy-
 ptus idololatræ sacra in honorem solis impen-
 sa laetitia et religione peragebat, etiam Basilidianos con-
 ventus religiosos cogere, ad solemnitatem diurnam
 etiam pervigillum nocturnum addere, pluribusque mo-
 dis testari, Festum suum, cum Festo reliquorum Aeg-
 yptiorum tempore eodem celebratum, quaedam ha-
 bere communia; alii ex Christianorum coetibus recte
 sentientibus id ipsis magnopere vitio verterunt, di-
 stitantes, ad Festa Gentilium, honori Deorum conse-
 crata, et publica laetitia celebrata, et ipsos consue-
 re, et in opprobrium rei Christianæ, causam cum
 ipsis communem facere. Ita tum temporis indicabant
 pii religionis nostræ assertores, qui nulla ratione fe-
 rendum esse existimabant, ut ritus, ex Ethnicorum sa-
 cris mutuo sumti, in Ecclesiam Christi transferrentur,
 quocumque demum modo, et qualicumque etiam prae-
 textu id fieret. Non ita diu in ista sententia perstite-
 runt,

(2) *Adversus hæreses* Lib. I cap. vi § 3. edit. Mas-
 sueti.

runt, qui commodo et saluti sanctissimae religionis invigilabant. Nam *Gregorio Thaumaturgo*, Neocaesareensi in Cappadocia Pontica Episcopo, laudi postea datum est (a), quod cum perspexisset, quantopere multi ex civibus suis studio festivitatum Ethnicarum, et effusae illius laetitiae, qua transgebantur, essent infecti, eaque de causa a professione fidei Christianae retraherentur, gaudia huiusmodi festiva, sed per se dem sanctificata, et ad pium usum applicata, ad quaedam Christianorum addiderit. Neque tamen alia videtur fuisse mens Basilidis; non is alium, ut credo, finem intendit, cum Festum natalitium Servatoris nostri ad diem vi Ianuar. adstrinxit, eoque semper die a suis celebrari voluit.

§ 16. Ea quae haecenus de origine Festi natalium Christi disputavi atque asserui, quaeque, saltem ex parte, ante me viri doctrina excellentes observarunt, talia sunt, ut celebrationi sanctae et devotae huius tanti Festi, a tot seculis in Ecclesia recepti, et hucusque non sine insigni aedificatione continuati, detrimentum iure nullum adferre queant. Equidem ex iis quae dicta sunt, liquido perspicitur, nos verum mensem et diem, quo talis Dei mundo nostro apparuit, hucusque ignorare. Sed cogitandum etiam, ea in re, ad excitandam nutriendamque genuinam Christianorum pietatem, situm omnino nihil esse. Si vel diligenter ulterius inquirendo, ad certitudinem aliquam in hac causa perveniri posset, labor ille tamen utilitatem secum laturus non esset, nisi admodum mediocre. Equidem aviditati plura semper cognoscendi, et indomitae cui-

(a) Vide *Gregorii Nysseni vitam et Encomium Gregorii Thaumaturgi*, in ipsius Operibus, et subiunctam Operibus Thaumaturgi p. 312.

dam curiositati, pabulum iucundum, ac pio cultorum Christi in eum affectui, novum solidumque alimentum praeberere haudquaquam posset. Servatoris nostri in aeternum benedicti incarnatio et nativitas maximum utique beneficium a piis semper agnoscetur, quo Deus miserum genus humanum dignari et cumulare potuit. Quis, de tanto Dei O. M. beneficio cogitans, non summam in mente laetitiam percipiat? quis pro ea Deo grates non persolvat maximas? Et ubi etiam Ecclesia consultum ducit, ingentis huius beneficii piam et solemnem commemorationem ad communem omnium aedificationem instituere, parum profecto Christiane aut pie ageret, qui aedificationis illius (b) particeps esse recusaret, aut qui in communi hac Ecclesiae laetitia, in sancto hoc laudes et grates Deo offerendi exercitio, se ipsum a communione sanctorum segregare vellet. Ex iis praeterea, quae observata fuere, liquere arbitror, Festum nostrum natalitium, in honorem Servatoris nostri institutum, Festo Ethnico, cultuique solis solemniori, in illo Festo successisse. Verum enim vero Festum hoc, rite et cum sancto gratitudinis et amoris in Deum affectu a veris cultoribus Christi celebratum, memoriale gloriosum censeretur debet, tam idololatriae per potentiam optimi Servatoris profligatae, pedibusque conculcatae, quam erecti illius loco, veri, pii, soliusque salutaris cultus Dei Triunius.

E.c.

(b) In Anglia tamen quondam, inter furores dissidii funesti, quod Rempublicam et Ecclesiam, in Regno illo ceteroquin beato, regnante Carolo I, tantopere concussit, quaestio agitata fuit, essetne Festum Nativitatis Christi abrogandum. Sed melior tamen et sanior sententia vicit. Narratur hoc in *vita Iohannis Lightfooti*, Operibus eius praemissa, Fol. iv.

Ecquid Deo nostro veraeque religioni accidere potuit gloriosius? Iure merito Festum natalium Christi dici potest tropaeum, quod tota Ecclesia Christiana, in honorem memoriamque victoriae a Servatore Divino reportatae, super ruinam idololatriae Ethnicae statuit, quodque hanc inscriptionem (c) praefert: *In hoc apparuit Filius Dei, ut dissolveret opera diaboli.*

(c) Epist. Iohannis prima cap. III. v. 8.

D I S S E R T A T I O

DE ORIGINE IMAGINVM CHRISTI DOMI-
NI IN ECCLESIA CHRISTIANA.

§ 1. **I**n Dissertatione, *de Origine Festi natiuitatis Christi*, prima § 5, verbulo tetigi, Gnosticorum sectam, in Ecclesia antiqua non parum celebrem, operam dedisse sollicitam, ut imagines vetustorum sibi-que prae aliis dilectorum Philosophorum, *Pythagorae, Socratis, Platonis*, horumque similium, undecumque conquirerent, hisque addidisse imagines Christi Domini, ex thesauro, ut aiebant, Pontii Pilati, quem tempore passionis et mortis Dominicae, Procuratorem Romanum Iudaeae fuisse, testatur historia Evangelica, feliciter vindicatas. Dum argumento huic cogitationibus inhaerebam, admodum verosimile mihi fiebat, imagines sanctissimi Servatoris, ab antiquo tempore in Ecclesia passim iactatas et venditatas, ex officinis Gnosticorum primum prodiisse, et ab his, labentibus annis, ad alios Christianos pervenisse, atque sic pedetemptim valde multiplicatas fuisse. Quo magis verò cogitationes hae mentem meam sublere,

eo magis me in illa sententia confirmatum vidi. Tanto minus igitur postea miratus sum, ubi intellexi, viros eximia eruditione florentes iam dudum in similes cogitationes incidisse. Eos inter nominabo tantum *Iohannem Reiskium*, meritissimum quondam Scholae Guelferbytanæ Rectorem, cuius sequentia verba adscribere operae pretium duxi (d): *Studium exprimendi imagines Christi erupit — a colluvie Gnosticatorum et Carpocratianorum, qui tum emerferant, profana.* Quoniam vero id quod dixi, mirum nonnullis et peregrinum videri posset, quia aliquam paradoxo speciem prae se fert, inutile non erit argumentum hoc paulo curatius persequi.

§ 2. In Ecclesia Christi primitiva, beato illo aëvo, quo cultus Christianorum religiosus, ut id doctrina Servatoris optimi ac discipulorum eius exigebat, cultus adhucdum erat purus, Deo veraque quam profitebantur religione dignus, in spiritu et veritate, imagines cuiuscumque generis penitus exulabant. Nulla tum temporis pios Christi cultores incessabat cupido habendi et possidendi imagines, usque adeo illas negligebant, et qui tandem, quaeso, fieri potuisset, ut honorem illis cultumque offerrent aliqua ratione suspectum, cultum nempe non creaturae cuiuscumque, sed soli Deo proprium dicatumque. Gentiles ipsis, ea aetate, continuo obiciebant, ipsos nec templa habere nec aras, nec statuas aut simulachra servare, vel aliquo honore dignari, indeque satis absurde concludebant, omnem qualemcumque Supremi Numinis cultum fordere ipsis fastidioque esse. Apud *Minutium Felicem* Caecilius, Christianorum accusator, haec ipsis expro-

(d) Exercitat. VII de imaginibus Christi, cap. 1 § 1.
p. 150. fin.

probrat (e): *Cur nullas aras habent, templa nulla, nulla nota simulachra; nunquam palam loqui, nunquam libere congregari, nisi illud quod colunt, et interpretantur, aut puniendum est aut pudendum? Origenes igitur Celsi Epicurei, Christianos incusantis, voces hasce adfert (f): Celsus ait, nos altarium, templorumque constructiones atque simulachrorum fabricationes refugere, quia sibi imaginatur, nos oculi foederis fidem hac veluti tessera sancire. Habemus quoque fatentem Arnobium, Gentiles hoc Christianis crimini dare (g). In hac enim, inquit, consuevis parte, crimen nobis maximum impietatis affigere, quod neque aedes sacras venerationis ad officia construamus, non Deorum alicuius simulachrum consituamus aut formam, non altaria fabricemus, non aras. Hoc quod Christianis obieciatur ab Ethnicis omnibus, nemo temporibus illis diffitebatur, qui innocentiam ipsorum bonamque causam defendendam et luci exponendam in se suscipiebat. En igitur Octavius Caecilio ista reponentem (h): Putatis autem nos occultare quod colimus, si delubra et aras non habemus? Quod enim simulachrum Deo fingam, cum si recte existimes, sit Dei homo ipse simulachrum. Neque aliud Celso Epicureo respondisse videmus Origenem. Ita enim inquit (i): Simulachra autem Deo di-*

(e) *Minutius Felix* in *Octavio* § x p. 61. edit. Ioh. Davist. Plura hic dabunt *Mörnaeus de S. Eucharistia* lib. II p. 393, 394, *Heraldus* in *Arnobium* Lib. VI p. 239, 240, et prae caeteris *Dallaëus de imagin.* Lib. I c. 3.

(f) *Apud Origenem adversus Celsum* Lib. VIII p. 339. edit. Cantabrig.

(g) *Adversus Gentes* Lib. VI post init. p. 189.

(h) *Apud Minutium Felicem* § XXXII, p. 160.

(i) Lib. VIII *adversus Celsum*, loco iam citato.

posset. A corporeis vero rerum quarumcumque imaginibus usque adeo alieni erant, ut ipsam nobilissimam pingendi artem artibus annumerarent illicitis, pictoresque in communione Christianorum Ecclesiastica haud tolerandos esse censerent. Nota sunt illa *Tertulliani* (n): *Vbi artifices statuarum et imaginum, et omnis generis simulachrorum diabolus seculo intulit, — caput facta est idololatriae ars omnis, quae idolum quoquo modo edit.* Et quae idem Hermogeni haeretico obicit (o): *PINGIT ILLICITE, nubit assidue: legem Dei in libidinem defendis, in artem contemnis: bis falsarius et cauterio et stylo.* Satis haec ostendunt, quam bene moribus Christianorum huius aevi respondeat (p) Canon hicce xxxvi Concilii Illiberitani, in Hispania A. C. 303 celebrati: *Placuit picturas in Ecclesia esse non debere, ne, quod colitur et adoratur, in parietibus depingatur.*

§ 3. Haec vero quae dixi, non de aliis tantum, sed et de Servatoris nostri Christi Domini imaginibus, intelligi volo, quod et testimonia iam adducta non obscure loquuntur. Primis tribus seculis, imagines illae toti Ecclesiae, coetibus nempe Catholicorum, penitus ignoratae erant. Non extat scriptor illius aevi quisquam, qui imaginum Christi, quae essent in manibus Christianorum, vel verbulo meminerit, si ea excipias, quae de haereticis quibusdam illius temporis eorumque moribus commemorantur. Quotiescumque Ethnici, quod modo tetigi, Ecclesiae nostrae alumni ob-

(n) *De idololatria* cap. iiii p. 105. edit. Rigalt. Ad di potest Mornaeus, Lib. cit. p. 390, 392, et Dallaeus de imaginibus Lib. i. cap. vi.

(o) Lib. c. Hermogenem cap. i.

(p) Vide *Concilia Labbei* Tom. i [sed conferatur Collectio Concil. *Manfiana* tom. ii p. 1 — 406.

obliuisciebant, nullas in eorum coetibus reperiri imagines, non deprehendimus, pios sanctae nostrae religionis vindices ipsis regerere, sibi tamen esse magnaue reverentia custodiri imagines Christi Domini. Tale quid profecto numquam ex eorum sermonibus percipitur. Sine ambagibus potius asseverant, Christianos divinum suum Servatorem, per imagines, formam eius repraesentantes, colere aut venerari nequaquam solere. Id certe *Origenes* adversus *Celsum*, Philosophum *Epicureum*, hunc in modum urget (q): *Nam istos, quos enumeravit (Zamolxem, Mopsum, Amphilochem, Amphiarum, et Trophonium) populares eorum, templis in eorum honorem constructis, et simulachris iisdem dedicatis, honorant. Nos vero honorem et cultum, per istiusmodi res demonstratum, a supremo Numine procul abesse volumus, ut quae daemonibus longe magis, quam Divinitati convenient. — eoque admiramur doctrinam Iesu, qui mentes nostras ab omni sensibili, nec corruptibili tantum, sed etiam corrumpendo, traduxit ad cultum supremi Dei, constantem vitam puram, et precibus per illum oblatam.*

§ 4. Quinimo si Christianis illa Ecclesiae aetate vel maxime volupe fuisset, Christum Dominum suum etiam secundum carnem nosse, si contemplatione formae eius externae et faciei animum suum oblectare discupivissent, si omni studio mentisque contentione id egissent, ut imaginem aliquam, lineas vultus eius recte exprimentem, alicunde adipiscerentur, voti tamen huiusmodi compotes fieri numquam potuissent. Qui mores et instituta Iudaeorum rite perspecta habet, quod de Christianis primorum seculorum, in illa praesertim causa, de qua hic disputamus, in dubium iure

VO-

(q) Lib. III. *adversus Celsum* p. 131.

vocari nequit, nullo negotio mihi adstipulabitur, affirmanti, veram genuinamque effigiem vultus et corporis Domini nostri in mundo numquam extitisse. Erat enim origine et gente Iudaeus, e Iudaeis secundum carnem prognatus, inter illos vixerat, et cum illis solis conversatus fuerat, leges eorum et instituta, dummodo praecepto divino aperte non repugnarent, servabat, ne cuiquam scandalo esset. Iudaeis (r) vero, quod eruditorum nemo ignorat, picturae et repraesentationes cunctae, quibus aut aliqua ipsius Dei, aut creaturarum quarumcumque species ac forma effingeretur, abominationi erant, et huius instituti, post reditum e Babylonico exilio, semper manserunt admodum tenaces. Hinc igitur Iudaei, quando texendis aut pingendis velis, aulaeis, aut vestibus, victum quaerebant, quod permulti eorum, Alexandriae in Aegypto, et Babylone in Persarum imperio, facere solebant (s), numquam tamen creaturas cuiuscumque generis ad vivum exprimere sustinebant, sed monstra tantum, aut mirifica figmenta, nemini umquam visa, solique ipsorum imaginationi in acceptis ferenda, ne videlicet legem Dei transgredi viderentur. Estque ex historia notum, Herodem, quo regnante, Servator noster benedictus lucem huius mundi adspexit, nulla re fere Iudaeos magis offendisse, quam quod crederent, eum imagines humanas in sanctam urbem invehere voluisse. Docet namque *Iosephus*, illustris gentis illius historicus (t), Iudaeos uno consensu vo-

ci-

(r) Vide *Grotii explicationem Decalogi*, ut Graece extat, ad Praeceptum 11, vel ad *Exodi* cap. xx. v. 4.

(s) Legi hanc in rem meretur observatio perdocta et ingeniosa *Is. Vossii* ad Catullum p. 196, 197.

(t) *Antiq. Iudaicar.* Lib. xv cap. viii § 2.

ciferatos fuisse, si omnia patiēda forent, at hominū quidem imagines in urbe se non passuros: haud enim moribus patriis fas esse. Nam, ut idem Scriptor (u) alio loco observat: *Nefas est Iudaeis, simulachrum ullum in urbe statuere.* Et (v) cum postea Pilatus, Iudaeae Procurator Romanus, clypeos in Templo Hierosolymitano fixisset, Iudaei precibus fatigare Tiberium Imperatorem ante non desierunt, quam e Templo auferrentur, idque nulla alia de causa, quam quod vultus Imperatoris in illis esset insculptus. Quis igitur inter Iudaeos vultum formamque corporis Christi depingere in animum induxisset, si vel Servator id non vetuisset? Quod si id rite perpendamus, difficile utique non erit coniectura assequi, quamnam ob rem Gnostici, quod mox videbimus, iactaverint, imagines Christi, quas in sacrariis suis asservabant, e supellectile Pontii Pilati derivatas, ad manus suas tandem pervenisse. A Iudaeis certe peti aut expectari non poterant. Tutissimum igitur omnino erat, eas e cimeliarchio hominis Ethnici, Pontii nempe Pilati, Procuratoris Romani, deducere.

§ 5. Satis ex his liquere arbitror, Ecclesiae primaevae nullas ad manus fuisse imagines Servatoris, ex quibus de forma corporis, ac lineamentis oris eius, iudicium veritati conforme ferri potuerit. Quis itaque miretur, veterum Ecclesiae Patrum ea de re opiniones et persuasiones vehementer discrepasse. Qui inter eos aetate reliquos superant, quoties ad istud argumentum delabuntur, satis produnt, se de externa specie corporis et oris Christi non ita magnifice sensisse.

(u) *De bello Iudaico* Lib. 11 cap. ix § 2.

(v) *Philo de Legatione ad Caium* p. 1033, 1034, cum quo conferendus est *Iosephus de B. I.* Lib. 11 c. ix.

fisse. Persuadebant sibi, eam exilem potius ac deformem, quam augustam speciosamque fuisse. *Celsus*, Philosophus *Epicureus*, qui, regnantibus Romae Antoninis, Pio, et Philosopho, floruit, Christianis haec obicit, quae ipso non diffiteri asseverat (w): *Quoniam divinus Spiritus in corpore Iesu, debebat esse praestantior ceteris statura, aut forma, — sed quod ipsi fatentur, corpus eius erat parvum, deforme et humile. Origenes*, ubi *Celso* respondet, id quidem ipsi usque quaque haud vult concedere. At quonam, obsecro, argumento adversus *Celsum* utitur? Num forte provocat ad imagines Christi, alicubi asservatas? Minime gentium. Aut an potius pro se adfert traditionem hac de re Apostolicam, aut saltem aevi antiquioris notam et receptam? Ne hoc quidem. Quonam igitur argumento quaestionem hanc decidi et confici posse censet? Id lector, ex hisce Patris doctissimi verbis, optime colligere poterit: *Hinc apparet, quod quoties ei Iesum accusare libet, credulus est scripturis nostris, — citans earum testimonia. — Fatemur, scriptum de Iesu corpore despicabili, quamvis non habeatur aperte scriptum, parvum fuisse ac vile. Est autem locus apud Esaiam, praedicentem, venturum cum non supra modum decora specie, nec excellenti pulchritudine. Deinde profert verba Esaias cap. LIII v. 2.*

Haec et quae ibidem sequuntur alia, satis testantur, *Celsum* sententiam suam de forma Iesu despicabili, non aliunde, quam e locis Scripturae S. perperam acceptis, depromissey et omnia pariter, quae *Origenes* vano huic Philosopho regerit, ex alio fonte petita haud

(w) Apud *Origenem contra Celsum*, Lib. VI p. 327.

haud sunt. Vterque nonnisi unicam istam viam, componendi litem illam, cognitam habebat. Ignotum ceteroquin non est, *Clementem Alexandrinum*, magnum Ecclesiae primaevae ornamentum, in eadem illa sententia fuisse, quam *Celsus* Christianis attribuit. Ita enim scribit (x): *Ipsium autem Dominum fuisse adspetu deformem, testatur Spiritus per Esaiam*, etc. ubi rem eandem eodem Scripturae testimonio probare satagit. Et alio loco (y): *Is ipse*, inquit, *qui est caput Ecclesiae, in carne quidem informis et specie carens, transit.* Neque dissentit *Tertullianus*, cuius hae sunt voces (z) de Christo Domino: *Carnis terrenae non mira conditio ipsa erat, quae cetera eius miranda faciebat, cum dicerent, unde huic doctrina et signa ista? (Matthae. xiiii. 54.) etiam despicientium formam eius erat haec vox. Adeo nec humanae honestatis corpus fuit, nedum coelestis claritatis.* Hi igitur omnes iudicium suum de forma corporis Christi, orisque eius specie, fundarunt unice in dictis quibusdam S. Scripturae, prouti sensum eius ceperunt et explicuerunt, quemadmodum inter recentiores, viri quoque doctrina et meritis excellentes, ex loco illo *Iesiae*, cuius aliquoties fecimus mentionem, consimile de forma corporis, specieque oris optimi Servatoris, iudicium tulere.

§ 6. Sed sunt alii, prioribus illis, quorum testimoniis usus sum, nonnihil iuniores, qui formam etiam externam corporis vultusque Christi mirifice extollunt, tamquam pulcherrimam, industi, ut videtur, vericinio Psalmi xlv. v. 3. *Speciosus es forma praefiliis hominum, diffusa est gratia in labiis tuis:* quem-

ad-

(x) In *Paedagoge* Lib. 111 cap. 1 fin.

(y) *Stromatum* Lib. 111 p. 470.

(z) *De carne Christi* cap. ix p. 366 et 367.

admodum antiquiores verborum *Iesaiæ* literae nitidum inhaesisse deprehenduntur. Illorum vero sententia a seculo IV et V in Ecclesia fere tota praevaluit. Audiamus *Chrysostomum*, non suam tantum, sed ple-
 rorumque illo tempore Ecclesiae doctorum sententiam, hoc modo (a) explicantem: *Non miracula duntaxat faciens, admirabilis erat: sed etiam cum simpliciter adspiceretur, ingenti abundabat gratia. Atque hoc Propheta significans canebat „speciosa forma prae „ filiis hominum”, quod autem *Iesaias* dicit, „non „ habebat speciem neque pulchritudinem” ita loquitur, ea narrans, quae passionis tempore contigerunt, nempe dehonestationem illam, quam in cruce pendens sustinuit, et abiectioem, quam per omnia, toto vitae suae tempore, prae se tulit. Nec alia erat sententia Hieronymi, qui adversus *Porphyrium* et *Iulianum* disputans, hisce etiam verbis utitur, de Servatore loquens (b): *Certe fulgor ipse et maiestas divinitatis occultae, quae etiam in humana facie relucebat, ex primo ad se videntes trahere poterat adspectu. Et alia occasione (c), nisi enim, inquit, habuisset et in vultu quiddam oculisque sidereum, nunquam eum statim sequuti fuissent Apostoli. Illi igitur, ut alios iam tacite praeteream, augustam oris speciem atque decorum corporis habitum in Christo Domino agnoscunt. Quia vero opinio haec de forma Christi splendida maiestatisque plena, antiquiori prorsus opposita, ab eo quod dixi**

(a) Verba haec citavit *Reiskius* l. c. [*].

(b) Comment. in *Matthaeum* c. IX. 9. Operum Tom. IV col. 30. edit. Benedictin.

(c) In Epistola ad Principiam virginem Tom. II col. 684. fin.

[*] Sed comparatur *Chrysostomus* t. V Opp. p. 162, 163, ed. Montfauconii.

dixi tempore, Ecclesiae toti placere, et ab omnibus fere adoptari coepit, credibile est, ad novam hanc opinionem hominibus persuadendam, cum primis consulisse imagines Servatoris, iam nunc hinc inde ostendi solitas. Novimus certe, etiam ante *Chrysostomi* et *Hieronymi* aetatem, *Eusebium Caesareensem* testari (d), sibi tam simulachra sculpta, quam imagines pictas, speciem sanctissimi Servatoris referentes, visas esse, quamvis fateatur, eas e Gentilium officinis prodiiisse. Aut si eas non a Gentilibus acceperant Christiani, haud dubie Gnosticis erant in acceptis ferendae, quod in sequentibus ad liquidum perducemus. Quidquid vero sit, persuasio illa Christianorum iuniorum, de praestanti Servatoris nostri forma, posthaec usque adeo ubique obrinuit, ut ad ipsos quoque Iudaeos transierit. *Abarbanel* igitur, magni nominis quondam in Synagoga magister, ex ea argumentum capit (e), *adversus Christianos* inferendi, in capite *Iesae* LIII, *Iesum nostrum intelligi non posse, iuvenem quippe formosum, atque elegantem, florentis aetatis.*

§ 7. Et si vero ab illo, de quo dixi, tempore, in Ecclesia Christiana imagines Servatoris nostri passim haberi ostendique consuevissent, ex iis tamen de vera corporis orisque eiusque specie iudicium tutum ferre non licuisse, cordati quivis agnoscunt, et candide fatentur. Satis enim ex iis, quae de imaginibus Servatoris benedicti memoriae mandata leguntur, intelligere datur, eas non unam sed diversam admodum originem habuisse, adeoque faciem ipsius veram et genuinam utique non exhibuisse. Quia enim, ut monui, a se in-

vi

(d) *Eusebius Hist. Ecclesiast. Lib. VII c. 18.*

(e) *Vitringer in Iesaiam Tom. II p. 664.*

vicem non parum diversae erant, fieri non potuit, quin aliam semper aliamque oris Christi speciem oculis obliicerent. Habemus suo tempore id agnoscen-tem et candide farentem, S. *Augustinum*, cuius idcirco verba, quia sunt pauca, apponere non grava-
 bor (f): *Nam et ipsius Dominicae facies carnis, in-
 numerabilium cogitationum diversitate, variatur et
 fingitur, quae tamen una erat, quaecunque erat.*
 Non possum, quin haecenus dictis ea, quae magnus
 quondam in Anglia Theologus, *Iohannes Pearsonus*
 de hoc ipso argumento observavit, etiam subiungam.
 Sic vero ille (g): „Postea (nempe post seculum iv)
 „coeperunt extollere externam corporis Christi pul-
 „chritudinem, atque unum aliquod picturae vel effi-
 „giei exemplar aliis praetulerunt, affirmantes, non
 „sine zelo, inesse illi similitudinem, quae negari haud-
 „quaquam possit, cum tamen illa octingentis retro
 „annis nemini fuisset nota, quavis gente propriam
 „sibi fingente imaginem, ab aliis diversam. Hinc
 „argumentum illud iconoclastarum, per modum quae-
 „stionis propositum, quatenam harum imaginum esset
 „genuina (h), πότερον ἢ παρὰ Ῥωμαίοις, ἢ ἢνπερ Ἰν-
 „δοὶ γράφουσιν, ἢ ἢ παρ’ Ἑλλήσιν, ἢ ἢ παρ’ Αἰγυπτί-
 „οις, οὐχ’ ὅμοιαι ἀλλήλαις αὐταί, utrum ea, quam
 „Romani ostendunt, an vero quam Indi pingunt, aut
 „quae asservatur apud Graecos, aut quae in Aegy-
 „pto colitur. Nam similes sibi non sunt. Et vero-
 „similiter nulla ex illis omnibus speciem veram vul-
 „tus

(f) *De Trinitate* Lib. viii cap. iv, Operum Tom. iii.

(g) In *expositione Symboli Apostolici*, p. 158. in notis, versionis Latinae, vel 87 et 88. edit. Anglic.

(h) Apud *Photium*, Patriarcham Constantinop. Epist. Lxiv. init.

„ tus Christi referebat, cum quaevis gens Salvatorem
 „ depingeret, suae nationis hominibus quam similli-
 „ mum. Nam, uti scribit *Photius Patriarcha*, *Epist.*
 „ *LXIV*, „Ελληνες μὲν αὐτοῖς ὅμοιον ἐπὶ γῆς Φανῆσαι
 „ τὸν Χριστὸν νομίζουσι. Ῥωμαῖοι δὲ μᾶλλον ἑαυτοῖς
 „ εἰκόντας Ἰνδοὶ δὲ πάλιν μορφῇ τῇ ἑαυτῶν Καὶ Αἰ-
 „ θίωπες δὴλον, ὡς ἑαυτοῖς, *Graeci asseverant. Chri-*
 „ *stum in terris sibi similem comparuisse, Romani*
 „ *autem sibi potius, Indi figura sua, Aethiopes sua.*
 „ Ac differentia opinionum in hoc negotio satis appa-
 „ ret ex verbis his *Suidae*, ἰστέον δὲ, ὅτι Φασὶν αἱ
 „ ἀκριβέστατοι τῶν ἱστορικῶν, ὡς τὸ οὐλον καὶ ὀλιγότρι-
 „ χον εἰκνιδτέρων ἐστὶ γράφειν ἐπὶ τῆς εἰκόνος τοῦ Χρι-
 „ στοῦ, sciendum est, *historicorum accuratissimos scri-*
 „ *bere, imaginem Christi communius pingi solere,*
 „ *crispis sed raris crinibus insignem*”. Hactenus
Pearsonus.

§ 8. Equidem negari haud potest, a tempore se-
 culi *iv* passim in Ecclesia imagines ostentari consue-
 visse, quas multi crediderunt esse archetypas, et nati-
 vam Servatoris optimi formam referre. Inter illas
 omnes primum haud dubie locum meretur statua Ser-
 vatoris repraesentans, quam mulier, fluxu sanguinis
 quo laborabat, per auxilium miraculosum Christi Do-
 mini liberata, *Matth. ix. 20. sqq.*, in rei huius memo-
 riam, et in liberatoris sui honorem, Paneade, quae et
 Tiberias audit, consecrasse diu credita est. Ipse *Eu-*
sebius, historiae Ecclesiasticae pater, statuae huius
 mentionem facit, quam se oculis usurpasse testatur,
Lib. vii c. 18. Ex ipsius aliorumque testimoniis in-
 telligitur, statuam hanc oppido celebrem, usque ad
 seculum *iv*, Paneade asservatam et visendam fuisse, et
 professores religionis Christianae eam pro statua Ser-
 vatoris vere habuisse. Verum quo minus opus nunc
 mihi sit, de statua tot sermonibus celebrata prolixius dis-

differere, diligentia virorum eruditorum effecit. Et quando post alios (*i*), non ita pridem (*k*) duumviri longe doctissimi traditionem de illa statua sane pervertustam ab omni parte curate versarunt, et ingenti eruditionis solidae apparatu excusserunt, non credo facile quemquam repertum iri, qui posthac illius patrociniū in se suscipere ausurus sit, Nam argumentis roboris prorsus invicti demonstratum est, monumentum Paneadense nulla prorsus ratione ad Christum Dominum spectasse, et traditionem ea de re Christianorum antiquam nulla se verosimilitudinis specie commendare. Quod vero ad reliquas imagines benedicti Servatoris, valde fidenter iactatas, attinet, quae ab ipso Servatore, aut ab Apostolis profectae perhibentur, quales sunt *imago Edessena*, quam Christus Dominus ad Abgarum Edessae regulum misisse fertur, item *imago*, quae appellatur *S. Veronicæ*, et aliae insuper, confectae, ut fingunt, a Nicodemo, aut a S. Luca Evangelista, ut alias taceam, minorem illae multo fidem atque existimationem merentur. Norunt eruditi, traditiones de imaginibus hisce fabulosas in Ecclesia tam sero innotuisse, totque scatere insulis et contemptibilibus naeniis, ut vix alia confutatione egeant, quam sic iam secum vehunt. Non tamen desunt (*l*)

vi.

(*i*) Vide *Reiskii* Exercitationes de imagin. Christi, Exercit. iv. Adde *Dallaëum* de imaginibus Lib. iiii cap. ii.

(*k*) Theologi eruditione et merititis eminentes, nunc iam beatis spiritibus iuncti, *Theodorus Hasæus* in duabus Dissertationibus de monumento *Paneadensi*, et *Isaacus de Beaufobre*, in Dissert. eiusdem argumenti. Vide la *Bibliothèque Germanique* Tom. xiiii artic. i.

(*l*) Consuli possunt *Reiskii* Exercitationes de imaginibus Christi, et illustris Theologi, *Isaaci de Beaufobre*, Disserta-

viri omni eruditionis genere ornati, ac de historia Ecclesiastica praeclare meriti, qui omnia de imaginibus hifce literis tradita, examini rigido sed accurato subiecerunt, et quam inepta ac futilia omnia ſint, luculenter oftenderunt. Omnes igitur illae imagines Chriſti Domini, etiam quae ſeculis antiquioribus obtruduntur, fidem omnino merentur nullam, et fraudibus piis, aut potius impiis, quae ſatis cito Eccleſiam contaminarunt, accenſeri debent. Optime hoc perſpexerunt Patres Concilii Oecumenici VI A. 754 Conſtantinopoli congregati (*m*), ut qui imagines Chriſti omnes, a Servatore ipſo, aut ab Apoſtolis derivatas, penitus reiecerint, et nonniſi eam, quam Dominus ipſe in S. Coena nobis reliquit, agnoſcere aequum duxerint.

§ 9. Quantumvis vero in ſuperioribus aſſeruerimus, ſeculis tribus primis, Eccleſiam adhucdum puram et ſanctam, imagines Domini noſtri, earumque uſum qualemcumque penitus ignoraffe, non tamen diſſitemur, etiam beato iſthoc tempore fuiſſe, qui imagines aliquas Servatoris optimi, pro genuinis venditatas atque a quibusdam habitas, circumtulerint, interque ſuos oftenterint. Quae adſtruximus, nonniſi de pura Eccleſia Catholica intellecta volumus. Hanc enim imaginibus huiuscemodi nulla prorsus ratione voluiſſe patrocinari, ſed potius ab earum uſu quocumque, animo fuiſſe maxime alienam, easque contemiſſe, negari haud poteſt. Verum enim vero pii Eccleſiae illius Antiliſites non
ignq-

tationes de hoc argumento plures, *Bibliothecae Germanicae* (la Bibliothèque Germanique) inferatae.

(*m*) Vide Excerpta ex Actis huius Concilii, in Actis Synodi Nicaenae II conſervata, apud *Labbeum*, Tom. VII col. 445. ſqq.

ignorabant, satisque testabantur, quosdam e coetibus haereticorum, et ipsos adeo Ethnicos, tales imagines iactare, de earum possessione gloriari, quinimo honore easdem et cultu religioso dignari. Ab his imagines illae dimanarunt, et tandem in Ecclesiam quoque Catholicam furtivo gressu irrepserunt, postquam pompa religionis externa, maximam partem e Gentilium sacris tracta, omniaque quae sensibus blandiuntur, hominibus, a pristina simplicitate nobili pedetentim iam aversis, maiorem in modum aridere coeperunt. Fattentem hoc adducere possumus *Eusebium*, melioribus et dignioribus seculi iv Theologis merito annumerandum, cuius haec extant verba, de statua Paneadenfi, cuius mentionem feci § 8, loquentis (n): *Nec vero mirandum est, Gentiles a Servatore nostro beneficiis affectos haec praestitisse; cum et Apostolorum Petri et Pauli Christique ipsius pictas imagines, ad nostram usque memoriam servatas, in tabulis viderimus. Quippe prisca illi absque ullo discrimine cunctos, de se bene meritos, gentili quadam consuetudine, tamquam Servatores colere huiusmodi honoribus consueverant.* Haec documento sunt luculento, *Eusebium*, cuius vastam eruditionem vix quisquam e praestantioribus veteris Ecclesiae Patribus aequare potuit, sibi persuasisse, imagines Christi, non secus atque illas Petri et Pauli, quae in mundo pro talibus venditarentur, o Gentilium thesauris atque lararils esse derivatas. Vero dissimile non est, ad ea praecipue respexisse *Eusebium*, quae de Severo Alexandro Imperatore Romano memoriae prodita legimus, et quae nos quoque infra tangemus, tametsi inficias ire nolim, eum forte tradi-

tio-

(n) *Eusebius Hist. Eccles. Lib. vii c. 18.*

tiones praeterea alias in animo habuisse nobis ignotas. Quam exiliter vero et contemptim *Eusebius* de imaginibus huius indolis senserit, aperte docet Epistola, quam ad Constantiam Augustam perscripsit (*), ex qua fragmentum notabile adferunt Patres Oecumenici Concilii VII. Neque aliam fuisse sententiam *Augustini*, qui centum fere annis post scripsit, ea quae § 7 ex eo retulimus, satis aperte declarant. Sed locus ille totus, ex quo paucula tantum verba excerpimus, attente legi meretur. Quamvis enim testetur *Eusebius*, haberi imagines Pauli et Petri, ab antiquo tempore servatas, *Augustinus* tamen affirmat (p), qua fueris ille facie, nos penitus ignorare.

§ 10. Vt vero ad evolvendam veram imaginum Christi in Ecclesia originem propius iam accedamus, mihi quidem certum est, Gnosticos haereticos, omnium primos sanctissimi Servatoris imagines in suorum coetus domusque privatas invexisse, deque iis non parum gloriatos fuisse. Ab his, si recte iudico, eadem ad Gentiles, et ab his denique ad Christianos catholicos pervenere. *Irenaeus*, Lugdunensis Praeful, pietate, doctrina et prudentia praestans, qui, inter vetustos Ecclesiae nostrae scriptores, imaginum Christi primus mentionem iniecit, earum usum Carpocratianis, notissimae et pessimae Gnosticorum sectae, in acceptis refert. Id enim verba eius haec declarant (q): *Gnosticos autem se vocant, et imagines, quas*

(*) Vide Acta Conciliorum *Labbei*, Tom. VII col. 493. sq.

(p) *De Trinitate* Lib. VIII cap. 5.

(q) *Irenaeus* adversus haereses Lib. I cap. XXV. § 6. edit. Massueti.

quasdam quidem depictas, quasdam autem et de reliqua materia fabricatas, habent, dicentes, formam Christi factam a Pilato, illo in tempore, quo fuit Iesus cum hominibus. Et has coronant, et proponunt eas cum imaginibus mundi Philosophorum, videlicet cum imagine Pythagorae, et Platonis, et Aristotelis, et reliquorum, et reliquam observationem circa eas, similiter ut Gentes, faciunt. Eadem fere leguntur apud Epiphanium, desumpta sine dubio ex Irenaeo, sed quae tamen describere hic non verebor. Videntur enim aliquam Lugdunensi Episcopo lucem affundere (r): Habent porro Carpocratiani depictas coloribus imagines, quidam etiam aureas aut argenteas, vel ex alia materia factas, quas esse Iesu effigies affirmant: easdemque a Pontio Pilato ad Christi similitudinem effictas, quo tempore inter homines degebat. Sed eiusmodi imagines occultas habent, nec non et Philosophorum quorundam, ut Pythagorae, Platonis, Aristotelis, aliorumque, quibus eas quas dixi Christi effigies miscent, et erectas adorant, ad easque Gentilium mysteria peragunt. Postquam enim simulachra ista collocarunt, quae a Gentilibus fieri solent, deinceps perficiunt. Quinam sunt vero Gentiles illi ritus alii, quam sacrificia, ceteraque generis eiusdem? Scriptor hic uterque mentionem quoque facit Marcellinae cuiusdam, mulieris eidem coetui mancipatae, quae, Romam profecta, ad propagationem sectae Carpocratianorum haud parum contulit. Et huic quidem mulieri Augustinus introductionem, aut certe propagationem istarum imaginum inter homines sectae suae cumprimis adscribere videtur. Nam (s) sectae ipsius,

(r) Epiphanius Haeresi xxvii. § 6.

(s) Augustinus de haeresibus cap. vii.

ipſius, inquit, de Carpocrate loquens, *ſuiſſe traditur ſocia quaedam Marcellina, quae colebat imagines Ieſu et Pauli, et Homeri et Pythagorae, adorando in cenſumque ponendo.* Et quis neget, mulieri ſuperſticioſae hoc examiſſim convenire? Vidimus ſupra § 9 *Euſebium* teſtari, ſe vidiffe imagines Chriſti et Pauli pictas, atque ab antiquo tempore ſervatas. Nunc, ut credo, facile perſpicitur, a quibusnam imagines hae ad poſteros fuerint tranſmiſſae. Quando vero Carpocratiani, qui inter Chriſtianos primi uſum imaginum Servatoris introduxerunt, gloriati ſunt, ſe illas accepiſſe e theſauro Pilati, Procuratoris Iudaeae Romani, id, uti ſuſpisor, peperit traditionem aliam, a profeſſoribus religionis Chriſtianae, hodieque in Aegypto admiſſam (1), Pilatum illum, iudicem optimi Servatoris iniquum, poſtea delicti huius poenitentia ductum, nomen Chriſto dediſſe, et ad ultimum, amorem et profeſſionem ſanctae noſtrae religionis ſanguine ſuo et martyrio obſignaffe.

§ 11. Si quis hiftoriam haereſeos Gnoſticae, quae in totam hiftoriam Eccleſiaſticam ſaeculi II et III non parum influit, e genuinis fontibus eruere, ſibiſque familiarem reddere, operae pretium duxerit, nullo negotio animadvertet, ſtudioſum iſtud ſingulare conquirendi imagines virorum bene meritorum, ac ſigillatim impenſam venerationem imaginum Chriſti, non *Marcellinae* illi, de qua diximus, aut etiam ſectatoribus Carpocratis in genere, privam et peculiarem fuiſſe, ſed eos potius hoc cum Gnoſticis omnibus commune habuiſſe, ſtudioſumque iſtud ſectae toti extitiſſe proprium. Et facile intelligitur, propenſionem talem in-

(1) Vide les *nouveaux Mémoires des Miſſions* Tom. II p. 149, 150.

ingenio et indoli universae illius sectae, quae tot indiciis sese prodit, apprime congruere. Etenim Gnostici, quod ipsum hoc eorum nomen, quod sponte et libenter adsciverant, satis testatur, re ipsa Philosophi erant, profundae rerum abstrusarum scrutationi et investigationi immodice dediti. Illud inprimis negotium datum sibi esse existimabant, ut omni mentis contentione et nisu in originem rerum omnium inquirerent, et si fieri posset, quaerendo tandem assequerentur, quomodo ex invisibili aeterno visibilia in tempore orta essent. In id conatu maximo incubuerant *Pythagoras* et *Plato*, atque discipuli eorum genuini; sed nec Philosophi alii ab isthoc studio alieni erant. Inprimis vero in exploranda hac re, cuius distincta cognitio, intellectui humano soli denegata, nonnisi ex revelatione divina hauriri potest, operam immodicam et inutilem collocabant Gnostici. Arbitrabantur tamen, Platonem in profunda istius mysterii feliciter et altius prae aliis Philosophis penetrasse, et in illius investigatione haud mediocriter profecisse, eaque de causa placita cum primis sequebantur Philosophiae Platonicae, ac praesertim recentioris, quae antiquiori et genuinae in permultis erat dissimilis, ac plurima ex Orientalium, Persarum, Chaldaeorum, et Arabum doctrina, habebat admixta. Eam, maxime in Aegypto, sed et in aliis regionibus, non modo Philosophi Gentiles, sed et multi ex Iudaels, ab aliquo tempore admirabantur, et paulatim adoptare consueverant. At enim, ubi Gnostici, Philosophiae huius alumni, in libros Scripturae Sacrae inciderunt, iisque lectis confestim deprehenderunt, ex illis multa ad scopum sibi propositum spectantia, longe melius, perfectius, et certius, quam ex Platone addisci posse, facile assecuti sunt, quemadmodum testatur *Porphyrus* ipse, impla-

ca-

cabilis religionis Christi inimicus (u), *Platonem intelligibilis essentiae profundum minime penetrasse*, et hac ratione moti, doctrinam fidemque Christianam amplexi sunt, ut quae notiones ipsorum philosophicas emendaret et expoliret, sed ita tamen, ut cum doctrina sanctae veraeque religionis, placita sectae suae antiqua sociarent, hocque pacto systema conflarent vere prodigiosum.

§ 12. Quod vero ad cultum eorum religiosum spectat, ille ita erat comparatus, ut ingenium potius popolare et muliebri, quam Philosophicum saperet. Religionem ceremoniarum multitudine obruebant, existimantes eam sic ornatorem ac splendidorem effici. Quaecumque in sensus hominum incurrunt, et admirationem excitant, ea libenter ad sacra sua transferebant. Dies Festos in coetibus suis plures instituebant, illorumque sollicitam observationem curae cordique habebant. Inter dies Festos, religione domestica consecratos, locum non ultimum tenebant natales sanctorum sectae suae, et praecipuorum, quorum merita magnopere reverebantur, Philosophorum; quae de re (v) alio loco plura observavi. Utque Festos hosce dies affectu et laetitia tanto abundantiori celebrarent, ut etiam clarissima illa et Ecclesiae et scholae suae lumina, oculis suorum non minus quam mentibus, iugiter praesentes obversarentur, nulli parcabant operae, ut eorum imagines sibi compararent, aliorumque contemplationi exponerent. *Irenaeum* supra adduximus referentem, Carpocratianos imagines non tantum Iesu nostri, sed praeter has etiam *Pythia*

(u) *Porphyrius in vita Plotini* cap. xvi, recusa in *Fabricii Bibliotheca Graeca*, Voi. iv p. 118 et sq.

(v) Dissertatione 1 huius Volum. § 6 [supra p. 396 sq.]

thagorae, Platonis et Aristotelis, sollicitè asservasse, et in coetibus suis conspiciendas proposuisse. Ad has *Augustinus*, quem in testimonium quoque iam adhibuimus, insuper addit imagines Pauli et Homeri: et cui potest esse dubium, homines hos plures alias in domibus suis et sacrariis custodivisse? Similis plane imaginum cura amorque in Philosophis illis observatur, qui dogmatibus Platoniorum dediti erant, e quorum scholis Gnostici Christiani re ipsa prodierant. Eorum disciplinae alumnus erat *Plotinus*, sectae illius magister percelebris (*), qui quidem, sive modestia quadam innata, sive alia ratione nobis ignota inductus, pictoribus, ut in gratiam amicorum suorum et discipulorum effigiem suam ad vivum delinearent, permittere haud volebat, ac rem ipsam tamen, quam illi intendebant, in universum impedire non potuit. Nam callido consilio usi, a coepto ante non destiterunt; quam eius etsi inviti imaginem, arte pictoris scite et feliciter expressam, consecuti essent, ut nempe imaginem hanc, post mortem eius, consuetis honoribus afficere, ac memoriam eius celebrare possent. De *Proclo* quoque, sectae eiusdem Philosopho inclyto, literis proditum legimus (x), quod eius imagines, plurium pictorum arte effictae, eo etiamnum vivo circumlatae, et in multorum manibus fuerint. Studium vero, quo imagines Christi prosequerentur Gnostici, usque adeo erat effusum, ut non tantum earum contemplatione animum suum oblectarent, sed iisdem etiam, adoratione, thurisque oblatione, ritibusque indolis eiusdem aliis, cultum exhiberent idololatrium. Scriptores veteres Ecclesiastici, quorum testi-

mo.

(*) Rem narrat in eius vita *Porphyrius* cap. 1.

(x) *Marinus* in vita *Procli*, cap. 111 edit. Fabric.

monis hanc in rem usi sumus, id conceptis verbis referunt, ex quibus discimus, homines illos et imaginum harum usum, et cum hoc, nefarium earumdem abusum, in Ecclesiam simul invexisse. De sectatoribus *Simonis Magi*, cuius placita, a vetustis scriptoribus commemorata, originem suam Gnosticam ubique aperte produnt, *Eusebius* scriptum reliquit (y), quod ante *Simonis et Helenae*, quam is secum circumducebat, *picturas et imagines proni se adiecerint, easque suffimentis et sacrificiis, ac libationibus colere verisi non fuerint*. Hi erant hominum illius sectae mores, hae consuetudines.

§ 13. A Gnosticis, ut credo, transiit usus imaginum Christi ad Ethnicos. Idque, si recte coniicio, Romae primum contigit. Ex testimoniis *Irenaei*, *Epiphani*, et *Augustini*, supra allatis § 10, constat, fuisse in coetu Carpocratianorum mulierem quamdam, cuius inter gregales magna erat celebritas, nomine *Marcellinam*, eamque circa aut post medium seculi II Romam venisse (z), dum urbis illius Ecclesiae *Anicetus Episcopus* praeest. Illa et doctrinam sectae suae mirificam illic propagavit, et praeterea usum imaginum Christi, quod disertis verbis *Augustinus* testatur, in coetus opera sua fundatos, aut certe auctos, prima invexit. Ab eo igitur tempore, imagines Christi Romae innotuerunt, potueruntque conspici, quod tamen non de Christianis recte sentientibus, sed de Gnosticis tantum intelligi velim. Hinc iam quivis divinando facile assequi poterit (a), undenam *Alexander*

(y) Hist. Eccles. Lib. II cap. XIII.

(z) *Irenaeus* et *Epiphanius*, ubi supra.

(a) Pluribus argumentum hoc persecutus sum, in Dissert. Voluminis huius [recusa est hoc ipso tomo Opusculorum].

der Severus, qui, post initia seculi III, ad gubernacula imperii Romani magna cum laude sedit, imagines illas Christi accipere potuerit, quibus Lararium suum domesticum ornavit, cuique cultum et honorem, Divinitati debitum, stato tempore offerre consuevit. Refert de eo *Lampridius*, scriptor Ethnicus, quae et hic locum inveniant (b): *In Larario suo animas sanctiones, in quibus et Apollonium, et quantum scriptor suorum temporum dicit, Christum, Abraham, et Orpheum, et huiusmodi (c) deos habebat, iisque rem divinam faciebat.* Ornatum illum Lararii Imperatorii, quem *Lampridius* commemorat, Alexandro sine dubio suggererat, sectator quidam Philosophiae Platonicae recentioris, e grege Gnosticorum, quod vel ex nominibus hic recensitis merito colligas. Sed et aliae insuper rationes suspicioni huic nostrae non exiguam probabilitatis speciem conciliant, qua de re plura (d) alio loco observabimus. Aut multum fallor, aut obscurum nunc iam amplius esse non poterit, ex quorumnam manibus imagines illae Christi, Petri et Pauli, derivatae fuerint, quas se vidisse (e) *Eusebius* testatur, et quas a Gentilibus ad suam usque aetatem transmissas esse ultro fatetur. Quando *Lampridius*, commemoratis imaginibus Christi et Abrahami, addit, Alexandrum Imperatorem huiusmodi alias habuisse, an

(b) In vita Alexandri, cap. 29. Scriptor. hist. Aug. Tom. I p. 930.

(c) *Salmasius* hic legere malebat *ceteros*. Propius ad ductum scripturae vulgatae accedet, si scribas *alios*.

(d) Dissertat. de Alexandro Severo Imp., Christianorum sacris per Gnosticos initiato [quae et in his Opusculis repetetur].

(e) Vide supra § 9.

an non suspicari primum est, eas inter fuisse etiam imagines *Pauli et Petri*? Mihi non potest non ita videri.

§ 14. A veritate non longe aberraturus esse videor, si dixerò, huiusmodi imagines Christi, e Gnosticorum sacrariis profectas, etiam hodie superesse, et in cimeteriis Principum, aut etiam hominum privatorum, inter gemmas, quas Abraxeas vocare mos est, etsi forte incognitas, asservari. Verum quidem est, imagines Christi, de quibus veteres loquuntur, faciem Domini nostri non semper eandem retulisse, sed sibi invicem non parum dissimiles extitisse, quod supra tetigimus. Vere tamen (f) vir magnus observavit, post seculum iv procedente tempore paulatim *unum aliquod picturae vel effigiei Christi exemplar aliis praeferre* consuevisse, et ubique obtinuisse. Nam si quis imagines, tam eas, quae ex veteris Ecclesiae usu etiamnum superstites sunt, quam quas a tribus aut pluribus seculis ubique gentium, a pictoribus peritis effectas deprehendimus, diligenter et accurate inter se conferat, cum notabilis, quae inter illas omnes illico observatur, similitudo latere vix poterit. Apparet facile, eas omnes ex una aliqua imagine archetypa defluxisse. Hanc vero imaginem, quam archetypam voco, ex imaginibus, quas diu in coetibus suis custodiverant Gnostici, originem traxisse auguror. Species certe habitusque oris, quem in nostris imaginibus Christi notamus, cum illis conspirat, quas gemmae quaedam Abraxeae, confectae ut plurimum seculo ii vel iii, referre mihi videntur. In collectione gemmarum huius generis, quam diligentiae et studio *Iohannis*

(f) *Iohannes Pearsonus.* Vide supra § 7.

his Chifletii debemus, numero 111 occurrit aliqua, quae, ut mihi persuadeo, imaginem divini Servatoris, et quidem recens mortui, Gnosticorum more depictam, oculis nostris obicit. Adspectus ipse huius imaginis, cum illis Christi Domini picturis, quae nobis continuo et ubique ob oculos versantur, id mihi confestim persuasit. Accedit consideratio Theologiae Gnosticorum, quae in gemmis illis symbolice adumbrata latet, quaeque me in sententia illa non leviter confirmavit. *Chifletius*, cuius eximiam eruditionem etiam Commentarius eius in gemmas Abraxaeas satis commonstrat, in effigie illa deprehendit symbola *Iovis Ammonis* et *Serapidis*; sed de hac eius observatione, sitne vera et solida, dubitare mihi liceat. Ego hic insignia *Iovis Ammonis* vel *Serapidis* certa, aut etiam probabilia, nulla conspicio. In ea gemma, quae in collectione eadem sequitur, num. 112, vultus exprimitur hinc viri, illinc mulieris. Neque diffiteor, imaginem viri illius aliquo ornari *Serapidis* symbolo, nam calathum gerit in capite, qui in illius simulachris omitti non solet. Vitio igitur *Chifletio* verè haud potest, quod in illa gemma *Serapidem* illic iunctam *Isidem* agnoverit, quamvis in muliere nihil, quod *Isidem* designet, invenire queam. Sit tamen, per me licet, in capite viri calathus, nota *Serapidis*, ne id quidem impedit, quo minus vir ille faciem Christi Domini prae se ferre videri possit. Id vel ex ipsa vultus specie conicio. Et gemmae hae ipsae, attente et meditate expendit, contemplatorem diligentem monent, plurimisque indiciis condocent, earum auctores symbola quidem Theologiae Paganicae retinere, sed ea ad Theologiam Christianam transferre, atque modo in scholis suis recepto applicare. Testantur etiam

vetères (g), sectatores *Simonis Magi*, Philosophi Gnostici, sed qui pro redemptore hominum haberi ipse voluit, imagines illius cum insignibus *Iovis*, et *Helenae* concubinae eius, symbolis *Minervae* condecoratas effinxisse, illasque honoribus divinis maclasse. Et erunt forte, qui in gemma, de qua loquor, *Chisletiana*, num. 112, *Simonem* et *Helenam* scalpello Gnosticorum repraesentatos esse putent; ego tamen me in ea fateor esse sententia, imagine ista Servatorem optimum, cum Ecclesia pretio sanguinis eius redempta, symbolice hic depictum esse. Sed ea de re ex arbitrio iudicent eruditi et cordati lectores. Illud vero extra omnem dubitationis aleam collocatum esse censeo, imagines has Christi, quae, si feliciter conieci, in gemmis nunc indicatis aliisque Abraxeis pluribus conspiciuntur, omnium quae in toto terrarum orbe extant, esse citra controversiam antiquissimas.

§ 15. Sed quid tandem etiam de imaginibus Christi hisce, quibus certe antiquiores non dantur, iudicandum esse putabimus? Non credo fore quemquam, qui omnia hactenus dicta et observata rite perpendere dignatus fuerit, cui non eadem quae mihi stet sententia, has benedicti Servatoris imagines ex solo ingenio artificum prodiisse, nullamque prorsus mereri fidem. Iactabant Gnostici, imagines has e domo Pilati, Procuratoris Iudaeae Romani, emanasse, et sic tandem ad manus suas pervenisse, putantes,

fe

(g) *Theodoretus* Lib. 1 *haereticarum fabularum*, cap. 1, institutum hoc tribuit Simonianis, *Augustinus* vero de *haeresibus* c. 1 ipsi *Simoni* haeresiarchae, si modo haereticis Ecclesiae Christianae eum annumerare licet, qui Iesum nostrum pro Servatore et redemptore hominum non habuit.

se lepida hac fabella aliquam fictis-istis imaginibus verosimilitudinis speciem comparare posse, cuius rei rationem supra suggesti §. 4; sed quis tamen usque adeo credulus sit, ut figmentum tale, omni probabilitatis colore denudatum, sibi persuaderi patiatur? Cogitet quis, quaeso, acta Pilati cum Iesu, ac deinde dicat, sitne credibile, hominem eo ingenio ac moribus istiusmodi praeditum, qui tantum divini Servatoris contemptum prae se tulit, imaginem tamen eius, in usum suum, pictoris arte effingi voluisse. Et si id vel maxime cupivisset, unde quaeso Hierosolymae, quae certe pictores tales non alebat, pictorem expiscari potuisset? Et quo, obsecro, temporis articulo, res talis suscepta et absoluta fuisset? Scriptores Ecclesiastici veteres memoriae quidem prodiderunt, Pilatum ea, quae cum Iesu acta erant, per literas nunciasse Tiberio Imperatori, sed imaginum Christi ab eo curatarum et in honore habitarum mentionem nemo iniicit. Et vero tamen dissimile non est, Pilatum imaginem Christi, si quam habuisset, cum literis Romam missurum fuisse. *Irenaeus* hanc Gnosticorum fabellam, de imaginibus Christi e domo Pilati acceptis, ita narrat, ut satis prodat, se eam penitus sprevisse. Non est e scriptoribus Christianis primorum seculorum quisquam, qui ad historiolum istum, ceu fide aliqua dignam, umquam provocarit, cum tamen de imaginibus Christi, quod ex supra dictis abunde colligitur, saepius quaesitum fuerit. *Eusebius* rem hanc indignam credidit, cuius mentionem ullam faceret, etsi Gnosticorum mores depingere non neglexerit, et de imaginibus Christi quaedam etiam observaverit. Illud igitur Gnosticorum commentum nulla profecto verosimilitudinis specie se commendat. Hinc iam sponte consequi existimo, nullam umquam imaginem

Christi genuinam, et quae faciem eius vere expresse-
rit, in mundo extitisse. Ita nempe rem hanc Divina
Providentia direxit, ut qui Deum et salutem suam
ament (h), exemplo magni gentium Apostoli, solli-
citi magis sint de cognitione Christi secundum spiri-
tum, quam secundum carnem.

(h) Epist. ad Corinthios II, cap. v, 16.

DISSERTATIO,

QVA CONTINENTVR

DE SANCTIS QVIBVS DAM INCOGNITIS,

QVORVM MEMORIAE CVLTVQVE AN-

NIVERSARIO, IN FASTIS ECCLE-

SIÆ ROMANÆ, DICATVS EST

DIES XIX. IANVARIJ,

CONIECTANEA.

§ 1. Postquam Ecclesia Romana propensioni inveteratae in cultum sanctorum, eorumque reliquiarum, frenum laxavit, regulam sibi praescripsisse videtur, illi, quam semper observarunt Apostoli, e diametro oppositam. *Paulus*, magnus ille gentium Apostolus, id sibi negotii datum esse credebat, ut Athenienses, turpi idololatriæ totos immersos, et gentiles in universum omnes, a cultu (a) *Dei incogniti*, quem *ignorantes honore divino dignati erant*, ad cognitionem cul-

(a) *Actorum* XVII. 23.

cultumque unius veri Dei, in Iesu Christo manifestati, converteret. Et quis neget, ad hunc eundem finem tendere (b) doctrinam Religionis Christianae totam, qualem Apostoli universo orbi promulgarunt, aut aliis promulgandam tradiderunt. At enim in Ecclesia Romana contrarium huius rei non potest non observari. In ea enim videas, miserum rudemque populum a vero Dei cultu, ipsis in Scriptura Sacra abunde revelato, quondam averti, atque ad cultum Deorum ignotorum innumerabiliū, vel hominum ad divinos honores evektorū, de quibus nemini aliquid certo constat, abstrahi, ut igitur iure merito dici ipsis queat (c): *Adoratis, quod cognitum non habetis*. Intolerandus iste, qui Ecclesiam Romanam olim occupavit, abusus, eum ad modum labente tempore crevit, ut piis quibusdam et bene meritis Ecclesiae illius Theologis pudorem incusserit. Estque in recenti eruditorum memoria, virum (d) omni doctrina et virtute egregie ornatum, veritatisque amantem, quem merito suo Ecclesia Romana, cuius exiitit alumnus, maximo in pretio et honore habet, graves de hoc abusu querelas effudisse, fideique suae domesticos candide monuisse, ut ab illo sibi prudenter caverent. De argumento hoc plura nunc non differam. Ea tantum, quae alii de *sanctis incognitis Ecclesiae Romanae* observarunt, novo et memorabili exemplo, attenta lectoris cordati consideratione, ut spero, non prorsus indigno, confirmare animus est.

§ 2.

(b) Ibidem XIV. 15. Adde caput XVII.

(c) Evang. Iohannis IV. 22.

(d) Iohannes Mabillon, Ordinis Benedictinorum ingens ornamentum, in Dissertatione satis nota, *sur le culte des Saints inconnus*.

§ 2. In *Breviario et Missali Romano* legitur, diem XIX Ianuarii, memoriae et honori sanctorum quorundam, sed huc usque penitus incognitorum, dictum esse. In *Canone etiam Missae*, qui ex praescripto Ecclesiae Romanae illo die adhibendus est, edicitur, ut eorum nominatim mentio fieri, ipsique eo cultu, quem Ecclesia illa sanctis decrevit, honorari debeant. In *Breviario*, sancti hi incogniti, ad diem XIX Ianuarii, istis nominibus designantur: *Marii, Marthae, Audifacis et Abachum Martyrum*. Notitiam illorum hacce nonnihil uberiores suppeditat nobis *Martyrologium Romanum*, cuius ad eundem diem p. 35 haec sunt verba: *Romae in via Cornelia, sanctorum Martyrum, MARIi et MARTHAe coniugum, et filiorum AUDIFACIS et ABACHVM, nobilium Persarum, qui Romam, temporibus Claudii Principis, ad orationem venerant. Mox deinde martyrium, quod sancti pertulisse feruntur, ita describitur: Equibus post toleratos fustes, equuleum, ignes, unguis ferreos, manuumque praecisionem, MARTHA (e) in Nympha necata est, ceteri sunt decollati, et corpora eorum incensa. In Codice quodam MSS. Bibliothecae Vaticanae haec (f) inveniuntur: Eodem die dedit sententiam, ut decollarentur, qui dum ducti fuissent via*
Cor-

(e) Locus idem mox vocatur *ad Nymphas Cathabassi*, vel *Catabassi*, de quo *Paulus Aringhius* in *Roma subterranea* Lib. II cap. XVI § 7 haec habet: *Locus dicitur ad Nymphas Catabassi, quod ibi forte Catabassi alicuius fontes quondam existerent. Operae pretium est, eiusdem consulere Libri IV caput XX totum, ac praesertim § 2, 3.*
(f) Apud *Antonium Bosium*, in *Roma sotterranea* Lib. II cap. XIV p. 160, et *Aringhium* in *Roma subterranea* Lib. II cap. XVI § 7.

tem (h) Magorum ex Oriente, popularium suorum, aemulari voluisse. Equidem, cum Christum Dominum, in carne manifestatum, prope, ut illi, iam non amplius salutare atque adorare possent, is enim terras reliquerat, saltem Vicarium eius in terra Romae honore hoc afficere, eum coram compellere, humiliter adorare, et muneribus placare voluisse videntur. Impensa haec reverentia Episcopi Romani, aut, si malis, liminum Petri et Pauli, inprimis si cogites primam illam et puram adhuc venerabilemque Ecclesiae Christianae aetatem, seculum nempe III, in quod historia *Marii et Marthae* a compilatoribus martyrologiorum coniicitur, sedi Romanae non potest non esse pergrata, valdeque honorifica. Id vero commodum omne, quod ex historia isthac, in Ecclesiam Romanam redundare videtur, oppido minuit, aut potius plane evertit, quod circumstantiae rei huius vere singularis, sed Ecclesiae veteri penitus ignotae, ita comparatae sint, ut illius refutationem et condemnationem secum vehant. Non facile quisquam hodie reperietur, dummodo historiam Ecclesiae primitivae probe calleat, qui fabulam adeo insulsam, et ab omni veri specie longe remotam, sibi obtrudi aut persuaderi passurus sit. Non diffitetur id, quod dixi, magnus Chronologiae Christianae instaurator, idemque censor Annalium Baronii severus, sed perquam doctus et iudiciosus, *Antonius Pagi*, Franciscani ordinis Sacerdos. Nam (i) etsi negare non audeat, sanctos illos, de quibus loquimur, martyrium passos esse, quia Ecclesia Romana id asseverat, quam eius modestiam imitatur

(h) *Matthaei* cap. II.

(i) *Antonius Pagi* in *Critica Annalium Baronii*, ad A. C. 268. num VI et VII, et ad 29. 269, num II.

tur vir ceteroquin de historia Ecclesiastica praeclare meritus (k), *Sebastianus Nanus Tillemontius*, ostendit tamen bonis rationibus, circumstantias historiae istius, quales in *Martyrologiis* et *Actis Sanctorum* leguntur, tales esse, ut fidem mereantur nullam. Recte igitur pronuntiat, acta istorum sanctorum esse supposita et conficta, laudatque *Ruinartum*, ut qui, in *Sinceris Actis Martyrum*, eis locum nullum concesserit. Sunt igitur manentque Persae hi sancti penitus ignoti, neque norunt docti Ecclesiae Romanae fautores, quid de illis dici aut censi debeat. Pluribus post *Pagium* id ipsum adstruere, prorsus supervacaneum mihi videtur, cum ea, quae in medium allata iam sunt, eruditorum omnium consensu, rem hanc ad liquidum perduxerint. At paulo ulterius progredi hic animus est, etenim sanctis hisce Persis, ut spero, larvam detraham, eoque efficiam, ut ex incognitis divis, recuperata pristina nativa forma, homines evadant oppido et bene noti. Persacile tum cuivis erit iudicare, quisnam inter sanctos locus illis fuerit assignandus, quove sint honoris et venerationis cultu ornandi.

§ 4. Si coniectura mea, quam lectorum iudicio nunc submittam, aliquid soliditatis habet, fatendum erit, *Marium*, *Martham*, ceterosque illos, qui in *Martyrologio*, aliisque sanctorum catalogis, locum non infimum occupant, re ipsa venerabili sanctorum nomine et confessu penitus indignos esse. Nisi vehementer fallor, fuerunt illi omnes, de quibus hic disserimus, miseri caecique gentiles, multisque insuper vitiis ac criminibus turpiter contaminati. Duo illa

no-

(k) Dans les *Mémoires pour servir à l'histoire Ecclesiastique*. Tom.

nomina, in hac sanctorum historia iunctim memorata, *Marii* et *Marthae*, suspicionis meae, quam lectori iam exponam, fundus et origo extiterunt. Quis enim nomina haec, iunctim sic, ut dixi, in eadem historia commemorata legere vel audire potest, cui non in memoriam continuo redeat *C. Marius*, fortissimus et felicissimus Romanorum Imperator, et quam is in exercitu secum circumducere solebat, *Martha*, mulier Syra. *Marii* nomen in historia Romana multo clarior est, quam ut de eo aliquid addere operae pretium sit. Quoniam vero *Marthae* nomen longe est ignobilius et obscurius, paucisque scriptoribus dictum, adferam quae de ea *Plutarchus*, auctor cum paucis comparandus, literis mandavit. Sic autem ille (1): *Marius mulierem quamdam Syram, nomine MARTHAM, quae ferebatur edere vaticinia, in lectica decumbentem, magna circumducebat veneratione. — Lectica fere vehebatur; ad rem divinam autem procedebat, purpureum amictum duplicatum, fibulaque supra pectus constrictum gerens, et hastam vittis ac stemmatibus redimitam, manu ferens. Dubitarunt tamen complures, verene ei fidem habuerit Marius, an serviens ex composito huic fabulae, ostentaverint eam mulierem.* E scriptoribus historicis Latinis, comitis huius et amicae *Marii* meminit quoque *Frontinus*, tametsi nomen suppresserit (m). *C. Marius*, inquit, *sagam quamdam ex Scythia habuit, a qua se dimicationum eventus praediscere simulabat.* Videtur auctor hic postremus in eo differre a *Plutarcho*, quod quam hic mulierem Syram dixit, ille e Scythia eam arcessitam esse scribat. Sed bene est,

(1) *Plutarchus in vita Marii* p. 414 et 415.

(m) *De Strategematibus Lib. I cap. II § 12.*

ma arcus illius parte, a sinistro latere, effigiem huiusmodi mulieris, crinibus passis, eoque corporis habitu et statu insignis, qui vatibus foeminis tribui solet. Ex his quae disputavimus, satis perspicere licet, *Marium* de *Martha* illa, rerum a se gestarum comite, deque sua cum eadem amicitia, gloriatum esse, eiusque etiam in monumentis expeditionum suarum bellicarum publicis, mentionem honorificam extare, aut etiam effigiem exhiberi voluisse.

§ 5. Qui sint *Marius*, et *Martha*, piorum Christi martyrum choro, in Martyrologiis Sanctorumque Actis, liberaliter adscripti, detexisse mihi videor. Quid vero, inquit, de reliquis duobus, *Audiface* et *Abachum*, dicendum esse indicabimus? Fuerintne illi saltem et origine et domicilio Persae, qui devotae pietatis stimulo acti, e Persia Romam adorandum se contulerint. Ego vero minime censeo. Alterum certe eorum, *Abachum* nempe, Germanum aut Gal- lum origine fuisse arbitror. Ut vero hoc ipsum, quod primo quidem intuitu paradoxo loco habendum videri poterit, planum manifestumque faciam, recurrendum mihi iterum erit ad arcum triumphalem *Marii*. Erat is, quemadmodum eruditi norunt, in honorem *C. Marii*, inque memoriam victoriae ingentis geminae, alterius quidem ad Aquas Sextias, de Ambronibus et Teutonibus, alterius vero prope Vercellas, de Cimbris ab eo reportatae. Postquam Imperator ille, idemque tum Consul Romanus, proelio cruento sed auspica-

to

tarchum loc. cit. p. 414. *Strabonem* Lib. IV p. 127. editionis ab ipso *Casaubono* curatae, et ad eum *Casauboni* notas. Qui ceteroquin expendere dignabitur, quae *Sponius* ipseque *Montesalconius* de arcu isthoc memoriae mandarunt, de veritate opinionis receptae non dubitabit.

to hostes vicisset et prostravisset, fortuna usus est adeo secunda, ut *Teutobochum*, gentium harum regem caperet vivum, quare faustum hunc proelii eventum, in arcu triumphali, memoriam tantae rei ad posteros transmissuro, tacite praeteriri noluit. Supervacaneum haud erit hic apponere, quae eam in rem *Montefalconius* observat (q). *Iosephus Pisaeus*, ita scribit, qui historiam *Arausicanam* Gallico idiomate edidit A. 1639. ait: in latere occidentali, ubi tropaea et captivi, cum ex captivis unus diu ante excidisset, lapidem qui erat huic captivo suppositus, item excidisse, quadraginta circiter annis, antequam librum suum ederet, in quo lapide scriptum erat *Teutobochus*, quod erat, inquit ille, nomen regis captivi, additque, patrem suum vidisse lapidem, et hoc nomen legisse. Addit *Montefalconius*: si nomen illud vere in lapide fuerit, regis utique *Teutonius* esse potuit. Quodsi autem delineationem arcus *Mariani*, quem nobis dedit praestantissimus *Montefalconius*, intueor, in suprema illius regione videor mihi cernere captivum, qui genibus nixus se ipsum dedit. Romae etiam hodieque ostenduntur duo tropaea *Marii* marmorea (r), quorum alterum habet

(q) *Montfaucon*, ubi supra, p. 170.

(r) *Barthol. Marlianus* in *Topographia Urbis Romae* Lib. v cap. xiv p. 91. b. Adde *Andr. Fulvio Antichita di Roma* Lib. II p. 57, 58, et *Petri Martyris Felini*, *Servitae*, *Trattato delle cose maravigliose dell' alma città di Roma* p. 297. sq. Sunt equidem, qui in dubium vocent, sintne tropaea haec re ipsa *Marii*. Vbi vero perpenduntur, quae viri docti iam citati, cumque his *Olaus Borrichius* in *antiqua Romae facie* cap. vii et *Montefalconius* in *Diario Italico*, p. 108, 109 et 170, observarunt, dubio locus non supererit.

bet thoracem cum ornamentis et clypeis, et ante se imaginem captivi iuvenis, brachiis post tergum victis: alterum vero instrumenta omnia ad pugnandum, et clypeos, quae dicuntur fuisse C. Marii de triumpho Cimbrico erecta. Haec sunt, quae a Sylla disiecta C. Caesarem Dictatorem instaurasse, memorat Suetonius. Haud ambigo, quin iuvenis ille captivus, brachiis post tergum victis, qui in tropaeorum Marianorum altero conspicitur, sit ille ipse Teutobochus, quem arcus triumphalis Arausicanus nomine hoc designasse dicitur.

§ 6. Memoria huius Teutobochi, non in tropaeis tantum et monumentis publicis, quod nunc vidimus, conservata fuit, sed meminerunt eiusdem historici, qui bella et victorias Marii attingunt. E Graecis Plutarchus, in historia Marii, mentionem iniicit (s) regum Teutonicorum, a Mario in bello Cimbrico captorum, quamvis nomina eorum omiserit. At ipsum quoque Teutobochi nomen apud scriptores Latinos legitur. De eo haec habet Florus Lib. III cap. 3: Rex ipse Teutobochus — proximo in saltu comprehensus, insigni spectaculum triumphi fuit, quippe vir proceritatis eximiae super tropaea sua eminebat. Reperitur nomen idem apud Eutropium, sed librariorum negligentia nonnihil corruptum. Sic enim legimus Lib. V [c. I] p. m. 48. Cum Cimbris conflixit Marius, et duobus proeliis c c millia hostium cecidit, LXXX millia cepit, et ducem eorum Teutobodum. Scriptura eadem victoriosa Orosii Codices [v. 16] quoque occupavit. Quam non facile vero erat librario, rerum harum mediocriter tantum perito, ex Teutobocho, suum effingere Teutobodum. In Eusebii Chronicon Hieronymianum, idem illud

(s) Plutarchus in vita Marii p. 41.

Tom. I[II].

D d

illud mendum, sed novo etiam auctum, sese insinuavit. Ita enim scriptum ibi (1) 'deprehendimus: c c millia Cimbrorum caesa, LXXX millia capta per Marium, cum duce Teutomodo. Miror sane, quid magnum Scaligerum inducere potuerit, ut lectionem hanc vitiosam, ex alia non meliori ortam, retinendam et defendendam esse putaverit. Nemo, ut spero, qui hactenus allata, eo quo par est candore, expenderit, vitio mihi dabit, quod in Latinorum scriptorum locis a me adductis omnibus legendum esse censeam *Teutobochum*. Sed quorsum, inquires iam, haec omnia, quae de *Teutoboch*, rege Teutonum, vel Cimbrorum, a *Mario* in vincula coniecto, satis prolixè disputata fuerunt? Nempe ut ostendam, in historia *Marii*, et rerum ab ipso in bello Cimbrico gestarum, uti et in monumentis, in memoriam huius belli a fortissimo Imperatore, tanto cum successu profligati, *Marii*, *Marthae*, et *Teutobochi*, saepe iunctim mentionem fieri consuevisse, sicuti etiam in Actis Sanctorum nostrorum, nomina eadem *Marii*, *Marthae*, et *Abachum*, amice sociata leguntur. Iam vel me tacente, intelligi facile poterit, quanam de nomine *Abachum*, mihi sedeat sententia. Suspicio nempe, ex voce *Teutobochum*, in Inscriptione corrupta et mutilata, alicubi reperta, natum fuisse nomen pariter corruptum *ABACHUM*. In lapide, qui, ut mihi persuadeo, confingendae sanctorum nostrorum historiae argumentum subministravit, legebantur nomina *Marii* et *MARTHAE* integra et incorrupta. Additum quoque erat nomen *Teutobochi*, quia id summo honori et gloriae sibi duxerat *Marius*, quod *Teutobochum* in potestatem

(1) Hieronymus in Chronico Eusebii p. 149. edit. Scaligeri ultimae.

tem suam redegisset vivum, ideoque in lapide, memoriae honorique eius dicato, id omitti non debebat. Neque dubito, quin lapis ille ΤΕΥΤΟΒΟΧΥΜ primitus bene et distincte expresserit. Sed tempus edax rerum literas primas huius nominis ΤΕΥΤ ita corrosisse videtur, ut aut prorsus evanuerint, aut distincte saltem legi haud potuerint. Remansit ergo tantum, quod legi posset ΟΒΟΧΥΜ, ex quo lector aliquis Christianus, sanctos cogitans et quaerens, confecit ΑΒΑΧΥΜ, propter aliquam harum syllabarum (u) cum nomine alicuius Prophetæ Veteris Testamenti, omnibus noti, aliquam similitudinem et affinitatem.

§ 7. Trium nominum, quæ, in Actis Sanctorum Ecclesiæ Romanæ, iunctim leguntur, *Marii*, *Marthæ*, et *Abachum*, rationem mihi videor reddidisse. Sed superest quartum *Audifacis* nomen, quod quale sit, quove referri possit, haud certo dixerim. Variæ mentem meam subeunt coniecturæ, in quibus tamen, quod non invitatus fateor, mihi ipse haudquaquam satisfacio. Ne tamen nihil dixisse videar, adferam coniecturas duas, quæ aliquam forte verosimilitudinis speciem præ se ferre quibusdam videbuntur, sed quas lectoris arbitrio penitus permitto. Superveniet fortè an alius, ingeniosior me feliciorque hic coniector. Cogitare quis posset, nomen *AVDifacis*, vel *AVTifacis*, non inepte coniungi posse cum illo ΑΒΑΧΥΜ, ut nempe utrumque sibi iunctum, illum, quem quem quaerimus, ΤΕΥΤΟΒΟΧΥΜ componat. Si lapis, ex quo voces semesæ non sine difficultate crui potuerunt, adesset et inspicere posset, tutius ea de re ferre liceret iudicium. Quam mirificas enim, in lapidibus vetustis, temporum iniuria mutilatis, vocum tum com-

po-

(n) Vide infra.

Dd 2

positiones, tum disiunctiones, lectores etiam periti, ne de imperitis dicam, exsculpere soleant, obscurum illis non est, qui ad talia studia animum umquam applicuerunt. Sed hac de re aliquid infra nobis etiam tangendum erit. Alii cuiusdam in mentem venire poterit, *Audifacem* spectare potuisse ad *Martham*, quam Inscriptio nuncupaverit *VATEM*, sicut *Frontinus*, § 4 ad testimonium vocatus; *sagam*. Ex voce hac, si coniectura admitti posse videbitur, imperitus quidam inscriptionis lapidariae lector confecit *FACEM*, ac insuper vocem hanc nullius pretii cum alia etiam imperitius combinavit, unde tandem exiit *Audifax* et *Audifaxis*. Sed quoniam tamen suspicionibus hisce, alio adhucdum fundamento destitutis, nihil certi solidique subest, praeestabit nunc quidem manum de tabula auferre.

§ 8. In historia sanctorum nostrorum, qualem Martyrologia et Sanctorum Acta nobis exhibent, aliquid praeterea occurrit, quod ex historia Imperatoris Romani C. *Marii* desumi potuit, et quod forte Inscriptio, de qua suspicionem meam aperui, breviter et paucis tetigit, et quod probabiliter lector Christianus, pro indicio certo martyris, et martyrii ab ipso perlato, habendum esse iudicavit. In Actis quibusdam illorum, de quibus hic differimus, Sanctorum Martyrum, et hoc refertur, honorem sepulturae ipsis denegatum fuisse (v): *Quorum corpora iussit incendi, ne sepulturam haberent*. Hancque persecutorum saevitiam exanimata martyrum corpora re ipsa experta fuisse, asseritur in *Martyrologio Romano Baronii* (w),
ubi

(v) Acta MSS. in Codice Vaticano, apud *Bossum* et *Aringhium*. Vide supra, § 2.

(w) Locum *Martyrologii* prolixius citatum vide § 2.

ubi haec leguntur: *Sunt decollati, et corpora eorum incensa*; quamvis alii Actorum compilatores id inficias iverint. Istiusmodi exempla denegatae, primis his temporibus, Christianis sepulturae, in *Sinceris Actis Martyrum*, qualia a *Ruinarto* edita habemus, non quidem plane nulla occurrunt, sed sunt tamen oppido rara. Saevi piorum hominum persecutores et carnifices, ubi eorum sanguine, cruciatibus, et morte satiati essent, ipsa corpora trucidatorum amicis ut plurimum, aut gregalibus, vix ac ne vix quidem invidere solebant. Praeterea nondum illo tempore Martyrum reliquiae distrabebantur, aut multo aere coëmebantur: nondum illis honos habebatur superstitiosus, quem Martyres ipsi cum indignatione repulsuri fuissent. Cur igitur Christianis reliquias corporum misere enecatorum aut excruciatorum denegassent Ethnici? Haec sunt ut plurimum sequioris aevi. At credi potest, ea quae Mario Imperatori Romano post mortem evenere, et quae forte Inscriptio, de qua dixi, attigerat, in Acta Sanctorum *Marii* et *Marthae* derivata fuisse. *Mario* certe (x) Imperatori Romano, *Cornelium Syllam*, quo inimicum saevum magis et implacabiliorem expertus numquam est, sepulturae honorem et comoda invidisse, et, quantum in ipso erat, eripuisse, ex historia constat. Nam cum Sylla post *Marii* obitum Romam rediisset, omniaque iam ex nutu et libidine ageret, etiam de mortuo hoste vindictam sumpturus, ossa ejus effodi, et in Anienem, fluvium praeterlabentem, conici iussit. Idem vero metuens, ne post mortem sibi forte par pari referretur,

Testa.

(x) *Cicero de Legibus* Lib. II c. 22. *Valerius Maximus* Lib. IX c. 2. *Plinius Histor. Natur.* Lib. VII c. 54.

Testamento iussit ossa sua igne cremare, cum antehac genti Corneliorum in more fuisset, corpora defunctorum non comburere, sed humo mandare.

§ 9. Equidem praevideo, fore lectores, quibus mirum supra modum videbitur, Ethnicos tres, *Marium, Martham, et Teutobechum*, quorum primus gente Romanus, tertius Germanus aut Gallus, mulier vero e Syria oriunda fuit, in Christianos Persas, sanctosque veritatis Evangelicae testes, sanguineque conspersos Martyres, transformari potuisse. Neque nego, transformationem talem, prima fronte, non posse non admodum peregrinam vehementerque paradoxam videri. Sed in Martyrologiis Actisque Sanctorum, quae Ecclesia Romana iudicio solemni probavit, cultusque illius, quem sanctis plurimis decrevit, fundamentum unicum esse voluit, transformationes huius generis ita raras non sunt, atque imaginari sibi quis posset. Quisquis operam legendo *Martyrologio Romano*, a *Caesare Baronio* compilato et digesto, ac iudicio Pontificum summorum publico veluti obsignato, aut meditare perpendendis, quae de eo (y) a viris doctis monita iam sunt, studiose impendere voluerit, nullo negotio id, quod hactenus adstruxi, sibi persuaderi sinet. Vix mente quis concipere aut credere potest, quot quamque insulsos et ridiculos errores, partim ignorantia incredibilis, partim negligentia et incuria eorum, qui seculis mediis historias Sanctorum et Martyrum contexendas in se susceperunt,

no.

(y) Possunt praeter alios hic evolvi *l'Histoire de l'Eglise*, par Mr. *Basnage* Tom. II p. 1038, 1039, et *Mich. Geddesii detectio crassorum quorundam errorum in Martyrologio Romano*, quae in *Miscellaneis* eius, Anglico sermone publicatis, reperitur Volum. II.

nobis pepererit. Ut dictis fidem faciam, exemplis nonnullis ea corroborare animus est. In *Martyrologio Romano* celebratur ad d. xvi *Februar.* memoria in *Aegypto S. Iuliani Martyris, cum aliis quinque millibus* (z). Viris doctissimis, et in historia Ecclesiastica magna cum laude versatis, non citra rationem visum est, martyrologii huius compilatorem, cum alticubi legisset, *S. Iuliani Martyris, cum aliis quinque mil.* id est, *militibus*, quae vox in Actis Sanctorum et Martyrologiis toties occurrit, ex eo confecisse *quinque millibus*. Ipse doctissimus *Tillemontius*, qui in historia Ecclesiastica sex primorum seculorum, laboriose, docte, et accurate contexta, nihil studio tam exquisito persequitur, quam historiam Sanctorum et Martyrum, hic tamen ita iudicat (a): *Ad hunc diem xvi Februar. refertur etiam Martyrium S. Iuliani cuiusdam, cum quinque millibus Aegyptiorum, sed quos reducere oportet ad quinque.* Vix dubitari potest, quin argumentum huius historiae desumptum sit ex *Eusebii Historia Ecclesiastica* (b), ubi martyrium *Pamphili* describit. Refert enim, inter Martyres, qui eodem tempore, Caesareae in Palaestina, morte sua Dominum glorificarunt, fuisse etiam *Iulianum*, et paulo ante dixerat de Martyrio *quinque Aegyptiorum*, qui e Cilicia reversi in patriam suam pergere voluerant. Adfert etiam quinque illorum Aegyptiorum nomina, *Eliae* videlicet, *Hieremiae*, *Esaiae*, *Samuelis*, et *Danielis*, haec enim nomina e scriptura petita,

(z) Vide *Geddesii* librum cit. p. 189. sq.

(a) *Mémoires pour servir à l'histoire Ecclesiastique* Tom. v p. 427.

(b) *Eusebius* de Martyribus Palaestinae cap. xi.

ta, abiectis pristinis, adoptaverant. Horum martyrium *Eusebius* refert ad diem xvi Februar. qui ipse dies in *Martyrologio* quoque *Romano* notatur. Et in eodem *Martyrologio* confestim sequitur: *Caesareae in Palaestina, Sanctorum Martyrum Aegyptiorum, Eliae, Hieremiae, Esaias, Samuelis et Danielis.* Sunt nempe haec nomina quinque illorum Aegyptiorum, quorum martyrium modo erat narratum, sed qui, nescio quo casu, ex quinque, in quinque millia conversi fuere. Compilerator huius historiae, quisquis fuit, ex diversis Sanctorum Actis, quae nonnisi rem unam referebant, confecit historias duas, quas tamen ad unum eundemque diem retulit, et quae descripserat, ea novo errore commaculavit, dum ex quinque militibus, aut hominibus, quinque millia confinxit. Ad diem i Junii in *Martyrologio Romano*, memoria celebratur in Aegypto Sanctorum Martyrum, *Ischyronis ductoris militum, et aliorum quinque militum, qui sub Diocletiano Imperatore, pro fide Christi, diverso mortis genere perempti sunt.* An hi confusi fuerint cum quinque illis Aegyptiis, quos etiam sub *Diocletiano* et consortibus Imperii passos esse, et *Eusebius* testatur, et in *Martyrologio* repetitur, aliis diiudicandum relinquo. Sunt tamen, quae mihi id suadeant. *Martyrologium Romanum* ex multis Martyrum et Sanctorum historiis compilatum fuit a pluribus, et nonnumquam manu valde imperita, aut oscitante. Non igitur est, quod quis miretur, tantam errorum intolerabilem, et fere incredibilem, segetem in farraginem illam irrepsisse. In eodem *Martyrologio* ad diem xxiv Iul. haec legimus: *Amiterni in Vestinis passio SS. militum octoginta trium.* At vero (c) in Mar-

ty.

(c) *Geddesius*, ubi supra, p. 195. sq.

tyrologio Lucensi, haec longe aliter concipiuntur, isto videlicet modo: *Amiterni, octoginta tribus milliari- bus ab urbe, in via salutaris, passio S. Victorini*. Consentiant cum hac editione Codices optimi, inter quos et ille nominandus, qui fuit in Bibliotheca Christinae Reginae Sueciae; ut taceam, lectionem horum codicum ipsa sua probabilitate se tueri. Si miliaria, quae sunt mensurae viarum, potuerunt transformari in homines, et in Sanctos quidem atque Martyres, quid opus est mirari transmutationem *Marii, Marthae*, et *Abachum*, sive *Teutobochi*, caecorum gentilium, in pios Christi confessores et Martyres? Quot non exempla alia similium errorum, hallucinationum, et figmentorum, adducere possem, quorum non pauca ipsi communionis Romanae cordati scriptores mihi suppeditant. Sed haec non sunt istius loci. E diverticulo iam revertendum mihi est in viam.

§ 10. Vt igitur ad sanctos nostros personatos, *Perfas* nimirum, *Marium, Martham*, et *Teutobochum* redeam, ita sentio, Inscriptionem aliquam antiquam, temporis iniuria vehementer corruptam atque mutilatam, perperam praeterea ac imperite explicatam, in qua nimirum mentio extabat veteris *Marii*, comitis eius *Marthae*, et devicti ab eo *Teutobochi*, fingendae illi Sanctorum Persarum historiae, quae nunc in Martyrologiis et aliis Sanctorum Actis deprehenditur, occasionem primam subministrasse, etsi nullus dubitem, eam a Martyrologis et Legendariis posthaec accessionibus variis fuisse locupletatam. Mihi vero dissimile haud videtur, Iulium Caesarem, Dictatorem perpetuum (d), cum tropaea *Marii*, Romae erecta, sed postea a Syl-
la,

(d) *Suetonius*, in *vita Caesaris*, cap. xi.

la, crudeli eius hoste, everfa restaurasset, memoriam huius (e) sui avunculi Inscriptione aliqua celebrare posteritatie commendare voluisse; quae res ab eo fortiter et feliciter gestas breviter recenseret, ex qua proinde nomina *Marthae*, et *Teutobochi*, abesse omnino non potuisse videntur. Ferebatur talis aliquando Veronae inscriptio, quam (f) se vidisse testatur *Iacobus Sponius*, sed quam adulterinam esse et supposititiam iudicavit, qua de causa etiam argumentum eius silentio involvit. Extat et alia talis Inscrip-
 tio, quam *Petrus Martyr Felinus*, e Servitarum ordine (g), publici iuris fecit (h), sed quae mihi quidem non vi-
 de-

(e) Marius enim in matrimonium duxerat Iuliam, patris Iulii Caesaris sororem.

(f) Voyage de Mr. Spon, Tom. II p. 286.

(g) In libro Italice scripto, de mirabilibus urbis Romae, edit. Romae 1615, p. 297, 298.

(h) Inscrip-
 tio haec, recentiori, ut auguror, manu, ab erudito quodam Italo adornata, talis a *Petro Martyre Felino* edita est. C. Marius Cos. VII. prid. Tribun. pl. Q. Augur. Trib. mil. extra hostem; bellum cum Iugurtha Rege Numidiae, Procos. gessit, cum cepit et triumphans in Iovis aedem, secundo consulatu, antecursum suum duci iussit. Tertium Cos. absens creatus est, IV Cos. Theutonorum delevit exercitum. V. Cos. Cymbros fudit, ex eis et de Theutonis iterum triumphavit. Remp. turbatam seditionibus Tr. Pl. et Praetor, qui armati Capitolium occupaverant. VI Cos. vindicavit post LXX annos, Patria per arma civilia pulsus, armis restitutus. VII Cos. factus est, De manubiis Cymbris, et Theutonicis, honori et virtuti, victor fecit, Vestae triumphali calceis puniceis. Plura hic essent observanda. Vnicum tamen ego hocce tantum monebo. Praeter *Petrum Martyrem*, haftenus visus mihi non est quisquam, qui, loquens de tropaeis *Marii*, inscriptionis huius meminerit. Illi ipsi, qui tropaea haec vere *Marii* esse docent, numquam tamen ad Inscriptionem hanc provocant, quae ceteroquin litem dirimere potuisset.

detur esse melioris commatis. Quidquid autem sit, de quo lectores eruditi et candidi iudicent, ego sic arbitror, inscriptionem aliquam huius indolis, sed antiquam et genuinam, in manus Christianorum Romanorum aliquando incidisse, quam tamen, cum detegeretur, vehementer iam corruptam, detritam, lectuque perdifficilem fuisse oportet, quod ex mutilatione nominum, quae in historia sanctorum nostrorum observatur, facile aestimari potest. Mutilatio haec totius Inscriptionis, et oblitteratio tum literarum quarundam, tum integrarum vocum, quae illam, ut credo, vehementer deformavit, peperit nobis, si recte auguror, nomen antehac plane inauditum et ignotum *Abachum*, deletis nempe, aut vitiatis prioribus vocis illius literis, *Teut*, ut vel plane non, vel nonnisi perdifficiliter legi potuerint. Idem, me iudice, dicendum quoque erit de nomine *Audifacis*, quod supra verbo iam tetigi, § 7. At nomina heroum in historia hac praecipuorum, *Marii*, et *Marthae*, integra utique et incorrupta permanferant, quo tempore Inscriptio in manus Christianorum pervenit. Credi que facile potest, nomen ultimum, *Marthae* scilicet, cuius (i) in historia Evangelica N. Testamenti plus semel mentionem fieri nemo ignorat, quodque in historia pariter Ecclesiastica saepe cum laude commemoratur, effecisse, ut quidam sibi persuaserint, aut certe aliis persuadere voluerint, illos omnes, quorum nomina in lapide legerentur, pios fuisse cultores Christi, veraeque religioni addictos. Ad quod et istud adiungi potest, Inscriptionem lapidariam videri subinuisse aliquam persecutionem, quae Mario etiam post fata fuit decreta, quod supra tetigimus § 8. Proba-

bi-

(i) Euang. *Lucae* cap. x, *Iohannis* xi et xii.

bile porro est, auctorem Inscriptionis, quam semper hic supponimus, *Martham*, comitem *Marii*, a patria dixisse *Syram*, unde perquam facile fieri potuit, ut lector minus exercitatus, Romanaeque historiae non bene gnarus, praesertim cum Inscriptionis vitiatae lectio esset perdifficilis, ex voce *Syram* extorserit *Persarum*, hocque facto sibi imaginatus fuerit, reliquos etiam, quorum meminisset Inscriptio, e Persia profectos esse. Qui in legendis vetustis, tum Graecorum, tum Romanorum Inscriptionibus, aliquod tempus impendit, quique praeterea diversas earum interpretationes, ab eruditis excogitatas, et ipsis persaepe invitis obtrusas, seria aestimatione perpendit, ac ad errores multiplicis generis, etiam a viris doctis, in earum interpretatione admissos, animum advertit, coniecturas meas de Inscriptioe *Marii*, usque adeo non mirabitur.

§ 11. Id quod ductori exercituum Romanorum valde superstitioso et crudeli, *C. Mario* evenit, ut in Ecclesia Romana, choro Sanctorum Martyrum adderetur, et diebus festis cultuque religioso honoraretur, id multis aliis pariter accidit, illo honore nullo pacto dignioribus. Quid in Ecclesia Romana, multi Deum vere timentes, pietatique ex animo dediti, dicerent aut cogitarent, si ex iis, quos diebus festis et solemnī invocatione reverentur, et ad quos, ceu potentes apud Deum intercessores, confugiunt, quosdam rite cognitos atque perspectos haberent? Nihil dico, quod non (*k*) docti et candidi Ecclesiae illius Theologi ultro fatentur et deplorant. Illustis quondam in Gallia scriptor, *Dionysius Salvagnius Boëssius*

(*k*) Prae ceteris evolvi et consuli hic meretur la *Dissertation, sur les Saints inconnus, du P. Mabillon.*

sius (1) testatur, in vico quodam Comitatus Avenionensis, ab incolis, simulachrum quoddam *Niobes* vetustae, Poëtis Graecis Romanisque tantopere celebratae, sub nomine *Sanctae Nieblae*, fati diu cultum invocatumque fuisse, donec tandem *Iosephus Saresius*, Episcopus Vasionensis, deprehenso tam crasso turpique errore, tam nefando indignoque cultu mulieris Ethnicae et impiae, e medio tollere iuberet. In ipsa Ecclesiae Romanae sede ac metropoli, Romae, templum consecratum est memoriae et cultui *S. Hadriani*, de quo in *Martyrologio Romano* haec leguntur ad diem VIII Septembris: *Nicomediae S. Hadriani Martyris, qui cum aliis sub Diocletiano et Maximiano, Augustis, martyrium crurifragio consummavit.* — *Eorum reliquiae, a Christianis Byzantium delatae, reverenti honore sepultae fuerunt: inde postea S. Hadriani corpus Romam hoc die translatus fuit, in qua ipsius Festivitas potissimum celebratur.* Acta autem horum Sanctorum, quae *Surius* vulgavit, ad eundem diem, in haec verba concepta sunt: *Maximianus autem iussit corpora eorum flammis exuri, dicens: Ne forte veniant Galilaei et tollant.* Et tamen, si audias *Martyrologii Romani* compilatorem, reliquiae horum corporum Romam translatae fuerunt. Nempe historiola aliqua a Legendariis confingenda erat, ut cultui *S. Hadriani* Romano color aliquis, aut praetextus speciosus pararetur. Sed figmento illo viris solide eruditis imponi tamen non potuit, quippe qui, teste (m) illustri *Montesalconio*, iucundissimo Musis, eruditisque omnibus nomine, post adhibitam seriam et diligentem explorationem, certo tandem depre-

(1) In Commentario ad *Ovidii Ibin* v. 587.

(m) In *Diario Italico* p. 173.

prehenderint, *Hadrianum*, in illo templo urbis Romanae publice et solemniter cultum, alium non esse a notissimo illo *Hadriano*, Imperatore Romano, quo inter primos Imperatores non fuisse quemquam fautorem avitorum sacrorum magis superstitiosum, inter omnes convenit, et qui tamen more Romanorum impio, atque aliorum Imperatorum exemplo, Deorum immortalium coronae additus, templo atque divino cultu honoratus fuit. Sed quod minime sperare potuisset is, quem inter Persecutores Ecclesiae Christianae numerant, ab illa ipsa Ecclesia, Romana scilicet, in eodem illo templo (*n*), quod superstitio Paganica Numini eius consecraverat, omni illo honoris genere, qui Sanctis et Martyribus apud Romanenses decernitur, publice cumulatur, coliturque. Aut igitur, qui in illo templo adoratur *Hadrianus* S. est famosus ille Imperator Romanus, aut re ipsa nihil est, convenitque illi ex asse, quod (*o*) magnus Apostolus, de idolo quocumque pronuntiavit, *illud nihil esse in mundo*. Si tamen id contingere potuit *Hadriano* Imperatori, cur non antiquiori *Mario*? Acta ex errore conficta, et supposita, utriusque cultum pepererunt. In eadem urbe templum est S. *Laurentii in Lucina*. Plebi persuasum est, *Lucinam* hanc sanctam fuisse Matronam coetus Christianorum. At is ipse, cuius observatione in alio argumento modo nunc usus sum, praestantissimus *Montesalconius* (*p*) dubitandum non esse censet, *Lucinam* illam re ipsa esse Deam Romanorum principem, *Iunonem Lucinam*, siquidem eius ho-

(*n*) Meminit huius Templi *Iulius Capitolinus* in *Antonio Pio* cap. 8. et in *Lucio Vero Imperat.* cap. 3.

(*o*) In *Epistola ad Corinthios* I c. VIII v. 4, et X. 19.

(*p*) In *Diario Italico* p. 234.

honori et cultui idem illud templum ab antiquis Romanis dedicatum fuerit. Redit aliud nunc in memoriam, quod prioribus exemplis addere, non abs re fuerit (q). Contigit nempe ante annos plus minus quadraginta, ut in Britannia Aremorica, prope *castellum*, quod ab incolis *Bloscon* nuncupatur, simulachrum vetus idoli Celtici effoderetur, cui superstitione vicinae plebis, nomen S. *Pyrici* indidit. Is autem Fani S. *Pauli Leonini* fertur fuisse *Episcopus*. Cum itaque crederetur, idolum effossum imaginem referre viri sancti, ad illud precibus invocandum, donisque placandum, diu undique confluit multitudo finitima, donec eruditus quidam ex Clero Ecclesiastico vir, indicis certis comperisset, esse haud dubie idolum, a Celtis olim cultui idololatriae destinatum, et illo cultu re ipsa quoque honoratum, eaque de causa, e loco sacro clanculum amovisset. Si laudabile hoc exemplum viri de Ecclesia sua optime meriti, in Ecclesia Romana alii, quibus ad rem hanc sollicitudine et cura ipsorum utique dignam, eruditio idonea et iudicium acre suppetit, candide vellent sequi, quanta non sanctorum copia e *Martyrologiis* expungeretur? Taceo exempla alia plurima, a scriptoribus Protestantibus observata, ideoque a me hic praetermissa.

§ 12. Verum ad rem nostram maxime facit, ut exemplis idoneis ostendamus, vetustas inscriptiones, longo temporis tractu depravatas, aut a lectoribus imperitis perperam explicatas, confingendis, invocandis, et colendis sanctis, qui tales numquam fuerunt, oc-

(q) Mr. *des Landes* dans le Recueil de differens Traités de Physique et d'Histoire naturelle. Vide la Bibliothèque raisonnée Tom. xix. Part. II p. 466, 467.

occasionem persaepe praebuisse. Neque profecto illa nobis desunt. Quandocumque Romae, in huiusmodi locis, ubi, temporibus antiquissimis, Christiani corpora suorum sepelire consueverant, et ubi etiam re ipsa martyrum nonnullorum monumenta observata fuere, Inscriptiones antiquae nunc reperiuntur, vulgo sine adhibito iusto examine et iudicio critico, pro certo tenetur, omnes, quorum nomina in talibus Inscriptionibus leguntur, cultores fuisse Christi, et sanctos verae religionis Martyres. Illi exemplo tum in venerabilem coetum Sanctorum intruduntur, illis, antequam propius noscantur, cultus religiosus decernitur, illi ut numina tutelaria, ut potentes protectores, et salutares apud Deum intercessores, precibus a populo publice et privatim invocantur. Fateor, turpissimum hunc abusum non ultimis demum seculis in Ecclesiam irrepsisse, quoniam illius exempla seculo iam quinto et quarto aerae Christianae deprehendi, et iam memorabile aliquod e scriptore illius temporis proferam, quoniam suspicioni meae, de *Mario*, *Martha*, et *Teusobocho*, robur non levissimum addet. De Martino igitur, Turonensi in Gallia Episcopo, cuius seculo IV venerabile fuit in tota Ecclesia nomen, memoriae prodidit scriptor vitae eius disertissimus (r): *Erat haud longe ab oppido proximus Monasterio locus, quem falsa hominum opinio velut consepultis ibi Martyribus sacraverat. Nam et altare ibi a superioribus Episcopis constitutum habebatur. Sed Martinus non temere adhibens incertis fidem, ab his, qui maiores natu erant, Presbyteris, vel Clericis, flagitabat sibi nomen Marigris, vel tempora passionis ostendi:*
gran-

(r) Sulpicius Severus de vita B. Martini cap. XI.

grandi se scrupulo permoveri, quod nihil certi constans sibi maiorum memoria tradidisset. — Quodam die paucis secum adhibitis fratribus, ad locum pergit. Deinde super sepulchrum ipsum adstans, oravit ad Dominum, ut quis esset, vel cuius meriti sepultus, ostenderet. Tum conversus ad laevam, vidit prope adfistere umbram sordidam, trucem. Imperat, nomen meritumque ut loqueretur. Nomen edicit, de crimine confitetur, latronem se fuisse, ob scelera percussum, vulgi errore celebratum, sibi nihil cum Martyribus esse commune, cum illos gloria, se poena retineret. — Tum Martinus, quid vidisset, exposuit: iussitque ex eo loco altare, quod ibi fuerat, submoveri: atque ita populum superstitionis illius absolvit errore. Non is ego sum, qui lectori candido omnes atque singulas historiae huius circumstantias obtrudere cupiam; illud tantum testimonio adducto ostendere atque adstruere volui, illo iam tempore, per errorem sane crassum, illique forte non dissimilem, qui *Marium* et *Martham* in sanctos omni reverentia dignos transformavit, latrones aut alios illius fursuris homines ad dignitatem sanctorum Martyrum evehi, et altaribus precumque invocationibus coli potuisse. Sed tanta superstitio, cuius primordia vidit seculum *iv*, postea crevit eundo, et quovis fere seculo novis augmentis ditata est. Si quando autem cultus Sanctorum statoribus et promotoribus placuit, homines nominis ignoti, et incognitae sortis, coelitum et loco et honoribus donare, numquam deerant homines otio suo abutentes, qui novorum Sanctorum Acta, res gestas, ac denique martyrium confingerent, et historiis ad libidinem excogitatis, Acta Sanctorum et Martyrum locupletarent. Sed ut ad Inscriptiones in Roma subterranea repertas redeamus, cognitum saepe postea est ex

indiciis et documentis haud ambiguis, lapides multos, ex eorum numero, de quibus diximus, qui nempe in coemeterio, quod etiam corporibus quorundam Christianorum locum requiei praebeuit, effossi sunt, positos fuisse in memoriam et honorem non Christianorum, sed quorundam Gentilium. Dissertatio doctissimi *Ma-billonii*, supra iam ad testimonium vocata (s), rei illius plura exempla nobis suppeditat, et quoniam argumentum hocce nostrum curate persequitur, tota lectionem nostram attentam meretur.

§ 13. Non dubito, quin res eodem modo se habuerit cum Inscriptione, in qua Christiani veteres nomina *Marii*, *Marthae*, et *Abachum* legerant. Vbi lapides in coemeteriis Romanis inventiuntur, literis his insigniti D. M. S., literas illas interpretantur, *Deo Maximo Sacrum*, idque ipsis argumento, aut potius re ipsa fraudi est, censentibus, lapides hos a Christianis, in memoriam aliorum Christianorum, fratrum suorum, positos esse, cum tamen viri solide docti, quorum modo meminimus, et praeter hos alii quoque, ex indiciis omni-exceptione potioribus evincerent, literas has plerumque significare, *Diis Manibus Sacrum*, quae formula in veterum Romanorum Inscriptionibus sepulchralibus omnibus legitur, quaeque nonnisi ab idolorum cultore expectari potest. Pari modo in illa, quam semper hic supponimus, Inscriptione, nomen *Marthae*, et forte etiam vox mutilata *Abachum*, quae cum nomine Prophetæ *Habacuc*, quod Graeci efferre solent *Ἀβαχούμ*, vel *Ἀβαχούμ*, *Ambachum*, vel

(s) *Dissertation sur le culte des Saints inconnus* p. 243, 247, 248, 253, 254. Adde *Montesalconii Diarium Italicum* p. 118, 119.

vel *Abachum*, aliquam similitudinem prae se fert, effecisse videntur, ut cum nomina illa non intelligerentur, et pessime explicarentur, Inscriptio ipsa pro Christiana agnita habitaque fuerit.

§ 14. Sed exemplis luculentis ea, quae hic adstruo, communienda esse, non ignoro. Et eorum quidem Hispania et Lusitania affatim nobis subministraret, si regnorum istorum historicos eam ob rem percurrere vacaret, at neque aliae in Europa regiones symbolas suas hic nobis denegant. Verum ex multis, quae nobis se offerunt, pauca quaedam selecta iam producamus. Eborae in Lusitania, et in quibusdam regni Hispaniae Provinciis, summo in honore habetur S. *Viarius*, crediturque is, si devote invocetur et placeatur, morbos quosdam certo semper depellere. Crederesne sancto huic, tanti in Hispania nominis, patrem alium, matremque matrem haud fuisse, quam Inscriptio Latinam, in antiquo lapide repertam? Ecce res ita profecto tamen se habet. Nam (t) cum *Urbanus VIII* Pontifex Romanus ab Hispanis quibusdam interpellatus esset, de concedendis indulgentiis ob cultum Sancti, cui nomen esset *Viario*, isque scire averet, equisnam ergo Sanctus ille esset, allatus est lapis, in quo literae hae erant reliquae, s. VIAR., quod Hispani *Sanctum Viarium* interpretabantur. Sed mox deprehensum est, literas has sic expleri debere *Praefectus Viarum*. Aut forsitan plures in hoc lapide designati fuerant *Curatores Viarum*. In vetustis certe inscriptionibus, *Curator* vel *Curatores viarum* oppido frequenter occurrunt. Ex-
tat

(t) *Mabillonius in Itinere Italico p. 145.*

tat Romae (u) lapis, qui hanc Inscriptionem praefert:

T. MVSIDIO. POLLIAMO
COS. PR. PRO. COS. PROVINC
GALLIAE. NARBO. TR. PL. Q
X. VIR. — CVR. VIARVM

Voces postremas designare dignitatem *Curatoris viarum* per se satis intelligitur. *Paulus Aringhius* (v) ex *Onuphrio* Inscriptionem exhibet, in qua *L. Ovinus* dicitur *Curator viae Flaminiae*, ibidem memorantur *Curatores viae Tyburtinae*, et aliam, in qua *C. Opius* nuncupatur *Legatus Provinciae Baethicae*, *Curator viarum Clodiae, Anniae, Cassiae*, etc. Non procul ab urbe Eborae, civitate Lusitaniae, visitur (w) *mensa marmorea, quam sepulchro Q. Iul. Maximi Calpurnia Sabina uxor imponendam curavit. In quo sepulchro duo etiam filii eius VIARVM CVRATORES* fuere conditi. Testatur id Inscripcio addita, sed paulo prolixior, quam apud ipsum auctorem, a quo eam accepi, legi malo. Estne fatendum, huic s. VIAR. cum nostro *S. Abachum* insignem prorsus intercedere affinitatem (x). In *Salazaris Martyrologio Hispani-*

co,

(u) In *Gruteri Thesauro Inscriptionum antiquarum*, Fol. ccccxl. num. 2. Plures aliae ibidem reperiuntur.

(v) *Paulus Aringhius* in *Roma subterranea* Lib. iv. cap. xxxviii § 6, 9.

(w) *Andr. Resendius* de *Antiquit. Lusitaniae* Lib. iix p. 178, 179.

(x) Haec *Michaël Geddesius* in *Historia Ecclesiae Malabaricae*, Anglice scripta, p. 368, 369 in notis refert, ex *Ambrosii Morales Chronico Hispanico*, et *Salazaris Martyrologio Hispanico*.

co, ad diem xxx Decembris, memoria celebratur *Atiami* et aliorum, qui, dum Iacobus minor, Apostolus, etiamnum in Gallaecia, Hispaniae Provincia, haereret, antequam Hierosolymam rediret, nam talis est pervulgata Hispanorum fabula, martyrium passi sunt. In eorum memoriam, ita pergit insulsiſſima fabula, idem ille Apostolus altare construere, inque eo missam celebrari iussit. Altare istud etiamnum ostenditur Compostellae in Gallaecia, inque eo legitur Inscriptio, iussu, ut aiunt, Apostoli, in memoriam illorum Sanctorum condita. Ea sic habet:

D. M. S.
 ATIAMO. ET. AT.
 TE. ET. LVMPSAE
 VIRIA. EMOSA
 NEPTIS. PIA. ANNO. XVI
 AET.

Nempe in hac Inſcriptione, non ſecus atque in aliis Romae viſendis, factum eſſe novimus, quarum mentionem inieciſimus § 13, literas D. M. S. Hispani interpretati ſunt, *Deo Maximo Sacrum*, et hoc admiſſo, totam illam egregiam hſtoriam conſinxerunt, in qua nihil plane veri ineſt, ſed quae fundamentum habet prorfus nullum, praeter literas D. M. S. Nobiliſſimus gentis Hispanicae hiſtoricus, *Ambroſius Morales*, ſcriptor doctus et emunctae naris, cum lapidem illum vidiffet, aſſecutus illico eſt, literas primas D. M. S. nihil aliud, niſi hoc ſignificare, *Diis Manibus Sacrum*, unde facile perſpexit, illos, quorum honori et memoriae dedicatus eſſet lapis, fuiſſe forſitan honeſtos Ethnicos, ſed neutiquam Chriſtianos, ac multo minus Sanctos Martyres; quod ipſe teſtatur *Chronici*

Hispanici Lib. ix. Et profecto estne credibile, cum literae hae D. M. S. reperiuntur in omnibus Romanorum Ethnicorum inscriptionibus sepulchralibus, sintque tesserae indubiae superstitionis ipsorum impiae, estne inquam credibile, Christianos tamen iisdem plane literis uti quoque voluisse, ad testandam pietatem suam Christianam, aut potius ad confundendam suam cum Gentilium sepulchris, ne possent dignosci? Si vero *Atianus* cum sociis, quorum notitia habetur nulla, nisi ex solo illo lapide, qui etiamnum conservatur, et qui ab idolorum cultoribus erectus fuit, potuerunt in venerabiles martyres sanctae nostrae religionis transformari, et si ad acquirendam rei huic aliquam gratiam, brevis martyri eorum historiola mendax conungi potuit, quae merito dici potest

A D O M S I . IV

Pergula pictorum, veri nihil, omnia ficta (y),

et quam tamen tota fere Ecclesia Hispanica recipit, an idem potuisse contingere *Martini* et *Marthae*, cum aliqua veri specie negabimus?

§ 15. Neque vero lapides tantum mutilati, aut inscite lecti, peiusque explicati, tot errores ridiculos in Martyrologia Sanctorumque Acta intulerunt, fuit enim eadem quoque fors librorum scriptorum, quibus rudes imperitique lectores toties abusi sunt, ad crassam suam inscitiam aliis detegendam, sed et fragmenta plurima valdeque inepta mundo obtrudenda. Illius rei exempla quaedam lectori pensanda iam obtrahimus, § 9. Alio exemplo, prioribus non dissimili, dissertationem hancce claudam. Apud *Galsfridum*, aliosque

(y) *Lucilius* apud *Lactantium* Lib. I cap. 22.

que recentiores rerum Britannicarum (z) scriptores, mentio subinde occurrit S. *Amphibali*, cui *Wintoniae* consecrata fuerit Ecclesia. Magnus vero *Vsserius*, idoneus si quisquam alius talium rerum arbiter, *illud de Ecclesia S. Amphibali ex Gildae textu vitiatò originem traxisse* autumat. Verba *Gildae*, ut idem vir praestantissimus observat, in Codice perverusto ita leguntur: *Sub Sancti Abbatis amphibalo*. Est autem *amphibalum*, vel, ut *Vossius* scribendum potius esse (a) censet, *amphibolum*, vestis laxae genus, corpus undique ambientis. Suspiciatur ergo vir doctissimus, idque non citra rationem, *ex minus intellecto isto Gildae loco, et Amphibali martyris nomen a Galfrido primum effictum, et Wintoniensi Ecclesiae deinde affictum fuisse*. Turpibus istius generis erroribus obnoxii semper erunt, qui diligentia male sana novos quodidie Martyres quaerere cupiant, et in eorum honorem altaria et templa magnifica construere. Nobis, qui, memores praecepti Divini atque moniti Angelici (b), omnem creaturarum quarumcumque cultum religiosum deprecamur et averfamur, sed solum Deum in spiritu et veritate invocamus, per eiusdem Dei gratiam tale quid metuendum non est.

Ne quis autem opinetur, me in hac dissertatione nimium dixisse, nunc adiungam, non modo praeclarum

(z) Vide Iacobi *Vsserii Antiquitates Britannicarum Ecclesiarum*, cap. xiv p. 538. lqq. edit. Dublinensis, forma 4.

(a) *Vossius de vitiiis Sermonis Latini* Lib. III cap. 1. p. m. 354. Adde scriptores alios ab *Vsserio* indicatos.

(b) Euang. *Matthaei* iv. 10, *Iohannis* Apocal. xix. 10, et Euang. iv. 24.

rum *Mabillonium*, de quo supra, sed et alios Ecclesiae Romanae socios praestantissimos non diſſi nilia monuisse, in quibus merito numeramus *Melchiorum Canum*, ordinis Dominicani Sacerdotem et Episcopum Canariensem (*d*), atque *Iohannem Launoium*, Theologum Sorbonicum (*e*), ne iam plures alios commemorem.

(*e*) Lib. xi de Locis Theologicis cap. 6, qui scribit, dolenter hoc potius se dicere, quam contumeliose, multo a *Laërtio* severius vitas Philosophorum scriptas, quam a Christianis vitas Sanctorum, longeque incorruptius et integrius *Suctonium* res Caesarum exposuisse, quam exposuerunt Catholici res Martyrum, Virginum et Confessorum. Sequuntur illic multa alia huc spectantia et lectu valde digna.

(*d*) In Dissertatione de Lazaro et Maximino, Magdalena et Martha; quae extat in ipsius Operibus tom. ii part. i pag. 338 et sqq.

DISSERTATIO PRIMA

DE REGNO MILLENARIO CERINTHI.

§ 1. *Ratio instituti exponitur.*

Vetus est opinio, a primis fere Ecclesiae Christianae temporibus ducta, et constanti traditione ad nos transmissa, Cerinthum, notissimum aevi Apostolici haeresiarcham, primum inter Christianos docere ac inculcare ausum fuisse, Christum Dominum, ante finem seculorum, in terram hanc rediturum, pios ex morte resuscitaturum, et cum his toti orbi, summa cum gloria et felicitate, bonorumque terrestrium omnium laetissima affluentia, per annos mille imperaturum esse. Sunt etiam, quod non diffiteor, rationes nonnullae, quae opinioni huic, consensu scriptorum fere omnium, qui Cerinthi haeresin enarrant, iam sic satis munitae, novam veritatis speciem conciliare videantur. Inter quas hanc primo loco ponendam esse censeo, quod, cum omnes fateantur, Cerinthum multa ex Iudaeorum et placitis et ritibus probavisse, et in Secta sua retinuisse, facile evenire potuerit, ut inter alias doctrinas, a Iudaeorum magistris acceptas, illam quo-

que de regno Messiae in hac terra Millenario adoptaret, suisque etiam atque etiam inculcarer. Verum enim vero, postquam ad excutienda et inter se conferenda ea, quae Cerintho a veteribus tribui solent dogmata, animum serio et sollicito appuli, tandem ratione satis certa intellexi, haereticum hunc regnum tale Millenarium, quale finxisse sibi vulgo creditur, re ipsa nec docuisse, nec, si, principiis scholae suae inhaerere voluit, docere omnino potuisse. Speravit quidem et Cerinthus ipse, et suos pariter sperare iussit, regnum aliquod gloriosum et beatum, praemittendum cumulo ultimo beatitudinis coelestis, et mille annos duraturum, sed diversum penitus ab eo, quod veteres ex non recte intellectis Cerinthi verbis, praeter omne meritum, ipsi affinxerunt. Rem hanc dignam putavi, quam dissertationibus aliquot Academicis illustrarem, et uberius explicarem. Munere hoc, quod ipse mihi nunc impono, tanto libentius fungar, quod eadem opera doctrinam Gnosticorum, de statu animae post discessum ex corpore, haftenus aut plane neglectam, aut certe minus plene et aperte evolutam, distinctius exponere, et luce aliqua, qua adhuc indigere videtur, persundere possim. Eum autem in pertractando hocce argumento ordinem servabo. Primo quidem doctrinam de regno Millenario, qualem Cerintho vulgo tribuunt, ex propriis et genuinis fontibus depromam referam. Mox rationes, quod spero, evidentes in medium proferam, ex quibus clare sequi contendam, Cerintho talem sententiam nec placere, adeoque nec iure ipsi a nobis tribui posse. Ultimo tandem loco, veram indolem regni illius Millenarii, quod Cerinthus, cum tota Gnosticorum caterva, agnovit atque docuit, eruere et perspicue demonstrare conabor.

§ 2. *Praemittuntur quaedam de Cerinthi aetate, patria, et religione.*

De Cerintho ipso, cuius nonnulla dogmata accuratius nunc expendere aggredimur, pauca quaedam in antecessum monebimus, quae ad negotium nostrum ratione aliqua spectare videbuntur. In eo, ut brevioribus nobis esse liceat, effecit diligentia (a) virorum doctissimorum, qui quidquid dici ea de re posset, eruditae suis observationibus paene exhausterunt. Quae veteres, et inter hos quidem aetate antiquissimi, de vita et fatis Cerinthi memoriae prodiderunt, dubitare nos minime sinunt, quin tempus, si non Apostolorum omnium, certe ultimarum, ac sigillatim (b) B. Ioannis vivendo attigerit. Vel ipsa illa super hac re incertitudo, in quam virorum quorundam disputationes nos conicere videntur, testimonio est, vixisse et floruisse Cerinthum in illo Ecclesiae Christianae intervallo (c), cuius historia propter monumentorum, quae ex eo ad manus nostras pervenere, incredibilem paucitatem, summa ac fere inextricabili obscuritate laborat, quodque ab anno aerae vulgaris LXX usque ad annum circiter CXX extenditur. Quis porro Cerinthus gente satus fuerit, ex quo aliquid in argumen-

(a) Consuli hic praeter alios possunt *Th. Illigius de Haeresiarchis aevi Apostolici Sect.* I cap. v, *Masuetat* Dissertat. praevia in *Irenaeum* I § 125 etc., *Tillemontius* in *Memoriis Ecclesiasticis* Tom. II p. 54. etc. edit. Paris. et imprimis *Venerandi Moshemii institutiones historiae Ecclesiasticae seculi I maiores* p. 438, etc.

(b) Vide *Vener. Moshemii institutiones Historiae Ecclesiasticae seculi I maiores* p. 439, 440.

(c) Egrege hac de re disputat *Camp. Vitringa* *Observat. Sacr.* Lib. IV cap. VII, VIII.

tum nostrum lucis redundare posset, veteres scire nos noluerunt, patriam enim haeresiarchae huius taciti praetereunt. Multi suspicantur, Cerinthum genere fuisse Iudaeum, ea cumprimis, ut videtur, ratione inducti, quod nonnullis religionis Iudaicae ritibus et placitis tenaciter adhaeserit. Et frustra sane adversus hanc sententiam obiiceretur (*d*), ipsum Cerinthi nomen, quippe *quod nihil Iudaicum sonet*, de origine eius Graeca testari. Equidem, si ex nomine coniecturam facere liceret, dicendum potius esset, Cerinthum origine extitisse Romanum. *Horatius* certe pueri Romani, cui nomen *Cerintho* fuit, mentionem iniicit, *Satirarum* Lib. I Eclog. II. v. 81.

Sit licet hoc Cerinthe tuum,

ad quae verba *Vetus Interpres*, a *Cruquio* editus, observat, fuisse *Cerinthum puerum pulcherrimum eo tempore* etc. Isque ipse hic esse videtur, quem carminibus suis *Tibullus* (*e*) saepiuscule celebravit. Nomen id formatum existimaverim a *Cerinthe* vel *Cerintsha*, herbae specie, scriptoribus Latinis non incognitae. De ea *Virgilius* Georg. IV. 63, et *Plinius* Lib. XI cap. VII: *Aliqui Sandaracham, alii Cerintham vocant. Haec erit apum, dum operantur, cibus, qui saepe invenitur in favorum inanitatibus sepositus, et ipse amari saporis.* De eadem ille scribit Lib. XXI cap. XII:

(*d*) Ita viri quidam eruditi, quorum mentionem facit *Moshemius* loc. cit. p. 441. Est tamen *Cerinthus* urbs Euboeae, cuius *Homerus* in catalogo navium meminit v. 45, vel *Iliad.* B. 538, ubi vide veterem Schol. et *Eustathium*.

(*e*) Vide Lib. II El. II, Lib. IV El. III, V, VIII, XI.

cap. XII: *Horum floris avidissimae sunt spes.* Sed ex his tamen observationibus nihil de patria Cerinchi certi constitui posse, haud invitus largior. Quem enim (f) *eruditorum praeterit, Iudaeos ista, qua Cerinthus fuit, aetate, Graecis etiam et Romanis nominibus usos fuisse?* Illorum vero sententiae, qui Cerinthum (g), *si non natione, saltem religione Iudaeum aliquando fuisse, augurantur, cur non subscribere possum, causam nullam video.*

§ 3. *Et de eiusdem ratione studiorum et vitae.*

Sed missis his, pergamus ad alia, maiori nobis in isthoc nostro negotio, nunc usui futura. Scimus enim ex testimonio *Theodoret*i, cuius auctoritas apud me non parum valet, Cerinthum, sive inter idolorum cultores natus ac enutritus, sive, quod longe verosimilius est, religiosus Iudaeorum praeceptis imbutus fuerit, tandem in Aegyptum iter instituisse, et (h) tempus, quod illic exegit bene longum, in diligenter addiscendis disciplinis Philosophicis consumuisse. Vix erit quisquam, qui non illico intellecturus sit, *Theodoretum*, cum ita de Cerintho scriberet, in animo habuisse Alexandriam, inclytam tum temporis optimarum literarum, et cum primis disciplinarum Philosophicarum, non modo in Aegypto, sed in toto etiam orbe palaestram. In illa ipsa igitur schola formatus fuit, in illa placita sua praecipua, cum Philosophica, tum
Theo-

(f) Haec sunt verba *Moshemii* l. c. pag. 441.

(g) *Massuetus* Dissertat. praevia 1 in *Irenaeum* § 125, et alii.

(h) *Theodoretus* Fabul. haeret. Lib. II c. 3.

Theologica, imbibit Cerinthus, ex qua postea Gnosticorum magistri, si non omnes, certe praecipui, prodierunt. In illa credibile est, eum etiam hausisse et deinceps tenaciter asseruisse doctrinam de statu animarum a corpore solutarum, quae Gnosticis omnibus propria et peculiaris fuit, et cuius, uti quidem ego existimo, partem constituit regnum illud Millenarium, quod Cerinthus re ipsa credidit, atque alios docuit. Et quis adeo miretur, Cerintho, homini, ut videtur, peccatoris parum obfirmati, elusmodi somnia, quibus in Schola Alexandrina satius diu pastus fuerat, placere potuisse, cum liquido demonstrari possit, *Clementem Alexandrinum* et *Origenem*, Scholae quoque Alexandrinae primo alumnos, et posthaec doctores illustres, quorum merita etiamnum tota Ecclesia veneratur, ab iisdem naeniis non ita alienos fuisse? Ex Aegypto redux, si quid recte conicio, Cerinthus, qui nugas quidem Gnosticorum maxima ex parte adoptaverat, sed Legi tamen Mosaicae nondum in universum renuntiaverat, contulit se (i) ad Christianos Iudaei-

(i) Ebionaeos fuisse reliquias coetus Christiani Hierosolymitani, qui, relicta ante ultimam obsidionem urbe illa, Pellam et in loca finitima se receperant, pluribus probare opus non est, cum passim sententiam hanc verissimam eruditis nostris sese probare, intelligam. Ad eos se contulisse, et inter illos aliquamdiu vixisse Cerinthum, nusquam veteres, quod nunc meminisse possim, memoriae prodiderunt. Sed, ut id tamen credam, suadet summa illa, quae ab eruditis observatur inter *Ebionem* et *Cerinthum*, inter *Ebionacos* et *Cerinthianos* consensus. Movit hoc adolescentem portentosae in tam tenera aetate sua doctrinae, *Ioh. Philipp. Baraterium*, ut in *Anti-Artemonio* p. 301. scriberet: *Ebion et Cerinthus unus homo, Ebionaei, et Cerinthiani una haeresis sunt.* Fateor et me quoque, antequam haec

dalzantes, qui relicta, paulo ante expugnationem, urbe Hierosolyma, Pellam et in vicinos tractus concesserant, quique nomine *Ebionaeorum*, in historia Ecclesiastica, insigniri solent. Ab his verosimile est, eum quaedam mutuo accepisse, uti vicissim in doctrinam eorum mutationem quamdam intulisse videtur, ex quo fieri potuit, ut (*k*) veteres inter Ebionaeos priores et posteriores distinguere consueverint. Tanta porro est Ebionaeorum et Cerinthianorum in permultis consensio, tantam inter se res sectae utriusque affinitatem habent, ut veteres eas nonnumquam inter se permiscuerint et confuderint. Tandem in (*l*) Asiam se recepit Cerinthus, ibique scholam aperuit satis celebrem;

haec legerem, tale quid suspicatum fuisse, inductum rationibus quibusdam peculiaribus; sed re tamen melius expensa, coniecturae huic postea libens renuntiavi. Sed ut ad Cerinthi commorationem inter Ebionaeos redeam, illa ex eo quoque illustrari potest, quod doctores primi Gnosticorum, inter quos Cerinthus utique numerare oportet, Liturgiis et precum formis usi fuerint, sermone Syro-Chaldaico conceptis, quales leguntur apud *Irenaeum* et *Epiphanium*, quarum etiam nonnullas, successu non omnino infelici, illustravit ingeniosissimus *Rhenfordius* in Opusculis. Videtur id indicio esse, primos Gnosticos communionem et amicitiam coluisse cum Christianis Iudaizantibus, id est, Ebionaeis. Denique ex gemmis Gnosticorum Abraxeis, quas illustris quondam *Montfauconius* edidit, ostendere possem, Gnosticos inter Ebionaeos in vicinia Pellae scholas habuisse celebres, sibi que venerabiles. Verum id nunc a loco hoc et instituto meo paulo alienius est.

(*k*) *Origenes* Lib. v. adv. *Celsum* extremo. *Eusebius* histor. Eccles. Lib. III c. 27. *Epiphanius* Haeresi xxx num. 3. *Theodoretus* de fabulis haereticor. Lib. II c. 1.

(*l*) Hoc praeter *Theodoretum* saepius testatur *Epiphanius*, ac insuper alii.

brem; sed cuius fama tamen post mortem eius non ita diu perdurasse videtur.

§ 4. *Doctrinam de regno terrestri Millenario primus Cerintho attribuit Caius, Presbyter Romanus.*

Quod iam ad haeresin Cerinthi attinet, illius plura a veteribus constituuntur capita, de quibus, quia et a scopo, quem mihi hic proposui, longius recedunt, et (m) a viris de historia Ecclesiastica praeclare meritis accurate exposita sunt, plura dicere nunc superfedeo. Inter cetera vero dogmata Cerinthi, quae tamquam parum sana in rationibus eius ponunt veteres, est etiam, ut nunc tandem ad illam transeam, pervulgata illa de regno Christi in terra Millenario doctrina. Primus, qui hanc doctrinam, tamquam a Cerintho profectam, coarguit, Caius est, Ecclesiae Romanae Presbyter admodum celebris, qui sub initia seculi III floruit, et in disputatione adversus Proculum, seu Proclum, acerrimum sectae Montanisticae statorem et vindicem, in haec verba de Cerintho scripsit (n), Ἀλλὰ καὶ Κήρινθος, ὁ δι' ἀποκαλύψεων, ὡς ὑπὸ Ἀποστόλου μεγάλου γεγραμμένων, τερατολογίας ἡμῖν, ὡς δι' Ἀγγέλων αὐτῷ δεδεδυγμένος, ψευδόμενος, ἐπεισάγει λέγων, μετὰ τὴν ἀνάστασιν ἐπίγειον εἶναι τὸ Βασιλεῖον τοῦ Χριστοῦ καὶ πάλιν ἐπιθυμίαις καὶ ἡδοναῖς ἐν Ἱερουσαλὴμ τὴν σάρκα πολιτευομένην δουλεύειν καὶ ἔχ-

(m) Omnium diligentissime et optime argumentum hoc persecutus est, magnum Academiae Iuliae decus, Moshemius in *Institutionibus historiae Christianae* saeculi I maioribus p. 445 c.c.

(n) Apud Eusebium Hist. Eccles. Lib. III c. 28.

ἔχθρος ὑπάρχων ταῖς γραφαῖς τοῦ Θεοῦ, ἀριθμὸν χιλίων-
ταετίας ἐν γάμῳ εὐρυῆς, θέλων πλανᾶν, λέγει γίνεσθαι.
Quae ita ab *Henrico Valesio* Latine reddita sunt: *Sed*
et Cerinthus, per revelationes quasdam, a se tamquam
a magno quodam Apostolo conscriptas, portenta quae-
dam, quasi ab Angelis sibi ostensa, commentus nobis
introducitur, affirmans, post resurrectionem regnum
Christi in terris futurum, ac rursus homines, Hieroso-
lymis degentes, cupiditatibus et voluptati corporis ob-
noxios fore. Additque hostis ille Divinarum Scriptu-
rarum, mille annorum spatium in nuptialibus festis
transactum iri, quo facilius imperitis homines de-
cipiat.

§ 5. *Testimonium Caii accuratius expenditur.*

Caius ille, cuius verba nunc descripsimus, omnium
primus in Ecclesia, Chiliaſtas, ſive regni Chriſti in
terra Milhenarii aſſertōres, haereſeos palam accuſare
auſus eſt; utque doctrinae eorum inuidiam tanto ma-
iorem conciliaret, eam Cerintho, ceu Inuentori et au-
ctori, in acceptis retulit, et ab hoc, eundem in ſinem,
revelationem Divinam, quae *Iohannis* Apoſtoli nomen
prae ſe fert, petulanter conſictam, et ſub nomine
Apoſtoli, Eccleſiae obtruſam fuiſſe, hominibus per-
ſuadere voluit. Non equidem ignoro (o), viros ex-
cellenti doctrina praeſtantes, quorum merita veneror,
verba Caii longe aliter interpretari, tamquam id dice-
re voluiſſet, Cerinthum ſibi tamquam Inſigni Apoſtolo
attribuiſſe revelationem aliquam, a Iohannea diſtin-
ctam,

(o) Poſſe et hic cum fructu conſuli praeſtantiffimus *Mos-*
heimius in libro ſaepe citato p. 459 etc.

etiam, quam etiam literis consignatam posteritati reliquerit. Vcrum in hac quidem re, a summorum virorum opinione discedere, tametsi invitns, cogor. Et enim (1) aliunde etiam constat, Calum illum, de quo loquimur, auctoritatem Apocalypseos Iohanneae repudiassc, et de ea abiecte sensisse. Movit hoc *Hippolytum*, Episcopum Portuenscm, eiusdem fere aetatis scriptorem inclytum, ut ederet *capita adversus Caium, et Apologiam pro Apocalypsi*, quae, teste (p) Ebed Iesu Sobensi Metropolita, apud Syros etiamnum supersunt. Fateor quidem, *I. A. Fabricium*, nomen Musis charissimum, verba haec Metropolitanae Sobensis de longe alio Caio, haeretico, intellecta velle (q), *Haeticum puta*, inquit, *de quo Irenaeus Lib. I c. 35*, et observatione hac in erroris societatem pertraxisse illustrem iuxta ac de literis Orientalibus praeclare meritum (r) *Ios. Sim. Asscmanum*. Verum pace virorum eruditissimorum dixerim, *Caii* cuiuspiam, haeretici, nullam omnino, neque apud *Irenaeum*, neque apud alium quemquam, mentionem occurrere. Equidem loco illo *Irenaei*, quem indicare placuit viro meritissimo, sermo est de *Caianis*, quod non diffiteor; sed nominis huius istam rationem ipse *Irenaeus* nobis subministrat: *Alii autem Cain a superiori principalitate dicunt, et Esau, et Core, et Sodomitae, et omnes tales, cognatos suos consitentur.* Dicit

(p) In *Catalogo Librorum Ecclesiasticorum* cap. vii, edito ab *Asscmano*, in Bibliotheca Orientali Vaticana, Tom. III Part. 1. pag. 15. Ceterum liber hic Hippolyti vetustis Ecclesiae scriptoribus incognitus non fuit, quod satis intelligitur ex iis, quae observat *Fabricius* Biblioth. Gr. Vol. v p. 209.

(q) *Fabricius* loc. cit. p. 210.

(r) In Biblioth. Orientali, loco paulo ante citato.

Dicti itaque sunt *Cainitae*, quod *Cainum*, Adam-filium, insigniter venerarentur. Inde igitur est, quod (s) *Clemens Alexandrinus* Cainistas illis haereticis annumeret, quibus non a quodam novae sectae auctore, sed ab hypothese, quam adstruebant, nomen impostum fuerit. Et eandem nominis huius rationem tradunt (t) veteres omnes. Et profecto 2) ipsa illa *Caii* verba, quae ex *Eusebio* retulimus, per se satis testantur, eum de Apocalypsi Iohannis abiecte loqui, eamque contemui habere. Ait enim, auctorem Apocalypseo, de qua loquitur, tamquam *inimicum Scripturae*, *festivitati nuptiali annos assignasse mille*, clare alludens ad ea, quae apud Iohannem leguntur Apoc. xix. 7, 9, 17, xx. 4, 5, 6, xxi. 2, quae sane ita absolute et sine ulla limitatione non scripsisset, si librum Iohannis in eo, quo decet, honore ac pretio habuisset. Ad ea quae dixi, accedat etiam 3) quod de Apocalypsi Iohannis, Cerintho, ceu vero et genuino auctori adscribenda, idem senserint et iudicaverint alii quoque, sed Caio recentiores, et qui probabiliter hoc eius iudicium secuti tantum sunt. De *Alogis*, propagine quadam sectae Montanistarum, Caio nonnihil recentiori, clare id testatur *Epiphanius* Haresi LI. num 3. Videtur sententia haec, quam in *Alogis* reprehendit *Epiphanius*, alias postea apud Orientales quosdam radices egisse, unde ad has ipsorum hariolationes respiciens, seculo adhuc xiii *Georgius Bar-Hebraeus*, vel, uti communius nuncupatur *Abul-*

(s) Stromatum Lib. vii pag. 763.

(t) Vide sis *Iac. Pamelii* notas in *Tertullianum* de Praescriptione haereticorum cap. 47, pag. 326.

Abulpharaius, ita scribit in *Nomocanone*, cap. 7 (u): *Apocalypsis*, quae nomine *Iohannis Apostoli* praenotatur, non eius est, sed vel *Cerinthi*, vel *Iohannis cuiuspiam aliterius*. Possem his adiungere testimonium *Dionysii Alexandrini*, qui post *Caicum*, interiecto tempore tantum exiguo, floruit. Sed quia mihi verosimile fit, eum in verbis, quae iam iam paragrapho secuturo adducam, et si de pluribus loquatur, ad unum tantum respicere *Caicum*, ex hoc ipso 4) videor mihi novum capere posse argumentum. Si enim res ita se habet, uti existimo, consequetur, *Dionysium*, summum aetate eum virum, qui libros *Caici* diligenti manu versaverat, sententiam eius non aliter, atque nos, interpretatum, esse, quod utique ad interpretationem nostram grave pondus adicit.

§ 6. *Adferuntur, de Chiliasmo Cerinthi, testimonia Dionysii Alexandrini et Theodoresi.*

Satis de *Calo*, qui inter veteres omnium primus *Chiliasmum* pro figmento *Cerinthi* venditavit. Vestigia illius pressit, aut sua potius ex eo desumpsit *Dionysius Alexandrinus* Episcopus, qui medio seculo tertio, et deinceps, floruit, et quo vix maiorem et praestantiorum virum totum illud seculum tulit. Verba quaedam ex eius libro 11 de Promissionibus hanc rem adfert *Eusebius Hist. Eccles. Lib. III c. 28*, et plenius *Lib. VII cap. 25*, ex quo haec adscribemus: *Nonnulli quidem ex iis, qui nos praeceperunt, Revelationem Iohannis repudiarunt penitus ac refutarunt,*

(u) Apud *Assemanum* in *Biblioth. Orientali* Tom. III Part. I p. 15, in notis.

runt, singula eius capita refellentes, eamque absque ullo sensu et ratiocinatione scriptam esse monstrantes. Adhaec inscriptionem libri falsam esse dicunt; neque enim auctorem eius esse Iohannem, atque non modo Apostolorum neminem, sed ne ullum quidem e Sanctis, et Ecclesiasticis viris huius libelli conditorem esse affirmant. Cerinthus enim, qui nominis sui sectam conflavit, cum magnae auctoritatis nomen, ad faciendam fidem, commentis suis vellet praefigere, Iohannis titulum operi suo indidisse. Quippe hanc Cerinthi opinionem fuisse: regnum Christi terrenum futurum, et in iis maxime rebus, quas ipse, utpote carnalis et voluptatibus corporis deditus, praecipue concupiscebatur, haesurum, in ventris scilicet, et eorum quae sub ventre sunt. satietate, id est, in cibis ac poculis, in nuptiis et in iis, quibus ista honestius parari posse existimabat, festis nimirum et sacrificiis, et hostiarum maculationibus. Mihi dubium non est, quin auctor hicce laudatissimus, loquens de iis, qui ipsum praecesserunt; et Apocalypsin Iohannis repudiaverunt, designare voluerit unum Caium, qui erat ipso paulo antiquior. Et verosimile non est, plures tum exstitisse, qui Apocalypseos singula capita relutare aggressi fuerint. Caium novimus, tanto nisu, auctoritatem Apocalypseos Iohanneae labefactare voluisse, ut Hippolytus necessarium iudicaret, ipsi *Apologiam pro Apocalypsi* opponere, de qua paragrapho superiori dictum est. Sed qui praeter Caium ex orthodoxis tam audacter Apocalypsin ea aetate adortus fuerit, nemo in historia Ecclesiastica commemoratur. Viriusque et *Caii et Dionysii Alexandrini*, quorum verba attulimus, de Cerintho testimonia ita contraxit scriptor perquam elegans, *Theodoretus de Fabulis haereticorum* Lib. 11 cap. 3: *Cerinthus etiam revelationes quasdam consin-*

xit, quasi eas esset contemplatus, et (γ) minarum quarundam doctrinas composuit, et regnum Domini terrenum fore dixit, esumque et potum somniavit, et voluptates sibi finxit, et nuptias, et sacrificia, et dies festos, qui Hierosolymis celebrarentur, atque haec mille annorum spatio complenda, tamdiu enim duraturum Domini regnum putabat. Contra hunc autem scripserunt, non ita modo, quos ante diximus, sed cum illis etiam Caius et Dionysius Alexandrinus Episcopus. Illi, de quibus ante dixerat Theodoretus cap. 2, sunt Iustinus Martyr et Irenaeus, quorum tamen neuter Cerintho regnum Millenarium exprobravit. Soli igitur, ex quibus id de Cerintho resciverat, restant, quos etiam nominatim testatur, Caius atque Dionysius Alexandrinus.

§ 7. Non sunt alii scriptores seculi III, qui Cerintho Chiliasmum tribuunt.

Praeter Caium et Dionysium, quorum posterior sua ex priori tantum desumpsit, non deprehendo alios seculi III scriptores, in Cerintho, ubi etiam haereses eius attingunt, Chiliasmum notare, quod, cum ipsi Chiliasmo ut plurimum faverent, adeo mirandum non est.

(γ) In Graeco legitur, tum in editione Graeca Romana, tum in Graeco-Latina Sirmondiana, ἀπειλῶν τινῶν διδασκαλίαις; quod vertitur, minarum quarundam doctrinas, sensu parum commodo, aut potius nullo. Putem ego, Theodoretum respexisse ad illa Cati verba, supra § IV allata, in quibus doctrinam Cerinthi appellat τερατολογίας ὡς δι' ἀγγέλων δεδειγμένας. Itaque hic pro ἀπειλῶν legerem ἀγγελίων, et verterem, angelorum quarundam doctrinas composuit, id est, doctrinas sibi ab Angelis traditas. Διδασκαλίαις δαιμονίων habes I Tim. IV. 1.

est. Vnus excipiendus esset *Victorinus Petavionensis* Episcopus, et Martyr, qui seculo hoc inclinato floruit, si modo Commentarius in Apocalypsin, qui sub eius nomine editus est, pro genuino pli huius viri foetu agnosci posset. Verum etsi in Commentario illo passim quaedam occurrant, quae genium aetatis huius redolent, et a Victorino ipso profecta esse videntur, his tamen plurima ab aliena manu, duobus seculis et amplius post, adiecta fuisse, negari non potest. Huius farinae sunt utique ea, quae Commentario isti finem imponunt (w): *Audiendi non sunt, qui mille annorum regnum terrenum esse confirmant, qui cum Cerintho haeretico sentiunt.* Auctor huius interpolationis, quem, ex indiciis non vanis, iudico esse scriptorem Afrum seculi vi, non meminerat eorum, quae *Hieronymus* in Prologo ad *Victorini* Commentarium, qui etiam hodie una cum illo Commentario edi solet, de auctore eius scripsit: *Est periculosum, et obrectatorum latratibus patens, de egregii viri opusculis iudicare. Nam et anterior Papias Hierapolites Episcopus, et Nepos in Aegypti partibus Episcopus, de mille annorum regno, ita, ut Victorinus, senserunt.* En *Hieronymum* testantem, in Commentario *Victorini* Apocalypstico, regnum mille annorum fuisse assertum, cum clausula illius Commentarii, qui hodie in manibus nostris versatur, doctrinam hanc esse haeresin Cerinthianam pronuntiet. Paucis igitur Caius, seculo eo, quo vixit, id quod scripserat de Cerintho, hominibus persuasit. At vero a seculo iv et v, si (x) nonnullos tantum excipias, reliqui fere omnes, qui Cerin-

(w) In Bibliotheca Patrum magna Parisiensi Tom. i col. 582. extr.

(x) De illis quaedam dicuntur Dissert. ii § v.

rinthi haereses attingunt, illis quoque Chiliasmum eius annumerare consueverunt. Ex quo factum est, ut ab eo tempore sententia de Chiliasmo Cerinthei evaserit universalis, et a recentioribus, ad unum omnibus, adoptata fuerit.

§ 8. *Testimonia quaedam scriptorum seculi iv et v de Chiliasmo Cerinthei.*

Ex scriptoribus seculi iv et v duo sunt, quorum testimonia de Chiliasmo Cerinthei hic apponere operae pretium esse putavi. Alter eorum est *Augustinus*, qui in libro *de Haeresibus* num. 8, Cerinthianorum haeresin hunc in modum repraesentat: *Mille quoque annos post resurrectionem, in terreno regno Iesu Christi, secundum carnales ventris et libidinis voluptates, futuros fabulantur; unde etiam Chilistae sunt appellati.* Alter est *Gennadius*, Presbyter Massiliensis non incelebris, in cuius libro *de Ecclesiasticis dogmatibus* ista legimus cap. 55: *In Divinis promissionibus nihil terrenum vel transitorium expectemus, sicut Melitani sperant, non nuptiarum copulam, sicut Cerinthus et (y) Marcion delirant, non quod ad cibum vel ad potum pertinet, sicut, Papia auctore, Irenaeus et Tertullianus, et Lactantius, acquiescunt. Neque (z)*
post

(y) Nescio, unde hoc de Marcione expiscari potuerit auctor hicce. Certe ut haec *Gennadio* asserenti credat, non facile in animum inducet, quisquis dogmata Marcionis vel per transennam tantum inspexerit. De eadem re aliquid monebitur in Dissert. II.

(z) Haec manifesto falsa sunt. Legendum opinor *per mille annos*. Quia mox sequitur particula *post*, eadem et hic furtim irrepsit per negligentiam librariorum.

post mille annos post resurrectionem regnum Christi in terra futurum, et sanctos cum illo in deliciis regnatos speremus. sicut Nepos docuit, qui primam iustorum resurrectionem, et secundam impiorum confinxit, et inter has duas mortuorum resurrectiones, gentes ignorantes Deum in angulis terrarum in carne servandas. In verbis his primo occurrunt *Melitani*, quorum praeter *Gennadium*, nemo alius, quod quidem sciam, meminit. Sed vox est, uti multae aliae in scriptore illo, vitio librariorum corrupta, pro qua legendum videtur *Millenarii*, *Milliarii*, vel *Milliastae* (a); sic enim Latini appellant, quos Graeci dicunt *Chiliasas*. Voluit nempe *Gennadius* omnes, qui regnum Christi Domini terrestre expectant, generali *Millenariorum* vel *Chiliasarum* nomine complecti. Mox deinde, quid inter hos unus vel alter proprium ac peculiare sibi habuerit, explicat, etsi tamen profecto in his omnibus inter se fere consenserint, qui ex veteribus genuinam *Chiliasarum* doctrinam probarunt. A pluribus testimoniis aliorum, quae diversum quid nobis non offerunt, operose et inaniter coacervandis, prudens nunc abstinebo.

§ 9. *Doctrina, Cerintho a veteribus tributa, ex Iudaeorum scholis accepta est.*

Si vera essent, quae veteres, inducti auctoritate Caii, de *Chiliasmo Cerinthi* narrant, sequeretur omnino, hunc vitulo Iudaeorum arasse, et doctrinam, quam iuvenis adhuc ab ipsorum magistris acceperat, in
Theo.

(a) Vide *Ittigii Dissert. de Haeresiarchis Sect. I c. v § 7.*

Theologiam suam transfudisse. Ita eruditi nostri, idque non immerito, iudicare solent, in quo etiam praeerentes habent veteres. *Eusebius* itaque, ubi de Nepote et Chiliasmo eius disserit, *Hist. Eccles. Lib. vii cap. 24* hunc in modum loquitur: *Nepos quidam, Episcopus Aegypti, promissiones sanctis hominibus factas in Codice Sacro, Iudaico sensu implendas esse docebat, et nescio quod mille annorum spatium, corporalibus refertum deliciis, in hac terra fore affirmabat. Non aliud fert iudicium Hieronymus, qui in Catalogo virorum illustrium, de Papia cap. 18 in haec verba scribit: Hic dicitur mille annorum Iudaicam edidisse δευτέρωον, quem secuti sunt Irenaeus, et Apollinarius, et ceteri, qui post resurrectionem aiunt in carne cum Sanctis Dominum regnaturum. Tertullianus quoque in libro de spe Fidelium, et Victorinus Petavionensis, et Lactantius hac opinione ducuntur. Eiusdem et haec verba sunt in Prooemio Libri xviii Commentar. in Iesaiam (b): Quomodo debeant accipi, et qua ratione intelligenda sit Apocalypsis Iohannis, quam si iuxta literam accipimus, iudaizandum est; si spiritualiter, ut scripta est, differimus, multorum veterum videbimur opinionibus contraire, etc. Denique, ne prolixior sim, haec ex auctoris eiusdem Commentario in Zachariam Lib. i transcribamus verba (c): Alii vero et maxime Iudaei in mille annorum regno interpretantur, corporales corporalia requirentes: nostrorum autem plerique referunt ad coelestem Ierusalem; et hanc dicunt iterum exstruendam, quae ruina animarum peccatricum*

(b) In Operibus *Hieronymi* Tom. iii col. 477, 478. edit. Benedictinorum.

(c) Operum Tom. iii col. 1716.

cum fuerat destituta. In hisce, quae sane trita sunt et vulgaria, nunc immoratus non fuisset, nisi intelligerem, viros quosdam eruditos id omni nisu et contentione animi agere, ut, aut inter Iudaeorum et Chiliastrarum veterum placita, aut saltem inter Cerinthis et reliquorum Millenariorum doctrinam, discrimen insigne excogitent. Quod cum novis argumentum hoc nostrum tenebris involvat, operam adhuc dabimus, ut luculenter ostendamus, Iudaeos olim id ipsum tradidisse de temporibus Messiae venturis, quod Chiliastrae veteres docuerunt de regno Christi Millenario, et ab horum Chiliastrarum doctrina non differre eam, quae Cerintho attribui vulgo etiam solet.

§ 10. *Iudaei post mortem corporis tres
diversos status, ad quos pii perve-
niunt, animo concipiunt.*

Vt iam Iudaeorum, de regno Messiae Millenario, doctrinam tanto distinctius perspiciamus, non inutile erit, in antecessum observasse, magistros ipsorum piis Dei cultoribus (d) tres diversos, post mortem corporis, assignare status, ordine successivo sese excipientes. Primus igitur status, ad quem pios, post mortem corporis, transferri crediderunt Iudaei, est *עולם הנשמות*, *seculum animarum*, in eo enim vivunt spiritus tantum, corporis societate liberati. Et quoniam piis hisce spiritibus in Paradiso coenaculum ac convivium apparatus esse tradunt magistri, seculum idem *Paradisi* etiam et *coenaculi* dici solet.

Se-

(d) Vide *Rhenferdii Dissertationes de Seculo Futuro*, et eiusdem *vindicias sententiae suae*, in quibus multa adducuntur Iudaeorum loca de hac re.

Seculum hoc sequitur alius status; piis destinatus temporibus Messiae, quae finem huius mundi antevertent. Vbi beata illa aderunt tempora, spiritus iustorum ex splendidis ac amoenis Paradisi habitaculis redibunt in terram sanctam, ibique corporibus suis ad vitam revocatis iuncti, cum Messia potenter et gloriose cunctis terrae gentibus dominabuntur. Hoc est *seculum Messiae*, quod a beneficiis, quae adiuncta habet, *seculum* quoque *resurrectionis*, et *servitutis gentium* vocari consuevit, illiusque durationem intervallo fere mille annorum circumscribere solent. Et hocce Messiae seculum excipiet resurrectio impiorum, iudicium extremum, adeoque status iustorum perfectus et consummatus in coelo, quod *κατ' ἐξοχὴν seculum futurum*, et *seculum mercedis*, in commentariis Iudaeorum audit. Regnum igitur *Millenarium*, ex mente Iudaeorum, constat intermedium esse inter *seculum animarum*, et *seculum futurum*. Praecedet tempus hocce resurrectio iustorum, illudque ad finem perductum insequetur resurrectio impiorum.

§ II. De illo speciatim statu piorum, qui expectatur in regno Messiae, Iudaeorum sententia exponitur.

Sed paulo adhuc luculentius explicandum esse censeo, quidnam de tempore Messiae, et beato illius in terra regno, gens recutita sibi promittat. Tempus igitur hoc Messiae adventurum sperant (e) in *Millenario* post mundum conditum *sexto*, quemadmodum *Adam* quoque *sexto* die est creatus, qui creatorem suum

(e) R. Moses Nachmanides in cap. de retributione, apud Rhenferdium in Operibus p. 61.

suum agnovit, et dominatus est omnibus. Quoniam Iudaei regnum hoc in terra longe felicissimum, sub auspiciis Messiae, paratum esse credunt piis Abrahamidis cunctis, qui umquam fuerunt, initia temporis tam exoptati collocant (f) in resurrectione mortuorum, qui tunc corpora sua pristina recipient. Sed resurrectionis hocce beneficium (g) nonnisi ad Iudaeos solos extendunt. Sunt etiam, qui ne Iudaeos quidem omnes ad vitam revocatum iri sibi persuadeant (h); sed, exclusis impiis, solos tantum iustos Deique timentes. Quamvis neque desint, qui de Gentibus terrae mitius iudicium ferant, et (i) honestos quosque ac pios ex his etiam resurrectionis participes futuros esse sperent. Si porro doctores Iudaeorum audimus, corpora semel in diebus Messiae ex pulvere in integrum restituta, vitam sic receptam, quamvis terrestrem, id est, in terra aliquamdiu ducendam (k), posthaec non amplius amittent, adeoque finito Messiae regno, morte nulla de novo interveniente, in regnum Dei

(f) Vide *Rhenferdii Opera* p. 52, 53, 54, 55, 62, 63 et alibi passim. Quidam dicunt resurrectionem locum habituram in initiis dierum Messiae, apud celeberr. *Millium Praef.* ad *Rhenferdii Opera* p. 8. Alii eam reiciunt in annum regni Messiae 206, apud *Rhenferdium* p. 68. Alii latius eam tantum in diebus Messiae sperant. Vide *Dassovium* de resurrectione cap. vi p. 164.

(g) *Rhenferdus* p. 53, 56. *Dassovius* de resurrectione p. 46.

(h) *Rhenferdus* in *Operibus* p. 909. *Dassovius* lib. cit. p. 33, 34 etc.

(i) *Dassovius* p. 47. quamvis dubitari possit, utrum ea, quae ibi ex Iudaeorum scriptis allata leguntur, ad tempora Messiae, an vero potius ad seculum Mercedis referri debeant.

(k) *Rhenferdus* p. 55, 57, 58, 68.

Dei coeleste transferentur, quam etiam in rem corpora haec, iustorum spiritibus iungenda (1), erunt spiritualia, ad exemplum illius, quo in creatione Adamum donavit Deus. Sicuti tamen de plurimis doctrinae articulis, in Iudaeorum scholis, in utramque partem disputari solet, ita dantur etiam (m), qui aeternam durationem corporum, temporibus Messiae resuscitatorum, in dubium vocant. Inprimis verò de illis ambigunt, quos adventus Messiae vivos deprehendet, sine vitam illam, nulla morte finiendam, aeternum victuri, an vero legem communem, ceteris hominibus omnibus praescriptam Ps. 89: 49, et ipsi pariter subituri.

§ 12. *Beatitudo et duratio illius status ex mente Iudaeorum.*

Vitam, ad quam corpora iustorum resuscitabuntur, et quam deinceps cum Messia et sub eius auspiciis agent, Hebraeorum magistri nobis depingunt, ut omni ratione iucundam, beatam, ac bonorum omnium copia abundantem. Id credere nos iubent de ipso illo corpore, quod in vitam redibit, cuiusque aliam futuram, atque nunc est, formam, qualitatem, ac indolem, iam modo monuimus. De spiritus integritate, sanctitate, et perfectione, ne dubitare quidem licet, siquidem illum ex coetu iustorum et ex Paradiso, domicilio beato sanctorum Dei amicorum, deducunt in hanc terram, ut corpori tali iungatur, cum quo commun-

(1) *Eysenmengerus* in Iudaismo detecto Tom. II p. 772, 773. Confer de corpore spiritali Adami, *Vitringae Observationes* Lib. III c. IX § 3.

(m) *Rhenferdus* p. 60, 61. *Dassovius* p. 107, 108.

munionem, vitij et criminis expertem, colere possit. Ex quo consequitur, fore, ut felices hi regni Messiae cives (n) continua mentis puritate, sanctitate actuum omnium, pietate numquam etura, et constantissimo obsequio, Deum et corpore et animo glorificent. Et sic omnino (o) res in primaeuum illum statum, in quo erant ante lapsum, rediturae sunt. Et si autem Iudaeorum doctores piis suis in hac terra etiam corpora circumponant spiritualia, per ea tamen non videntur intelligere alia, quam quae sint apta spiritus puri atque sancti et domicilia et organa. Certe corporibus his nihil omnino eorum, quae corporibus nostris grata sunt ac iucunda, et quae corporis sui causa mens nostra desiderat, in statu illo deesse censent. Itaque (p) edent, bibent, uxores ducent, et ex his sobolem numerosam suscipient, erunt potentes et locupletes; quae omnia, in futuro seculo mercedis, locum non habitura esse, ultro fatentur Iudaei. Quae sit autem felicitas, quam sibi temporibus Messiae promittunt, aestimari potest ex hisce, quae in Gemara כחובות fol. cx1. c. 2. leguntur, ex versione celeberrimi (q) Millii: *Dixerunt magistri nostri: non est huic seculo simile seculum futurum: in hoc enim seculo cum molestia uvae vindemiantur et calcantur: in seculo autem futuro adferet quisvis unam uvam curru aut navi, et deponet in angulo domus, ex eaque tamquam*

(n) *Rhenferdus* p. 56, 58.

(o) Vide *Eysenmengerum* Lib. cit. Tom. II p. 823, etc.

(p) Vide auctores citatos, *Rhenferdium*, *Dassovium*, *Eysenmengerum*, in libris indicatis, passim.

(q) *Praefatione* in *Opera Rhenferdii* pag. IV. Plura reperiuntur apud *Eysenmengerum* Tom. II p. 828, 829, etc.

quam ex ingenti vase depromet vinum, lignis autem etus ad coquendum utetur. Nec est futura tria, quae non 30 amphoras vini contineat. Regno autem huic Messiae tam beato et auspicato in scriptis magistrorum Iudaicorum anni tribui solent, ut plurimum, mille, ut itaque regnum Millenarium dici vere queat. Regnum Messiae, inquit (r) R. Moses Nachmanides, erit in Millenario sexto, quemadmodum Adam quoque sexto die est creatus. At in fine illius millennii erit dies iudicii, quia eodem modo Adam sexto die est iudicatus. Plura alia Iudaeorum ea de re testimonia diligenter conquisivit Iosephus Medus in Clavi Apocalyptica p. 286, 287, ex quibus constare satis poterit, in ea sententia, quam retuli, de Millenario regno Messiae, doctores gentis Iudaicae et praecipuos et plurimos acquiescere. Et quamvis omnino sint, qui durationem istius regni, limitibus modo arctioribus, modo etiam latioribus, circumscribant, ratio tamen ostendi posset non inidonea, qua omnes hae sententiae inter se conciliarentur, si id nobis nunc negotii datum esse crederemus.

§ 13. Similis omnino fuit doctrina veterum Ecclesiae Patrum. Illi igitur, post mortem, triplicem quoque piis statum expectandum esse docuerunt.

Si quis doctrinam Iudaeorum, de regno Messiae in terra, hactenus expositam, cum ea conferre velit, quam Cerintho haeretico a Caio, Dionysio Alexandrino, aliisque Ecclesiae Christianae scriptoribus, attribui supra vidimus, dubitare vix poterit, quin una
ex

(r) Apud Rhenferdium pag. 63.

ex altera dimanaverit, tam aperta et luculenta est inter utramque consensus. Neque etiam id, quantum quidem meminisse possum, a viris eruditis in controversiam vocari solet. Verum negari tum non poterit, idem pariter omnino iudicium ferendum esse de piis illis et optimis Ecclesiae primitivae doctores, qui consimiliter regni a Christo in terris erigendi, et mille annos duraturi, spem nos concipere iusserunt certam ac firmam. Illi igitur, quod de Iudaeis supra § 10 iam monuimus, piis quoque fidei in Christum confessoribus triplicem successive, post mortem corporis, destinatum esse et statum et locum, summo consensu tradunt. Primo enim docuerunt, animam corpore solutam transferri in Paradisum, seu gremium Abrahæ (§), locum a coelo supremo distinctum, in quo a malis miserae huius vitae recreata, et sensu gratiae Divinae exhilarata, consummationem beatitudinis sibi promissae expectet. Statum hunc, phrasi Iudaeis recepta, recte appellare possis *seculum animarum*. Illud tradunt iidem deinde subsequi alterum, quem non immerito dixeris, *seculum resurrectionis*, et *regnum Christi Domini*, ad quod pii e Paradiso descensuri sint, illic corporibus suis resuscitatis rursus iungendi; et cum Christo mille annos regnaturi, ex quo tandem transaturi sint ad statum plenae et perfectae beatitudinis, quam Scriptura vocat *Vitam aeternam*.

§ 14.

(§) Doctrina haec veterum satis nota, et passim a viris doctis explicata est. Possunt tamen loca veterum in hunc sensum concepta videri apud G. I. Vossium in Thesibus Theologicis et Historicis Disp. VI, Georgium Bullum in Concionibus posthumis Tom. I p. 103, ac seqq., et Spanhemium in Historia Christiana secul. II col. 615.

§ 14. *Quae Ecclesiae Patres de indole regni Millenarii tradunt, prorsus similia sunt placitis Iudaeorum de regno Messiae.*

Quodsi iam sigillatim ea, quae de regni Millenarii in terra indole et ratione veteres Christiani disputant, propius examinemus, fatendum profecto erit; ovum ovo similis non esse, quam est traditio Christianorum ea de re Iudaeorum placitis. Aliter quidem visum est viris nonnullis eruditis, qui honori veteris Ecclesiae omnium optime hac ratione consultum iri crediderunt, si ostendere possent, doctrinam et (t) antiquorum Chiliastarum in genere omnium, et (u) Iustini Martyris speciatim, a Iudaeorum traditionibus omnino distinctam et diversam fuisse. In quo tamen etiam atque etiam vereor, ne operam oleumque perdiderint. Non sane ignoro, Chiliastras Ecclesiae Christianae sententiam, quam illi de regno Christi Millenario acriter adstruxerunt, desumere potuisse ex Apocalypsi S. Iohannis, qui c. xx. v. 4, 5, 6. piis religionis cultoribus regnum Christi promittit, mille annos in terra duraturum, praevia resurrectione mortuorum prima. Verum non tam quaeritur de mille annis Apocalypticis, et de resurrectione prima in antecessum promissa, quam de modo, quo haec capienda et intel-

(t) Auctor libri, Parisiis editi A. 1739, hoc titulo: *Examen du sentiment des Saints Peres, et des anciens Juifs, sur la durée des siècles etc.* Consule et le *Journal des Sçavans* mois de Juillet 1741, p. 313.

(u) Iosephus Medus in Clavi Apocalyptica p. 285, in notis, qui et alios Patres excusat, et a Iudaismi suspicione liberat. Vide praeterea Prolegomena novae editionis Iustini Martyris, quae Parisiis prodiit 1742, et le *Journal des Sçavans* mois de Mars 1743, p. 405, 406.

telligenda sint. Vbi dubium esse non potest, quin in explicanda illa Prophetia Chiliastae veteres in Theologiam suam traditiones Iudaeorum transtulerint. Neque etiam diffiteor, fuisse nonnullos ex Chiliastis Ecclesiae primitivae, qui bona regni illius, a Deo promissi, agnoscerent utique spiritualia. Ita certe *Tertullianus* loquitur Lib. III adv. *Marcionem* c. 24: *Hanc civitatem Hierusalem dicimus, excipiendis resurrectione sanctis, et refovendis omnium bonorum utique spiritualium copia a Deo prospectam.* Verum nec ipsos quidem Iudaeos, ex illa beatitudine mille annorum, exclusisse bona et gaudia spiritualia, intelligi satis ex iis potuit, quae § 12 monuimus. Vti vero bonis illis spiritualibus Iudaei adiciebant magnam beneficiorum corporalium et terrestrium, illo tempore quoque promissorum, copiam, ita Christianos in hoc quoque vestigia eorum legisse, vel ex ipso illo *Tertulliano*, quem modo attulimus, loco, et ex quo plura describere hic longum nimis esset, abunde perspicitur. Sed neque id dissimulandum, *Tertullianum*, si cum ceteris Ecclesiae illius antiquae Chiliastis componatur, prae illis, uno tantum *Iustino Martyre* excepto, de beatitudine illius temporis modeste sensit et scripsisse. Nota sunt et multorum sermonibus celebrata, quae Papias, primus ex catholicis doctoribus Chiliastis, de indole regni Christi in terra expectati docuit (v). *Venient dies*, inquit, *in quibus vineae nascentur, singulae decem millia palmitum habentes, et in uno palmitis dena millia brachiorum, et in uno vero (w) palmitis dena millia flagellorum,*
et

(v) Apud *Irenaeum* contra Haereses Lib. v cap: XXXIII § 3, 4.

(w) *Grabius* coniicit legendum *brachio*.

et in unoquoque flagello dena millia botruum, et in unoquoque botro dena millia acinorum, et unum quodque acinum expremssum dabit viginti quinque metretas vini. Et cum eorum apprehenderit aliquis sanctorum botrum, alius clamabit: Botrus ego melior sum, me sume, per me Dominum benedic. Similiter et granum tritici decem millia spicarum generaturum, et unamquamque spicam habituram decem millia granorum, et unumquodque granum quinque bilibres similae clarae mundaе, et reliqua autem poma et semina, et herbam secundum congruentiam iis consequentem: et omnia animalia iis cibus utentia, quae a terra accipiuntur, pacifica et consentanea invicem fieri, subiecta hominibus cum omni subiectione. Quae quam gemina sint traditionibus Thalmudicorum, vel pauca illa, quae protulimus § 12, claro indicio esse possunt. Et hanc tamen Papiæ doctrinam ita adfert Irenaeus, ut eam calculo suo plenissime confirmet, suamque faciat. Non aliam vero fuisse doctrinam Chiliastarum ceterorum, qui, seculo II, III et IV, nomen aliquod in Ecclesia suo merito sibi pepererunt, invicte probant, quae de eorum dogmatibus exquisita diligentia et copiose congescit vir in hisce literis summa cum laude versatus (x), Seb. Nanus Tillemontius. Quinimo plerosque ex Chiliaftis, tempore Augustini, ita de voluptatibus regni Millenarii corporalibus et terrestribus gloriatos fuisse, ut beneficia spiritualia in universum negligerent, aperte testatur illustris hicce Hipponensis Praeful, de Civit. Dei Lib. xx c. 7 scribens: Quae opinio esset utcumque tolerabilis, si aliquae deliciae spirituales in illo Sabbatho affuturæ sanctis per Domi-

(x) *Mémoires pour servir à l'histoire Ecclesiastique* Tom. II p. 301, ac sqq. edit. Paris.

mini praesentiam crederentur, nam et nos hoc opinati fuimus aliquando. Sed cum eos, qui tunc resurrexerint, dicant immoderatissimis carnalibus epulis vacaturos, in quibus cibus sit tantus ac potus, ut non solum nullam modestiam teneant, sed modum quoque ipsius credulitatis excedant, nulla modo possunt ista nisi a carnalibus credi.

§ 15. Doctrina de regno Millenario, Cerintho attributa, eadem est cum doctrina veterum Ecclesiae Patrum.

His omnibus rite perpensis, mihi quidem liquere videtur, doctrinam de regno Christi Millenario in terra, quae in rationibus Cerinthi Haeresiarchae ponitur, esse eandem plane, quam olim in scholis suis tradiderunt Hebraeorum magistri, et quam ab his acceptam, primis Christianae Ecclesiae seculis, asseruerunt ex illustrioribus eius Doctoribus et Martyribus sane permulti. Toties id sua aetate monuit Hieronymus, et id res ipsa clarissime per se loquitur. Fuerunt quidem viri praestantissimi, et de Ecclesia optime meriti (y), Gerhardus, Calixtus, Voetius, Sagittarius, Kortholtus, et alii, qui inter Chiliasmum Cerinthi et Patrum merito distinguendum esse arbitrentur, siquidem prior carnalis, posterior vero spiritualis fuerit, quibus aliquando calculum adiecit (z) Tho. Ittigius. Sed hic tamen, vir egregie doctus, postquam rem eandem denuo sub examen vocavit, muta-

(y) Loca horum virorum eruditorum indicat Tho. Ittigius in selectis capitibus Historiae Ecclesiasticae seculi 1 p. 291.

(z) In Dissertat. de Haeresiarchis aevi Apostolici p. 55.

tata iam mente, iudicium hocce tulit (a): *His ergo aliisque huius modi argumentis evinci potest, inter Cerinthi et Patrum Chiliasmum talem differentiam non fuisse, ut unus ab altero tamquam carnalis a spirituali, tamquam terrenus a sancto, distingui possit. Unde et Bernhardus Luzenburgius non minus Papiam, quam Cerinthum suo haereticorum catalogo inseruit. Quo iudicio nihil verius esse potest, si Cerinthus re ipsa id docuit, quod docuisse vulgo existimatur. Verum enim vero, postquam sententia Cerinthi vera, de regno piorum cum Christo Millenario, e genuinis fontibus eruta et evidenter demonstrata erit, discrepantia utique insignis inter Chiliasmum Cerinthi et Patrum non poterit non observari, sed longe alia. Fatendum namque tum erit, Chiliasmum, quem asseruerunt Patres, esse terrestrem et carnalem, Chiliasmum vero Cerinthi coelestem et spirituale. Id vero in Dissertationibus secuturis ad liquidum perducere annitemur.*

(a) In selectis capitibus historiae Eccles. seculi I. p. 293.

DISSERTATIO SECVNDA

DE REGNO MILLENARIO CERINTHI, QVA
ADVERSVS SENTENTIAM VVLGATAM
RATIONES ADFERVNTVR.

§ 1. *Dissertationis huius summum argumentum.*

Dissertatione superiori, doctrinam de regno Christi in terra Millenario, quae Cerintho a veteribus tribui solet, quantum id instituti mei ratio exigere mihi visa est, exposui. Ostendi, quinam fuerint illi, qui Cerintho talem doctrinam, tamquam haeresin perniciosam, exprobrarunt. Doctrinam ipsam, uti a veteribus repraesentatur, etiam ipsorum verbis retuli. Monui, doctrinam illam ipsam, quam multi criminis loco habent, et Cerintho in acceptis referunt, doctoribus Ecclesiae primitivae fuisse perquam familiarem, et insuper fontes, unde hi doctrinam talem hauserint, indicavi. Ordo, quem in pertractando hoc argumento ipse mihi praescripsi, nunc postulat, ut rationes idoneas in medium proferam, quibus me commoveri pas-

fus sum, ut crederem, regnum tale Millenarium Christi in terra, quale voluit Calus, Cerinthus nec docuisse, nec docere omnino potuisse. Antequam vero ad id nunc me accingam, aequum esse censeo, ut scrupulum quemdam, non levem, qui negotium lectoribus quibusdam facessere posset, ex animis ipsorum evellam.

§ 2. *In antecessum dubio cuidam occurritur, quod nempe Cerinthus Iudaizaverit.*

Monui iam Dissertatione priori, doctrinam de regno Messiae in terra Millenario, expolitam fuisse in scholis Iudaeorum, et ab his ad Christianos dimanasse. Iam vero libens et ultro largitus sum, Cerinthus, sin minus gente, certe tamen professione religiosa, Iudaeum extitisse, ac praeterea ex Aegypto reducem, frequentem et, ut videtur, diuturnam cum Ebionaeis, id est, cum Christianis Iudaizantibus, coluisse amicitiam et communionem, ex quo suspicari oppido proclive est, Cerinthus, hominem Iudaeum, aut saltem Iudaizantem, dogina Hebraeorum magistris adeo tritum et familiare retinuisse, et in schola sua tradidisse. Id certe, neque enim inficias eo, testimonio Cui speciem veri non exiguam concitat. Neque tamen est, quod ex eo causae nostrae metuamus. Damus sane liberaliter, Cerinthus fuisse, etiam antequam in Aegyptum contenderet, Iudaeum; sed non minus certum est, eum, cum propriam scholam erigeret, relicta communione Iudaeorum, pro cultore Iesu Christi haberi voluisse. Itaque more fere Ebionaeorum, ex his, quae in Iudaeorum scholis didicerat, nonnulla tantum servavit, alia vero, prout res ipsi exigere visa est, repudiavit. Vnde *Epiphanius* de eo observavit,

πρὸς-

προσέχειν τῷ Ἰουδαϊσμῷ ἀπὸ μέρους, quod in versione vulgata non fideliter satis redditum, ita Latine transferendum est, *eum ex parte tantum religionem Iudaicam probasse*, Haeres. xxviii num. 1. Video id etiam observasse doctissimum Moshemium, qui commode et haec ex Philastrio de Haeres. c. 78 adfert: *in nullo discordans ab eo (Carpocrate) nisi quia ex parte solum legi consentit*; et in universum (a) ita pronuntiat: *Illi qui Cerinthum universam legem, quam Moses tulit, servatam voluisse consent, nec satis diligenter veteres scriptores inspexisse, nec rationem disciplinae eius accurate considerasse videntur*. Quare audiendus non est Agobardus Lugdunensis, et si qui eum sequuntur, ubi nobis persuadere vult, rationem errorum omnium, qui Cerintho adscribuntur, ex Iudaeorum dogmatibus repetendam esse (b). *Ex erroribus Cerinthi cognoscitur, inquit, quod omnia sint Iudaica, quae adstruebat*. Nihil itaque ex Iudaismo Cerinthi, pro adstructo ab eodem regno Christi in terra Millenario, colligi posse, in propatulo est, quamvis vero dissimile non sit, propensionem Cerinthi ad placita Iudaica Caio materiam suppeditasse, ut doctrinam eius, non Iudaicam, in sensum tamen Iudaicum interpretaretur. Non magis Caii de Cerintho testimonium iuvat summa huius cum Ebionaeis, sive Christianis Iudaizantibus, consensus. Nam uti non temere negandum putaverim, ex Ebionaeis aliquos traditionibus Iudaeorum, de regno Messiae in terra Millenario, constanter adhaesisse, siquidem ab his Pa-

pias

(a) In Institutionibus Historiae Christianae maioribus P. 455.

(b) In libro de Iudaicis superstitionibus, in Bibliotheca Patrum magna Parisina Tom. ix col. 1204.

pias ea videtur accepisse, quae Dissert. I § XIV ex eius aliquo libro adduxi, ita tamen probari non posse existimo, Chiliasmum fuisse doctrinam in scholis Ebionaeorum generali consensu probatam ac receptam. Plurimi potius ex illo grege etiam hoc cum multis aliis placitis Synagogae Iudaicae videntur reiecis-
 Certe veteres, qui Chiliasmum Cerinthi refellunt, talem tamen doctrinam in rationibus Ebionaeorum nuspiam ponunt. Contrarium potius non sine ratione colligi posse auguror, ex Pseudo-Clementis *Recognitionibus* (c), in quibus tot Ebionismi indicia satis certa occurrunt, ut dubium esse non possit, quin auctor earum, quisquis est, Ebionaeorum placita secutus fuerit. Et is tamen Caipham, sacerdotem Iudaeorum summum, introducit Christianis haecce obli-
 cientes: *Tum Caiphas doctrinam Iesu culpae tentabat, dicens eum res vanas locutum: beatos enim pauperes dixit; et terrenas fore remunerationes promisit, ac summam muneris in terrena hereditate constituit; cibisque ac potu eos, qui iustitiam servarint, promisit esse satiarandos; et his similia multa docuisse deprehenditur*, Lib. I c. 61. Ecce, Christo Domino exprobratur, quod plis suis cultoribus regnum promiserit huius mundi. Id enim sibi volunt haec verba, *terrenas fore remunerationes promisit, ac summam muneris (i. e. remunerationis) in terrena hereditate*
 con-

(c) Ioh. Baptista Cotelerius, qui, in Patribus Apostolicis, *Recognitiones* has, curate editas, eruditissimis observationibus illustravit, permulta passim Ebionismi indicia deprehendit, et lectoribus in notis indicavit. Quibus alia permulta, nec minus certa, addi etiamnum possunt. Vide etiam H. Valesij annotationes in Eusebii H. E. Lib. III c. 38.

constituit, quibus respicitur ad illa Domini verba, Matthæ v. 5, Beati sunt mansueti, quoniam hereditatem consequentur terram, ut nunc alia prætermittam, ad quæ Caiphas ille fictus præterea alludit. Tum ita pergit auctor Recognitionum: Cui Thomas respondens, arguit eum frustra causantem; ostendens, quia Prophetæ magis, quibus etiam ipse (Caiphas) credit, ista docuerint, nec tamen quo modo erunt hæc, aut quo modo percipientur, ostenderint; Iesus vero qualiter accipi hæc debeant, demonstraverit. Docet igitur Ebionæus hic, sub persona Thomæ Apostoli, vaticiniis Prophetarum de regno Messiae, et de restauratione Hierosolymæ, non literaliter, sed spiritualiter esse intelligenda, et sensum hunc spiritualem Iesum discipulos suos docuisse. Idem auctor, Lib. III. c. 26, Petrum Apostolum in scenam producit, hunc in modum disserentem: Ob hoc autem et prolixioribus indiguit mundus iste temporibus, donec animarum, quæ prædestinatæ sunt, numerus impleretur: et tunc istud quidem visibile coelum revolveretur, ut liber; illud vero, quod est superius, appareret: et animæ beatorum, corporibus suis redditæ, inducerentur in lucem; impiorum vero animæ, pro immundis actibus suis, spiritu flammeo circumdatae, in profundum ignis inexstinguibilis mergerentur, per seculum expensuræ supplicia. Ecce unam tantum Ebionæus hicce agnoscit resurrectionem, iustorum et iniustorum, illorum ad vitam aeternam et celestem, horum ad aeternum cruciatum. Cum igitur Ebionæi ut plurimum a Chiliasmo Iudæorum videantur abhorruisse, Cerinthum quoque, etsi illis doctrina et amicitia esset coniunctissimus, ab eadem doctrina alienum esse potuisse, satis liquere arbitror.

§ 3. *Ostenditur, traditionem de regno Millennario Cerinthi nisi auctoritate et testimonio unius Caii.*

Sed properemus nunc tandem ad exponendum rationes, quibus confici posse opinor, Cerinthum tale regnum, quale ipsi exprobrare solent veteres, re ipsa numquam docuisse, neque docere omnino potuisse. Et primo quidem, si ad testes, quorum auctoritate traditio haec omnis unice nititur, animum paulo attentius advertimus, tales utique sunt, quorum testimonium non immerito suspectum nobis esse debet. Etenim primus citra controversiam, qui Cerinthum Chiliasmum Iudaicum accusavit, est Caius, Presbyter Ecclesiae Romanae, qui centum circiter post Cerinthum annis floruit, et libris scriptis inclaruit. Certe non est scriptor ullus Caio vetustior, ex quo in causa hac adversus Cerinthum testimonium aliquod allatum sit, aut etiam adferri umquam possit. *Eusebius*, qui Patrum se antiquiorum scripta omnia avidissime undecumque conquirit, qui illa studiose perlegit, qui eorum testimonia libenter profert, Caio tamen non potuit reperire antiquiorem, qui Cerintho Chiliasmum imputaverit, etsi satis liqueat, eum hocce argumentum exquisita diligentia investigasse. Et post eum *Theodoretus*, quem inter meliores et doctiores scriptores totius Antiquitatis Christianae numerandum esse, inter omnes constat, pariter, ut (d) alio loco iam monui, nominare non potuit quemquam, qui ante Caium de Chiliasmo Cerinthi vel verbum iniecerit. Neque vero, si unum et solum Caium ego verum auctorem totius illius de Chiliasmo Cerinthi traditionis esse

(d) Dissertat. I § vi.

affirmavero, quidquam dixerō, quod a vero abhorret. Nam *Dionysium Alexandrinum*, qui de Cerintho eadem tradidit, quae Caius (e), ex hoc ipso sua depromississe, indiciis multo luculentioribus constat, quam ut negari aut in dubium vocari possit. Et tamen *Eusebius* et *Theodoretus*, quorum prior centum circiter, posterior ducentis, post Caium, annis floruit, praeter duos hos Caium et *Dionysium*, alios nominatim designare non potuerunt, qui eandem Cerintho haeresin imputavissent. Extant sane *Irenaei*, *Caio* antiquioris, libri adversus haereses, in quibus etiam de Cerintho differit. Sed de Chiliasmo eius alium plane illic silentium. Superest *Catalogus Haereticorum*, qui *Tertulliani* libro de *Praescriptione haereticorum*, tamquam Appendix adiungi solet, auctoris (f) *Tertulliano*, adeoque *Caio* etiam, coevi, qui alias quidem Cerinthi haereses recenset, verum de regno eius Millenario ne verbum quidem adiicit. Extabant seculo III alia scripta similis argumenti, a viris celeberrimi nominis profecta, *Iustino Martyre*, *Hippolyto*, *Origene*, aliisque, quos *Hieronymus* (g) in Epistola ad Magnum commemorat, sed quos

(e) Vide Dissert. I § VI.

(f) Extant varia de auctore et aetate huius libri eruditorum iudicia. Ego libenter subscribo sententiae, quam profert *Ant. Pagius* in Critica Annalium *Baronii* ad A. C. 171. num. IV, eamque hic secutus sum. Sic etiam iudicat Abbas doctissimus *Ludovicus du Four de Longuerue* in Dissertat. de origine haeresium *Valentini*, *Cerdonis* et *Marcionis*, inter alias eius posthumas Dissertationes edita a *Wincklero*, p. 273.

(g) Epist. LXXXIII Opp. Tom. IV Part. II col. 656, edit. Paris. Benedictinorum.

quos tamen de Cerinthe Chiliasmo nihil memoriae prodidisse, vel ex eo satis tuto colligitur, quod neque *Eusebius*, neque *Theodoretus*, neque veteres alii, testem ullum adversus Chiliasmum Cerinthe producere potuerint, praeter *Caium* atque *Dionysium*. Itaque horum duorum, aut potius unius *Caii* testimonio tantum nititur, quidquid post seculum IV et V scriptores antiquiores, et quidquid nunc recentiores ad unum omnes, de regno Millenario Cerinthe literis consignarunt.

§ 4. *Inquiritur in auctoritatem, quam, hoc in loco, testimonium Caii habere potest.*

Sed sit sane ita, dicat quispiam, sit unus tantum Caius in causa hac testis adversus Cerinthum, cui reliqui omnes crediderunt, quid impedit, quo minus viro illustri, et magnae, tempore suo, in Ecclesia auctoritatis, fidem adhibeamus? Ad haec respondendum putem, esse causas iustas, ob quas in tali negotio assensum meum cohibeam, et, ut, quod res est, libere dicam, affirmanti fidem penitus denegem. Etenim, unde, quaeso, Caius, qui centum post Cerinthum annis scripsit, haec, quae de Chiliasmo eius tradidit, rescire potuit, haec inquam, quae in tanto intervallo, ante ipsum, nemo alius ex iis, qui Cerinthe tempora propius attigerunt, dixisse ac testimonio suo confirmasse, deprehendi potuit? An forte haec desumpsit ex aliquo ipsius Cerinthe scripto? Verum in tota antiquitate nullum superest, ne vel levissimum quidem indicium, haeresiarcham hunc ipsum aliquid literis mandasse, et scriptum post se reliquisse, nisi eo referre velis, quae veteres nonnulli de aliqua

qua (*h*) eius *Apocalypsi*, per errorem, ut credere par est, hariolati sunt. Aut an forte Caius traditionem talem mutuatus est ex aliquo antiquiori, qui ea de re, aut ex Cerintho ipso, aut ex discipulis eius, edoceri potuit? Sed neque id dici posse, recte ex eo colligitur, quod traditionis huius auctorem quemquam, Caio antiquiorem, tota vetustas semper ignoraverit. Nihil igitur, nisi hoc unum superest, Caium dogmata quaedam Cerinthi, passim tum nota, longe aliter, ac vulgo fieri soleret, interpretatum esse, et ex illis per consequentiam id elicuisse, quod deinceps pro placito scholae Cerinthianae haberi voluit: qualia praeter Cerinthum, etiam aliis, et haereticis, et catholicis, evenisse saepius, nemo ignorare poterit, nisi qui in historia Ecclesiastica hospes sit. Itaque non credo, eruditos aegre laturos esse, si dixerò, totam hanc de Chiliasmo Cerinthi traditionem non niti nisi coniectura unius Caii, eaque omni veri specie destituta. Et profecto, quam audax et, ausim dicere, petulans in coniciendo fuerit Caius ille, vir ingeniosus, sed sibi nimium tribuens, ex eo quivis intelligere potest, quod non modo effecerit, ut doctrina Chiliasmarum, quam hucusque asseruerant celeberrimi et probatissimi in Ecclesia Praefules, posthaec tamquam haeretica damnaretur, quippe quae Cerinthum verum auctorem haberet; sed etiam hac ipsa de causa *Apocalypsin* Apostoli Iohannis Cerintho attribueret, et insuper (*i*) Epistolam ad Hebraeos, cum in ea quae-

(*h*) Vide Differt. 1 § v. Adde *Grabii* Spicilegium seculi 1 p. 311, 312 et 375.

(*i*) *Eusebius* Hist. Eccles. Lib. vi c. 20. *Hieronymus* de viris illustribus c. 59. *Photius* in Bibliotheca Cod. 48, in fine.

quaedam legisset, sibi minus probata, Paulo Apostolo sine cunctatione abiudicaret.

§ 5. *Multi ex veteribus testimonium Caii de Cerintho contemserunt, et ex recentioribus Ios. Medus.*

Video multos ex veteribus de Caii hoc testimonio aliter non iudicasse, atque ego. Ex omnibus seculi III scriptoribus, qui Caio posteriores sunt, illis etiam, qui in historia haereticorum tradenda studium eximium posuere, quales sunt *Hippolytus*, *Origenes*, et alii, non potest ostendi quisquam, praeter unum *Dionysium Alexandrinum*, qui iudicio Caii in hac causa subscribere illudque adeo sequi voluerit. Auctor *Catalogi haereticorum*, qui *Tertulliani* libro de Praescriptione haereticorum subiici consuevit, quique (k) non diu post Caium floruisse videtur. Cerinthi haeresin exponit, sed, quod supra iam monui, spreto testimonio Caii, de haeretici illius Chiliasmo silere maluit. Postea a seculo IV et V, quoniam *Eusebius* et *Theodoretus*, historici inter Christianos longe principes, iudicium Caii suffragio suo corroborarunt, sententia hac de re ipsorum evasit paulatim sententia recepta scriptorum Ecclesiasticorum paene omnium; sed ita tamen, ut semper essent, qui auctoritatem Caii spernerent, adeoque Chiliasmum inter haereses Cerinthi non numerarent. Ex his posterioribus nominare possum *Philastrium* Brixientem, qui in libro de haeresibus cap. 36 Cerinthi Chiliasmum tacitus praeterit, quamvis idem cap. 39., *Chilistas*, vel uti ipse eos vocat, *Chilionetitas*, haereticorum gregi adscribe-

(k) Vide § 3 notam.

bere non véreatur, *Epiphanium* Haeresi x xvi i i. Au-
ctorem a *Sirmondo* editum, qui nomine *Praedestinati*
eruditus notus est, Lib. 1 c. 8, *Iohannem Damasce-*
num (1) de haeresibus cap. 28, et si qui sunt adhuc
pauci alii. Ceterum non sine magna voluptate intel-
ligo, virum ingenii acutissimi et eruditione egregia per-
politum, *Ios. Medum*, in easdem fere mecum cogita-
tionès, de testimonio *Caii*, incidisse. Etenim in *Clavi*
Apocalypica, p. 285. in notis, hac de re ita scri-
bit: *si modo vera sunt, quae ex Gaio nescio quo de*
Cerintho afferuntur. Et quibusdam interiectis: *Quod*
autem Cerinthum attinet, si quid huiusmodi errave-
rit, ex Iudaismo attulit (Iudaeus enim fuit) Chri-
stianis non imputandum. Mirum tamen est, de hac
Cerinthi haeresi apud Irenaeum et Tertullianum ne
ypò quidem reperiri; qui tamen ex professo de errori-
bus eius scripserunt. Totum hoc nititur fide cuiusdam
Gaii, hominis obscuri, quem nescio an ex *Alogorum*
haereticorum numero fuerit, quos testatur Epipha-
nus, tam Iohannis Euangelium, quam Apocalypsin
Cerintho adscripsisse. Certe eodem tempore vixit, et
Apocalypsin quod attinet, ab eorum sententia non ab-
horruisse, quicumque verba eius apud Eusebium haud
oscitanter legerit, fatebitur. Non omnia probo,
quae vir doctus de *Gaio*, tamquam homine obscuro,
et *Alogorum* forte gregali, effudit. Sed de eo tamen
mihi gratulor, quod testimonium *Caii*, de *Cerinthi*
Chiliasmo, eodem, quo ego, loco habuerit.

§ 6.

(1) In *Cotelerii Monumentis Ecclesiae Graecae* Tom. 1
p. 287.

§ 6. *Testimonium ipsum de Cerintho nunc examinatur, ibique supponitur, Cerinthum fuisse Gnosticum, eadem cum Carpocrate sentientem.*

Diximus de teste, qui adversus Cerinthum producit, etumque iure merito a nobis recusari, docuimus. Sed nunc testimonio ipsi pręssius inhaerebimus, idque ostendemus esse tale, ut recipi a nobis nulla ratione queat. Et hic iam in antecessum lector eruditus monendus est, me id rationibus omnibus, quibus nunc adversus testimonium Cail utar, fundamentum substernere, quod Cerinthus nomen suum inter illos professus fuerit, qui notissimo *Gnosticorum* nomine in historia Ecclesiastica insigniri solent, quodque principiis huius sectę pertinaciter semperque adhaeserit. Hoc veteres fatentur, hoc recentiores nostri libenter admittunt, hoc schola illa Alexandrina (*m*), in qua doctrina omni, rum Philosophica, rum Theologica, diu satis imbutus fuit, non leviter confirmat, id denique pręcipua, quae a veteribus ipsi adscribuntur placita, invictę probant. Id vero observatu cum primis dignum censeo, quod veteres Cerinthum cum Carpocrate, famoso illo scholę Gnosticorum magistro, tantum non semper coniungere soleant, tamquam duo hi, arctiori quodam unius eiusdemque doctrinę vinculo, inter se sociati essent. Ita antiquissimus, ex iis, qui aetatem rulerunt, historię haereticorum scriptor, *Irenaeus*, Lib. 1 c. xxv, *Carpocratis*, et mox capite secuto xxvi, *Cerinthi* haeresin exponit. Ad eum plane modum duos hos sibi invicem subiungit auctor

ca.

(*m*) Vide Dissert. 1 § 2.

catalogi haereticorum, qui *Tertulliani* libro de *Praescriptione haereticorum* addi solet, cap. 48, *Epiphanius* porro Haeresi 27 et 28, *Philastrius* de Haeresibus c. 35, 36, et, ne citra rationem prolixior in his sim, haeresiologi ad unum omnes. Idque, praeter hos, aliis quoque scriptoribus Ecclesiasticis usitatum valde et familiare est. Et ne cui in mentem venire possit, hoc temere tantum et casu quopiam fortuito accidisse, dum ordinem, quem in historia haereticorum servat unus aut alter, ceteri omnes secuti et imitati sunt, audimus hos ipsos, qui Carpocratem et Cerinthus coniungunt, nonnumquam de summa utriusque in doctrina consensione verbis conceptis testari. Ita enim auctor *catalogi haereticorum*, editi cum *Tertulliani* libro de *Praescriptione haereticorum*, cap. 48: *Post Carpocratem Cerinthus haereticus erupit, similia docens.* Sed operae pretium cumprimis esse puto, ista adscribere *Epiphanii* verba, ex Haeresi xxviii § 1: *Cerinthus nihil propemodum aliud, quam a nobis supra commemoratus ille Carpocrates, asseruit, eademque cum eo lethalia in mundum venena propagavit.* Mox iam recenset dogmata quaedam utrique communia, quibus et alia addere potuisset. Et tandem haec subiicit: neque ulla in re discrepantem ab illo doctrinam invexit, nisi quod Iudaicos etiam ritus adscivit. Quid opus est, post hos, testes alios, qui profecto non desunt, excitare? praesertim ubi rei ipsius testimonia luculentissima adsunt. Conferat quis haeresin Carpocratis et haeresin Cerinthus secum invicem, et fatebitur, utramque illam ex uno eodemque fonte esse derivatam.

§ 7. *Hinc verosimile non est, Cerin-
thum docuisse Chiliasmum, a quo
Gnostici alieni fuisse deprehen-
duntur.*

Extra omnem dubitationis aleam igitur positum est, Cerinthum fuisse de grege Gnosticorum, et inter hos Carpocrati prae reliquis doctrina coniunctissimum. Itaque semper, etiam Christianus iam factus, inhaeserit *νομιαῖς δόξαις* Gnosticorum, id est, principiis primariis scholae illius, quae ab omnibus agnoscebantur, omnibusque communia erant. Ea in schola Alexandria didicerat, eademque postea tenaciter servavit. Ex eo vero per se omnino consequi videtur, doctrinam de regno Christi in terra Millenario, Cerintho tribui nec posse, nec debere. Quis enim umquam, aut generatim Gnosticis, aut Carpocrati speciatim, talem doctrinam imputavit? Extabant olim, erantque in manibus omnium, libri Gnosticorum plurimi, ex quibus amplissima fragmenta describunt *Clemens Alexandrinus, Origenes, Epiphanius*, et alii, unde facile fieri etiam potuit, ut dogmata huius sectae, etsi plerumque non recte perspecta, prolixè tamen, ab *Irenaeo* et *Epiphanio* nobis enarrata fuerint. Sed nemo est ex veteribus, qui Gnosticos umquam nomine Chiliasmi reprehenderit. Ego vero producere possum Gnosticum, qui talem doctrinam in Catholicis suggillavit. Est is *Marcion* haeresiarcha, qui seculo I I scholam peculiarem fundavit, inclytam valde, quae, per Asiam et Syriam longe lateque propagata, usque ad tempora seculi VI perseveravit. Quamvis vero is dogmata quaedam haberet sibi propria, ab iis tamen, quae toti gregi Gnosticorum communia fuerunt, numquam ne vel hilum quidem recessit, uti cuilibet, excutienti haeresin eius, non potest non illico liquere.

Ex

Ex his igitur principiis *Marcion* sic adoritur Catholicos (n): *Spero* (a Christo meo) *regnum Dei aeternae et coelestis possessionis*. Ceterum *vester Christus* *pristinum statum Iudaeis* pollicetur, *ex restitutione terrae, et, post decursum vitae apud inferos, in sinu Abrahae refrigerium*. En! *Marcionem*, eadem obiiicientem Catholicis, quae apud auctorem *Ebionaeum Iudaeus* in genere Christianis obiiicienda putavit, de quibus nos § 2 diximus. Et quae illic apostolus Christianus Iudaeo, haec *Tertullianus Marcioni* respondet, nisi quod tamen aliquod regnum terrenum fateatur. *De restitutione Iudaeae*, inquit, *quam et ipsi Iudaei, ita, ut describitur, sperant, locorum et regionum nominibus induciti, quomodo allegorica interpretatio in Christum et in Ecclesiam, et habitum et fructum eius spiritualiter competat, longum est persequi; nam et consitemur in terra nobis regnum repositum, sed ante coelum, sed alio statu, utpote post resurrectionem in mille annos*. Dubium mihi non est, quin Gnostici omnes, et cum his *Cerintus*, eadem plane senserint, quae a *Marcione Chiliaetis* obiecta esse vidimus.

§ 8. *Et doctrina de Millenario vulgaris e diametro etiam Gnosticorum placitis adversatur.*

Ostendimus, *Marcionem*, ac in universum Gnosticos, quippe quorum placitis ille totus imbutus erat, a tali regno Christi Millenario, quale sperabant Christianorum permulti, et quale tribuitur *Cerintho*, abhor-

(n) Apud *Tertullianum* Lib. III adv. *Marcionem* cap. 24, pag. 499. edit. *Rigaltii*.

horruisse, idque in Catholicis ferre non potuisse. Et vero difficile non est, rationem rei huius reddere perspicuam et eyidentem. Etenim conceptus regni talis Millenarii, quale dixi, si ab omni parte versetur, et sollicite examinetur, deprehendetur confestim, principiis illis Gnosticorum, quae possis appellare fundamentalia et radicalia, et quae eam ob rem omnibus in universum fuere communia, e diametro repugnare. Id nunc per partes distinctius explicandum, et idoneis veterum testimoniis communicandum esse puto.

§ 9. 1. *Quia regnum Millenarium
beatum collocatur in terra.*

Primo igitur, *locus*, quem Cerinthus regno illi suo Millenario assignasse creditur, est hicce noster mundus, quem incolimus, et in eo sigillatim Iudaea, ac Iudaeae caput, Hierosolyma. Ita enim Caius in loco iam (o) allato de Cerincho testatur: *Affirmat post resurrectionem regnum Christi in terris futurum, ac rursus homines Hierosolymis victuros.* Et Dionysius Alexandrinus, apud Eusebium Lib III c. 28, et Lib. VII c. 25, pariter asseverat, Cerinthum docuisse, *regnum illud Christi futurum esse terrestre.* Non verebor affirmare, sententiam talem, neque Cerincho, neque Gnosticorum cuiquam, aut in mentem venire, aut probari potuisse. Etenim unanimis haec fuit Gnosticorum omnium doctrina, mundum materiale sublunarem, in quo nunc vitam agimus, per se, quippe ex materia conditum, esse imperfectum et malum, infelix quoddam miserorum hominum ergastulum, in quo neque perfectae iustitiae et sanctitati, neque solidae ac

ve-

verae beatitudini locus esse possit, in quo potius homines multiplici miseriarum cumulo continuo subsint, ac ad peccandum etiam iugiter sollicitentur. Apud *Origenem*, seu quisquis alius auctor est dialogi contra *Marcionitas*, *Origene* utique iunioris, p. 156, sic loquitur *Marcus Marcionita*, interlocutor: *nos ex Apostolo et Evangelio edocti sumus, tum Creatorem Mundi, tum creaturas ipsius esse malas*. Regerit quidem Adamantius Catholicus: *Quae Christus bona confiteatur, tunc dicis mala?* sed responder *Marcionita*: *Mundum hunc non dicit bonum, neque creaturas eius*. Dicit enim; „ si essetis de hoc mundo; mundus quod „ suum est, amaret”. Ex eodem principio, *Heracleon*, non ignobilis scholae Gnosticorum magister, ubi verba haec Christi Domini, apud Iohannem cap. IV vs. 21, *veniet hora, quando neque in monte hoc, neque in Hierosolymis adorabitis Patrem*, interpretatur, ac more scholae illius ineptis allegoriis indulget, ita commentatur (p): *Per montem intelligitur diabolus, vel mundus eius, quandoquidem pars una est diabolus totius materiae, mundus vero universus materialitiae mons, et deserta habitatio ferarum*. Ex sententia igitur Gnosticorum, mundus materialis totus eiusdem est essentiae et naturae, cuius est Diabolus. Est et eiusdem *Heracleonis* haec mirifica interpretatio in Iohann. II. 12 (q): *Capharnaum significat haec extrema totius universi, et mundi materialis, in quae descendit (Iesus). Et quia locus hic parum conveniens ipsi est, ideo non dicitur in eo quicquam aut operatus, aut locutus fuisse*. Nempe mundum talem esse

(p) Apud *Origenem* tom. XII Commentar. in Iohann. p. 210.

(q) Apud *Origenem* tom. X in Iohannem p. 158.

esse arbitrabantur Gnostici, in quo Servatorem deceret quidem humilitatis voluntariae ac profundae specimina edere, verum non gloriam perfectionis infinitae et operum divinorum palam omnibus explicare. De hominibus vero, terrae huius incolis, ita sentiebat *Simon Magus*, qui placitis iisdem imbutus erat, quae postea Gnostici reliqui cum doctrina Christi et Apostolorum sociare annisi sunt (r): *Animae nostrae a bono Deo sunt; sed captivae deductae sunt in hunc mundum*. Haec omnino ratio est, ob quam hi ipsi Gnostici, mundi, natura sua adeo miseri et infelices, creationem Supremo et Optimo Numini neutiquam tribui posse censerent (s); sed genio, aut indole sua malo, aut saltem imperfecto, qui meliorem mundum condere non valuerit. Et hanc quidem Gnosticorum doctrinam Carpocrati et Cerintho sigillatim probatam fuisse vehementer, si (t) veterum testimonio credimus, certissimum est. Quid igitur mirum est, hos sapientiae infantientis consultos mundum materiale odio habuisse, et solidae felicitatis, qua frui potest anima sancta, hoc initium constituisse, ut liberata et a societate corporis, et ab omni qualicumque terrae huius communione, superato ad haec mundo materia-

li

(r) Ita Simonem loquentem in scenam producit *Pseudo-Clemens Recognitionum Lib. II c. 57*.

(s) De argumento hoc prolixe et docte differit *B. Beausobrius*, in historia Manichaea Tom. II p. 10 et seqq.

(t) Testantur hoc *Irenaeus Lib. I c. 25, 26. edit. Massueti, Tertullianus*, seu quisquis auctor est appendicis ad librum de Praescriptione haereticorum, c. 48, *Gregorius Nazianzenus Orat. XXIII p. 414, Epiphanius Haeresi XXVII et XXVIII, Theodoretus de Fabulis Haereticorum Lib. I c. 5, Lib. II c. 3, Lib. V c. 4, et multo plures alii.*

li in universum, in mundum spiritualem transferatur. Non ineleganter hanc Gnosticorum sententiam expressit, suamque, ut multa alia ipsorum deliria, fecit *Synesius* Cyrenaeus, Hymno i v. 108:

Μάκαρ ὅστις βορὴν ὕλας
 Προφυγὼν ὕλαγμα, καὶ γὰρ
 Ἀναδύς. ἄλματι κοῦφῳ
 Ἴχθυος ἐς Θεὸν τιτάνει,
 Μάκαρ ὅστις μετὰ μοίρας,
 Μετὰ μόχθους, μετὰ πικρὰς
 Χθονογενεῖς μελεδῶνας,
 Ἐπιβάς νόου κελεύθων
 Βυθὸν εἶδεν θεολαμπή.

*Beatus, qui voracem materiae
 Evadens latratum, et e terra
 Emergens, saltu levi
 Vestigia ad Deum dirigit:
 Beatus, qui post fata,
 Post labores, post acerbis
 Terrenas curas,
 Ingressus mentis vias,
 Altitudinem vidit divina refulgentem luce.*

§ 10. 2. *Et quia ad regnum illud e
 Caelo descensuri dicuntur spi-
 ritus beati.*

Accedit ad rationem, quam modo exposui, et ista haec secunda, quod Cerinthus beatitudinem illam terrestrem, in mundano Christi regno, dicatur promississe spiritibus piorum, qui iam omnibus malis vitae huius soluti, in beata requie apud Christum recreati fuerant. His igitur spiritibus plene sanctificatis, post
 Hh 5 frui.

fruitionem diurnam tantae tamque purae beatitudinis, in mundum materiale sublunarem fuisset redeundum, quod sane Gnosticorum omnium, et cum his Cerinthi pariter, dogmatibus in universum aduersatur. His enim persuasum erat, spiritus hominum, post excessum e corporibus suis, in regiones coelestes transferri, et ex his in mundum nostrum sublunarem non redire, nisi pro delictis anterioris vitae puniendos adhuc et perpurgandos. *Basilides* igitur, magnum inter Gnosticos nomen, et discipuli (u) eius, verba haec Decalogi, *Deus retribuit peccata in tertiam et quartam generationem*, interpretabantur de transmigratioe animarum in alia corpora, id est, ex illo Scripturae testimonio probare satagebant, Deum spiritus, post mortem corporis, de novo in carcerem mundi huius deturbare, et aliis semper corporibus illicigare, donec poenam sibi definitam luisent, et a vitiis emundati essent. Libenter iam omitto, quae hanc in rem de Basilide et aliis Gnosticorum doctoribus adferri possent plura. Sed non possum, quin haec *Epiphani* de haeresi *Carpocratis* verba apponam: *Si quis omnia in hac una praesenti vita perfecit; eius anima non amplius in alia corpora transfunditur, ut in hanc lucem denuo procreetur; sed libera atque immunis abscedet, cum nullius amplius in hoc mundo debito actionis obligetur*, Haeresi xxvii § 4. Sequuntur postea alia huc spectantia quamplurima, ex quibus iam ista tantum, ex § 5, transcribam (v): *Dicunt porro esse*

(u) Apud *Clementem Alexandrinum*, in Excerptis ex doctrina Orientali *Theodoti* § 28, in *Fabricii* Bibl. Graec. Vol. v p. 152.

(v) Similia his inuenies quoque apud *Irenaeum* Lib. i c. 25, et *Tertullianum* de anima cap. 35.

esse adversarium illum, a Domino commemoratum in Evangelio Matth. v. 25, unum ex mundi conditoribus Angelis, nomine (w) Abolum. Nam et custodiam corpus esse interpretantur, et novissimum quadrantem, migrationem Animarum. Oportet enim, pervagatam omnia singulisque perfunctam animam ac solutam, mundi creatoribus ac praecipuo eius auctore superatis, ad supremum illum ignotumque, in altissimum coelum penetrare. Addunt insuper, vel in prima migratione omnia conficienda et peragenda esse ut sic anima, in libertatem vindicata, sursum abire possit, vel nisi unico illo adventu universa perfecit, tum repetitis transmigrationibus, et reditibus in mundum, paulatim omnia esse consummanda, ut se in libertatem asserere possit. Eandem vero fuisse quoque Cerinthi sententiam, in dubium non facile vocabit, quisquis ea, quae de haeretici huius cum Carpocrate consensione observavimus § VI, in memoriam revocare voluerit. Et in universum de anima ex mundo in coelum evecta Gnostici non aliter senserunt, atque Synesius, qui placita ipsorum versibus hisce nobis interpretatur Hymno III vs. 599

Θρόνισόν με πάτερ
Φωτὸς ἐν ἁλκᾷ
Ζωηφορίου,

Colloca me pater
Lucis in vi
Salutaris,

"Iva

(w) In Graeco est "Αβολου, quod videtur esse corruptum ex Διάβολου. Sed corruptio haec est valde antiqua, et probabiliter Arabibus debetur, qui Principem malorum Spirituum *Eblis* dicunt. Vocem hanc ex Graeco detortam fuisse, docet etiam *TA Hydus* de religione Veterum Persarum cap. IX p. 171. Et certe inter traditiones Arabum veterum et Gnosticorum magna intercedit affinitas.

ἵνα χεῖρα φύσις
 οὐκ ἐπιβάλλει,
 ὅθεν οὐκέτι γὰ,
 οὐ μοιραία
 κλάσις ἀνάγκας
 Παλίνωρσον ἀγει.
 Ἐμέθεν δὲ πᾶτερ
 Χθονίου τε κλόνον
 Πῦρ μέσον εἴη.

*Quo manum (x) natura
 Non iniicit.
 Unde me non amplius terra,
 Non parcarum
 Fila necessitatis
 Revocare possunt,
 Inter me pater
 Terrenamque turbulentiam
 Ignis intercedat.*

Quibus iungenda sunt haec ex eodem Hymno, versus finem, petita,

Νεῦσον δὲ πᾶτερ
 Φωτὶ μίγξεισαν
 Μηκέτι δύναι
 Ἐς χθονὸς ἄταν.

*Anue pater
 Vt luci mixta mens mea
 Non amplius demergatur
 In terrae sordes.*

Vno verbo, in schola Gnosticorum receptum etiam erat illud Pythagoraeorum et Platoniceorum dogma (y), mori animam, cum ad corporis inferna demergitur; vivere autem, cum ad supera post corpus mortuum evadit.

§ 11. 3. Quia etiam regnum illud praesupponit resurrectionem corporis.

Observari nunc velim tertio, regnum illud Millennarium,

(x) Gnostici per naturam intelligunt ordinem et harmoniam Mundi Materialis, pendentem ex Astris.

(y) Macrobius in Somn. Scipionis Lib. 1 c. x fin. Vide et eundem omnino prolixè hac de re disputantem eodem Libro cap. xi.

rium, quod Cerintho tribuitur, praecedere resurrectionem corporum demortuorum. Cui verba de Cerintho, supra citata, ita sonant: *Affirmat post resurrectionem, regnum Christi in terris futurum.* Et sic alii similiter. Si veteres audimus, docuit Cerinthus, imminente regni Millenarii tempore, resurrecturum esse primo Christum ipsum, et deinde cum ipso pios. Primo inquam Cerinthus, si fides est veteribus, docuit, Christum ipsum sub tempus regni Millenarii resurrecturum esse. Testem habeo *Epiphanium* in Haeresi xxviii § 6: *Cerinthus dicere nihil est veritus, passum quidem, ac crucifixum esse Christum, nondum tamen a mortuis excitatum, ac tum demum, cum mortui resurgent omnes, excitandum.* Ibidem, quod observasse non piget, doctrinae huic Cerinthus inhaeret, eamque prolixè convellit. Vnde patet, apud eundem § 1 haec non recte ita legi: *Docuit Cerinthus, Iesum obiisse mortem, et ad vitam excitatum esse.* Concilio igitur, pro eo, quod hodie in Graeco legitur, πεποθότα δὲ τὸν Ἰησοῦν, καὶ πάλιν ἐγχευμένον, *Epiphanium* scripsisse, μὴ πάλιν ἐγχευμένον, *Iesum obiisse mortem, postea ad vitam non excitatum.* Eodem modo Cerinthus haeresin, ex scriptoribus Graecis, repraesentat *Timotheus* Presbyter CPlitanus, in libro de receptione haereticorum (z): *Cerinthus ait, Christum quidem cruci affixum fuisse, sed nondum resurrexisse, resurrecturum vero tempore resurrectionis universalis.* Ex Latinis scriptoribus haec de Cerintho memoriae prodidit *Philastrius Brixienensis* de haeresibus cap. 36: *Docet autem, Christum nondum resurrexisse a mortuis, sed surrecturum annuntiat.* Cum quo con-

con-

(z) In *Cotelerii* Monumentis Ecclesiae Graecae Tom. III p. 388.

consentit *Augustinus* de Cerinthianis in Haeresi viii ita scribens: *Iesum hominem tantummodo fuisse, nec resurrexisse, sed resurrecturum asseverant.* Cui iungere possumus auctorem *Praedestinati*, a. *Sirmondo* editum, cuius totidem fere ea de re verba leguntur Lib. i de haeresibus c. 8. En! integram testium nubem, de Cerintho id affirmantium. His tamen omnibus viri doctrina excellentes opponunt testimonium istud *Irenaei*, ex Lib. i c. xxv § 1. edit. *Massueti* peritum: *In fine autem revolasse iterum Christum ac Iesu, et Iesum passum esse et resurrexisse.* Ex eo conficere volunt, Cerinthum de resurrectione Christi ex mortuis nihil aliud tradidisse, quam quod Ecclesia catholica semper docuit. Quodsi autem ego testimonia reliquorum scriptorum, quibus nunc usus sum, meditate expendo, non possum non vehementer probare (a) eorum coniecturam, qui apud *Irenaeum* reponeere malunt: *Iesum passum esse, nec resurrexisse*, quemadmodum apud *Augustinum* et auctorem *Praedestinati* etiam legimus. Accedit, ad testimonia modo prolata, eorum auctoritas, qui *Carpocrati* sententiam similem attribuunt. Quos inter *Philastrius* est, qui c. 36 de *Carpocrate* haec scribit: *Iesu animam in coelum susceptam praedicat: carnem vero in terra (b) dimissam aestimat.* Non dicitur *Carpocrates* docuisse, carnem Christi aliquando resurrecturam esse, sed negat tantum eam haecenus resurrexisse. In eo Cerinthum cum *Carpocrate* eadem sensisse, persuasus utique sum. Et id ipsum de Cerintho testatur *Irenaeus*.
Sed

(a) *Colbergius* de origine et progressu haeresium cap. i § 9, p. 23.

(b) *Dimissam*, inquit *B. Fabricius* in notis ad illum locum, *id est, immissam sepulchro ibique relictam.*

Sed postquam Cerintho imputatus fuit Chiliasmus, sententia eius de Iesu talis necessario concipi debuit, Iesu corpus nondum resurrexisse, sed aliquando tamen appropinquante regno Millenario resurrecturum esse. In gratiam eiusdem Chiliasmi, Cerintho adscripti, doctrina ipsi talis quoque tribulatio necessario debuit, cum Christo resurrecturos esse etiam pios: id enim exigit ratio regni Millenarii. *Afirmavit* igitur, uti quidem Caius asseverat, post resurrectionem, *regnum Christi in terris futurum.*

§ 12. *E Gnosticis nemo credidit resurrectionem corporis, neque Christi, neque piorum, sive factam, sive aliquando futuram.*

Haec igitur nos de doctrina Cerinthi credere iubent veteres, secuti Caium; verum tamen, quod pace ipsorum dixerim, hanc rem non mihi persuadent. Etenim illa evertit placita radicalia Gnosticorum, ab omnibus recepta. Equidem libens fateor, de resurrectione corporis Christi Gnosticis non omnibus eandem stetisse sententiam (c): neque enim de natura corporis huius consentanea sibi invicem docebant. Longe plurimis indignum prorsus videbatur, unigenitum Dei Filium compagibus corporis talis, quale est nostrum, includere. Ea de causa, Verbum Dei umbra quadam et larva tantum corporis nostri fallente, amictum fuisse censebant, in qua visus tantum fuerit nasci, pati, mori, ac resuscitari, cum nihil eorum re ipsa ac vere contigisset. Hos igitur resurrectionem corporis

(c) Operae pretium est, consulere super hoc argumento, *Histoire de Manichéisme* de Mr. de Beausobre Tom. II p. 105, et imprimis p. 137.

poris Iesu Christi veram negasse ac reiecisſe, in pro-
 patulo eſt. Erant alii, qui, testimoniis Scripturae di-
 fertiſſimis de Ieſu vera nativitate vel incarnatione
 pleniorẽ fidẽ adhibentes, corpus ipſi tribuerent ve-
 rum quidem, ſed ſubtile, aethereum, ex materia coe-
 leſti deſumptum, et in hanc terram delatum. Verum
 ne hi quidem corporis huiusmodi (d) incorruptibilis
 mortem et reſurrectionem agnoſcere poterant veram;
 ſed apparentem tantum. Ab horum omnium opinio-
 nibus diſcedebant, ſalvis tamen primis et generalib-
 uſ Gnoſticorum principiis, Carpocrates et Cerin-
 thus: aſſeverabant enim (e), Ieſum, more reliquo-
 rum omnium hominum, ex connubio Iosephi cum Ma-
 ria proſignatum, aliud non accepisse corpus, quam vul-
 gare humanum, noſtro per omnia conſimile. Nullam
 igitur aliam eſſe corporis huius ſortem, ſibi perſuade-
 re poterant, quam quae eſt, ex ſententia Gnoſticorum
 omnium, ſors corporum noſtrorum, quae a ſpiritu
 ſuo ſemel ſeparata, et in pulverem redacta, poſthaec
 in aeternum ad vitam non revocari, ſine cunctatione
 affirmabant. Haec igitur Cerinthus docuit, cum toto
 Gnoſticorum grege, de reſurrectione corporis Chriſti.
 Eadem quoque non potuit non docere de reſurrectio-
 ne cunctorum hominum, tum piorum, tum impiorum.
 Idque *Philasſtrius*, uti de aliis Gnoſticis ſaepe, ita
 ſpe-

(d) Tale corpus Chriſti concipiebat *Valentinus*, cuius
 verba exhibent *Clemens Alexandrinus* Stromat. Lib. III
 p. 451, et *Bardeſanes*, cuius doctrina explicatur in dialogo
 adverſus Marcionitas, qui ſub nomine *Origenis* editus eſt,
 Sect. IV p. 105, 108, 109 ſqq. Conſuli etiam poteſt Mr.
de Beaufobre lib. cit. p. 137.

(e) Id de Carpocrate et Cerintho teſtantur omnes, qui
 haereſes ipſorum explicant.

speciatim de *Carpocrate* observare non neglexit cap: 35: *Animi salutem solum, carnis autem non fieri (f) salutem opinatur.* Idem profecto de *Cerintho* pariter testarentur veteres quidam, nisi dogma a *Caio* ipsi tributum, post resurrectionem regnum Christi in terris futurum, scrupulum ipsis inieciisset. Verum, quod de *Cerintho* ipso affirmare ideo veriti sunt, id saltem, quoniam res in universum negari non poterat, de *Cerinthianis* quibusdam memoriae prodiderunt. Auctor enim est *Epiphanius* *Haeresi xxviii § 6 pag. 114: Alii ex Cerinthianis mortuos surrecturos umquam, funditus negant.*

§ 13. *De resurrectione quidem loquuntur Gnostici; sed tum non intelligunt resurrectionem corporis aut carnis.*

Non gravate tamen largiar, in scholis et *Cerinthi* et *Cerinthianorum*, auditum subinde fuisse de resurrectione aliqua, cum ipsius Christi Domini, tum piorum quoque cum ipso, et utramque ab iis etiam adstructam fuisse. *Gnosticos* certe, quorum pars fuerunt *Cerinthiani*, utramque hanc resurrectionem crepasse, et sermonibus crebris usurpasse, tum ex ipsorum horum hominum fragmentis, quae supersunt, tum ex libris eorum, qui adversus ipsos disputarunt, non obscure intelligitur. De *Cerinthianis* sigillatim *Epiphanius* scriptum reliquit *Haeresi xxviii § 6.* quod pro mortuis baptismum vicarium instituerint, ne illi, in resurrectione cum aliis excitati, poenam neglectae

(f) Per salutem corporis designari eius resurrectionem, recussime in notis ad eum locum observavit *Fabricius*.

baptismi luant, et sub potestate Creatoris maneant. Verum ipse hic *Epiphani* locus indicio mihi esse potuit, quomodo *Cerinthus*, et resurrectionem mortuorum, et insecutum mox regnum Millenarium, intellectum cupiat. Certe hic sermonem non esse de resurrectione corporis, sed de resurrectione animae, a mente spirituali, iuxta hos homines, distinctae, eamque resurrectionem, secundum eorundem placita, fieri non in terra, sed in regione aliqua coelesti, suo loco, ex disciplina Gnosticorum tam luculenter docebo, totque idoneis testimoniis demonstrabo, ut dubitationi locus nullus superfuturus sit. Aliquid subodoratus hic est auctor libri, Theologis nostris minus probati, qui inscribitur (g) *Platonismus retectus*. Recte is doctrinam *Cerinthi* de resurrectione allegorice interpretandam esse censet. Verum dum is resurrectionem hanc unice explicat (h) de *regeneratione Evangelica* aut de *statu mentis contemplativo*, doctrinam Gnosticorum de resurrectione nondum satis est affecutus. Nos eam, in Dissertationibus secuturis, propriis Gnosticorum verbis explicatam dabimus.

§ 14. 4. Quia in regno Millenario nubia cum foeminis promittuntur.

Superest unum in regno *Cerinthi* Millenario, quale id

(g) *Le Platonisme dévoilé* (cuius auctor fuit quidam *Souverain* Ecclesiae quondam Ref. Theologus; sed propter peculiare sibi sententias exauctoratus) Part. 1 cap. xx p. 260.

(h) Per *resurrectionem*, Gnosticos in genere intellexisse regenerationem, renovationem, et illuminationem mentis, notum est. Eo respexit Paulus 2 Tim. 11. 18.

id nobis *Caius* repraesentat, quod intactum praetermittere nolim, nam et ex eo argumentum capere licebit, tale regnum a Cerintho cogitari et adstrui non potuisse. Si *Calum*, et alios, qui hunc sequuntur, audimus, Cerinthus in regno Millenario suis etiam promisit (i) connubia, amores mulierum, et voluptatum carnalium, cum his explendarum, satietatem. Quod, quomodo cum placitis Gnosticorum primariis, quae etiam Cerintho in deliciis fuerunt, amice conciliari queat, viderint, qui talem nobis haeretici huius doctrinam fingunt. Gnostici omnes copulam carnalem viri cum muliere, quippe per quam corpora, tristitia illa animarum ergastula, multiplicarentur et propagarentur, tamquam ingens malum et sapienti sollicitè vitandum, abhorrebant. *Saturninus* ideo matrimonium non verebatur dicere opus diaboli. *Marcion* non admittebat ad communionem coetus sui, nisi virginem, aut coniuge orbatum, et posthaec operibus matrimonii renuntiantem. *Tatianus* coniugium pariter damnabat. *Manes* connubia dissuadebat omnibus; electis vero suis usu eorum etiam interdicebat. *Docetas*, sectam Gnosticorum non ignobilem, matrimonium pariter contemptui ac odio habuisset alio (k) loco pluribus iam a me monitum fuit. Qui reliqua hac de re modestius sentiebant et differebant, matrimonium habebant pro malo, necessario quidem, sed tamen malo. Hi quidem, memores praecepti Apostolici, *satiùs esse nubere, quam uri* (l), illis, qui con-

(i) Videri possunt testimonia, in Diff. 1 § 4, 5, 6. allata.

(k) In Dissertatione de *Iezabele Pseudo-Prophetissa Thyatirenorum* § VII et XII.

(l) Ita *Isidorus*, vir magnae apud Gnosticos auctoritatis, li 2 cu

concupiscentiae flammis se incendi scirent, matrimonium castum ac sanctum suadebant. Tale exemplum ipsi quidam celebriores coetus huius doctores aliis prae-buerunt, *Carpocrates*, cuius filius *Epiphanes* non in-
celebris existit, *Basilides*, qui filium suscepit *Isidorum*, cuius non exigua fuit inter Gnosticos existimatio, et alii. Cum praeterea, sine matrimonii usu, Ecclesia nec ex hominibus colligi, nec inter homines diu con-
servari posset, ita iudicabant (m), *generationem per connubium non esse vituperandam, esse potius necessa-
riam ad salutem credentium; oportere itaque, ut generatio haec continuetur, donec semen praedestina-
tum congregatum fuerit.* Sed, quod iam monui, matrimonia tamen numerabant inter mala tristia huius mundi, a quibus liberari discupiebant. Doctrina haec
satis clare tradita erat, in *Euangelio Apocrypho, se-
cundum Aegyptios*, quod Gnostici magna cum vene-
ratione recipiebant. In eo igitur (n) haec legeban-
tur: *Dixit Servator, Veni ad dissolvendum opera foe-
minae. Foemina est cupiditas, opera vero eius gene-
ratio et interitus.* In eodem Servator dixit *Salomae*,
sousque fore mortem, quousque mulieres parerent,
quia

cuius, ex *Moralium Libris*, locus legitur apud *Clementem Alexandrinum Stromatum Lib. III p. 427.* Sed locum hunc, negligentia librariorum inquinatum, et in versione vulgata male habitum, egregie explicat *I. E. Grabius in Spicilegio seculi II p. 66, 67.* Editionem praestantissimam Oxoniensem, dum haec scribo, evolvere non licet. [In ea tantum *Grabii* animadversio reperitur t. I p. 509, 510.]

(m) Vide *Clementis Alexandrini* excerpta ex *Theodoti Valentiniani doctrina Orientali*, § 67, [t. II p. 985] in *Fabricii Bibliotheca Graeca. Vol. V p. 170.*

(n) Fragmenta huius *Euangelii* diligenter collegerunt *I. E. Grabius in Spicilegio sec. I* et *Fabricius in Codice Apocrypho N. Testamenti.*

quia, secundum doctrinam Gnosticorum, corpora omnia, partu mulierum in lucem edita, necessario intereunt. Legebantur et hæc in Evangelio illo: *Interrogatus a quodam Dominus, quando venturum esset regnum eius, dixit: Cum duo erunt unam, et exterior pars hominis (corpus) similis facta fuerit interiori (spiritui) et masculum cum foemina, neque mas neque foemina (o)* Gnostici cum Cerintho loquebantur quidem de regno Domini futuro, et de nuptiis tum celebrandis; sed quæ omnia, uti vel ex hoc scripturae ipsorum liquet, modo spirituali et coelesti, interpretabantur, quod etiam nos in dissertationibus sequentibus ad liquidum deducemus.

§ 15. *Obiectio adversus hætenus dicta removetur.*

Non sum nescius, *Carpocratianis*, quorum doctrinam tenuit etiam Cerinthus, libidines nefandas, voluptates obscenas, et doctrinam de rebus his, vel in Ethnico execrandam, imputari. Verum neque hic dissimulabo, quod alia occasione (p) iam monui, omnes has antiquorum, de Gnosticorum impietatibus, relationes, mihi magnopere, et iure quidem suspectas videri. Nemo mihi facile persuadebit, *Carpoc-*

(o) Nimium festinans verba ista non recte interpretatus sum, quorum hic est sensus: *Regnum Domini aderit, quando anima, quæ complectitur spiritum, eiusque est veluti vestimentum, naturam spirituales induerit, vel spiritus factum fuerit.* Corpori in regno Domini nullus plane est locus.

(p) In Dissert. de *Iezabele* § 10.

pocratem et *Basilidem* dogmata illa impia vere tradidisse, quae ipsis scriptores quidam antiqui, aut ex male intellectis ipsorum verbis, aut ex rumusculis parum certis affingunt, et quibus propria ipsorum doctrina, uti etiam a veteribus refertur, invicte repugnat. Sed pluribus haec nunc persequi, neque licet, neque etiam opus est, cum in eodem argumento, magna cum laude versatus iam sit (q). Vir quidam doctissimus, in cuius iudicio acquiesco.

§ 16. *Ob causas allatas, etiam alii de Chiliasmo Cerinthi benignius senserunt.*

Hisce igitur de causis, viri in historia Ecclesiastica non mediocriter exercitati, in easdem cogitationes quoque inciderunt, Chiliasmum Cerinthi talem non esse, qualis vulgo fingi credique solet. *Iohannem* certe *Fechtium*, celebrem quondam Theologum Rostochiensem, et *Christ. Kochium*, Pastorem Ecclesiae Magdeburgicae, mitius sensisse de regno Millenario Cerinthi, ceu quod in sensum magis spirituales interpretari possis ac debeas, disco ex Commentario, quem de vita sua edidit *Ioh. Wilh. Petersenius* p. 353, 373 cum quo tamen conferenda erunt *Th. Ittigii* selecta capita Hist. Eccles. seculi I p. 293 ac sqq., neque ab hac sententia abluere celeberr. *Moshemium*, ex institutionibus maioribus Hist. Christ. seculi I p. 458 non sine voluptate intellexi (r). Meum nunc erit di-

(q) *Mr. de Beausobre Dissertation sur les Adamites* part. II, et dans *l'histoire de Manichée* Tom. II p. 41 sqq. etc. et p. 731 sqq.

(r) Addendus his *Petrus Baclius* in Dictionario Histor. — Critico, artic. Cerinthæ, not. B.

distinctius veram Cerinthis de regno illo doctrinam eruere, et in aprium proferre, quod B. C. D. in frequentibus dissertationibus [*] exequar.

[*] Duae hac dissertationes, de regno Millenario ex mente *Cerinthi*, editae sunt a. 1744. Decem post annis monuit *lablonskius*, tom. 1 Inst. Hist. Christ. p. 38, „regnum illud Millenarium, quod *Cerintus* cum alijs Gnosticis adstruxit, non esse in hac nostra terra, sed in regione aliqua coelesti quaerendum”, addiditque „reliquas dissertationes, sententiam meam uberius declaraturas, Deo volente, brevi addam”. Promissas istas dissertationes in lucem exiisse, vix credibile videtur, cum non ita diu post, quam haec scripsisset, *lablonskius* fato functus sit.

I N D I C E S.

Loci Codicis Sacri, quibus lux affertur.

Genesis.

K. 2 . . . pag. 138.
 23 137.
 XLIV. 2 sqq. . . . 136.

Psalms.

XLV. 3 386, 387.

Isaias.

KXXIII. 18 . . . 258, 259.
 LI. 17 136.
 LIII. 2 . . . 385—387.

Jeremias.

XXVII et XXVIII. }
 L. 17, 18 } 129.

Ezechiel.

XXIII. 23 }
 XXXII. 15—17 } pag. 129.

Daniel.

I. 4 129.

Micha.

V. 5 129.

Euang. Iohannis.

X. 16 161.

Acta Apostol.

II. 8, 9 . . . pag. 23.
 XIV. 11 5 sqq.

<p><i>Epist. ad Romanos.</i></p> <p>IX. totum . . . 143—153.</p> <p>XI. fere totum . . . 165—177.</p> <p> 25 . . . 164—168.</p> <p> 26 . . . 154—184.</p> <p><i>Ep. I ad Corinth.</i></p> <p>I. 20 . . . 258, 259.</p> <p><i>Ep. II ad Corinth.</i></p> <p>V. 16 . . . 185—201.</p> <p><i>Ep. ad Ephes.</i> . . 215, 216.</p> <p><i>Ep. ad Coloff.</i></p> <p>II. 18 . . . 223, 224.</p> <p>IV. 16 . . . 202—224.</p>	<p><i>Ep. I ad Timoth.</i> 295—298, 311—313.</p> <p><i>Ep. II ad Timoth.</i></p> <p>II. 18 498.</p> <p><i>Ep. ad Hebraeos.</i></p> <p>A quo, quando, unde et ad quos scripta . . 295— 300.</p> <p>X. 34 296.</p> <p>XII. 18, 19 . . 297, 300.</p> <p><i>Apoc. Iohannis.</i></p> <p>II. 20 225—260 261—286.</p> <p>I Maccab. XII. 7, 21 . . 261—286.</p>
---	---



Scriptores veteres Graeci ac Latini, qui
illustrantur, emendantur, vindicantur,
castigantur.

<p>Acta Martyrum, ed. Rui- narto . . . pag. 122.</p> <p>Aelianus . . . 61, 62, 108.</p> <p>Antonini Itin. 9.</p> <p>Apollonii Rhodii Scholia- tes 43.</p>	<p>Aristophanes et eius Scho- liastes . . pag. 264—272, ac Partis huius Praef.</p> <p>Arnobius 333.</p> <p>Arrianus 140.</p> <p>Athenaeus 96—98.</p>
---	--

Calendarium Romanum pag.	Himerius pag.	27.
348, 349.	Homerus	11, 94.
Cenforinus	Hyginus	278.
Chrysothomus (Ioh.) . 6,	Inscriptioes antiquae .	73,
7, 335.		74, 232, 233,
Cicero		349—351, 414,
Claudianus		419, 420, 435—
Clemens Rom.		438.
Clemens Alexandr. . 67,	Irenaeus	494.
68, 320—327,	Isidorus	138.
331, 332, 500,	Isocrates	29.
501.	Iustinus	41.
Constantinus Porphyrog. 137,	Lactantius	279.
138.	Lampridius	401.
Dares	Lucianus	19, 82.
Epiphanius	Mela (Pomp.)	96.
491, 493.	Menander	19.
Etymologicum M. . . .	Orosius	417.
14, 59.	Philostrophatus	126.
Eusebius	Pindari Schol.	16.
Eustathius	Plautus	8, 9, 24.
Eutropius	Plinius	118, 131.
Flaccus. V. Valerius.	Plutarchus	18, 40, 81,
Freculphus		363 — 369,
Frontinus		415.
Gemmae antiquae 255—260,	Pollux	114.
360, 402—404.	Servius	47, 48, 52, 53.
Gennadius	Sophocles	25.
Georgius. v. Syncellus.	Stephanus Byz.	8, 14, 96,
Herodotus		106, 128,
83, 95, 101,		274—278,
128.		281.
Hesiodi Scholiafles . .	Strabo	11, 14, 15,
Helychius		18, 48, 61,
64, 65, 69,		64, 71, 88,
70, 71, 80,		91, 94, 96,
81, 82, 84,		99, 101, 109,
88, 89, 90,		134, 135.
91, 93, 104,	Suidas	67, 105, 279,
105, 107, 108,		280.
113, 114, 115.		Syn

Syncellus (Georgius)	pag. 278, 279.	Tzetzes	pag. 85.
Tertullianus	. . 32, 33, 477.	Valerius Flaccus	. . 53.
Theocritus	. . . 139.	Varro	. . . 52, 53.
Theodoretus	. . 453, 454.	Velleius Paterculus	. . 29.
Theopompus	. . . 19.	Vitruvius	. . . 90, 94.
		Xenophon	. . . 97, 116.

Voces origine Graecae, aut peregrinae,
quae apud Graecos Scriptores in-
veniuntur.

Ἀβακλῆς	pag. 79.	ἀνδρῶνες	pag. 72.
ἄβελίη	. . . 107.	ἀποθράζειν	} 270, 271, Praef.
ἄβωβάς	. . 107, 108.	ἀποθράττειν	
ἄγδεσις	. . . 64.	ἀποθριάζειν	. 267, 271.
ἄγνεών	. . . 79, 80.	ἀποκλισημί	. . 299.
ἄγριόφωνος	. . 11, 94.	ἀποκεφαλίζειν	. . 33.
ἄδάμνα, ἄδαμνεῖν	. 64.	ἀποκολοκαύτωσις	. 116.
ἄδραμῶν	. . . 80.	ἀπονέμανα	. . . 133.
ἄδωνιμασιδός	. . . 113.	ἀποτάσσεσθαι τι	. 33.
ἄξην	ἄραιότατα	. . . 133.
ἄθυμβρος 95.	ἄρακος 81.
αἰμώνια 80.	ἄργυῖτας 65.
αἰχμαλωτίζεισθαι	. 33.	ἄριμα 81.
ἄκόνιτον	. . 113, 114.	ἄρμάν 76.
ἄκρισίας 76.	ἄρμάτειον 65.
ἄκρισις	. . . 64, 65.	ἄρτεμις 66.
ἄκυλον 80.	ἄρφύταινον 81.
ἄλας 95.	ἄτραλία 81.
ἄμασλης 80.	ἄττάλη 66.

Bz-

Βαγαῖος	66.	διάλεκτος v. φωνή.	
βαθυμῆδαι	82.	διτιζήλη	69.
βαθυρρήγᾳλη	84.	δροῦγγος	76.
βάκκαρις	82.	δυσι, δυοῖν	33.
βαλῆν, βαλλήν	66.	δωρόφορος	114.
βάμβαλον	66.	ἔκτωρ	56, 69.
βάνδα }	96.	ἐλαύνειν	33.
βάνδος }	96.	ἐλευθέρα	103.
βαρβαρίζειν }	27.	ἐνωτίζειν	33.
βαρβαρισμός }	27.	ἔπαυλις	8, 9.
βάρβαρος et βαρβαρό-		ἐπιφάνεια	359.
φωνος differunt	9—	ἔποικος	19.
	13.	ἐσχάτως ἔχειν	33.
βαρβαρονομία	10, 11.	εὐκαιρεῖν	33.
βασιλέα	82.	Ζακυνθίδες	93.
βάσκε πικρολέα	93.	ζάρβα	125.
βάσσαρις	82, 83.	ζείλα, ζίλαι	43.
βασιζακρόλεα	93.	ζέλκια	70.
βεδύ, βέδυ	67, 68.	ζέμελεν	76.
βεκδες, βεκκός	68.	ζευματήν	76.
βενδιαῖος	112.	Ἡμιβάρβαρος	36.
βοηδρομεῖν	96.	Ἰβρι	84.
βρικίσματα	69.	ἰδάρνας	102.
βώριμος, βώρμος	114.	ἱμβραμος	102.
Γάγγρα	116.	ἱμβροὺς, ἱμβοὺς	84.
γάλλαρος	69.	ἰόνδας	116.
γάλλος	113.	ἴωπι	93.
γάνος	69, 112.	Καβάρνος	79.
γέλαρος	76.	καδρέμα	104.
γέλας	96.	καλαβρισμός, κολα-	
γίγγραν	96, 97.	βρισμός, καλα-	
γλουρός	69.	βρίζειν, κολαβρί-	
Δακίη	134, 135.	ζειν	97, 98.
δάος	57.	κάνδαυλος	86.
δέλβεια	8.	κάπυς	86.

κάρδα	136.	μυσή	89.
καρίται	98.	μύσης	90.
καρύκη	87.	μώλαξ	90.
καύνακες }	140.	μῶμαρ	119.
καυνάκαι }		μῶς	91.
κίκλη	70.	Νάβλα	139.
κίμερος	70.	νηξίς	139, 140.
κοαλδδεῖν	87.	νηάτος }	71.
κόνδυ	136.	νιήατος }	
κύβδα	102.	νῶρικος	71, 74.
κυβήκη	70.	Ξενῶνες	72.
κῶς	98.	Ὀκνος	113.
Λάβρυς	87.	Ἰρου	76.
λαγινίτη	98, 99.	οὔανοῦν	72.
λαίλας	88.	οὔριος	72, 73.
λάψα	107.	Πάλμυς	91, 92.
λεβητωνῆριον	112.	παραμήνη	93.
λέξις. v. Φωνή.		πάταρα	104.
ληκύθιον	102.	πειρατής	98.
λιτυέρσας	76.	πετήλια	104.
Μᾶ	70.	πετρήσσαι	16.
μάγαδιν	88, 89.	πίναρα	104.
μάνικα	71.	πλύνειν	32.
μάρκα, μάρρα	117.	προσΦάγιον	33.
μάσαρις	99.	P literae usus frequen-	
μαυλισηρίον	93.	tior apud Eleos	12.
μεγίσσα	100.	Σαβάζιος	74.
μέθυσος	42.	σάγαρις	115.
μερμνάδες	89.	σανάπη	42, 43.
μηδεὺς, μηδινεύς	89.	σάρπους	113.
μηκαλεύς	100.	σισθή	104, 105.
μητρόπολις	137.	σκύλον	85.
μιγάδες	35.	σμίνθος	75.
μιξέλλην	36.	σοῦαν	100.
μιξοβάρβαρος	36.	σοῦσα	76.

σπᾶρα

σπάρτοι pag. 277 — 280.	τύμηννα 103.
στρυμόνιοι 112.	τυμισσός 100.
σύγχος 75.	Ίδωρ 50.
Τάργανον 92.	Φιλέταιρις 92.
τάσνος 76.	Φωνή, διάλεκτος, λέ-
τέγοῦν 93.	ξις, differunt . . . 10.
τιάρα 75.	Ώσογώ 100, 101.
τουσσύλος 100.	



Vocabula Latina, aut peregrina in libris
scriptorum Latinorum occurrentia.

Aconitum pag. 114.	Heluacea 84.
agrus 76.	Moly 139.
ambrosia 134.	Phengites 140.
amphibalum 439.	pifa 92.
armala 133.	Riscus 74.
attagus 76.	Sminthus 75.
Conventus 120.	Tiara 75.
curnim 104.	
Eporedieae, eporedi-	
tac 118.	
Foruix pag. 79.	

Index rerum praecipuarum.

Adagous, numen Phry-	Adonis pag. 207, 208.
gium pag. 64.	Agdeftis, mater deorum . 64.
	Aman-

- Amandra**, nomen antiquum Iconii . . . pag. 9, 14.
- Amazonum** historia et lingua . . . 41—43.
- Amphibalus**, sanctus confictus . . . 439.
- Apollo** ἑρσύμιος et ἑρσέβιος . . . 103, 104.
- Argaeus** mons . . . 133.
- Assyriaca** lingua vetusta . . . 127—132.
- Assyrii** distincti a Chaldaeis et Babylonii . . . 129.
- Athenienses**, quo sensu Saitarum ἑποικοι . . . 19.
- Atianus**, sanctus confictus . . . 437, 438.
- Bacchus**, Μάσαρις . . . 99.
- Baraterii** (L. P.) laus . . . 271.
- Barbari** quoniam dicti a Graecis . . . 23 et seqq.
- Barbarismorum** varia genera . . . 9 et seqq.
- Basilidiani** . . . 328—332.
- Batabaces**, nomen proprium, sed varie scriptum . . . 66, 67.
- Bentleii** (R.) sententia de lingua Lycaonica . . . 57.
- Bithyni** dicti ἀλιζῶνες, et σφυμένιοι . . . 111, 112.
- Bithynia** appellata Phrygia Maior et Mariandyna . . . 109.
- Bithynorum** lingua . . . 109—113.
- reges . . . 110—112.
- Boernerii** (C. F.) laus . . . 141, 142.
- Briazus** . . . pag. 112.
- Briges** iidem qui Phryges . . . 492.
- Byzis** : . . . 112.
- Caii** testimonium de opinione Cerinthi, quantum ad regnum Christi Millenarium . . . 448—452, 476—481.
- Calendarium** Romanum . . . 348, 349.
- Candaules** . . . 85.
- Cappadocum** lingua . . . 126.
- menses . . . 133, 134, 137, 140, 141.
- Cares** dicti βαρβαροφωνοι . . . 11.
- Carum** lingua . . . 34, 94—102.
- Carpocrates** . . . 482, 483, 501, 502.
- Cerinthi** nomen, aetas, religio, ratio studiorum et vitae . . . 443—447.
- vera opinio de regno Christi Millenario . . . 448—503.
- Chaldaeorum** et Babyloniorum nomen promiscue usurpatum . . . 139, 131.
- Christi** imaginum origo in Ecclesia Christiana . . . 377—406.
- natale festum . . . 317—376.
- notitia, quae est nobis necessaria, quae non item . . . 185 sqq.
- Christi

- Christi Regnum Millennarium . . . 448—503.
 Circumcisio apud varias gentes in usu . . . 265, 266.
 Claudius Iulius . . . 275.
 Colchi 38.
 Comana dea 136.
 Curator viarum . . . 435, 436.
 Curiositas quaedam in rebus sacris illicita 198—200.
 Cyprii Barbaris annumerati 27.
 Dardanus 52, 53.
 Defanaus, Hercules . . . 135.
 Diana *ἐλευθερά* . . . : 103.
 — Perasia 140.
 Dianae nomen *Ἀρτεμις* Phrygium 66.
 Dionysii Alex. testimonium de Cerinthi opinione, quantum ad regnum Christi Millennium 452, 453.
 Ebion et Ebionaei . . . 446, 447, 472—474.
 Eleorum *βαρβαροφωνία* . . . 12.
 Equorum usus in bello . . 118.
 Festum in memoriam Baptismi Christi . . . 328—334.
 Festum Nativitatis Christi, in Ecclesia Christiana celebrari coeptum, sed non semper uno eodemque die, imprimis tamen d. vi Ian. et xxv Dec. . . 317—376.
 Festum Osiridis . . . 361—371.
 Festum novi Solis pag. 352—358.
 Galatarum lingua . . . 117—119.
 Gnostici . . . 222—224, 235—251, 325, 326, 360, 394—400, 486, 495—498, 501.
 Graeci sermonis usus communis . . . 121, 122.
 Grotii sententia de lingua Lycaonica 7.
 Halys fluvius 14, 15.
 Hebraei, ad quos Paulus scripsit Epistolam, qui intelligendi . . . 298—300.
 Hecate 98, 99.
 Hercules Thasius . . . 35.
 Iconium, ante dicta Amanda, unde sic nominata 9, 13, 14.
 Idathyrsi s. Indathyrsi expeditio in Asiam . . 40, 41.
 Iezabel, Apoc. 11. 20, non significat falsos doctores quoscumque, nec mulierem idololatricam e Graecis, sed mulierem Christianam ex secta Gnosticorum . . . 229 et seqq.
 Imagines Christi fuere ignotae Christianis veteribus . . . 381 seqq.
 — — — — — vulgo dictae Archetypae . . . 390.
 — — — — — de bent originem Gnosticis . . . 394—400.
 Ima-

- Imagines Christi ab his**
acceperunt Gentiles
 pag. 400, 401.
Imaginum usus in Eccle-
sia Christiana nullus
 378 — 381.
Imaginum Platonis et alio-
rum Philosophorum
summus honor . 326,
 327.
Irruptiones Aegyptio-
rum, Scytharum et
Perfarum in Asiam . 378qq.
Iuba, rex Mauritaniae . 52.
Judaea, falsa nominis o-
rigo . . . 281 — 284.
Judaeorum conversio ge-
neralis ultimo N. F.
tempore . . . 154 sqq.
Judaeorum et Lacedaemo-
niorum cognatio confi-
cta 262 sqq.
Judaeorum opinio de tri-
plici piorum statu post
mortem . . 459 — 464.
Jupiter Asbamaeus . 134.
 ——— **Ascreus** . . 81.
 ——— **Βρυχίος** . . 66.
 ——— **Carius** . . 101.
 ——— **Hecatombaeus** . 97.
 ——— **Labradensis** f.
Labrandensis . 87, 88,
 100, 101.
 ——— **Μαζεύς** . . 70.
 ——— **Μηκαλεύς** . . 100.
 ——— **Ούριος** . 72, 73.
 ——— **Πάπας, Πατριάρχης,**
Paternus . . . 73, 74.
 ——— **Στρατίος** . . 101.
 ——— **Ταρανταίος** . . 113.
Leucosyri, Assyrii . 127.
Tom. II.
Lightfootus (I.) lauda-
tur et refellitur . 9 sqq.
Lycaonia, unde dicta
 20 — 22.
Lycaonica lingua non fuit
dialectus Graeca, sed
eadem, quae Cappa-
docica . . 7 sqq. 119 —
 126.
Lycaonia (in) Christia-
nismus probatus . 122.
Lycica lingua . 102 — 106.
Lycii origine Cretenses 103.
Lydorum lingua non
fuit Graeca . 77 — 90.
Macedones adscripti Bar-
baris 50.
Macedonica lingua s. dia-
lectus . . . 30 — 33.
Macedonicorum regum
origo Argiva . 28, 29.
Maeander, cur ἀναβρι-
νων 5.
Manes et Mania, nomi-
na propria . . 53, 59.
Mar 118, 119.
Marcion . 456, 482, 483.
Mariandyni . . . 113.
Marii Imp. arcus trium-
phalis . . 415 — 411.
Marlus } non martyres
Martha } Christiani,
 sed homines.
Gentiles . 413 —
 415.
Martyres confecti . 409 —
 414, 423 — 425.
Martyrologium Roma-
num castigatum . 409
 sqq., 422 — 425,
 427.
K k **Ma-**

- Maza, Mazaca, Mazacha 71, 137.
 Melitta urbs 138.
 Mercurius *Ἰουβραῦρος* 102.
 Midias et Midia, nomina propria 59.
 Morinus (Steph.) refellitur 263 fqq.
 Mulieribus data a Gnosticis provincia publice docendi 238—243.
 Mygdon 71.
 Mylitta Venus 138, 139.
 Neoprolemi Glossae 76.
 Nisibis urbs, cuius nomen varie scribitur 18.
 Odomanti, gens Thracica, non fuere origine Iudaei, neque circumcisi 264—271.
 Pamphylia lingua 103, 106—108.
 Pamphyliorum origo 106.
 Paphlagonica lingua 115, 116.
 Patara 104.
 Paulus Apost. non est profectus in Hispaniam 302—302.
 ——— concessit in Macedoniam 310, 311.
 ——— inde rediit Ephesum 213—316.
 ——— non scripsit ex urbe Laodicensis epistolam, quae neque Apostolica fuit, neque Canonica, sed tantum Ecclesiastica scriptaque a pastoribus Laodicensis 205 fqq.
 Paulus. Eius res gestae a Luca non narratae pag 289—316.
 ——— e vinculis Romanis liberatus 292—295.
 ——— istis vinculis solutus scripsit epistolas ad Hebraeos et priorem ad Timotheum 295—298, 311—313.
 ———. Eius epistola ad Ephesicos non scripta est ad Laodicensis 215, 216.
 ——— Ipsius acta Cretica, in Palaestina, Syria, Asia minori, alibi 303—310.
 Perfrage 108.
 Persicae linguae vestigia in aliis 43, 44.
 Phaselitae 105.
 Phryges non origine Graeci, sed Thraces, dicti etiam Briges 47, 49 fqq.
 Phrygia maior et minor 54, 55.
 Phrygium lingua non fuit dialectus Graeca 45 et seqq.
 Pinara 104.
 Piorum hominum conditio post mortem corporis, e sententia Iudaeorum, Patrum Ecclesiasticorum, atque Cerinthi 459—469 fqq.
 Pisidarum lingua 108, 109.
 Providentia Dei valde con-

- conspicua in conserva-
tione populi Iudaici
pag. 177, 178.
Pytho unde dicta Petro-
fa 15, 16.
Resurrectio Christi et
piorum hominum ne-
gata a Gnosticis 495 — 498.
Rhamfes non idem qui
Rhampsinitus, sed Se-
sostris 39.
Ryckii (Th.) sententia
de lingua Phrygia re-
fellitur 45 sqq.
Sabazius Bacchus . . . 74.
Saclœ, Thecla . . . 257,
260.
Sagarius fluvius . . . 75.
Sancti incogniti et con-
ficti 407 — 440.
Scaligeri (I. L.) error
12.
Sesostris nomen varie
scriptum, eiusque ex-
peditio 37, 38.
Sol appellatur Invictus
349 — 352.
Spartanorum testimo-
nium de cognatione Iu-
daeorum cum Laca-
daemoniis . . . 262 sqq.
Sparti, quales . . . 277 —
280.
Superstitio, dudum apud
Christianos nata, sub-
inde crevit . . . 194 — 196.
Teutobochus . . . 417 — 420.
Thecla 251 — 259.
Thracum lingua . . . 51.
Thyatira 228, 229.
Tmolus, Timolus . . . 90, 91.
Troiani origine diversi a
Phrygibus 54.
—— non Graeci, fed
Barbari 60, 61.
Vdaeus 281 — 284.
Vrbium ac regionum ear-
undem nomina varia
17, 18.
Valentinus 466.
Viarius, Sanctus exigno-
rantia natus . . . 435, 436.
Vossii (G. I.) error . . 12.
Witfii (H.) laus . . . 156,
157, 188.
Xanthi Lydiaca . . . 80.
Zacharias, pater Iohan-
nis Baptistae, non
fuit Pontifex M. . . 340 —
342.
Zipoetes 110, 111.




Addenda et corrigenda.

<i>Pag.</i> 65. l. 16.	Scholia	<i>lege</i>	Scholiasten
80. l. 25.	[*] De <i>Xantho</i> Lydio, eiusque <i>Lydiactis</i> et horum <i>Fragmentis</i> , quae supersunt, di- ligenter inprimis dixit <i>Frid. Creuzer</i> , Vir Clar., ad Historicorum Graecorum antiquis- simorum <i>Fragmenta</i> , p. 135—222, cuius animadversiones de <i>Lydiis</i> , <i>Mytis</i> eorumque vicinis, comparari velim cum <i>Iablonskianis</i> .		
<i>Pag.</i> 104. l. 15.	Huic	<i>lege</i>	Hinc
136. l. 6.	ἀραικὸς	—	ἀραικὸν
181. in not.	expectisnem	—	expectationem
312. l. 2.	in eo	—	ineo

Reliqua, aut a me non animadversa, aut minoris forte momenti, pro sua quisque lector benivolentia emendet. Recte monuere libro-
rum novorum Censores Batavi, tom. 11 horum Opusc. p. 122 § 7.
legi nomen *Plinii*, cum agatur de *Strabone*; p. 172 ordinem notarum
perturbatum esse, sed facile corrigendum; p. 206 l. ult. not. pro
304 legi oportere 204.

2003



XXIII^x

B

69



